

საქართველო  
საბჭოთა

საქართველოს  
ტექნიკური



საქართველოს საბჭოთა მწერლების კავშირი  
გამომცემლობა  
„ლიტერატურა და ხელოვნება“  
თბილისი  
1963

**ნიგნი შეადგინა, ბოლოსიტყვაობა და შენიშვნები დაურთო  
თეიმურაზ ფირაღიშვილმა.**

„შორეული თვისიანი“ უწოდა ჭერ კიდევ უცხოეთში მოღვაწე  
არტურ ლაისტს ილია ჭავჭავაძემ.

არტურ ლაისტი იყო ქართველი ერის მეგობარი, რომელსაც  
გულით უყვარდა ჩვენი ხალხის სულიერი კულტურა, მისი ბუნება.

ეს კრებული შეიცავს წერილებს მიძღვნილს საქართველოს  
ისტორიისადმი და ქართული ლიტერატურისადმი.

# მომზადებულია ილიას ჩემთვის

## პირველად ილიასთან

ილია ჭავჭავაძე პირველად ვნახე და გავიცანი 1885 წელს, მაშინ პოეტი მხოლოდ 45 წლისა იყო. კვლავ ძლიერი ჰქონდა გონება, ნიჭი, ლიტერატურისა და პოეზიის სიყვარული, მწვენიერების შეცნობისა და მისით აღტაცების უნარი. როცა ილიას დაეუახლოვდი, შევიგენი—რაოდენ დიდი სულისა და ნათელი ჰკუის კაცი იყო. ხალხში, ჩვეულებრივად, სრულ სიმშვიდეს იჩენდა. არასოდეს ცდილობდა უცნობ საზოგადოებაში ვინმე თავისი ცოდნითა და გონებით მოეხიბლა. ერთი სიტყვით, არ სურდა თავი ვინმესთვის შთლიანად გაეცნო. სულ მოკლე ხანში ჩემთვის ნათელი გახდა მისი მდიდარი ბუნება. ჩვენი ერთგული, შეუბღალავი მეგობრობა ილიას სიცოცხლის უკანასკნელ დღემდე გვაერთებდა.

მასთან ყოველდღე დავდიოდი, ამიტომაც შემთხვევა შეძლოდა გავცნობოდი ყველა მაშინდელ ლიტერატორს და ბევრ სხვასაც. ილია იმ ხანებში გულგრილად ეკიდებოდა თავისი ყოველთვიური ჟურნალის „ივერიის“ გამოცემას, მაგრამ როდესაც „დროების“ დახურვის შემდეგ, „ივერია“ ყოველდღიურ გაზეთად გადაკეთდა, ილიას ახალგაზრ-

დობამ კვლავ გაიღვიძა, პოეტი სრულიად გამოიცვალა და დიდი მხნეობით შეუდგა ახალი გაზეთის რედაქტორობას.

ქართველთა საზოგადოებრივ ცხოვრებაში „ივერიამ“ სიცოცხლის ახალი ნაკადი შეიტანა. გაზეთში თანამშრომლობა დაიწყო ბეგრმა ახალმა პოეტმა და ლიტერატორმა. „ივერიამ“ შესამჩნევად გააფართოვა გაზეთის მკითხველთა წრე. აქ იბეჭდებოდა არა მარტო კარგი მეთაური წერილები, არამედ საინტერესო ფელეტონები და ხშირად საინტერესო ლექსებიც. მათ ილია აღტაცებით მიკითხავდა ხოლმე. უხაროდა, რომ ქართულ ლირიკას ასე მკვიდრად გაედგასასიცოცხლო ფესვები. დიდი სურვილი მქონდა, ჩემი თანამემამულე ევროპელებსათვის სრულიად უცნობი ქართული ლიტერატურა გამეცნო. ილია ფიქრობდა, რომ მე უნდა შემედღინა ქართულ ლექსთა კრებული გერმანულ ენაზე. ჩვენ ორთავენი გულმოდგინედ შევუდგექით ამ საქმეს. იმხანად ქართულ ენაში მაინცდამაინც გაწაფული არ გახლდით, ამიტომ ილია სიტყვა-სიტყვით მითარგმნიდა ქართულ ტექსტს, რაც სრულიად არ ამახინჯებდა არც აზრსა და არც ლექსის პოეტურ სილამაზეს. ჩემი პირველი კრებულის დიდი ნაწილი საგურამოში ვთარგმნე. აქ პოეტის ძველი სახლის აივანზე ვისხედით ხოლმე. აქედან ერთი მხრით არაგვის მშვენიერი ხეობა და კავკასიონის ქედი მოჩანს, მეორე მხრით საგურამოს მთებია ამართული.

ნეტარხსენებულნი არიან ეს დღენი!.. ილია სადეკლამაციო ტონით ლექსებს ლექსებზე მიკითხავდა, დროდადრო თავისი სამშობლოს პოეზიის სილამაზეზე მიპითივებდა. წყნარად, დარბაისლურად და ჭეშმარიტი გზით შევყავდით მას ახალ ქვეყანაში, აღმოსავლეთის იმ ჭიშკარში, რომელიც ყმაწვილობიდანვე მიზიდავდა. ილია ხშირად შეწყვეტდა ხოლმე თარგმნას და ქართული ენის სხვადასხვა თავისებურებებზე შეუდგებოდა საუბარს, ან რომელიმე ხალხურ ჩვეულებას ახსნიდა. ბაასი და საუბარი შუალამემდე მიატანდა, ვიდრე ირგვლივ საიღუმლო მყუდროება დაისადგურებდა.

შორიდან არაგვის ხმაური ისმოდა. ილიას ხმა და ღირსშესანიშნავი აზრები ჩემს გულს განსაკუთრებულ სიამეს

ჰგვრიდა. ძლიერ უყვარდა მწერლობა, მთელი საათობით დაუსვენებლად შეეძლო ყური ეგდო ლიტერატურული საუბრისათვის. დიდი გულსყურით მისმენდა, როცა სიტყვას პოეტებზე ჩამოვადებდი. მთხოვდა, განმეგრძო მასთან საუბარი, გამეზიარებინა ნაფიქრი და ნაგრძნობი.

ამ შთაბეჭდილებათა გამო, მე მალე შემეყვარდა ეს ლამაზი კუთხე საქართველოსი; საგურამო ჩემთვის უსაყვარლესი აღგილი გახდა ამ ქვეყანაზე. ეს ტყით მოსილი მთები, რომლებიც მიდამოს განსაკუთრებულ იერს აძლევენ და მთელი წლის განმავლობაში ნაირგვარი სილამაზით ხიბლავდნენ ადამიანის თვალს. განსაკუთრებული იყო საგურამოს ზაფხული. ამ დროს აქ ბულბულის სტვენა გახშირდებოდა და შორიდანაც მთის წყაროთა საიდუმლო ლიკლიკი მოისმოდა. სიცხეში, როცა ფრთოსანთა ხმა მიწყდებოდა, კრიჭინა თავის სტვირს მომართავდა და გააბამდა თავისებურად. არა მარტო პაპანაქება დღისით, არამედ ღამითაც არ ისვენებდა. მისი ხმა პოეტურად აცხოველებდა გარემოს. ვინ იცის, რამდენჯერ დავმტკბარვართ მე და ილია საგურამოში მზის ჩასვლით. ნასადილევს, როდესაც მუხრანის მხრიდან ილია ღრუბლებს შენიშნავდა, აივანს აღარ შორდებოდა: მზის ჩასვლის სანახაობას ელოდა ხოლმე. იმ დროს ბუნების სურათი თავისი განსაკუთრებული სიმშვენიერით, მართლაც, იტაცებდა ადამიანს. სწორედ ასეთი სურათი აქვს ილიას აღწერილი „განდევნილში“.

ილიას ბუნება უყვარდა, როგორც ნამდვილ პოეტს. მე სულ სხვანაირად მიყვარდა ბუნება. ილიან მოსწონდა ბუნების მთლიანი სურათები; ტყეში სეირნობა, იქ ცალკეული ზედების ძებნა ილიას არ იზიდავდა. ძლიერ იშვიათად თუ დავითანხმებდი, ცოტა მაინც გაგვესიერნა. ბუნებაში ილიას უფრო მეტად მთლიანი ხედები ხიბლავდა. ამ დროს ტკეზბოდა და უღრტვინველ ოცნებას ეძლეოდა პოეტი.

თავისი ბალის გაშენებისათვის ილია ვერ იცლდა. თავდაპირველად აქ რამდენიმე ცაცხვი, წაბლი და იასამნის ბუჩქიც დარგო. მერე კი ბაღზე აღარ უზრუნვია.

გაზაფხულზე ხეები და ბუჩქები საამური ყვავილებით

მოიბრუნებოდა. თუმცა ილიას მათზე ნაკლებად უხდებოდა ფიქრი, მაგრამ ზოგიერთ ხეს განსაკუთრებული ყურადღებით ეკიდებოდა. სახლის უკანა ეზოში მალლობზე დარგული კაკლის დიდი ხეები, რომლებიც პოეტის სამყოფელის უმთავრეს სამკაულს შეადგენდა, ყველაზე ძვირფასი იყო მისთვის. აქ ჩრდილში ხშირად სიამოვნებდა ჩამოჯდომა. აქვე მიიბრუნებოდა სადილს, მეტადრე, როცა სტუმრები ეწვეოდნენ, განსაკუთრებით კი თავის დღეობაზე — 20 ივლისს.

რამდენი საამო სიტყვა წარმოთქმულა აქ, ბებერი კაკლის ქვეშ! რამდენჯერ უძღვრიათ მგრძნობიარედ...

ილიას უყვარდა სტუმრები, უხაროდა, როცა საგურანოში დიდი საზოგადოება და მეზობელი გლეხობა შეიკრიბებოდა დღეობაზე. მასპინძელი დიდის ამბით უხვდებოდა მათ...

## ილიას მახლობლები

ილია პირველად 1884 წელს გავიცანი, იგი ახალბებუთოვის ქუჩის კუთხეში ცხოვრობდა, სადაც ცეცხლის მქრობელი რაზმი იყო. მალე ამავე ქუჩაზე ზუბალაშვილის სახლში გადასახლდა. ეს ბინა თუმცა დიდი არ იყო, მაგრამ, სამაგიეროდ — ნათელი და მოხერხებული. მე აქაურობასთან დაკავშირებით ბევრი სასიამოვნო მოგონება დამჩნია. ილია მაშინ შედარებით ახალგაზრდა და ხალისიანი იყო, ასეთივე გახლდათ ილიას მეუღლე ოლღაც. ოლღა ყოველ წელიწადს სახლში სხვადასხვა ნივთებს ამზადებდა ალეგრი-სათვის. ალეგრი „წერა-კითხვის გამავრცელებელი საზოგადოების“ სასარგებლოდ იმართებოდა.

ილიას მეგობრები იმ დროს ყველანი ცოცხლები იყვნენ და ხშირადაც ნახულობდნენ მას. ყველაზე ახლო ნიკო ცხვედაძე ცხოვრობდა. ცხვედაძე ძლიერ გატაცებული იყო პედაგოგიური მოღვაწეობით და „ქართველთა შორის წერა-კითხვის გამავრცელებელი საზოგადოების“ საქმეებით. ოცნებობდა სათავადაზნაურო გიმნაზიის განვითარებაზე. ეს იყო იშვიათი პატიოსანი და დაუ-

ღალავი მოღვაწე. ნიკო ცხვედაძე მტკიცე, ჟურყევი ხასიათისა იყო; მას მრავალგვარ საქმეს ანდობდნენ ხოლმე, რომელთა შესრულებისას ის ყოველთვის სინდისით ხელმძღვანელობდა. მართლაც რომ პაკვირველი ადამიანი იყო. ქართველ მასწავლებელთა სასახელოდ უნდა ითქვას, რომ მათ შორის ბევრი მინახავს ცხვედაძის მსგავსი შესანიშნავი, მშვიდი და საქმის მოყვარული პიროვნება.

ნიკო ცხვედაძესთან ლაპარაკის დროს მალე გაიგებდით, რა იზიდავდა მას ყველაზე უფრო: მისი საუბარი მუდამ „წერა-კითხვის გამავრცელებელ საზოგადოებას“ ანდა სათავადაზნაურო სასწავლებელს დასტრიალებდა თავს. პირველის სიღარიბეს უჩიოდა, საზოგადოების ბევრ წევრს გადასახდელი არ შეჰქონდა. სხვა წყარო კი მას არ გააჩნდა. ვინ ფიქრობდა მაშინ თავისი ქონების ნაწილი კულტურულ და საქველმოქმედო საქმეებისათვის ეანდერძებინა? მე მგონია, ქველმოქმედების გავრცელებას თვითონ ნიკო ცხვედაძემ დიდად შეუწყო ხელი. ბოლო დროს კულტურული საქმეებისათვის ხელის შეწყობის მიზნით ქონების ნაწილის გაღება ბევრი ქართველისათვის ზნეობრივ მოვალეობად გადაიქცა.

ილია ჭავჭავაძეს ძლიერ უყვარდა ნიკო ცხვედაძე და პატივისცემითაც ეპყრობოდა საზოგადო და კეთილშობილურ საქმეებში დაუღალავი შრომისა და უმწიკვლო ხასიათის გამო.

ილია არანაკლებ პატივისმცემელი იყო ი ა კ ო ბ ც ო გ ე ბ ა შ ვ ი ლ ი ს ა, მაგრამ მას, ცოტა თუ ბევრად, კრიტიკულადაც უყურებდა. გოგებაშვილი, დიდი ჭკუის მოუხედავად, თავისნათქვამა და ხანაც ბავშვივით ეჩინიანი იყო. ეს განსაკუთრებით ეტყობოდა მის ლიტერატურულ მოღვაწეობას. საერთოდ, გოგებაშვილს მტკიცე და შეურყეველი ხასიათი ჰქონდა. ამასთან, ძლიერ გულკეთილიც იყო, რაც კი შეეძლო, ყველას ეხმარებოდა. მისი პატიოსნება ყველამ იცოდა. ილია ხშირად აქებდა გოგებაშვილის ნიჭსა და მოღვაწეობას. ამას ხომ დიდი მნიშვნელობა ჰქონდა საქართველოში საბავშვო მწერლობის დაფუძნებისათვის. აქებდა მის დამოუკიდებლობას ამ საქმეში.

გოგებაშვილი მუდამ აუმჯობესებდა თავის წიგნებს და ამნაირად შექმნა ფრიალ უსაჭიროესი სახელმძღვანელოები ქართველ ბავშვთათვის.

გოგებაშვილი საქართველოში პირველთაგანი იყო, რომელიც თავისი წიგნების შემოსავლით ცხოვრობდა. ეს წიგნები იყო მისი შვილებიც. დღედაღამ მათ გაუაზრებებზე ფიქრობდა და ამავე დროს გამუდმებით მუშაობდა პედაგოგიკაში, რასაც დიდი სარგებლობა მოჰქონდა საქმისათვის.

მთელი ოცდარვა წლის განმავლობაში იაკობ გოგებაშვილთან ურთიერთობა არ შემეწყვეტია, ხშირად მივდიოდი მასთან. იაკობს ერთი ნაკლი შევამჩნიე — ნაკლებად იცნობდა პრაქტიკულ ცხოვრებას. იგი უფრო თეორეტიკოსი იყო და კაბინეტში მოპუშავე მეცნიერი. მაგრამ, მიუხედავად ამისა, თავისი ნიჭისა და ბუნებრივი ალღოს წყალობით რამდენიმე ისეთი წიგნი შექმნა, რომლებშიაც გამოცდილებაა ჩანს და ცხოვრების ცოდნაც.

იაკობ გოგებაშვილი ილიას მხოლოდ საქმის გამო ესტუმრებოდა ხოლმე. მაგრამ არ მახსოვს, რომ ის ოდესმე მასთან სადილად ან ვახშმად დარჩენილიყო; საზოგადოდ, იაკობი არავისთან დადიოდა. ასეთი კაცი იყო — თავისას კმარობდა და სხვისგან არაფერს იღებდა. და თუ მოხდებოდა, რომ საჩუქარზე უარი აღარ ეთქმოდა, ცდილობდა სამაგიერო გადაეხადა.

ღიახ, გოგებაშვილი ფაქიზი და ნათელი პიროვნება იყო, ნამღვილი პედაგოგი-მწერალი. იგი თავის სიცოცხლეში მუდამ სწავლობდა და სხვასაც ასწავლიდა. არ მახსოვს, რომ კითხვაში ან წერაში არ ყოფილიყო გართული. რამდენიმე წლის მანძილზე თითქმის ყოველდღე ათ საათს და ზოგჯერ მეტსაც მუშაობდა. ხშირად გვიან ღამითაც მინახავს თავის საწერ მაგიდასთან მოპუშავე. საზოგადოდ, გოგებაშვილს მშვიდი და წყნარი ცხოვრება უყვარდა. მისი ტრფიანი მხოლოდ სამშობლო და პედაგოგიკა იყო.

ოთხმოციან წლებში ილიას ხშირი სტუმარი იყო ვანო მაჩაბელი, მას ლიტერატურულ ასპარეზზე მოღვაწეობითა და ბანკში მუშაობით დაუახლოვდა. ვანო მაჩაბელი ნიჭიერი კაცი იყო. ლიტერატურაში სერიოზული მისწრა-



ფებები ჰქონდა, რაც დაამტკიცა შექსპირის დრამების თარგმნამ, „დროებაში“ თანამშრომლობამ და ამავე გაზეთის რედაქტორობამ. მაჩაბელს საფუძვლიანი განათლება ჰქონდა მიღებული, იცოდა გერმანული, ფრანგული ენები. ვანო დასავლეთ ევროპის ქვეყნებშიაც იყო ნამყოფი, გონებრივი მომზადება საკმაო ჰქონდა სალიტერატურო მოღვაწეობისათვის. ვანო მაჩაბელი მწერლობაში დიდ მისწრაფებასა და სიყვარულს იჩენდა; როგორც შექსპირის დრამების მთარგმნელს, რა თქმა უნდა, თეატრი უყვარდა: 1886—1887 წლებში ზამთრის სეზონში თითქმის ყოველ კვირას დავდიოდით ერთად ქართულ თეატრში, სადაც აღტაცებაში მოეყვადით ვასო აბაშიძის, მისი მეუღლის საფაროვას, გაბუნიას, კოტე მესხის, ყიფიანის, გუნიასა და სხვების ორიგინალურ თამაშს. მართალია, მათ ხშირად თავიანთი როლები ზებირად არ იცოდნენ, მაგრამ მაინც ჩინებულად თამაშობდნენ, არა შაბლონურად. ვანო მაჩაბელი ყურადღებით აღევანებდა თვალყურს მათ თამაშს, მაგრამ სცენის ხელოვნების ისეთი მცოდნე მაინც არ იყო, როგორც „სამშობლოს“ ავტორი დავით ერისთავი. დავითიც ხშირად დადიოდა ჩვენთან ერთად თეატრში. ვანოს მოსწონდა თამაშის კომიკური მხარე და ბევრსაც იცინოდა ხოლმე. დავით ერისთავი უფრო თავშეკავებული იყო და კრიტიკულად უყურებდა მსახიობების თამაშს.

თეატრის რეჟისორად მაშინ ვასო თუ მანიშვილი იყო, წყნარი, მუდამ მომღიმარი კაცი. ძლიერ რბილი ხასიათის ადამიანად მეჩვენებოდა. მოთმინებიდან აღვილად არ გამოდიოდა, ყოველთვის სხვებს უთმობდა.

ვანო მაჩაბელი ძლიერ მშველლოდა „ვეფხისტყაოსნის“ გერმანულად გადათარგმნაში. მასთან გავიცანი ალექსანდრე ყაზბეგი (მოჩხუბარიძე); მაშინ უკვე თვალსჩინი აკლდა. გარეგნობითაც მოხუცს ჰგავდა, თუმცა 40 წელს ბევრად არ იყო გადაცილებული. მის ზოგიერთ მოთხრობას უკვე ვიცნობდი და, რასაკვირველია, ძლიერ საინტერესო იყო მასთან საუბარი საკუთარ თხზულებათა და, საზოგადოდ, ლიტერატურაზე, მაგრამ ყაზბეგი ისე დაეთრგუნა ავადმყოფობას, რომ ხალისიანად ვეღარ გამოგყვებოდა ლამაზაკში.

ვანო მაჩაბელთან თითქმის ყოველდღე იკრიბებოდა ახალგაზრდობა, რომელიც ლიტერატურას ან საზოგადოებრივ საქმეებს ემსახურებოდა. მოდლიონენ ისეთებიც, რომელთაც თავი მოჰქონდათ ისე, თითქოს რაიმეს გამკეთებლები იყვნენ, საქმით კი მხოლოდ მჭევრმეტყველებაში ვარჯიშობდნენ. ვანო ხანდახან უჩიოდა მათ, დროს მართმევენო. როგორც შევამჩნიე, ახალგაზრდობის ასეთი ხშირი შეკრებილობა, მართლაც, აკარგვინებდა ვანოს დროს. მას შემდეგ კი, როცა „მისმა მეგობრებმა“ ვანო ბანკის საქმეების გამოილიასთან ბრძოლის ქსელში გააბეს, იგი სრულიად ჩამოშორდა ლიტერატურას, რომელიც ასე ძლიერ უყვარდა.

## ილია წინამძღვრიშვილი

ილია წინამძღვრიშვილი 1885 წელს გავიცანი, საგურამოში, ჩემი პირველი ჩამოსვლისას, მას თავის მამულ წინამძღვრიანთკარში, ის იყო, სამეურნეო სკოლა დაეარსებინა. იშვიათად შემხვედრია ადამიანი, რომელიც მისებრ სულითა და გულით ერთგული ყოფილიყო მოყვასისა და მთელი სიცოცხლის მანძილზე მასავით დაუღალავად ემუშაოს წამოწყებული საქმის დასაგვირგვინებლად. წინამძღვრიშვილმა თავის სკოლას არა მარტო დრო და დონე, არამედ მთელი თავისი ქონება შესწირა, თვითონ კი მეტისმეტად უბრალოდ ცხოვრობდა, ბევრ რამეზე უარს ამბობდა, დაბრკოლებას არ დაგიდევდათ, ოღონდაც კი სარგებლობა მოეტანა საკუთარ სკოლაში მოსწავლე დარბი გლეხების შვილებისათვის. ყოველწლიურად აუმჯობესებდა სკოლას, აფართოებდა მის ბაღსა და შენობას. ისეთი კულტურის სასოფლო-სამეურნეო კერა შეჰქმნა, რომლის მსგავსი საქართველოში არ მოიპებნება. სამწუხაროდ, ილია წინამძღვრიშვილის ესოდენ სასარგებლო საქმემ შესაფერისი თანაგრძნობა და დახმარება ვერ მოიპოვა. ამ წამოწყებას ან მარტოდღენ კრიტიკოსები, ან უბრალო კეთილისმსურველები ჰყავდა. ნამდვილი მფარველები კი ძალიან ნაკლებად.

## პეტრე უმიკაშვილი, ნიკო ხიზანიშვილი და გიორგი შერათელი

ილია ჭავჭავაძის სახლში გავიცანი პეტრე უმიკაშვილი, ნიკო ხიზანიშვილი და გიორგი წერეთელი. ესენი თავისებური ადამიანები იყვნენ.

კეთილ, პატიოსან და მოკრძალებულ პეტრე უმიკაშვილს ლიტერატურა ძლიერ უყვარდა, მისმა შრომისმოყვარეობამ და კეთილსინდისიერებამ დიდი სარგებლობა მოიტანა. პეტრეს თვისებები სწორედ მისაბაძი მაგალითი უნდა ყოფილიყო ყოველი ლიტერატორისათვის; რასაც კი დაიწყებდა, საფუძვლიანად, მოთმინებითა და სიყვარულით აკეთებდა. ხშირად მუშაობის დროს ჭამა და მოსვენებაც კი ავიწყლებოდა.

1887 წელს პეტრე უმიკაშვილი რუსთაველის „ვეფხისტყაოსნის“ ტექსტის დადგენაში მონაწილეობდა. მაშინ ამ პოემას გერმანულად ვთარგმნიდი და ზოგიერთი ადგილის გასარკვევად ბევრჯერ მიმმართავს მისთვის.

ერთხელ მოთმინებიდანაც გამომიყვანა. შუალამისას, ერევნის შოედნით შინისკენ მივეშურებოდი. გზაზე უმიკაშვილს შევხვდი; ვანო მაჩაბელთან ყოფილიყო „ვეფხისტყაოსნის“ ტექსტის დამდგენი კომისიის სხდომაზე. პეტრემ მაშინვე ამ საგანზე დამიწყო ლაპარაკი, ერთი საათი მელაპარაკა. ჯერ გულდინჯად ვუგდებდი ყურს, მერე კი ველარმოვითმინე და პირდაპირ ვუთხარი, პირველის ნახევარია და დასაძინებლად წავიდეთ-მეთქი. მან გაიცინა და გატაცებული ლაპარაკი შეწყვიტა.

პეტრემ გაჯავრება, საერთოდ, არ იცოდა, მაგრამ ყოველგვარი უსამართლობა აღელვებდა; მიუხედავად მოკრძალებული ხასიათისა, სადაც კი საჭიროდ დაინახავდა, თავის აზრს ყოველთვის პარდაპირ გამოთქვამდა.

უმიკაშვილის პირდაპირსა და პატიოსან ხასიათს ზოგიერთი არ აფასებდა, ზოგი კი მისი დიდსულოვნებით სარგებლობდა. ამისთანებს ყოველთვის მშვიდობიანი ხუმრობით უპასუხებდა ხოლმე, თუმცა მათი რიცხვი მცირე იყო. უმეტესობა უმიკაშვილს პატივისცემით ეპყრობოდა.

სულ სხვაგვარი ხასიათი ჰქონდათ ნიკო ხიზანიშვილსა და გიორგი წერეთელს. ორივე ოთხმოციანი წლების განმავლობაში დიდ მონაწილეობას ღებულობდა ქართულ ლიტერატურულ საქმიანობაში. ნიკო ხიზანიშვილი ილიამ პატიოსან და ენამახვილ აღამიანად გამაცნო, კონსტანტინე მუხრანბატონმა კი როგორც „ბურსაკი“—სემინარიელი. ორივენი მართალი იყვნენ: რამდენადაც ნიკო ჰკვიანი იყო, იმდენად აკლდა გარეგნული ბრწყინვალება. ისე მგონი, პირველი ქართველთაგანი გახლდათ, რომელიც ქართული კანონებისა და საქართველოს ისტორიის ცალკეული ეპოქების კულტურის გამოკვლევას შეუდგა. მაგრამ ნიკოს ნიჭმა ვერ გამოიღო ნაყოფი, საკმაოდ დროს ანდომებდა კამათს და ხშირადაც ამპარცხებდა ხოლმე თავის მოწინააღმდეგეებს.

ილიას ნიკოსთან ყოფნა უყვარდა, აფასებდა მის ცოდნასა და გონებამახვილობას. ხიზანიშვილთან კაცი მართლაც არ მოიწყენდა. როცა სერიოზულ თემაზე ლაპარაკობდა, აშკარა იყო, რომ საგნის არსს სწვდებოდა. მასთან ბაჰსისას ხშირად მიფიქრია, რამდენი სარგებლობის მოტანა შეეძლო ლიტერატურისა და მეცნიერებისათვის ამ კაცს, სისტემატურად რომ ემუშავა, მაგრამ, სამწუხაროდ, ეს თვისება არა ჰქონდა. ხან დღე და ღამეს ასწორებდა, ხან კი მთელი კვირაობით ხელს არ ჰკიდებდა კალამს.

ამ მხრივ ნიკო ხიზანიშვილი ილიას ჰგავდა; ილია ხშირად თავღავიწყებით მუშაობდა, მთლად გადაიღლებოდა და ასეთი გატაცების შემდეგ ოდნავ გულგრილობას მიეცემოდა ხოლმე.

უკანასკნელი მოთხრობა — „ოთარაანთ ქვრივი“ ილია ჭავჭავაძემ ხუთ დღეში დაწერა. ამ თავის ხანგამოშვებით გულგრილობას ილია თვითონ დასცინოდა, ერთხელ კიდევ მითხრა: მე სწორედ კამეჩის ხასიათი მაქვს; ამ კარგ ცხოველივით ძლივს ვიწყებ მუშაობას, მაგრამ როცა ურევს გაწვევ, მაშინ კი მიმაქვს, სანამ სრულებით არ მოვიქანცვბო...

როგორც ვთქვი, ნიკო ხიზანიშვილი კარგი და მხიარული კაცი იყო, მაგრამ მარტო ოხუნჯობით როდი ართობდა მოსაუბრეებს, მათ ხშირად იტაცებდა თავისი გამოკვლევებითა

და აზრებით. ბევრჯერ რამდენიმე ზედგამოჭრილი სიტყვით ნიკო საოცრად ზუსტად, მაგრამ დაუნდობლად ახასიათებდა: ხოლმე ზოგიერთს და ამ მოსწრებულს ლაპარაკით გვაცინებდა.

ერთხელ მე, ილია ქავჭავაძე და ნიკო საგურამოში წავედი. დიასახლისი ქ-ნი ოღლა სადილად მიგველოდა. უკვე ხუთი საათი იყო, რომ მივედით. ნიკო, ჩვეულებრივ, მაღიანად შეექცეოდა. საღამოს 9 საათზე, როდესაც ჩაის მაგიდას მივუსხედით, ნიკოს დაავიწყდა, რომ ნასადილევა იყო და ყურში ჩამჩურჩულა: მადაზე ვარო. რამდენიმე წუთის შემდეგ ქ-ნი ოღლა დაეკითხა, ხილს ხომ არ ინებებთო. — მაღლობას მოგახსენებთ, — მიუგო მან, — მე ხილს მხოლოდ ვახშმის შემდეგ ვიხსენებთო.

რადგანაც გვიან ვისადილეო, დიასახლისი ვახშმის მომზადებას არ შედგომოდა, მაგრამ ხიზანიშვილს უმაღვე მიუხვდა. და მაშინვე შეუდგნენ მწვადების შეწვას. მე დილიას კი ამან სიცილი მოგვეგვარა.

## გრიგოლ ვოლსკი

აღარ მახსოვს 1895 თუ 1896 წელი იყო, ახალი წლის წინადლით თბილისიდან ბათუმს მივემგზავრებოდი. თბილისის ირგვლივ მთები დაეთოვა. სადგურისკენ მიმავალმა მტკვრის გაყინული ნაპირები შევამჩნიე. ერთი სიტყვით, ზამთრის ცივი ღღე იდგა, მაგრამ დილით, როდესაც მატარებელი ბათუმს მოუახლოვდა და ფანჯრიდან გაღმოვიხედე, თბილოდა. მზე ირგვლივ ოქროსფერ სხივებს აბნევდა, მცენარეები ჰყვაროდა. თბილისის ზამთარი ბათუმის გაზაფხულმა შეცვალა.

პირველი ნაცნობი, რომელსაც მე ბათუმის ქუჩაზე შევხვდი, გრიგოლ ვოლსკი იყო. იგიც გაეხალისებინა გაზაფხულის თბილ ამინდს, თუმცა რაღაც ჩუმი ნალველი მაინც დაჰკრავდა: ვოლსკის თბილისის გარეშე ცხოვრება არ შეეძლო. იმ დროს ის როტშილდის ქარხანაში ექიმად მუშაობ-

და. პოეტი ვოლსკი და ქარხნის ექიმი?! სწორედ ასე გახლდათ! ამ თანამდებობას მრავალ წელს ასრულებდა. ბათუმის ქვაფენილებს სერავდა პოეტი და ხანდახან რამდენიმე საათით პარკში ზღვის საყურებლად დადიოდა. ის ექიმი იყო, თუმცა არავითარი სწრაფვა არ აკავშირებდა ამ საქმესთან. მთელი სიცოცხლის განმავლობაში სწუხდა, პროფესიის არჩევაში შეცდომა მომივიდაო.

ეგრძე პრაქტიკა არ ჰქონდა და არც შეიძლებოდა ჰქონოდა, რადგან მედიცინით სრულიად არ იყო დაინტერესებული. ბედად, ქარხნის ექიმის ადგილი იშოვნა, თორემ სხვა არავითარი სახსარი არ გააჩნდა. როგორც ქარხნის ექიმს შეეფერებოდა, თავისი მცირე ჯამაგირით ღარიბულად ცხოვრობდა.

დამშეულს, დაუოკებელი ოცნებით მიილტვოდა გრიგოლ ვოლსკის ფიქრები თბილისის ქართული ლიტერატურული ცხოვრებისაკენ.

ასე გაატარა ვოლსკიმ მრავალი წელი ამ სამრეწველო ქალაქში, და ქართული ლიტერატურისათვის მაშინ ძალიან ცოტას თუ აკეთებდა. როცა ვოლსკი თბილისში გამოჩნდა, იგი უკვე მოტეხილი იყო. სიმხნევე და ხალისიანი განწყობა, რაც ახალგაზრდობაში ახასიათებდა, აღარ შემორჩენოდა.

ვოლსკი უთუოდ ნიჭიერი და ძლიერი შესაძლებლობის მქონე პოეტი იყო, მაგრამ მას ცხოვრებამ აღრე მოამსხვარია ფრთები.

## ერთი დღე სოფელში

ილია ჭავჭავაძესთან ერთად ხშირად დიდი მწუხარებით ვიხსენებ ბევრ სხვა ქართველ მოღვაწეს, რომლებიც ახლა ცოცხლები აღარ არიან. ეს აღამიანები ძლიერ საჭირონი იყვნენ საზოგადოებისათვის. ოთხმოციანი წლების მეორე ნახევარში ილია ჭავჭავაძის წყნარი და მშვიდი ცხოვრება არაფერს დაურღვევია, ძალიან იყო გართული „ივერიის“ სარედაქციო საქმიანობით. მაშინ, საზოგადოდ, მისი ყურა-

დღეა უმთავრესად ლიტერატურული საკითხებისადმი იყო მიპყრობილი. სტუმრები ილიას თითქმის ყოველდღე ჰყავდა. მათთან ის, ჩვეულებრივად, ლიტერატურასა და სხვადასხვა ხალხების კულტურაზე საუბრობდა ხოლმე სიამოვნებით. მისი ბაასი ყოველთვის დარბაისლური, სასიამოვნო და მომხიბლავი იყო.

მე ყოველდღე დავდიოდი ილიასთან, რაც საშუალებას მაძლევდა მისი მდიდარი ბუნება, ფართო ცოდნა და ნგრძნობიარე სული ახლო გავეცნო. მასთან არასოდეს მომიწყენია; ილია ნათელი ოპტიმიზმით უყურებდა კაცობრიობის პროგრესს.

ჩვენს საუბრებს ხშირად მხიარული ელფერი ეძლეოდა, როცა კონსტანტინე მუხრანბატონი და ვანო მაჩაბელი დებულობდნენ ხოლმე მონაწილეობას მასლაათში.

დიღომში, კონსტანტინე მუხრანბატონისას, მხატვარი გიგო გაბაშვილი გავიცანი: ეს იყო, მგონი, 1887 წლის ზაფხულს. თბილისში სწორედ ამ დროს ჩამოვიდა ლაზარევის ინსტიტუტის პროფესორი ილია ოქრომჭედლიშვილი. ივანე მუხრანბატონმა მის პატივსაცემად სადილი გამართა. დიღომში ილია ჰავჭავაძესთან ერთად წავედი მისი საკუთარი ეტლით. ერთ დღმართზე, დიღმის დუქანთან ცხენებმა გაგვიტაცეს, მეეტლე დაიბნა, ილია კი კოფოზე შეხტა, მეეტლეს აღვირი გამოსტაცა და, როგორც იყო, ცხენები დააოკა. სახიფათო გზაზე მას არასოდეს იპყრობდა შიში. ხანდახან, როცა დამით გვიხდებოდა მოგზაურობა, ილიას თვითონ მიჰყავდა ეტლი, ანდა გაფაციცებით აღევნებდა თვალყურს მეეტლეს და რჩევას აძლევდა.

სადილობისას გაბაშვილის გვერდით ვიჯექი. ზოგიერთი მისი სურათი ნანახი მქონდა. ვურჩიე, მხატვრობაში გასავარჯიშებლად მიუნხენში პროფესორ ბრანდთან წასულიყო. ეს უკანასკნელი პოლონელი ხალხის ცხოვრების ამსახველი სურათებით იყო ცნობილი. გ. გაბაშვილმა მითხრა, პეტერბურგის პროფესორებმაც იგივე მირჩიესო. პატრიარქალური ცხოვრების ამსახველი ჟანრი, ჩემი ღრმა რწმენით, ძლიერ შეეფერებოდა მხატვარ გიგო გაბაშვილის ნიჭს. მან თავის შემოქმედებაში, სამწუხაროდ, ეს მხარე ძალიან ნაკლებად

განავითარა და ხელი უფრო სხვა თემებს მოჰკიდა. რა სი-  
მალღეს მიადწევდა ამ ქანრში მისი ნიჭი იმ ტილოდან ჩანს,  
რომელზეც საპი თბილისელი მოქალაქეა გამოსახული. ეს  
სურათი დავით სარაჯიშვილის სახლში ინახებოდა... მახსოვს,  
1903 წელს დავით სარაჯიშვილთან სტუმრობისას როგორც  
აღტაცებით უყურებდა ამ სურათს გერმანელი მეცნიერი და  
მწერალი გოტფრიდ მერცბახერი, შესანიშნავი შრომის  
„Aus den Hochregionen des Kaukasus“-ის ავტორი...

ნასადილევს ილია ჭავჭავაძესთან ერთად საგურამოსაკენ  
გავემგზავრე. თუმცა ამ დღიდან ოცდაათხმა წელმა განვ-  
ლო, დღევანდელივით მახსოვს თიბათვის ის მშვენიერი სა-  
ღამო და მზის ჩასვენების სურათი არავის ხეობაში.

თითქმის ყოველ წელს, გაზაფხულიდან შემოდგომამდე,  
ყოველ შაბათს საგურამოში ავდიოდით. გზაში ბუნების  
სიმშვენიერით ვტკბებოდით, მეტადრე საგურამოსთან აზი-  
დული ტყიანი მთების სურათით. როგორც კი ამ მომხიბლავ  
ადგილს მიუუახლოვდებოდით, ილია ყოველთვის პოეტურ  
გუნებაზე ღებოდა.

— ოჰ, ჩემს მეგობრებთან და თქვენთან ერთად აქ რომ  
მთელი წლობით მამყოფა, — ვეტყოდა ხოლმე ის, — კარგი  
წიგნები, ზოგჯერ სასიამოვნო სტუმარია!.. ეს საკმარისია...  
სხვა არა არის რა საჭირო.

საგურამოში ილია ნაადრევ ზაფხულს ან შემოდგომაზე  
მიდიოდა.

## „ივერიის“ ჩედაქციაში

1886 წლის იანვრის პირველს ილია ყოველდღიურ გა-  
ზეთ „ივერიის“ გამოცემას შეუდგა. ამან მის ცხოვრებაში  
სასიამოვნო მრავალფეროვნება შეიტანა. ახალი წლის წინა-  
ღამეს ილიას ბინაზე დიდძალი საზოგადოება შეიკრიბა ახა-  
ლი წლისა და ახალი გაზეთის შესაგებებლად.

დიახ, ამ ახალი და დიდი გაზეთის გამოსვლა მნიშვნე-  
ლოვანი ამბავი იყო ქართველთა ცხოვრებაში; მოუთმენ-  
ლად ელოდნენ მის გამოსვლას ისეთებიც, რომლებიც მანამ-



დე გულგრილად უყურებდნენ ქართულ გაზეთს. ილიას დიდი სახელი ჰქონდა მოხვეჭილი და, რასაკვირველია, ახალ „ივერიიდან“ ბევრსაც მოელოდნენ.

თამამად შეგვიძლია ვთქვათ, რომ ეს მოლოდინი გამართლდა, რადგან დიდი ფორმატის ახალმა გაზეთმა, საუკეთესო ქართველ მწერალთა თანამშრომლობის მეოხებით ერთბაშად წასწია წინ ქართული ლიტერატურა და სიცოცხლე შეიტანა ქართულ საზოგადოებრივ ცხოვრებაში.

„ივერიის“ მთავარი თანამშრომლები იყვნენ: გიგო ყიფშიძე, ილია ბახტაძე, დავით ერისთავი, ნიკო ხიზანიშვილი, ვაჟა-ფშაველა, ბაჩანა და ალექსანდრე ნანეიშვილი. „ივერია“ ბევრ ცნობას იძლეოდა, მაგრამ, უეჭველია, ყველას მაინც ვერ აკმაყოფილებდა; მაშინ „ივერია“ ერთადერთი ქართული გაზეთი გახლდათ, თავისი მიმართულება ჰქონდა და არც შეიძლებოდა იმ დროს ყოფილიყო მთელი ქართველი ხალხის საზოგადოებრივი აზრის გამომხატველი. ილია, რასაკვირველია, თავის აზრსა და მიმართულებას იცავდა; მისი მახლობელი თანამშრომლებიც, ცოტა თუ ბევრად, მისი აზრის მომხრენი იყვნენ. საზოგადოებრივ ასპარეზზე ახლად გამოსული ახალგაზრდების ნაწილი კი ამ აზრს არ იზიარებდა და „ივერიის“ ოპოზიციას შეადგენდა, იგი თვალსაჩინოდ იზრდებოდა. მას შემდეგ ათ წელზე მეტი გავიდა, ვიდრე ახალი მკვიდრი ორგანიზაცია ჩამოყალიბდებოდა. ამ დროისათვის სახალხო მწერლებიც გამოჩნდებოდნენ. არ შეიძლება ითქვას, რომ ილია მათ ასპარეზზე გამოსვლის გამო კმაყოფილი იყო. მას ახარებდა პროგრესის ყოველგვარი ახალი გამოვლენა, მაგრამ არ მოსწონდა ზოგიერთი ახალი მწერლის უკიდურესობა.

ილია ხანდახან წამიკითხავდა დამახასიათებელ ადგილებს ახალგაზრდა მწერლების თხზულებებიდან ან საგაზეთო სტატიებიდან. ხშირად ვეთანხმებოდი, რომ ავტორს გატაცების გარდა არა ეტყობოდა რა. ბოლოს, როცა ქართველ ხალხის საზოგადოებრივი ცხოვრება უფრო განვითარდა, ქართველ მწერალთა რიცხვიც გაიზარდა და განათლებულთა წრეც გაფართოვდა, ილია უკვე იშვიათად, მხოლოდ ზოგი-  
2. ა. ლაისტი

ერთ მოვლენას თუ გაკიცხავდა ხოლმე, საზოგადოდ, იგი ამ პროგრესით კმაყოფილი იყო.

„ივერიის“ რედაქციაში მე გავიცანი გ რ ი გ ო ლ ვ ო ლ-ს კ ი, დედა ქართველი ჰყავდა, მამა—პოლონელი. ბუნებით ნამდვილი ქართველი იყო. ეს კაცი არ ეკუთვნოდა შერეული ქორწინებით წარმომდგარ შთამომავლობას, რომელიც კარიერისა და თავისი კერძო ნივთიერი სარგებლობისათვის უფრო ძლიერ ერს ემხრობა. ვოლსკი ცდილობდა იმ ხალხთან ყოფილიყო განუყრელად, რომელთა შორისაც ის დაიბადა და ვისი პოეტიც გახდა. ვოლსკის ლექსებში არიან ისეთები, რომლებიც მკითხველზე ღრმა შთაბეჭდილებას სტოვებენ. ერთ-ერთ ლექსში პოეტი თავისი მომავალი სიკვდილის შესახებ წერს და სამშობლოს მიმართავს. უეჭველია, ეს ლექსი მრავალი საუკუნე იცოცხლებს. სამშობლოს სიყვარული მასში იშვიათი სილამაზითა და ძლიერებით არის გამოხატული. ვოლსკი კეთილშობილი ადამიანი იყო და მის მისწრაფებათაც კეთილშობილური სხივი აცისკროვნებდა.

„ივერიის“ რედაქციაში მოდიოდა ხოლმე აგრეთვე პოეტი რ ა ფ ი ე ლ ე რ ი ს თ ა ვ ი, რომლის ლექსები ილიას განსაკუთრებით იმიტომ უყვარდა, რომ ისინი სოფლის ცხოვრებას ეხებოდნენ. ილია სოფელში ხედავდა ქართული ეროვნული ცხოვრების სულს. მოსწონდა გლეხთა ყოფაცხოვრების რაფიელისეული აღწერა, თუმცა ამ ლექსებში შიგადაშიგ პოეზიის სიმწირე ჩანდა.

მახსოვს ილიას აღტაცება გლეხთა ცხოვრების ამსახველი სურათების კითხვისას, რა ცხადად მუდგანდებოდა, რომ სოფელი უყვარდა. დიახ, ილიას თბილისზე მეტად სოფელი უყვარდა, მაგრამ სამსახურის გამო ხანგრძლივად უზღებოდა ქალაქში ყოფნა. ამიტომ რაფიელ ერისთავიც სოფელზე ხშირად ესაუბრებოდა და ამით დიდ სიამოვნებას ანიჭებდა ხოლმე. თავისი სიცოცხლის უკანასკნელ წლებში რაფიელ ერისთავა იშვიათად მიდიოდა ილიასთან — მასთან, ვინც მხურვალე მონაწილეობა მიიღო მოხუცი პოეტის იუბილეში. მაგრამ რაფიელის იუბილეზე ილიამ ისიც თქვა: ასეთ პატივისცემას დაუძღურებული მოხუცისა, რომელსაც სხე-

ული და გონება ჟივე მოშლილი აქვს, აზრი არა აქვს და არასასიამოვნო შთაბეჭდილებასაც სტოვებსო. ილია, საერთოდ, იუბილეების წინააღმდეგი იყო. ცერემონიალი, ადრესების კითხვა და სხვა უაზრო თავშესაქცევრად მიაჩნდა. კმაყოფილი იყო, რომ მისი იუბილე არ შედგა და რამდენიმე საათით ჩინელი ბოლღიხანივით უძრავად ერთ ადგილზე ჯდომა და ბრტყელ-ბრტყელი სიტყვების მოსმენა ასცდა.

1888 წელს ილია ფრეილინის ქუჩაზე გადასახლდა, მაგრამ აქ დიდხანს არ უცხოვრია. მეორე წელს ნიკოლოზის ქუჩაზე თავისი დის—ელისაბედ საგინაშვილის სახლში დაბინავდა. აქ 1901 წლამდე დაჰყო. მთელი ამ დროის განმავლობაში ილია ცხარე მოღვაწეობას ეწეოდა „ივერიაში“. რაკი ბანკის საქმეები ნებას არ აძლევდა პირადად ეწარმოებინა გაზეთი და რედაქტორობაც გაეწია, ამ ძნელ საქმეებს სხვებს ანდობდა ხოლმე: ჯერ დავით მიქელაძეს („მეველეს“), შემდეგ—გრიგოლ ყიფშიძეს და ბოლოს ალექსანდრე სარაჯიშვილს მიანდო.

დავით მიქელაძე იყო ნამდვილი იმერლის ტიპი, ლაპარაკში მოუღალავი, ტემპერამენტითა და ხასიათით განსხვავდებოდა მძიმე, საფუძვლიანსა და მტკიცე გიგა ყიფშიძისაგან, რომელიც ქართლელის საუკეთესო ტიპს წარმოადგენდა. დავით მიქელაძე თავისებურად წარმოსახავდა და შეადგენდა გაზეთის „დღიურ აზრებს“. ილიასთან ამის შესახებ არასოდეს მილაპარაკია. საზოგადოდ, ვერიდებოდი კიდევ ილიასთან „ივერიის“ და მისი თანამშრომლების კრიტიკას.

„ივერიის“ რედაქციაში რამდენიმე წელს მუშაობდა ერთი საუკეთესო პიროვნება, ეს იყო მაქსიმე შარაძე. ის 1887 წელს ილიას ლაქიად ჰყავდა. ამ ადამიანმა თავისი რიგიანობითა და შრომისმოყვარეობით მალე ილიას სრული ნდობა დაიმსახურა. ილია მას სხვადასხვა საქმეებს ანდობდა ხოლმე. შარაძე ვეგეტარიანელი და დიდი ღვთისმოსიში კაცი იყო. მან პატარა წიგნაკიც დაწერა, სადაც აღწერილი აქვს თავისი ზნეობრივი ცვლილება, რომელსაც მიაწერდა მცენარეულ საჭმელზე გადასვლას. რამდენიმე ხანს შარაძე, როგორც მახსოვს, „ივერიის“ სტამბაში ასოთამწყობად და

გაზეთის კორექტორადაც მუშაობდა, ბოლოს ბერად შედგა ზედანის მონასტერში. აქ დიდხანს არ დარჩენილა, დაბრუნდა და თბილისში გარდაიცვალა კიდევ.

ნიკოლოზის ქუჩაზე ილიასთან უფრო ნაკლებად დადიოდნენ სტუმრები. ვანო მაჩაბელი ცხადლივ ეწეოდა მის წინააღმდეგ ბრძოლას. ასე უნდოდათ მაჩაბლის მეგობრებს, რომლებიც მრავალი წელი ოპოზიციაში ედგნენ ილიას, რაც საქმისთვის უსარგებლო იყო, ხოლო ვანო მაჩაბლის ჯანმრთელობის საზიანო. მე ილიას საუბარში შევამჩნიე, რომ უკმაყოფილო იყო და ამაზე ლაპარაკსაც ერიდებოდა.

აკაკი წერეთელმაც უკლო სიარულს ილიასთან, ილიას სიცოცხლის უკანასკნელ წლებში ორივე მგოსანი კვლავ ხშირად ხვდებოდა ერთმანეთს დავით სარაჯიშვილის სახლში. წინანდებურად საუბრობდნენ, თუმცა მათ საუბარს თავდაპერილობა ემჩნეოდა.

ილიას სახლში მომსვლელთა რიცხვმა შესამჩნევად იმატა იმის შემდეგ, რაც ილია ახალ ბინაზე დასახლდა. ძველ სტუმრებს — ნიკო ცხვედაძეს, იაკობ გოგებაშვილს, ეკატერინე გაბაშვილს, ანასტასია თუმანიშვილ-წერეთლისას, ნიკო ხიზანიშვილს, პეტრე უშიკაშვილს, სტ. ჭრელაშვილს, ანტონ ფურცელაძეს, გიორგი წერეთელს, ლევან ჯანდიერს, დავით ბარათაშვილს, დავით სარაჯიშვილს ახალი სტუმრებიც მიემატნენ; ესენი იყვნენ: გრიგოლ ვოლსკი, ნიკო ლოლობერიძე და მრავალი სხვა.

ნიკო ცხვედაძე ამ დროს აპირებდა დიდი შენობის აგებას სათავადაზნაურო გიმნაზიისათვის. მან მხოლოდ 1897 წელს შესძლო მიეღო გერმანიიდან სხვადასხვა სასწავლებლების ალბომი შენობათა გეგმით და იმ დღიდანვე ენერგიულად შეუდგა თავისი გეგმის განხორციელებას, რომლის სირთულემ ბოლოს დიდი უსიამოვნება მიაყენა. იშვიათად შემხვედრია ადამიანი, ვინც ასე ფანატიკურად ყოფილიყო იღვით გატაცებული, როგორც ნიკო ცხვედაძე. ტყუილად კი არ უწოდეს მას „სკოლის ფანატიკოსი“.

იაკობ გოგებაშვილი უფრო ხშირად „ივერიის“ რედაქციაში მოდიოდა, ვიდრე ილიას ბინაზე. იმ წლებში ის ძლიერ იყო გატაცებული სასკოლო საქმეების ირგვლივ

წარმოებული პოლემიკით. თავისი წერილების ბეჭდვას და კორექტურას თვითონვე ადევნებდა თვალყურს. საერთოდ, ძველი ჩვეულების თანახმად, იაკობი მახლობელი მეზობლების გარდა არავისთან დადიოდა, თუმცა კარგი ნაცნობების მისვლა უყვარდა. წელიწადში ერთხელ ნადიმსაც გადაიხდიდა, რომელზედაც, სხვათა შორის, აკაკი და ილიაც იყვნენ ხოლმე. გოგებაშვილი მაშინ ისევ ძველ ბინაში ცხოვრობდა, მამადავითზე, „პრიუტის“ ქუჩაზე და იქვე გარდაიცვალა 1912 წელს. ეს ბინა ძლიერ მოსწონდა. ნათელი, მზიანი და მყუდრო იყო მისი სამყოფელი. აქ იაკობი ოც წელზე მეტი ცხოვრობდა და რამდენიმე წლის დაძაბული მუშაობის შემდეგ აქვე მოუსწრო სიბერემ. იაკობი ხედავდა, როგორ თანდათან ჩამოაშორა სიკვდილმა ახლო მეგობრები, გრძნობდა, აღარც შე მიწერია გრძელი დღეო. აღსასრულს, როგორც ნამღვილ ბრძენს შეშვენის, დამშვიდებითა და უშფოთველად მოელოდა. უკანასკნელი ორი ზამთარი გარეთ იშვიათად გამოდიოდა, მაგრამ ხარობდა მოხუცი, როცა ბრწყინვალე მზე მის ოთახებს გააშუქებდა და სასადილო ოთახის ფანჯარასთან იაღონი გალიაში სიმღერას მოჰყვებოდა. ეს ფრინველი იაკობს ბევრ ფარულ სიამოვნებას ანიჭებდა, ხოლო როცა ფრთოსანი მოწყენილი იყო და დუმდა, მოხუციც მოიწყენდა ხოლმე.

ნიკო ლოლობერიძის გარდაცვალებამ იაკობი ძლიერ შეაწუხა. მაშინ მან ჩუმი და ნაზი ხმით მითხრა: არტურ, ყველა ჩვენი მეგობარი სამარისაკენ მიდის, ჩემიანებში მხოლოდ რამდენიმე კაცი დარჩა. მოდი ხოლმე ჩემთან ხშირად! უეჭველია, მეც მალე მოვშორდები წუთისოფელსო... მართლაც ასე მოხდა. ამ სიტყვების შემდეგ ხუთმა თვემ განვლო და იაკობიც გარდაიცვალა. გაქრა ეს ბრწყინვალე პიროვნება, ეს პატიოსანი, უმწიკვლო ადამიანი.

ილიას ოჯახში უფრო იშვიათი სტუმარი იყო მწერალი ქალი ეკატერინე გაბაშვილი, რომელიც იმ დროს დიდ მონაწილეობას იღებდა მწერლობაში, ილია პატივს სცემდა ეკატერინეს და აფასებდა როგორც მის მოთხოვნებს, ისე საზოგადოებრივ მოღვაწეობასაც. ეკატერინე გაბაშვილს ყოველთვის მშვიდად და ღირსეულად ეჭირა თავი. თავისი

მოთხოვნებისა და ღვაწლის შესახებ არსად არაფერს ამბობდა, მაგრამ თუ როგორ აფასებდა და პატივს სცემდა მას ქართველი საზოგადოება იქიდან ჩანს, რომ აუარებელი ქალი და კაცი იკრიბებოდა მის სახლში ეკატერინობა დღეს.

ილიას მეუღლესთან — ოლღასთან ძლიერ ხშირად მოდიოდა ანასტასია თუმანიშვილის ასული, რომელიც შემდეგ მისთხოვდა გიორგი წერეთელს. იგი ოთხმოციან წლებში საბავშვო მწერლობის დარგში მოღვაწეობდა და ეს საქმე უყვარდა კიდევ. თავის სახლში, ბარიატინსკის ქუჩაზე, ანასტასია თუმანიშვილი ხანდახან პატიუებდა იმათ, ვინც მწერლობაში მონაწილეობას იღებდა. 1885 წელს იქ გავიციანი პეტრე მირიანაშვილი. იგი ახალი ჩამოსული იყო პარიზიდან და დიდი გულმოდგნებით მუშაობდა ქართული გრამატიკისა და ზოგიერთ სალიტერატურო საკითხის გამოკვლევაზე. პეტრე მირიანაშვილიც იმ სიმპათიურ ქართველ მასწავლებელთა ტიპს ეკუთვნის, რომლებზედაც ხშირად გვქონდა ლაპარაკი. განა ასეთივე სიმპათიურ ადამიანს არ წარმოადგენდა ანასტასია თუმანიშვილი-წერეთლისა, ეს მშვიდი ადამიანი, საბავშვო ქურნალის დაუღალავი რედაქტორ-გამომცემელი. იგი ნამდვილი მაგალითი იყო სხვა ქალებისათვის.

გიორგი წერეთელი იშვიათად მოდიოდა ილიასთან, მაგრამ მე სწორედ ილიას სახლში გავიციანი 1885 წელს, გერმანიიდან დაბრუნების შემდეგ, სადაც მას რამდენიმე წელი გაეტარებინა. მომწონდა მისი ცოცხალი ტემპერამენტი და მხიარული იუმორი.

1887 წელს ზაფხულში სტუმრად ვიყავი რგანში, ჭიათურის მახლობლად, ნიკო ღოდობერიძის მამულში, სადაც შავი ქვის მადანი იყო. ამ მამულს განაგებდა მაშინ ლავრ. მგელაძე. მე და მგელაძემ ბევრი ვიმოგზაურეთ. ამ მოგზაურობის დროს გავიციანი ზემო იმერეთის საუცხოო ბუნება და მისი სოფლის ცხოვრება, რომელიც ისე მომეწონა, რომ რგანშივე დავეწერე მოთხრობა „ვარო“. ეს მოთხრობა 1888 წელს დიდ გერმანულ ქურნალ „Ueber Land und Meer“-ში დაიბეჭდა.

რგანში ჩემი ყოფნის დროს გიორგი წერეთელი ჩამო-

ვიდა. ჩვენ საჩხერეში წავედით ერთად. იქ სანდრო წერეთელს ვესტუმრე, ორი კვირა დავრჩი. ამ ბრწყინვალე დღეებიდან მეხსიერებაში დამრჩა სანდრო წერეთლის მეუღლის — ელისაბედის პიროვნება. ეს გახლდათ მეტად სიმპათიური, სტუმართმოყვარე, ტიპიური ქართველი ქალი, რომლისას თავს იყრიდნენ მეზობლები — შეძლებულნიც და ღარიბნიც. როგორც მახსოვს, ელისაბედი მთელი საწერეთლოს სული და გული იყო. და მართლაც, თავისი მიმზიდველ თვისებებით იგი სასიამოვნო შთაბეჭდილებას სტოვებდა ყველაზე.

მაშინ საჩხერეში ჯერ კიდევ არ იყო აღმოჩენილი მადანი, მემამულენი უზრუნველად ცხოვრობდნენ და ბევრმა გაფლანგა კიდევ თავისი ქონება. მათი ამგვარი ყოფა ყურადღებას იპყრობდა. მხოლოდ როგორც წარსულის გადანაშთი, როგორც სურათი იმ მომაკვლევი დროისა, რომელიც რკინიგზის გაყვანისა და შავი ქვის მადნის აღმოჩენის შემდეგ გარდაიქმნა და გამოცოცხლდა.

ჩემს მეხსიერებაში აღიბეჭდნენ ამ მემამულეთა ფართო სახლები, მათი ზნე და გართობანი. საჩხერიდან პირდაპირ საგურამოში წავედი. ილიას ჩემი შთაბეჭდილებები გავუზიარე. დიდი ყურადღებით მომისმინა, თუმცა იმერთა ცხოვრებას ილია გრძნობდა, მაგრამ ზოგი რამ ჩემი შეხედულებებიდან მისთვის ახალი აღმოჩნდა. დასასრულ, იმერთა ცხოვრებამ მასალა მომცა მოთხრობა „ნინო ვარაპანიძე“ დამეწერა, რომელიც 1895 წელს დაიბეჭდა ერთ გერმანულ ჟურნალ „Roman Bibliothek“-ში. ეს მოთხრობა ერთი წლის შემდეგ ვანო მაჩაბელმა გადმოთარგმნა და ჟურნალ „მოამბეში“ დაბეჭდა.

1884 წელს, ივნისში, როცა პირველად მივედი „სამშობლოს“ ავტორის დავით ერისთავის სახლში, ნატო გაბუნიაშვილი იქ ანტონ ფურცელაძე გამაცნო, მის კოჟლობაზე მიმითითა და მითხრა, ეს ჩვენი ბაირონიოა.

ანტონ ფურცელაძეს შემდეგში ხშირად ვხვდავდი, ილიასთან მოდიოდა და ხანდახან საგურამოშიც ამოდიოდა ეტლით: ფურცელაძე ქართული მწერლობისა და პოეზიის დიდი მოყვარული იყო. ამასთან ძალიან უნდოდა სამაგალი-

თო თხზულებები შეექმნა, თუმცა ნიჭი ხელს არ უწყობდა. ილია მოურიდებლად ეუბნებოდა, საამისო ნიჭი არ შეგწევსო. ეს, რასაკვირველია კამათს იწვევდა. ანტონს გული არ მოსდიოდა, მაგრამ თავისი ნაწერების დაცვას მაინც ცდილობდა, თუმცა ამ პაექრობისას წარმატებას ვერ აღწევდა. მით უფრო, თუ მას ნიკო ხიზანიშვილიც ესწრებოდა. ხიზანიშვილი თავისი მახვილი ენითა და მოსწრებული სიტყვებით ანტონს იარაღს აყრევიანებდა. ამ შემთხვევისათვის დამახასიათებელია ნიკო ხიზანიშვილის შემდეგი მახვილსიტყვაობა, რომელიც ილიას თვითონვე უამბო:

მგონი, ნიკო ხიზანიშვილი და ანტონ ფურცელაძე სამკურნალოდ გერმანიაში ერთად წასულიყვნენ. როცა მატარებელი ბერლინს მიახლოებოდა, ფურცელაძეს უთქვამს: ჩემი დრამა „გიორგი სააკაძე“ თან მომაქვსო. ამ დრამას ანტონი დიდად აფასებდა, თუმცა იგი სცენისათვის გამოუსადეგარი იყო. — ჩემს დრამას გერმანულად გადასათარგმნელად მივცეპ და, უეჭველია, რომელსავე თეატრში წარმოადგენენო, — უთქვამს ანტონს.

— არა, შენს პიესებს ვერ წარმოადგენენ, — მიუგია ნიკო ხიზანიშვილს.

— რატომ?

— იმიტომ, რომ შენს დრამაში ოცდაათი აქლემია სცენაზე გამოსაყვანი. აქ სად იშოვნიან ამდენ აქლემებსო? — უპასუხია ნიკო ხიზანიშვილს, რომელსაც ძლიერ უყვარდა გულსაკლავი სიტყვები და უღმობელი კრიტიკა...

როცა ნიკო ხიზანიშვილი სერიოზულ გუნებაზე დადგებოდა, მისი ლაპარაკი ძლიერ საინტერესო იყო. სწრაფად და სწორად მსჯელობდა ადამიანთა და საგანთა შესახებ. ილიას ამის გამო მასთან ყოფნა უყვარდა და ცინიკურ სიტყვებსაც აპატიებდა, რასაც ნიკო ხანდახან ჩაურევდა სერიოზულ ლაპარაკში.

როცა ნიკო ხიზანიშვილი ზოგიერთ ქართულ მოღვაწესა და მწერალს თავისებური სუსხით შეეხებოდა და დაახასიათებდა, მე და ილია ეჭვში შევყავდით მისი კრიტიკული მახვილის მკვეთრ მოქნევას...

ნიკო ხიზანიშვილს დაკვირვების დიდი ნიჭი ჰქონდა, მიხ-



ვედრილობასაც იჩენდა და მარჯვე კრიტიკოსიც იყო, მაგრამ მის კრიტიკას სალიტერატურო მნიშვნელობა აკლდა ზოპიერების უქონლობის გამო. თუკი ვინმე არ მოსწონდა, დაუნდობლად შოლტავდა.

ილიას ცხოვრებაში სარაჯიშვილსაც თვალსაჩინო ადგილი ეჭირა. ყმაწვილობიდანვე მეგობრული განწყობილება ჰქონდათ. მაგრამ მის სახლში ილიამ მხოლოდ 1890 წლიდან დაიწყო ხშირი სიარული.

დავით სარაჯიშვილი იყო ქართული მრეწველობის დამფუძნებელი, მრავალი ღოსწავლე ახალგაზრდისა და საგანმანათლებლო დაწესებულების მფარველი. დავითი განათლებული კაცი იყო, უყვარდა საზოგადოება და განათლებული პირები. ილიასა და დავით სარაჯიშვილს შორის მეგობრული განწყობილება მუდამ სუფევდა; თუმცა ბევრ რამეში ერთმანეთს არ ეთანხმებოდნენ და ხშირადაც დავობდნენ. სარაჯიშვილს, როგორც მრეწველს, თავდაპირველად უნდოდა, რომ ქართველთა შორის ხელოსნობა, მრეწველობა, ვაჭრობა და სოფლის მეურნეობა განვითარებულიყო. რადგან ყველა ეს ძლიერ ნელა მიიწევდა წინ, ხშირად პესიმიზტურ გუნებაზე დგებოდა და ქართველთა უარყოფით თვისებებზე მიუთითებდა ხოლმე. ამის გამო ილიასა და დავით სარაჯიშვილს ხშირად კამათი მოსდიოდათ, მაგრამ ეს პაექრობა ყოველთვის მშვიდად მთავრდებოდა.

დავით სარაჯიშვილთან, საზოგადოდ, ბევრი მსჯელობა ყოფილა ცხოვრების, საზოგადოებრივისა და სამეცნიერო საკითხებზე. ილიას უყვარდა აქ დასწრება და სხვების აზრის გაგება.

დავით სარაჯიშვილი და მისი მეუღლე ეკატერინე ცდილობდნენ, რომ თავიანთი სახლი ქართველთა საზოგადო ცხოვრების ცენტრად ექციათ, და მართლაც, ასე იყო მის შემდეგ, რაც ახალ სახლში გადავიდნენ, სერგეევის ქუჩაზე. ისინი იღებდნენ პოეტებს, მწერლებსა და საზოგადო მოღვაწეებს. ასე რომ, აქ პატარა წრე იკრიბებოდა ქართველთა გონებრივი ცხოვრების წარმომადგენლებისა. მაგრამ ეს წრე მაინც არ გაფართოებულა, რადგან, ბოლოს სარაჯიშვილის სტუმრებს შორის ისეთები გამრავლდნენ, რომლებსაც არა-

ფერი ჰქონდათ საერთო გონებრივ ცხოვრებასთან. სარაჯიშვილის მშვენიერი სახლი რამდენიმე წლის განმავლობაში სასიამოვნო საკრებულო ადგილი იყო ზოგიერთი ქართველი მოღვაწისათვის. დავ. სარაჯიშვილის გარდაცვალების შემდეგ ამ სახლმა დაკარგა თავისი ხასიათი. ასე გაქრა ეს კერა, რომელიც დიდი გემოვნებითა და სიყვარულით ააგეს.

## კვლავ ერთი დღე სოფელში

ეს იყო სწორედ იმ დროს, როცა თბილისში ჰყვავის თეთრი მაგნოლიები და ბროწეულის წითელი ყვავილები. ერთმა მეგობარმა დაგვპატიჟა თბილისის მახლობელ სოფელში. მე ყველაზე აღრე მივედი, რადგან მიყვარს ბუნება დილით, როცა ჭერ კიდევ გრილია ჰაერი და სიჩუმეც არ დარღვეულა.

ძველი სახლი იყო, წარსული საუკუნის ოცდაათიან წლებში აშენებული. მისი თეთრი კედლები ახალს ჰგავდნენ, სახლის სიძველეს მხოლოდ გაშავებული კრამიტის სახურავი, აივანი და კარები ამჟღავნებდნენ. სახლს პატარა ბაღი მოსდევდა, სადაც ორი მიმოზის ხე იდგა, მისი ნაზი ყვავილები ყოველ წელს ახარებდნენ ჩემს გულს. აქვე იყო დიდი კაკლის ხე, განიერი, ჩრდილუხვი. კაკლის ქვეშ ზაფხულობით სასადილო მაგიდა იდგა.

ხეებს თავს დაჰყურებდა მაღალი კვიპაროსი. ამ ბაღში ჰყვარდა ქართული წითელი ვარდის ბუჩქები, მათი სურნელება მთელ მიდამოს აკეთილშობილებდა. მე მიყვარს ეს ვარდები, სწორედ ამ ვარდს გულისხმობდნენ ძველი ქართველი პოეტები, როდესაც უმღერდნენ „ვარდსა და ბულბულს“: ამ ლამაზი ვარდების რამდენი თაობა ჰყვარდა და ჰკენებოდა საუკუნეების განმავლობაში. რამდენი სახელოვანი და უსახელო პოეტი შეასხამდა მათ ქებას და რამდენი ლამაზი ასული დამღეროდა ამ ლექსებს! ვარდები, ლამაზი ქალები, ბულბული—ესენი ცხოვრობდნენ და ხიბლავდნენ ერთმანეთს და განქრნენ უკვალოდ... მაგრამ ლექსები და

სიმღერები კვლავ დარჩნენ და დღესაც ახარებენ ქართველის გულს.

ეს იყო პატარა, უბრალო ქართული ბავშვი, მაგრამ ლამაზი და კობტა: იგი წააგავდა მეფე ერეკლეს დროის თბილისის ბავშვებს. სახლიც სწორედ შეეფერებოდა: მისი მორთულობა მოგაგონებდათ ძველ ქართულ სახლებს: ტახტები, მუთაქები, ხალიჩები შეადგენდა ამ სახლის მთავარ მოწყობილობას, მხოლოდ სასადილო ოთახში იყო ევროპული ავეჯი, რომელიც არაფრით არ იზიდავდა ადამიანის ყურადღებას.

სასადილო ოთახი დიდი იყო, რადგან სახლის პატრონი სტუმართმოყვარე კაცი გახლდათ. იგი ხშირად უმასპინძლებოდა სტუმრებს. სუფრადწვეულნი აქ მუსაიფობდნენ და მღეროდნენ. ხანდახან კამათობდნენ კიდეც, მაშინდელი ქართველების ჩვეულებისამებრ.

იმ დღით, როცა მე მივედი, სუფრა კაკლის ქვეშ გაეშალათ: ჩვენ შევექვეციით რძიან ჩაის, ქართულ პურსა და ყველს. აქ გახლდათ სამი მაღალი ტანის ქართველი, ორი მათგანი ისე აჩქარებულად ჭამდა და სვამდა, თითქოს რკინიგზის სადგურზეა და მატარებელზე უგვიანდებაო. ესენი იყვნენ პატივცემული იაკობ გოგებაშვილი და ნიკო ცხვედაძე, შავ სერთუკებში გამოწყობილები. თუმცა ორივენი ერთმანეთს წააგავდნენ, მაგრამ განსხვავებაც დიდი იყო, ორივენი ქართლელი მღვდლის შვილები იყვნენ, სწავლობდნენ სემინარიაში, საიდანაც გამოიყოლეს სემინარიელის დიპლომი. ეს მათ მთელი სიცოცხლის განმავლობაში ემჩნეოდათ. ისინი ერთმანეთს ახალგაზრდობაში დაუშვებობდნენ; უყვარდათ საქართველო, სამოღვაწეოდ მასწავლებლის ასპარეზი აირჩიეს, მაგრამ გოგებაშვილმა მალე თავი გაანება მასწავლებლობას და დაწერა პირველი ქართული სახელმძღვანელოები, რომლითაც დღესაც მრავალი ქართველი ბავშვი სწავლობს წერა-კითხვას. ნიკო ცხვედაძეს დიდი მოთმინება და ნებისყოფა ჰქონდა, უყვარდა მუშაობა, ყველა ამის მეოხებით შან ქართული გიმნაზიის დიდი შენობა ააშენა (ახლანდელი უნივერსიტეტი). ორივე მეგობარი გრძნობდა, რომ მხოლოდ ქართული აღზრდით შეიძლება მოზობლიური კულ-

ტურის ამალგამა. ისინი იყვნენ ქართული სკოლის ფანატიკოსები და მისი ნამდვილი შემქმნელები—ეს იყო მათი სიცოცხლის მიზანი.

მაშინ (1888 წ.) ისინი ახალგაზრდები იყვნენ. მათ გვერდით იჯდა რაფიელ ერისთავი, მაღალი ტანის მოხუცებული, თეთრწვერა, დინჯი კაცი. იგი არც თავისი გარეგნობითა და არც ლაპარაკით განსაკუთრებულ შთაბეჭდილებას არ სტოვებდა, მაგრამ ნამდვილი პოეტი იყო და როცა გოგებაშვილი და ცხვედაძე გატაცებით კამათობდნენ, ის დინჯად ათვალეირებდა გარემოს და სტკბებოდა მისი სილამაზით. ირგვლივ ფრინველების ჭიკჭიკი ისმოდა.

მალე ჩვენს საზოგადოებას ახალი სტუმრები მოემატნენ. ესენი იყვნენ: ილია ჭავჭავაძე და მისი მარჯვენა ხელი—გიგო ყიფშიძე, ვაჟა-ფშაველა და ვანო მაჩაბელი. არაჩვეულებრივი ყმაწვილკაცები იყვნენ — ორი თავადი და ორი მღვდლის შვილი. ილია ნელა, ფრთხილად გადმოვიდა ეტლიდან. ვიდრე შემოგვიერთდებოდა, თვალი მიმოავლო არემარეს, შემდეგ დინჯად მოუახლოვდა სუფრას და ღიმილით უთხრა გოგებაშვილს, შენი აქ ყოფნა მიკვირსო. რას მოასწავებს ეს ამბავი, რომ თბილისი მიგიტოვებიაო.

იმ დროს ქართველებში ბევრი იყო გოგებაშვილისთანა, ვინც მთელ თავის სიცოცხლეს თბილისში ატარებდა და ბორჯომში თუ გაემგზავრებოდა საზაფხულოდ. ილია ჭავჭავაძემ და ვანო მაჩაბელმა თან მოიტანეს ქართული იუმორი. ილია ეხუმრებოდა გოგებაშვილს და მაჩაბელიც შველოდა. ჩქარა ყველა გაემხიარულდით.

ვანო მაჩაბელი და ვაჟა-ფშაველა ერთმანეთის საწინააღმდეგო პოლიუსს წარმოადგენდნენ. ვაჟა-ფშაველას ჩოხა-ახალუხი ეცვა, და თავისი გარეგნობით არაფრით განსხვავდებოდა აღმოსავლეთ საქართველოს ჩვეულებრივი მკვიდრისაგან. ის გლეხი ან აზნაური გეგონებოდათ. ვაჟა თავის გარეგნობას არავითარ ყურადღებას არ აქცევდა, როგორც ყველა მაშინდელი სემინარიელი. ვანო მაჩაბელი მასთან შედარებით ევროპელი ფრანტი იყო. ვაჟა-ფშაველა მთელ თავისი პოეზიის სიმდიდრეს პირველყოფილ ფშაურ გარემოდან და თავისი მთიანი სამშობლოს ბუნებიდან იღებდა. ვანო

მაჩაბელი კი ცდილობდა, რაც შეიძლება ბევრი გადმოენერ-  
გა დასავლეთ ევროპის გონების ნაჭირნახულევი ქართულ  
ნიდადგზე.

მალე აკაკი წერეთელი, ანტონ ფურცელაძე და პეტრე  
უმიკაშვილიც მოვიდნენ. აკაკი შედიდურად მოვიდა მაგიდას-  
თან და როგორც გონების საწყაროს მპყრობელს შეეფერე-  
ბოდა, ცდილობდა მაშინვე სათავეში ჩადგომოდა სჯა-ბაასს.  
იმავე წუთს რამდენიმე ჭკუამახვილი სიტყვა გადმოისროლა,  
რამაც დიდი ხარხარი გამოიწვია, თვითონ კი სერიოზული  
სახე შეინარჩუნა.

ანტონ ფურცელაძემ, ჩვეულებსაჲებრ, როგორც კი  
შეამჩნია, საუბარი სხვა საკითხებს შეეხო და არა ლიტერა-  
ტურასო, მოითხოვა, რომ ილია ჭავჭავაძეს დაეწყო ლიტე-  
რატურაზე ლაპარაკი.—მე ვიცი, შენ არ შეგიძლია ულიტე-  
რატუროდ ცხოვრება, მაგრამ ლიტერატურას კი შეუძლია  
გასძლოს უშენოდო, იხუმრა ილიამ. ბოროტად არავის გაუ-  
ცინია. სადილი მხიარულად მიდიოდა.

მაშინდელ დროში ეს მწერლები შეადგენდნენ ერთ  
მთლიან ოჯახს და სრულიადაც არ ფიქრობდნენ პარტიებად  
დაყოფას.

ჩქარა ავიშალენით და სასეირნოდ გავემართეთ. იქვე  
ახლო, მთის ძირას მწვანეზე დავსხედით. გავყურებდით მინ-  
დორს, საიდანაც მოისმოდა ახალგაზრდა გლეხის სიმღერა.  
იმდენად მოგვეწონა ეს სიმღერა, რომ ერთ ხანს მთლად  
გავყუჩდით და გატაცებით ვუგდებდით ყურს. შემდეგ ილია  
გლეხს გამოელაპარაკა. გლეხის პასუხებში გამჭრიახობა  
ჩანდა.

—აი, რამოდენა საუნჯე იღუპება სოფელში ტყუილ  
უბრალოდ, — შენიშნეს ზოგიერთებმა და ყველა ჩავფიქრ-  
დით.

სადაც ვისხედით, იქიდან ორი ქართული სოფელი მოჩან-  
და — დანგრეული, მობრეცილი მიწური სახლები; მწვანე არ  
ჭაჭანებდა. ორივე სოფელი ძალიან საწყალობელი შესახე-  
დაობისა იყო.

გონებრივი აღორძინებისათვის აუცილებელი მატერია-

ლური დოვლათის შექმნა ამ დროის საქართველოს ქონებრივ საშუალებას აღემატებოდა.

ჩვენ ნელ-ნელა დავბრუნდით უკან, ამოვუარეთ მარანს, რომლის გვერდით იდგა ლელვისა და ბროწეულის ხეები — ეს ქართული ბუნების პირმშობები.

შეჰდეგ ხილის ბაღში შევედით: დავათვალიერეთ ბოსტანი, იქვე ახლო მდინარე მოშხუოდა. ყველაფერი ლაღად ხარობდა აქ: მწვანე კიტრი, პამიდორი, ბადრიჯანი, ხახვი, ლობიო, მწვანელი, სტაფილო და ბოლოკი. ჩვენი იქ ყოფნის დროს მებაღემ ბოსტანი მოწყო. გარეთ გზაზე ორი სახედარი ძოვდა ბალახს. კამეჩებისა არ იყოს, სახედრებიც ქართლის სოფლის კუთვნილებას წარმოადგენდნენ.

კაკლის ქვეშ სუფრა გაშლილი დაგვიხვდა, ორ დიდ თევზზე დაჭრილი ქართული პური ეწყო. დავსხედით თუ არა, ყველა პურის ჭამას შეუდგა. სადილი ქართული იყო. ჩიბირთმამ ყველა დაანაყრა. ქართველები თავიანთი საჭმელების დიდი პატრიოტები არიან, ამიტომ სტუმრებს პირში წერწყვი მოუვიდათ, როცა სუფრაზე ტოლმა — მწვანე ვაზის ფოთოლში გახვეული ხორცი, შემწვარი ვარიები და ქართული ღვინო მოიტანეს. ღვინო მაინცდამაინც მაგარი არ გახლდათ. როგორც შეეფერებოდათ სერიოზულ და დარბაისელ მოღვაწეებს, ცოტას სევამდნენ, არ მღეროდნენ — დროს სასიამოვნო მუსაიფში ატარებდნენ.

მზე ოქროს სხივებს გვაფენდა, ჩვენ გარშემო მერცხლები დაფრინავდნენ, მახლობელ ბაღში ორი მებაღე მღეროდა, იქვე ღობის გადაღმა კი ნაკადულის ჩუხჩუხი იმყოფდა.

ამ ქართულ სუფრას ყველაზე მეტად დარბაისელი ქართველებს წმინდა ქართული საუბარი ამშვენებდა.

## ილია და გლენჯობა

საინტერესოა ილიას ურთიერთობა გლენჯაკობასთან. მრავალი წლის ზაფხულის რამდენიმე კვირა საგურამოში გამიტარებია და ამგვარად მქონდა საშუალება ახლო დავკვირებოდი ილიას დამოკიდებულებას მუშასთან და გლენჯაკობასთან. თქმა არ

უნდა, ილია დიდი მეგობარი იყო გლეხებისა, რომელთაღმი უანგარო, გადაჭარბებული სიყვარული მას ხშირად ხდიდა გლეხის მიკერძობებულ მეგობრად; ილია თავგამოდებით იცავდა გლეხკაცის ღირსებას. მე თვითონ ვიყავი მოწმე ილიას უზომო აღშფოთებისა, როცა მან ერთხელ შემთხვევით დაინახა, როგორ გაატყა სტაროსელსკების მოურავმა რომელიღაც მეცხვარეს. ამ შემთხვევის შემდეგ რამდენიმე საათი ველარ დამშვიდდა ილია; აღელვებული ლაპარაკობდა, მეცხვარეს ისეთივე ღირსება აქვს, როგორც ყველა ადამიანსო. საგურამოს და სხვა მეზობელი სოფლების გლეხკაცებში ილიას ჰყავდა მეგობრები, რომლებიც ხშირად ეწვეოდნენ ხოლმე მას და ილია მთელი საათობით ესაუბრებოდა, მასპინძლობას არ აკლებდა.

დღეობაზე მასთან ასამდე გლეხკაცი მოდიოდა. ილია უანგაროდ იყო კმაყოფილი მათი სიამოვნებითა და მხიარულებით. მართალია, ილიას ჰყავდა საყვარელი გლეხკაცები, მაგრამ არც დანარჩენებს აკლებდა თავის მეგობრობას და პატივისცემას. ერთი სიტყვით, ილია არც საქმით ღალატობდა „კაცია ადამიანსა?!“ „გლახის ნაამბობსა“ და „ოთარაანთ ქვრივში“ გამოთქმულ აზრს.

ილიას მოსამსახურეთა შორის ბევრი თავისებური ტიპი იყო. ისინი დიდხანს ემსახურებოდნენ ილიას საგურამოში. ერთი მათგანი იყო უფროსი მუშა, ადგილობრივი გლეხკაცი, სახელად გიორგი. დინჯი, ჩუმი ადამიანი გახლდათ. გიორგის თავის დღეში არ დაუქარგავს სიმშვიდე: იმის პირიდან ლანძღვა არ ამოსულა, პატიოსნებით და კეთილშობილებით საჯსე იყო ეს კაცი. დილიდან საღამომდე დაულალავად ტრიალებდა ოჯახში და თვალყურს ადევნებდა მუშებს, მაგრამ მისი ხმა არავის გაუგონია. ასეთივე წყნარი და გულკეთილი იყო მეღორე სანდრო, ახალგაზრდა მხიარული ბიჭი, რომელიც არა მარტო ადამიანებს, საქონელსაც კი უყვარდა.

ილიასთან ერთი მოხუცი ბერო მსახურობდა, არ ყოფილა შემთხვევა, ერთი კაპიციც რომ დაკარგულიყო სახლში. ეს უზომოდ ახარებდა ილიას. საზოგადოდ, ყველა ის მოვლენა, რაც გლეხკაცის დადებით მხარეს მოწმობდა, დიდსიხარულსა და სიამაყეს ჰგვრიდა. ილიას უყვარდა აგრეთვე გლეხური

სიმღერა. ხშირად საგურამოში აივანზე წიგნით ხელში მდგარი მახლობელ ბაღში მომუშავე ბიჭების სიმღერას სიამოვნებით უსმენდა. ილიას განსაკუთრებით ურმული უყვარდა, მეტად რეღამე. მეურმის ცხოვრება ძლიერ აფიქრებდა, უთანაგრძნობდა ადამიანს, რომელიც მთელი თავისი სიცოცხლე ფეხდაფეხ დასდევდა ზანტ კამეჩებს და უსმენდა ურმის ჭრიალს.

ილია ღრმად აკვირდებოდა სოფლის ცხოვრებას და დიდი ცნობისმოყვარეობით ელაპარაკებოდა ყველას. მისი მოსაუბრეთაგანი იყო ერთი მეღუქნეც, რომელიც საგურამოს ახლო-მახლო ცხოვრობდა. როდესაც ილია საგურამოში ჩამოდიოდა, მეღუქნე მაშინვე ეახლებოდა „ფეშქაშით“ — ახალი თევზით ან ნანადირევით და გადაუშლიდა სოფლის ახალ ამბებს. რა თქმა უნდა, ილია ყოველთვის უხვად ასაჩუქრებდა „ფეშქაშის“ სამაგიეროდ, როგორც თვითონ ამბობდა ხოლმე: მეღუქნის ერთ კვერცხში მე ვიხდი ერთ ქათამს, მაგრამ რა ვუყოთ, აღმოსავლეთის ადათი ეს არისო. იგი დიდი პურ-მარილით უხვდებოდა ყველა სტუმარს, უბრალოდ და ერთნაირად, მიუხედავად მათი წოდებისა და ხარისხისა. მისი სტუმარი უმთავრესად ქართველი მწერალი, საზოგადო მოღვაწე ან უბრალო ხალხი იყო, ხოლო ეგრეთ წოდებული არისტოკრატია იშვიათად მოხვდებოდა ხოლმე მის სახლში. თვითონ ილიაც არიდებდა მათ თავს.

## ილია საგურამოში

ადამიანის დასახასიათებლად, მისი გემოვნების, ჩვეულებებისა და გასართობ საშუალებათა გასაცნობად მნიშვნელობა აქვს მის საცხოვრებელ ბინას, მით უფრო, თუ ეს ბინა თვით ამ ადამიანის მიერ არის შექმნილი და რამდენიმე წელსაც აქ უცხოვრია. ციცერონს აგარაკი ტუსკულუმში ჰქონდა, რომის ახლო და იქვე დაწერა „სიბერე“. აქ მას სოფლის ცხოვრების სიმშვენიერე აქვს აღწერილი. გოეთეს სახლი და ბაღი ვაიმარში ჰქონდა, რომელსაც უამრავი მნახველი ჰყავს და ბევრ საინტერესო ცნობას გვაწვდის მწერლის გემოვნების, საყვარელი საქმიანობისა და გართობათა შესახებ. ციცერონის სახ-



ლიდან გარდა კედლებისა არა დარჩენილა რა. ჩვენ იქ ვხე-  
დავთ მხოლოდ ერთს: არც თუ ისე ლამაზ მთას, რომელიც  
რომის გარშემო მინდორ-ველსა და თვით რომს დაჰყურებს.  
ძველი რომაელისათვის, ვინც ცხოვრებას პირდაპირ, რეა-  
ლისტურად უყურებდა, ვისაც პოეზია ნაკლებად აღაფრ-  
თოვანებდა და თავისებურად ესმოდა, ეს გადასახედიც საკმაო  
იყო. მას თვალწინ ეშლებოდა ქალაქი, საითქენაც მიისწრა-  
ფოდა მთელი მისი გონება და სურვილები. გოეთეს სახლი  
ვაიმარში წარმოდგენას გვაძლევს გოეთეზე, როგორც ადა-  
მიანზე; ის იყო მშვიდი პოეტი, ბრძენი და დიდებული მოაზ-  
როვნე, რომელიც ბევრ სასიამოვნოს პოულობდა ვაიმარის  
მშვენიერ შემოგარენში.

რომ მოვიხლოდეთ, კიდევ ვიპოვიტ სხვა პოეტებისა და  
მწერლების სახლებს, მაგრამ დაუბრუნდეთ ისევ ილიას.

ილიას მშობლიური სოფელი ყვარელი, სადაც მან ყრმობა  
და თითქმის სიჭაბუკეც გაატარა, განსაკუთრებული სილამა-  
ზით არ არის შემკული. ეს დიდი სოფელი ვიწრო ხეობაშია  
მოქცეული. მემამულეთა და გლეხების სახლ-კარი ერთიმეო-  
რეზე მჭიდროდ არის მიკრული; ეზოსა და ბაღებისათვის  
ვრცელი ადგილის უქონლობის გამო აქ მხოლოდ თითო-ორო-  
ლა მემამულესა და გლეხს თუ აქვს სახლთან პატარ-პატარა  
ბაღები.

სახლ-კარს, სადაც ილია დაიბადა და ბავშვობა გაატარა,  
სილამაზე აკლია; ეზო ფართოა და შიგ არც ერთი ხე არა  
დგას, სადგომი სახლიც დაბალია და სივრცეს მოკლებული.  
შუა ეზოში ახლაც ვამჩნევთ სქელკედლებიან ძველებურ  
კოშკს, სადაც ლეკების შემოსევის დროს მთელი ოჯახობა  
აფარებდა ხოლმე თავს.

აქ გაატარა ილიამ თავისი სიცოცხლის პირველი ხანა. აქ,  
ორი ქვეყნის — საქართველოსა და დაღესტნის საზღვარზე  
მიიღო ილიამ ქვეყნისა და სიცოცხლის პირველი შთაბეჭდი-  
ლებანი. აქვე ბავშვობისას ისმენდა ილია სხვადასხვა ამბებს  
ლეკებთან თავისი ნათესავეებისა და გლეხობის ბრძოლის შე-  
სახებ. რასაკვირველია, ამ ამბებს დიდი გავლენა ჰქონდა ბავ-  
შვის ფანტაზიაზე.

კიდევ უფრო ძალოვნად მოქმედებდა ილიაზე საუცხოო

ბუნება, რომელიც გარს ერტყა ყვარელს. ჩრდილოეთით ბურჯის უკან ახლაც აღმართულია ხშირი ტყით შემოსილი მაღალი მთები. ხეობაში ვიწრო ბილიკი ჩანს, რომელსაც მგზავრი უცხო მხარეში, დაღესტანში მიჰყავს. ამ ტყეში რაღაც საიდუმლოება მეფობს; არეპარე ღრმა სიჩუმით არის მოცული, მყუდროებას მხოლოდ ფრინველთა ჭიკჭიკი და ნაკადულთა ჩხრიალი თუ არღვევს. სამხრეთით, ყვარლის ვრცელ ზერებს იქით, ათასფრად აჭრელბუღლი მზიანი მხარე იშლება; ეს არის საუცხოო ალაზნის ველი, რომელიც ილიას ძლიერ უყვარდა და რომლის სიმშვენიერით ყოველთვის აღტაცებული უნდა იყოს ყველა, ვისაც ეს ველი უნახავს. აქ ყველაფერი თვალწინ გეშლებათ, ნათელი ადგას აფერადებულ ველს. მაშინ, როდესაც სოფლის ჩრდილოეთი მხარე საიდუმლოებით არის შემოზღუდული. თუ რომელიმე მახლობელ მთის მწვერვალზე ახვალთ, რომელიც უზარმაზარ კედლად არის აქ აღმართული, და იქიდან გადაიხედავთ ქვევით, თვალწინ გადაგეშლებათ ალაზნის ველი, თელავიდან სიღნაღამდე — ქიზიყამდე გადაჭიმული ეს ფერწერული, ხეთა ტევრებით მდიდარი მწვანე ველი. ისე მშვენიერია იქაურობა, რომ მისი აღწერა არავითარ კალამს არ შეუძლია. ამ ველისა და მახლობელი მთების მშვენიერების გარდა თვალს რაღაც ჯადოსნური სინათლე იტაცებს, რომელიც ყოველდღე სხვადასხვანაირად იცვლება. კახეთი-საუცხოოა ბინდისას, მზის ამოსვლისა და ჩასვლისას, მთვარიან ღამეშიც, როცა მთელ ალაზნის ველს ვერცხლისფერი სხივები დაკაშკაშებს.

ილია გრძნობდა კახეთის ბუნების ამ სიმშვენიერეს და მის მოგონებასაც კი აღტაცებაში მოჰყავდა. კახეთმა მისცა ილიას მასალა თავისი მოთხრობებისათვის — „კაცია ადამიანი?“ „გლახის ნაამბობი“. ამ მოთხრობების გმირები კახეთის სინამდვილიდან არის აღებული, რადგანაც საქართველოს სხვა პროვინციების ცხოვრებას მაშინ ილია ისე კარგად ჯერ კიდევ არ იცნობდა... შემდგომ იგი უკვირდება საქართველოს სხვადასხვა კუთხესაც და მისი მხატვრული ხედვაც ფართოვდება. ილია კახეთს გაშორდა, მაგრამ მისი აზრი და გონება ხშირად კვლავ მისკენ მიისწრაფოდა და ნაზი გრძნობით იგონებდა თავის სამშობლო მხარეს, მან კიდევ დაწერა უმშვენიე-

რესი ლექსი „ალაზანს“, რომლის მსგავსი კახეთის შესახებ არც მანამდე და არც შემდეგ არ დაწერილა. საკვირველია, რომ ასეთი საუცხოო მხარე, როგორც კახეთია, იშვიათად იზიდავს ქართველ პოეტებსა და მხატვრებს: ქართულ პოეზიაში კახეთს მხოლოდ მეორეხარისხოვანი ადგილი უჭირავს, მხატვრობაში კი სრულიად არა ჩანს.

მას შემდეგ, რაც ილიამ საზოგადო მოღვაწეობა დაიწყო, მშობლიური კერა კარგა ხანს აღარ იზიდავდა. აქ ილია სტუმრად თუ მოვიდოდა, მამაპაპეული სახლი მოკლებული იყო სიმშვენიერესა და მორთულობას.

პოეტი ილია საზაფხულოდ დასასვენებელ ადგილს ეძებდა და იბოვა კიდეც საგურამოში, თავისი მეუღლის ოლღას მამულში; აქ ილიამ ერთ მდღობზე, ზედაზნის მთის ტყიან კალთაზე, ააშენა სახლ-კარი და თავისი საზაფხულო რეზიდენცია მოაწყო, მაგრამ მისი კეთილმოწყობა კარგა ხნით დაგვიანდა. 1884 წელს, როცა საგურამოში პირველად ჩავედი, ილიას ოთხთახიანი ბატარა სახლი ძველთაძველ ბინას მოგავგონებდათ, ამ დროს ბაღში ბუჩქებიც ტანმორჩილი იყო; ცაცხვის ხეივანიც, რომელიც შემდეგ ბაღის მშვენიებად იქცა, ჯერ კიდევ არ იძლეოდა ჩრდილს. თვითონ ილიას მცენარეთა მოვლა არ ეხერხებოდა. შემდეგ მათი მოვლა-პატრონობა მე ვიკისრე. სახლის გვერდზე, კაკლის წინ მაშინ დაქანებული ადგილი იყო, ხოლო მერე გავასწორეთ ეს ადგილი და მილით წყალი რომ გამოვიყვანეთ, აღმოსავლური ყაიდის შადრევანიც მოვაწყვეთ.

მართალია, ამის შემდეგაც ილიას სახლს ბევრი ნაკლი ჰქონდა, მაგრამ აქ ყოფნა მაინც სასიამოვნო იყო. ყოველ ზაფხულს, კვირა-უქმე დღეს და სამსახურიდან თავისუფალ დროს ილია საგურამოში ატარებდა. აქვე იყრიდნენ თავს სხვადასხვა ადგილებიდან მოსული სტუმრები. ძველი ქართული სტუმართმოყვარეობა მტკიცედ იყო დაცული; სტუმარს აქ გულუხვი მასპინძელი უხვდებოდა და საგურამოდან უკმაყოფილო არასოდეს ბრუნდებოდა. ეს პურადობა ამ სიტყვის ფართო მნიშვნელობით, ილიას და მის მეუღლეს უწმინდეს მოვალეობად მიაჩნდათ, თუმცა იგი ხშირად ძვირად უჩვდებო-

დათ, მაგრამ მისი უარყოფა და ხარჯების შემცირება მაინც არ სურდათ.

ამ მშვენიერ კუთხეში, სადაც ქალაქის დაუსრულებელი ხმაური ვერ აღწევდა, ილიას სასურველი სტუმარი ძლიერ აამებდა ხოლმე. მით უფრო, როცა სტუმარი მასთან სიამოვნებას გრძნობდა. შაბათობით, როცა ილია, ჩვეულებრივ, საგურამოში მიდიოდა, რომ კვირა და ზოგჯერ ორშაბათიც იქ გაეტარებინა, ხშირად რამდენიმე კაციც მიჰყავდა თან. ოთხმოციან წლებში აქ იყო ხოლმე მთლად ჭაღარა რაფიელ ერისთავი, გიგო ყიფშიძე — ილიას მარჯვენა ხელი „ივერიის“ გამოცემაში, როცა ეს გამოცემა ერთგვიური ჟურნალი და შემდეგ ყოველდღიური გაზეთი იყო: აქ მოდიოდნენ განსვენებული ალექსანდრე ყიფშიძეც — გიგო ყიფშიძის ძმა, იონა მეუნარგია, ილია ბახტაძე, ვლადიმერ მიქელაძე, ვალიკო გუნია, ვანო მაჩაბელი, აკაკი წერეთელი, აქვსენტი ცაგარელი, საბავშვო ჟურნალ „ნობათის“ რედაქტორი ანდრია ლულაძე, ნიკო ხიზანიშვილი, პეტრე უმიკაშვილი. ილიას აქ თითქმის ყოველ კვირას მონახულებდა ხოლმე თავის საყვარელ სოფელში გზად მიმავალი საუკეთესო და სარწმუნო მეგობარი ილია წინამძღვრიშვილი, რომელიც ილიას გარდაცვალების შემდეგ განუწყვეტლივ უწევდა მზრუნველობას მის საცოდავ ქვრივს.

ყველა სტუმარი, ვინც კი ილიასთან იკრიბებოდა საგურამოში, მონაწილეობას იღებდა ლიტერატურისა და საგამომცემლო საქმეში. სტუმარ-მასპინძლის სასაუბრო საგანს, რასაკვირველია, უფრო ხშირად მწერლობა წარმოადგენდა...

სტუმრების უმრავლესობა დასასვენებლად მოდიოდა, ხან ახალ ლექსებს კითხულობდნენ, ხან გაზეთის სტატიებს, მსჯელობა მეტწილად საადგილმამულო ბანკის გარშემო ტრიალებდა, რომელშიც მონაწილეობას უმთავრესად თავადაზნაურობა ღებულობდა. საუბრის საგანი იყო აგრეთვე ყოველდღიური გაზეთი „დროება“ და მისი დახურვის შემდეგ — „ივერია“. „ივერიაც“ და „დროებაც“ საკუთარი, განსაკუთრებული თვალსაზრისით ეხებოდა ქართველების ცხოვრებას; ასევე დაინტერესებულები იყვნენ თეატრითაც, რომელსაც

იმ დროს ცოტა მაყურებელი ჰყავდა. ქართველი ინტელიგენციის რიცხვი პირველ ხანებში მცირე იყო, მაგრამ ილია ამბობდა, ქართველთა გონებრივი და კულტურული ძალა იზრდება, საზოგადოებრივ სარბიელზე განათლებულ მუშაკთა რიცხვი ძლიერ მრავლდებაო...

— მთელი ეს ახალი თაობა, ყმაწვილები, რომლებიც ყოველწლივ გამოდიან ცხოვრების ასპარეზზე, მოდიან ქვეყიდან, გლეხთა წრეებიდან, ეს ძლიერ სასიამოვნოა, — ხშირად მეუბნებოდა ილია ოთხმოციან წლებში. მაგრამ, ბოლოს, როცა დაინახა, რომ ეს ახალი ყმაწვილკაცობა ბევრ რამეში აღარ ეთანხმებოდა, ილიაც იშვიათად ლაპარაკობდა მათზე, თუცა ეს პროგრესი მაინც ახარებდა.

ოთხმოციან წლებში საზოგადო მოღვაწეთა წრე პატარა გახლდათ, მაგრამ მასში ზოგი თავდადებული მშრომელი და დაუღალავი მუშაკი იყო, როგორც, მაგალითად, ნიკო ცხვედაძე და იაკობ გოგებაშვილი. ამათგან საგურამოში ყოფილა ხოლმე ნიკო ცხვედაძე, გოგებაშვილი კი არასოდეს.

საგურამოში ყოველ 20 ივლისს ილიას დღეობაზე დიდი სტუმრობა იმართებოდა. ამ დღეს თავს იყრიდნენ ნაცნობები და მეგობრები თბილისიდან, გლეხები და მემამულეები ახლომანლო სოფლებიდან, ჩამოდიოდნენ ილიას პატივისმცემლები კახეთიდან და იმერეთიდანაც. იმართებოდა დიდი დღესასწაული, ძველებური და უნაკლო, სასმელ-საჭმელი ტრადიციული და ქართული იყო: მრავალფეროვანი, უხვი, ნაირნაირი, საგურამოს ღვინო ჭავლივით მოჩქეფდა. რასაკვირველია, სუფრა გაშლილი იყო გარეთ, უზარმაზარი კაკლის ხის ქვეშ, იქვე მახლობლად ბალახზე ისხდნენ მწკრივად ჩამომსხდარი გლეხები. ილიას სადღეგრძელოს გარდა ძლიერ ხშირად ვრცელ სიტყვებსაც წარმოთქვამდნენ ხოლმე; ამბობდნენ მის საქებას ლექსებსაც; ამას სიმღერაც მოჰყვებოდა. აქ თავის საყვარელ სიმღერებს მღეროდა ნატო გაბუნია, სახუმარო სიტყვებს ამბობდა კოტე მესხი, განდეგილი (დომინიკა ერისთავისა) ლექსებს კითხულობდა, სხვები ლექტურს უვლიდნენ. მხიარული შექცევა ბინდამდე გრძელდებოდა. ამ დღეს ილია ჩვეულებრივზე უფრო მხიარული იყო ხოლმე, ამდენი სტუმარი და მათი მხიარულება ილიას ახარებდა.

თბილისიდან მოსული სტუმრები ღამის გასათევად რჩებოდნენ და კვლავ გაშლილ სუფრას სავახშმოვ მოუხსნდებოდნენ. მათი სიმღერა ღამის მყუდროებას არღვევდა, მხიარული გამოძახილი იჭრებოდა ზედაზნის დაბურულ ტყეში.

როცა ილიაობა დასრულდებოდა და სტუმრები წავიდ-წამოვიდოდნენ, საგურამოში კვლავ სიჩუმე და მყუდროება დაისადგურებდა. ილია მთელი თვე რჩებოდა საგურამოში. მეც ხშირად რამდენიმე ხნით ვრჩებოდი მასთან. ილია ივიწყებდა ქალაქის საქმეებს, ისვენებდა და მეურნეობასაც ეწეოდა, თუმცა ეს საქმეები მას ნაკლებად ესმოდა. ილიას ხუმრობით მეურნეობის მოყვარე დილეტანტს ვეძახდი და, მართლაც, ის დილეტანტი იყო ამ საქმეში. მეურნეობას ვერ აწარმოებდა: სამეურნეო შენობები ცულ მდგომარეობაში ჰქონდა, ილია არ ზრუნავდა თავის მეურნეობაზე. მხოლოდ ერთი რამისათვის ზრუნავდა — ეს იყო მანქანები, რომელთა მუშაობა სიამოვნებასა ჰგვრიდა. ბევრი მათგანი შემდეგ უძრავად ეყარა საბძელში. მხოლოდ ერთი ცხენით სამკელი და სალეწი მანქანა მუშაობდა კარგა ხანს და დიდი სარგებლობაც მოჰქონდა. ილია მთელ დღეს კალოზე ატარებდა, მას შორიდან დაინახავდით კალოზე ძნებსა და ბზეს შორის თეთრ საზაფხულო ტანისამოსში, პაპიროსით ხელში. ხანდახან ძლიერ მაკვირვებდა მისი მოთმინება, როცა პაპანაქება სიცხეში რამდენიმე საათის განმავლობაში კალოზე მუშაობას დაჰყურებდა ხოლმე. კალოობის შემდეგ ილიას მეურნეობის ხალისი ეკარგებოდა, ხანდახან მხოლოდ ბაღში თუ შეივლიდა. საღამო ხანს, როცა ნახირი სოფელში ბრუნდებოდა, ილია მუდამ აივანზე გამოდიოდა და სოფელში დაბრუნებულ ნახირს შეჰყურებდა. დიახ, ილიას უყვარდა სოფლის ცხოვრება.

დროთა განმავლობაში ილიას კარ-მიდამო საგურამოში უფრო და უფრო მშვენიდებოდა, ხეები და ჩირგვები წამოიზარდა და მხოლოდ ერთადერთი სახლი არ შეესაბამებოდა გარემო ბუნების სიმშვენიერეს. 1892 წლიდან ილიამ გადაწყვიტა აეშენებინა ქვითკირის სახლი. ამ საქმეს მოჰკიდა ხელი და ბოლოს 1894 წელს დაასრულა კიდევც. სახლი მართლა ლამაზი, ფართო და მოწყობილი გამოვიდა. ილია, რო-

გორც ყმაწვილი, ისე შეხაროდა ამ სახლს. ახლა მთელ სახლს  
კარს, არემარეს სხვა სახე მიეცა. უბრალო საზაფხულო სახ-  
ლი კი არ იყო, არამედ ფართო სასახლე სხვადასხვა მოწყო-  
ბილობებით. მოზრდილ ხეებიანი ბაღი შორიდან პარკად მო-  
გეჩვენებოდათ. ილიას ძლიერ უყვარდა ეს ხეები, რომლებიც  
მის თვალწინ გაიზარდა. ამ ხეებში ილიას რჩეულებიც  
ერია — ერთი მაღალი ჭადარი, ორი ლამაზი წაბლის ხე და  
მთელი ხეივანი უხვრდილიანი ცაცხვებისა. ილია კიდეც  
ამაყობდა ამ ხეებით და საუბრის დროს ხშირად იგონებდა  
გოეთეს სიტყვებს: „მან ქმნა კეთილი საქმე, ვინც დარგო და  
აღზარდა რამდენიმე ლამაზი ხეო“. ყველაზე უფრო ილიას  
მაღალი ვერცხლისფერი ჭადარი მოსწონდა, რომელიც წინა  
აივნის ერთ-ერთ ბოლოში იდგა. ეს ხე ძლივს გადაარჩინეს  
მოჭრას სახლის აგების დროს. ბაღში აუზი უფრო გაფარ-  
თოეს და სახლის წინ კაკლის ხის ქვეშ შადრევანი მოაწყვეს,  
რომლის ჩუხჩუხი ღამის სიჩუმეში ადამიანს სმენას უტკბობ-  
და; ვენახიც და ხეხილის ბაღიც გაფართოვდა, გალამაზდა;  
ატმის, ვაშლისა და მსხლის ყვავილებით მორთული ქვემოთა  
ხეხილის ბაღი საუცხოო სურათს წარმოადგენდა გა-  
ზაფხულზე.

ღიახ, ილიას სოფლის სასახლე თანდათან დამშვენდა.  
აკაკის სახლი საჩხერეში, რომელიც ვინახულე 1887 წელს  
და რომლის სილამაზე ბევრჯერ მიქია ილიასთან, ახლა ვერ  
შეედრებოდა ილიას საგურამოსეულ სახლს.

აკაკის სახლი ტყიანი ხეობის თავთან ჩრდილოვან, თით-  
ქოს საიდუმლოებით მოცულ ბაღში დგას და ხეების მწვანე,  
მდიდარი სამოსელიდან ნათლად და სასიამოვნოდ გამოიყუ-  
რება. მაგრამ მისი მდებარეობა ისეთია, რომ არემარე თვალს  
ეფარება მაშინ, როცა საგურამოს სახლის აივნიდან სამი  
მხრით თვალუწვდენელი მშვენიერი სურათი გადაგეშლებათ  
წინ. მე ვამბობ ზემო აივნიდან, სადაც ილიას კაბინეტია მო-  
თავსებული. დასავლეთით მუხრანის ველი და შორს მდინა-  
რე ქსანი მოჩანს. ხოლო ახლო — არაგვი. შემდეგ გადა-  
გეშლებათ მყინვარწვერით დამშვენებული კავკასიონის ქედი  
და საქართველოს სამხედრო გზა; აღმოსავლეთით კი — წი-  
ნამძღვრიანთკარი და ერწოს არემარე. ქვემოთა აივნიდან

სანახაობა უფრო შეზღუდულია, მოჩანს ხშირი ბალი, სადაც გაზაფხულობით იასამნის ბუჩქები ჰყვავიან, ზაფხულობით კი ვარდები და ათასნაირი ყვავილები.

სახლი და სხვა შენობებიც მწვანეში იყო ჩაფლული. ვინც ქვემოდან სოფლის გზით ამოდიოდა, კარ-მიდამოს თითქმის ვერა ხედავდა; მის თვალწინ გადაიშლებოდა ბალვენახებით შემკული ნამდვილი სამოთხე, რომელსაც თავს აღვა მალალტციანი ზედაზნის მთები.

რამდენჯერ ავსულვართ ორივენი ამ გზით, ხან ეტლით, ხანაც ფეხით. და ამ მწვანე სამოთხის სიმშვენიერეს აღტაცებაში მოვუყვანივართ. რამდენჯერ შევჩერებულვართ გზადაგზა და ამოოხვრით გადაგვიხედავს ამ დიდებული სანახაობისათვის. რამდენადაც ხანში შედიოდა ილია, იმდენად უფრო სწუხდა, რომ ბოლოს და ბოლოს უნდა გამოსთხოვებოდა ამ საუცხოო მხარეს, სადაც მან მთელი თავისი სიცოცხლე ბედნიერად, მშვიდად და მდიდარი პოეტური აღმაფრენით გაატარა... აქ, ამ გზაზე, გარდაცვალებამდე რამდენიმე წლით ადრე, ილიამ აღტაცებითა და თან ფარული ნალველით მითხრა, ასეთ ადგილას კაცს ორასი წლის სიცოცხლე მოგინდებაო. ილიამ ამ ახალ სახლში მთელი თორმეტი წელი გაატარა ზაფხულის თვეები სტუმართა შორის სიამოვნებითა და ბედნიერებით. მისი პატივისმცემლები ხშირად მიდიოდნენ საგურამოში, ხანდახან უცხოელებიც ესტუმრებოდნენ ხოლმე.

1897 წლის ივლისში საგურამოში ილიასთან სტუმრად იყვნენ ცნობილი ექიმი-პროფესორი ბერტელიონი პარიზიდან, პროფესორი ბოსკო რომიდან და რუსი მწერალი ვასილ ველიჩკო. სტუმრებისთვის რომ ესიამოვნებინა, ილიამ მოაწყო ურმით მოგზაურობა ზედაზნის მონასტერში, სადაც ხის ქვეშ მწვანეზე ვისადილეთ. ჩვენ თვალწინ გადაშლილი იყო მცხეთა, არაგვისა და მტკვრის შესართავი და თბილისი. კავკასიონის მთებმა ყველაზე მეტი აღტაცება პროფესორ ბოსკოს მოჰგვარა. იგი დაბრუნებისას მცხეთაში ავიდა მალა მთაზე, რომ ერთხელ კიდევ დამტკბარიყო მყინვარის დიდებული სურათით.

1898 წელს საგურამოში ილიას ეწვია ბერლინის უნი-



ვერსიტეტის პროფესორი კარლ ლემან-ჰაუპტი, ავტორი სერიოზული გამოკვლევებისა წინა აზიის წარსულიდან. ქართველ პოეტთან ყოფნა მან დაწვრილებითა და საინტერესოდ გადმოგვცა ჯერ გერმანულ ჟურნალ „Die Hilfe“ -ში და შემდეგ კავკასიიდან სპარსეთ-მესოპოტამიაში მისი მოგზაურობის ვრცელ აღწერაში. როცა ილია 1900 წელს ბერლინში იყო, მან ინახულა პროფესორი ლემან-ჰაუპტი, რომელიც ილიასადმი წრფელი გრძნობით იყო გამსჭვალული. ილიას ტრაგიკული სიკვდილის გამო მან ბერლინის ერთ დიდ გაზეთში ნეკროლოგი მოათავსა ილიას პიროვნებისა და მისი მოღვაწეობის შესახებ. მანვე დაბეჭდა ცნობები ერთ თავის წიგნში.

1900 წლის ივნისში, საგურამოში ილიას გულის ხუთვა (ასთმა) მოსდიოდა, ამიტომაც დავით სარაჯიშვილი და მისი მეუღლე ეკატერინე დაჟინებით ურჩევდნენ ბერლინში წასვლას პროფესორ ლეიდენტან, რომელიც ევროპული მეცნიერების ერთ ვარსკვლავად ითვლებოდა. ბერლინიდან ილია გამოჯანსაღებული დაბრუნდა, მაგრამ არ ასრულებდა იმ რეჟიმს, რომელიც პროფესორ ლეიდენტანმა დაუნიშნა. ორი-სამი წლის შემდეგ მისი ჯანმრთელობა გაუარესდა; სიბერისაგან განჯურნება ილიას შეუძლებლად მიაჩნდა. ხშირად იმეორებდა შოთა რუსთაველის სიტყვებს: „სიბერე მჭირს, ჳირთა უფრო ძნელიაო“ საზოგადოდ, ილია ზომიერად ცხოვრობდა, მაგრამ დიეტას არ იცავდა, ეს კი ფავლენას ახდენდა მის ორგანიზმზე. საგურამოში ყოფნა ილიას ყოველთვის ძალას მატებდა. უკანასკნელ ხანებში, უფრო მას შემდეგ, რაც ბანკის საქმეებს თავი დაანება, ცდილობდა უფრო მომეტებულად თავის საყვარელ სოფელში ეცხოვრა.

საგურამოში ილიას სახლის გარშემო ბუნება თანდათან ლამაზდებოდა, ხეებმა ტანი აიყარეს. ილიას კი სიბერე ერეოდა და სიცოცხლის სიამეც უნელდებოდა. ბოლოს მისი ტრაგიკული დასასრულიც მოვიდა. და ზღაპრული, საუცხოო „მწვანე სამოთხე“ ყველამ მიივიწყა, იქითკენ აღარავინ იხედება, მაგრამ ქართული ლიტერატურის ისტორიაში საგურამო მაინც დაიჭერს ღირსსახსოვარ ადგილს.

## ილიას პირადი ცხოვრება

ილია ჭავჭავაძე მშვენიერი მოსაუბრე იყო, მაგრამ საზოგადოებაში ლაპარაკი არ უყვარდა და უპირატესობას მხოლოდ მახლობელ წრეს აძლევდა. უფრო სასიამოვნო საუბრები მახსოვს, როცა ორი ან სამი შევეყრებოდით ერთად. ანდა მარტო მე ვიყავი მასთან, რაც საკმაოდ ხშირად ხდებოდა. პირველი გაცნობიდანვე მე და ილია ისე დაეუახლოვდით ერთმანეთს, რომ რაც უნდა საჭირო საქმით ყოფილიყო გართული, მაინც მიმიღებდა. მეც მულამ სიამოვნებით ვსარგებლობდი ამით. მრავალი წლის განმავლობაში თითქმის ყოველდღე რამდენიმე საათი ვისხედით ერთად და ვსაუბრობდით.

როგორც ყოველი ქართველი, ილიაც საუბრის მოყვარული გახლდათ, მაგრამ თავდაპირველი და ჭკვიანი კაცი იყო და სხვების ყურისგდებაც უყვარდა.

თითქმის ყოველთვის, როცა კი ვეწვეოდი, ილია თავის სამუშაო ოთახში ან კითხულობდა, ანდა რასმე აკეთებდა, მაგრამ როცა დამინახავდა, მაშინვე თავს მალა აიღებდა, სათვალეს მოიხსნიდა და მზად იყო საუბრისთვის.

ჩვენი საუბარი, რასაკვირველია, უფრო ხშირად ლიტერატურას ეხებოდა, რადგან ილიას ისე არა უყვარდა რა, როგორც პოეზია და საერთოდ, მწერლობა.

ქართველი პოეტების შესახებ ილია თუმცა კრიტიკულად, მაგრამ სამართლიანად მსჯელობდა. გულწრფელად უყვარდა რაფიელ ერისთავი და აფასებდა მის „სოფლის სურათებს“, რომლის თემა ახალი იყო ქართულ ლიტერატურაში.

— პოეზია შიგ ცოტაა, მაგრამ ცხოვრების როგორი სინამდვილეა და რამდენი სიმართლეა,—გულთბილი გრძნობით იტყვოდა ხოლმე ილია რაფიელის ნაწერებზე.

ილია ვაჟა-ფშაველას ძლიერ მალა აყენებდა, მასში ხედავდა ბუნებრიობის ორიგინალურ სიდიადეს, ყოველის-შემძლე ბუნების მიერ გრძნობით დაჯილდოებულს. ოთხმოციანი წლების დასასრულს ილია ხშირად ბეჭდავდა „ივერიაში“ ვაჟა-ფშაველას ლექსებს და ყოველთვის აღტაცება-

ში მოდიოდა, როცა ხმამაღლა წამიკითხავდა ან მესაუბრებოდა ვაჟა-ფშაველას ნაწერებზე.

ხშირად, როცა მის საპუშაო ოთახში შევსულვარ, ილია შემდეგი სიტყვებით მომეგებებოდა: კარგი საჩუქარი მაქვს თქვენთვისო, და წამიკითხავდა ვაჟა-ფშაველას რომელიმე ახალ ლექსს.

დიდად აფასებდა ბაჩანას ზოგიერთ ლექსს. არ დამავიწყდება ის წუთი, როცა აღტაცებული ილია პირველად კითხულობდა ბაჩანას ლექსებს „მუხას“ და „ბინდი მთაში“. ეს იყო, როგორც მახსოვს, 1887 წელს, როცა ილია ბებუთოვის ქუჩაზე ცხოვრობდა და მთელ დროს გაზეთ „ივერიის“ რედაქტორობას ანდომებდა. ამ დროს ილია ძლიერ გატაცებული იყო პოეზიითა და ლიტერატურით და ხარბად ეტანებოდა ევროპის საუკეთესო ნწერლების თხზულებებს. მათში გენიალობის, პოეტობისა და ჭეშმარიტად მოაზროვნის გამომხატველად ილიას გოეთე მიაჩნდა, რომელსაც ზოგიერთი მხრით ბაირონსაც კი ამაჯობინებდა.

— თქვენი ოლიმპიელი.. ოპ, რამდენი აზრთა და გრძობათა ძალა ჩანს მასში,— ხშირად უთქვამს ილიას გოეთეს შესახებ.

— დიახ, გოეთე ოლიმპიელია, მაგრამ მიკვირს, რომ თქვენ — ქართველი, იმას შილერზე უფრო მაღლა აყენებთ?!— ვუთხარი ერთხელ ილიას, როცა საუზმის შემდეგ ორივე აივანზე ვისხედით და არაგვის საუცხოო ნაპირების სილამაზით ვტკბებოდით.

— განა ვერ ატყობ, რომ ჩემს აზრებში ბევრი რამ ინდოევროპულიაო, — მითხრა მან და ხანგრძლივი საუბარი დაიწყო აღმოსავლეთზე.

— აღმოსავლეთს არ შესწევს იმგვარი ფილოსოფოსობა, როგორც ის ევროპელს ესმის;— განაგრძო ილიამ.— ადამიანის ცხოვრებასა და საგნებზე ცივი, ფხიზელი მსჯელობა გრძობათა დაუხმარებლად, მგონია, შეუძლებელია აღმოსავლეთში.

ამ საუბრის შემდეგ მცირე ხანი გავიდა და თბილისში გერმანულად ნათარგმნი ფირდოუსის „შაჰნამე“ წავიკითხე. წაკითხულის ძლიერი შთაბეჭდილებით შეპყრობილმა

ილიას ვუთხარი: ამ პოემაში ბევრი ისეთი ადგილია, რომელიც თავისი ტრაგიზმით შექსპირს მოგვაგონებს. ამეთქი.

— არა მგონია, მას შეეძლოს შექსპირის ტრაგიზმის სიმაღლის მიწვდომა, — მომიგო ილიამ.

ამაში ნაწილობრივ სიპართლევ იყო, თუმცა ფირდოუსის ღირსება სწორედ ტრაგიკულ ძალაშია, მაგრამ იგი ეპიკური პოეტი იყო და არა დრამატურგი.

საზოგადოდ, ილიას სპარსული პოეზია არ მოსწონდა, ამბობდა, მრავალ საუკუნეთა განმავლობაში მან ცუდი გავლენა მოახდინა ქართულ მწერლობაზე, რალაცნაირი ქალღირსი გულჩვილობა და აზრთა გარყვნილობა შემოიტანაო.

ამიტომ ილიას არ უნდოდა, რომ ქართველი მწერლები სპარსულ მწერლობას დაწაფებოდნენ. პირიქით, მას სურდა ქართული ლიტერატურა აღმოსავლეთის გავლენისაგან გაენთავისუფლებინა და გაეფროპელებინა. ამას თვითონაც უწყობდა ხელს. იგი არა მარტო ლიტერატურის, არამედ საზოგადოდ, ცხოვრების ევროპიზაციის მომხრეც იყო... თავად კი, მოუხედავად ევროპული განათლებისა, სულით და გულით მუდამ ქართველად დარჩა.

1900 წელს, როცა ილიამ გერმანია და ავსტრია მოიარა, დადი ცნობისმოყვარეობით ათვალეიერებდა და უკვირდებოდა გერმანელების ცხოვრებასა და კულტურას. ყურადღებას აქცევდა ყველა წვრილმანს, მაგრამ ღვიძლი სამშობლო, საქართველო ყოველთვის ძლიერ იზიდავდა თავისკენ. უცხოეთიდან დაბრუნებული ილია, თბილისს რომ უახლოვდებოდა, ისე მოიხიბლა საყვარელი ქალაქის ხილვით, რომ თვალეზე ცრემლიც კი მოაღვა. ამას ილია სრულიად მოურიდებლად მიამბობდა ხოლმე და თან დასძენდა: ყმაწვილობაშიაც გამომიციდია სამშობლოს მოშორებით გამოწვეული ნადველი, მაგრამ ისე ძლიერ არა როგორც ესლა, მოხუცებულობის ჟამსო.

როგორ უყვარდა ილიას თავისი მშობლიური კუთხე — ყვარელი, ეს სხვათა შორის, იმ მოთხრობიდან და ლექსებიდანაც ჩანს, რომლებშიც დიდი აღტაცებით და მომხიბლაობითაა აღწერილი ალაზნის მშვენიერი ველი.

არა ნაკლებ უყვარდა ილიას საგურამო, სადაც სამო-

ცდათიან წლებში მან ერთი მშვენიერი აღგილი აიჩრია სა-  
მოსახლოდ. ეს საუცხოო კუთხე ილიას საყვარელი საზა-  
ფხულო აღგილი. იყო, მისი Tusculum. სადაც იწვევდა.  
არა მარტო ურიცხვ ქართველებს, არამედ უცხოელებსაც.  
ისინი ისევე, როგორც თვითონ ილია, აღტაცებულები იყვ-  
ნენ ტყეში ჩაფლული არემარეთი და მისი საუცხოო სანა-  
ხაობით. არა ერთ უცხოელს აუწერია საგურამო და სტუ-  
მართმოყვარე ქართველი პოეტის სახლში გატარებული დრო.

საგურამოს ვრცელი აღწერილობა მიუძღვნა ბერლინის  
უნივერსიტეტის პროფესორმა კარლ ლემან-ჰაუპტმა თავის  
კაპიტალურ შრომაში: „Armenien einst und jetzt“ აქ  
სხვათა შორის, აღწერილია მისი მოგზაურობა კავკასიაში.  
მეც ჩემს ორ წიგნში საკმაოდ მაქვს დასურათებული ეს  
უმშვენიერესი კუთხე, სადაც მრავალი ზაფხული გაუტარე-  
ბია განსვენებულ ილიას.

ამ კუთხის ერთი დამამშვენებელთაგანია ბებერი, უზარ-  
მაზარი კაკლის ხე, რომლის მახლობლად 70-იანი წლების  
დამდეგს ილიამ ააგო პატარა, ერთსართულიანი სახლი.  
სახლთანვე მოაწყო ცაცხვის ხეივანი.

1884 წელს, როცა პირველად მოვედი -საგურამოში,  
ცაცხვები უკვე მოზრდილი იყო, მაგრამ ბოლოს, რაკი ყო-  
ველ გაზაფხულობით ახლად შევკვეცავდი, ცაცხვებიც მალე  
იზრდებოდა. ეს ძველი სახლი სულ ოცდახუთი წელიწადი  
იდგა, 1894 წლამდე. მანამდე, ვიღრე ილიამ გადაწყვიტა  
ახალი სახლის აგება. თუმცა კი ილიას ეს სადა ოთახები და  
აივანი, სადაც მან თავისი სიცოცხლის საუკეთესო დღენი  
გატარა, ძლიერ უყვარდა. ეს სასიამოვნო მოგონებანი არ  
განჭრებიან, ახალს სახლში ამ მოგონებებით ვისიამოვნებო,—  
ამბობდა ილია ახალი, ლამაზი სახლის აგების დროს.

ორივე სიხარულით ველოდით იმ სასიამოვნო დროს,  
როცა მთის კალთაზე შეფენილ ტყეში ცხოვრებას დავი-  
წყებდით. ახალი სახლის აგება რომ დამთავრდა, ილიას  
სიხარულს საზღვარი არა ჰქონდა, ყმაწვილური აღტაცები-  
თა და ბედნიერებისაგან ათრთოლებული ხმით მითხრა: „ისე  
მოხარული ვარ ამ საქმის კეთილად დაგვირგვინებითა და

ამ მშვენიერი სახლით, თითქოს ჩემს სიცოცხლეში ამის მეტი არა გამეკეთებინოს რაო“.

— დიახ, ეს სახლი ერთ კარგ ლექსად ღირს, მეტად კი არა-ვეთქი,—მივუგე მე.

— მეტად არა?—ღიმილით მკითხა ილიამ.

— რასაკვირველია, არა, პირიქით, მე მგონია, თქვენი „ბინდი ალაზნის ველზე“ მეტად ფასობს. ამ სახლის ქვაც აღარ დარჩება, ეს მშვენიერი ლექსი კი ისევე მოხიბლავს უცხოელს, როგორც ქართველს-მეთქი.

ილიას მაშინ უკვე ჰქალარა ვრია, მაგრამ ჯერ კიდევ მხნე და ჭან-ლონით სავსე იყო. ჩვენ ორივეს აქ, ამ ფართო ოთახებში ბევრი სასიამოვნო დღე გაგვიტარებია, ახალი სახლის ჩრდილოვანი აივნისა და ყურს ვუგდებდით შადრევნის შხუალს და ღამით არაგვის ბუტბუტს.

მაგრამ ილიას მხოლოდ თორმეტი წელი არგუნა ბედმა დამტკბარიყო ამ ბედნიერებით.

ილიას წლითიწლობით მხნეობა და სიცოცხლის ხალისი აკლდებოდა. ახლა უკვე ხუთ წელზე მეტია, რაც ილია საშუღამოდ განისვენებს. საგურამოს მშვენიერი სასახლე, სადაც ჩვენ დაუსრულებლად ვმსჯელობდით პოეზიასა და მშვენიერებაზე, კაცობრიობის ისტორიაზე და მის ღირსშესანიშნავ ამბებზე, ზეგარდმო მადლით ცხებულ ადამიანთა ღვაწლსა და სიღიაღეზე, ახლა უკვე ცარიელია და უყურადღებოდ მიტოვებული, მხოლოდ საქართველოს მზე აფრქვევს ოქროს სხივებს უპატრონო ბაღს.

— რისთვის ააგო ილიამ ასეთი სასახლე მოხუცებულობის ემს, როცა შვილიც კი არა ჰყავსო? — ამბობდნენ ზოგიერთები.

მაგრამ განა ის ბედნიერება, რომელიც ილიამ ცხოვრების უკანასკნელ წლებში მოიპოვა, არ ღირდა ამ სახლად?

ვის შეუძლია მშვიდად განსაჯოს სხვისი საქმე, მით უფრო ისეთი პოეტისა, როგორიც იყო განსვენებული ილია? განა შეუძლია ვინმეს უარყოს, რომ სასიამოვნოდ მორთული სახლი მშვენიერი ბაღით საუკეთესო საჩუქარია მოხუცისათვის? ხოლო ვინც თვითონვე ააგებს ასეთ თავშესაფარს, იგი ბრძენია და მისი საქციელიც ჩვენი ბუნებისა და არსებობის აზრის დამამტკიცებელია.

## ილიას გარეგნობა და ხასიათი

დრო მიდის და ამასთან ერთად ილიას ცხოვრების აუტაუტაობებიც თანდათან ქრება, ისინი ჯერ კიდევ არ არიან შესაფერისად აღწერილნი, რადგანაც ასეთი რამ მხოლოდ მხატვარსა და პოეტს ძალუძს. ვიდრე ისინი გამოჩნდებოდნენ, საჭიროა მასალების მოგროვება. ოც წელზე მეტ ხანს თითქმის ყოველდღე ვხვდებოდი ილიას, მრავალი საინტერესო რამ მაქვს დაგროვილი და ყოველივე ეს მინდა გავუზიარო მკითხველს. მაგრამ უნდა ვაღიარო, ჩემი მოგონებანი მოკლებულია კავშირსა და ქრონოლოგიურ თანმიმდევრობას.

პირველი შეხვედრის დროს ილია ვერ ახდენდა მნახველზე ისეთ შთაბეჭდილებას, როგორსაც ჩვეულებრივ პოეტისაგან მოველით. მის კეთილშობილურ სახეზე არ იხატებოდა თვალთა პოეტური ბრწყინვალება, სხვა პოეტებსა და მხატვრებს რომ აქვთ ხოლმე, მაგრამ ილიას თვალთაგან გამოკრთოდა ნათელი არაჩვეულებრივი ჭკუისა. დიახ, ილია მნახველზე მტკიცე ჭკუა-გონების პატრონის შთაბეჭდილებას სტოვებდა, თუმცა პოეტობისას ვერას შეამჩნევდა კაცი პირველ შეხვედრაზე. ილიას აკლდა სიმკვირცხლე და კისკასი ტემპერამენტი, როგორც ეს ჩვეულებრივ სხვა პოეტებს აქვთ. გატაცება მასში მხოლოდ ლაპარაკის დროს ნელ-ნელა იჩენდა თავს. ილია ჩვეულებრივ მშვიდი იყო, გარეგნულად შაინც, რადგან იშვიათი უნარი ჰქონდა თავშეკავებისა. ძლიერ გულამღვრეულიც რომ ყოფილიყო, მაინც დამშვიდებული გეჩვენებოდათ; ხოლო ვინც დაახლოებით იცნობდა, ილიას თვალეში შეეძლო ამოეკითხა, რა ხდებოდა მისი სულის სიღრმეში.

ილია მშვიდი და თითქმის აუღელვებელი იყო, იგი სხვების მიმართ არ ამჟღავნებდა თავის ძლიერ გრძნობებს, თავდაპირველი იყო როგორც სიამოვნებაში, ისე მწუხარებაშიც. ხასიათის ამ თვისებებით ილია გოეთეს მოგვაგონებს, რომლის პოეზიაც მას ძლიერ მოსწონდა და უყვარდა.

ილია მისალმების დროსაც ზედმეტს არაფერს იტყოდა, მანდილოსნებთანაც კი ზომიერი იყო, მათდამი განსაკუთრე-

ბულ ლტოლვას არ უქარნახებდა მისი ზრდილი და ფაქიზი გრძნობა. ილია არც ყმაწვილობაში იქნებოდა ქალების თავდაუქერელი მოტრფიალე. იგი ყოველთვის ჭკვიანი იყო და საკუთარ ღირსებასაც მადლა აყენებდა. ილია არ ცდილობდა იადი საშუალებით გავლენა მოეხდინა გარშემო მყოფებზე.

მისი ჭკუა და ძლიერი ნება გრძნობას მუდამ იმორჩილებდა და ამ მხრივ არასოდეს უღალატია თავის თავისათვის. ამიტომ, შეიძლება ვთქვათ, რომ ილიამ თავისი როლი, რაც ყმაწვილობაში წილად ჰვდა, ძლიერ კარგად შეასრულა. მეგობრული საუბრის დროს ხშირად მეუბნებოდა, ვგრძნობ ჩემს ნაკლსა და ვწუხვარ, რომ გამოსწორება არ შემიძლიანო. მისი აზრით, საკუთარი ნაკლი ზოგადქართული იყო; მის დაოკებას შეძლებისდაგვარად ცდილობდა. მოხუცებულობაში, როდესაც ნებისყოფა მოუდუნდა, ხასიათის სისუსტეც აშკარად შეეტყო...

ილიასათვის უცხო იყო წოდებრივი სიამაყე: ყველას უბრალოდ და მეგობრულად ეპყრობოდა, და თუკი დასჭირდებოდა ვინმესთვის თავისი უპირატესობა ეჩვენებინა, ამას თავისი მახვილი აზრითა და სწორი მსჯელობით ახერხებდა.

ამ მხრივ ილია საკმაოდ მგრძნობიარე იყო. თუ თავისი აზრი საფუძვლიანად მიაჩნდა, ენერგიულად იცავდა და ადვილად არავის დაუთმობდა. მაგრამ სხვის აზრსაც ხალისით პოისმენდა, თუკი საქმე მისთვის უცნობ საგანს შეეხებოდა.

## ილიასთან საუბარი

ილია სასიამოვნო მოსაუბრე იყო, მაგრამ მოუღალავი მოლაპარაკე კი არა, მისი საუბრის სიმშვენიერე ლამაზ ფრაზებში არ გამოიხატებოდა, არამედ ლამაზსა და მახვილ აზრებში. როცა ილია ვინმესთან საუბრობდა, დამშვიდებით ისმენდა მის აზრს, ხოლო როცა მოსაუბრე გაათავებდა თავისას, ილიასაც მზად ჰქონდა მოკლედ მოჭრილი პასუხი. თავის საუბარს ილია ხშირად იუმორით აზავებდა და ზოგჯერ ნაკვესებსაც ჩაურთავდა ხოლმე. იუმორი დიდ სიამოვნებას ჰგვრიდა მას და ხალისიანადაც ისმენდა სახუმარო



ლაპარაკს. თვითონაც უყვარდა ხუმრობა არა მარტო გასართობად, არამედ სულიერი მოთხოვნების დასაკმაყოფილებლად, მძიმე გონებრივი მუშაობის შემდეგ დასასვენებლად.

ხშირად, როცა ბანკის საქმიანობაში იყო გართული ან „ივერიისათვის“ რაიმე სტატიას წერდა, შევიდოდი მის სამუშაო ოთახში, ავიღებდი გაზეთს ან წიგნს, მივჯდებოდი კუთხეში და ჩუმად ვკითხულობდი, რომ მუშაობაში ხელი არ შემეშალა. ილია კალამს მაშინვე დადებდა და ღიმილით მოაპყვებოდა ლაპარაკს, სახე გაუბრწყინდებოდა. ჩვეულებრივი მისალმების შემდეგ ჩვენ ხშირად ვერთობოდით საუბარში, სახეზე დალლილობა და ნაღველი უმალ უქრებოდა. ამ დროს ისე ენებდა და რამდენადაც უფრო ვებმებოდიოთ რომელიმე სასიამოვნო საკითხისა ან საგნის გამო საუბარში, იმდენად მეტ სულიერ სიამოვნებას ვგრძნობდით ორივე. ილიას ძლიერ უყვარდა ეს საუბრები და რაღას არ შეეხებოდა მრავალი წლის განმავლობაში! რასაკვირველია, ქართული და მსოფლიო ლიტერატურის საკითხები ორივეს ყველაზე უფრო გვიზიდავდა. მაგრამ ხშირად ისტორია და სხვადასხვა ერთა ცხოვრებაც იყო ჩვენი საუბრის თემა.

მე და ილიას ძლიერ გვიყვარდა მოგზაურობის აღწერილობანი. მეტადრე თუ ამ აღწერილობათა ავტორი ნამდვილად დაკვირვებული კაცი იყო. გარდა იმისა, რომ მოგზაურობათა აღწერილობის კითხვა მიყვარდა, მომივლია კიდევ მრავალი საინტერესო ქვეყანა, ამ დარგში ყოველთვის გამოუღეველი სასაუბრო მასალა გვქონდა. ილია ძლიერ სწუხდა, რომ თავის სიცოცხლეში ცოტა ემოგზაურა. მართლაც, ილიას ყმაწვილობის დროს ქართველები, საზოგადოდ, იშვიათად თუ მიისწრაფოდნენ უცხოეთში. ამას, ერთი მხრივ, ენის უცოდინარობაც უწყობდა ხელს. ამ ნაკლს ილია თავის თავსაც ამჩნევდა და სინანულით უყურებდა იმათ, ვინც უცხო ენები იცოდა. ენა,—იტყოდა ილია,—ხალხის გონებრივი და ზნეობრივი საუწიის გასაღებია. რომელიმე ერის შესწავლა მხოლოდ იმას შეუძლიან. ვინც მისი ენა იცისო.

ილიას ძლიერ იზიდავდა აგრეთვე ენების ფსიქოლოგია

და ხშირად ამბობდა ქართულ ანდაზებს, რომლებშიც ისახე-  
ზოდა ქართული ხასიათი და ქართველი ხალხის სული. გლე-  
ხების უბრალო საუბარში ხედავდა ხალხის ფსიქოლოგიას  
და მსოფლმხედველობას. ამიტომაც უყვარდა ილიას გლე-  
ხებთან საუბარი. საგურამოში მთელი საათობით ესაუბრე-  
ბოდა გლეხებს და აღტაცებული რჩებოდა მათი ხატოვანი  
ენით. საერთოდ, ილიას გლეხთა ცხოვრება პოეტურ წარ-  
მოდგენათა და აზრთა სალაროდ მიაჩნდა და დიდი ხალისი-  
თაც კითხულობდა ყველაფერს, რაც კი ამ წყაროდან გა-  
მოჰდინარეობდა. მაგალითად, რაფ. ერისთავის, ვაჟა-ფშავე-  
ლას, ბაჩანას და თედო რაზიკაშვილის ლექსებს, ნიკო ხი-  
ზანიშვილის მიერ შეკრებილ ხალხურ ლექსებს, პეტრე  
უშიკაშვილის გამოცემულ ხალხურ ანდაზა-გამოცანებს და  
სხვ. ვაჟა-ფშაველას ლექსებს ილია აღტაცებაში მოჰყავდა.  
როცა კი ვაჟა დასაბეჭდად გამოგზავნიდა რაიმე ახალ  
ლექსს, ილია მაშინვე მიზიარებდა თავის აღტაცებასა და  
მაცნობდა ფშაველი მგოსნის ახალ მარგალიტს.

ვაჟა-ფშაველაში ილია ხედავდა ძველი დროის მთელი  
ქართველობის პანთეისტურ რწმენათა და შეხედულებათა  
განხორციელებას. ილიას აკვირვებდა ვაჟას ბუნებისადმი  
ძლიერი გრძნობა. თვითონ ილიამ ვერ შესძლო ვაჟასებრ  
ჩაწვდომოდა ბუნებას, თუმცა ბუნება ილიასაც ძლიერ უყ-  
ვარდა და ცდილობდა მისი არსით გამსჭვალულიყო.

ერთხელ, როცა საგურამოში ვაპირებდი წასვლას, ილიამ  
შითხრა, თან მომყავს მესამე მეგობარი, რომელიც ძლიერ  
გაგვართობსო. ეს მესამე მეგობარი აღმოჩნდა გერმანელი  
ბიზეს „ბუნების შეგრძნების განვითარების ისტორიის“  
თარგმანი, რომელშიც ავტორი გვიმტკიცებს, როგორი ნელი  
ნაბიჯით უვითარდებოდა ადამიანს ბუნების შეგრძნება, რო-  
გორ ნაკლებ ყურადღებას აქცევდნენ ძველი თაობები ბუ-  
ნების სიმშვენიერეს და ამ გრძნობას მოკლებულნი რამდენ  
სიამოვნებას ჰქარგავდნენ. ამ მშვენიერსა და საუცხოო  
წიგნს მე და ილია ვკითხულობდით საგურამოში, სადაც ბუ-  
ნება მდიდარია და სადაც ტყე და მთა ალერსიანად ხიბლავს  
თვალს. ეს იყო გაზაფხულზე, საღამოობით, როცა ბაღები-

დან და ტყიდან ბულბულთა მშვენიერი სტვენა საამოდ  
ფინებოდა არემარეს.

— არა, ძველ ხალხს არ განუცდია ნამდვილი ბედნიერე-  
ბა,—თქვა ერთხელ ილიამ ამ წიგნის კითხვის დროს,—რამ-  
დენად მაღალ ჰიამოვნებას ანიჭებს ადამიანს ბუნების ცხოვ-  
რება და მისი სურათების მშვენიერება. ყველა ეს ჩვენი წი-  
ნაპრებისათვის არაფერი იყო: მათ არ შეეძლოთ ბუნებასთან  
საუბარი.

ღიახ, ილიას უყვარდა ბუნებასთან საუბარი, უყვარდა  
ოცნება, როცა ბუნების სიმშვენიერეს შეჰყურებდა და ამა-  
ში იმდენ ბედნიერებას პოულობდა, რომ ძლიერ უხალისოდ  
შორდებოდა ამ პასიურ ჰერეტას.

ილია ღრმა მოხუცებულობაშიც ბევრს კითხულობდა  
არა მარტო ლიტერატურულ თხზულებებს, აგრეთვე სა-  
მეცნიერო შრომებსაც. მისი ცოდნის სალარო ძლიერ მდი-  
დარი და მრავალფეროვანი იყო. ყველაფერი აინტერესებ-  
და, რაც კი კაცობრიობას ეხებოდა. ქებას უძღვნიდა გოეთეს  
უნივერსალურ ცოდნას.

თანაჰედროვეებს ილია კარგად იცნობდა და ხშირად  
ახასიათებდა: ილიამ იცოდა მათი მისწრაფებანი და სუსტი  
მხარეებიც. ეს მის საკუთარ თვისებასაც შეადგენდა. ცოდ-  
ნით კი მათგან ილიას ვერავინ შეედრებოდა.

ოთხმოციან წლებში პეტრე უმიკაშვილი თბილისის  
უძველეს ნაწილში, ანჩიხატის ტაძრის მახლობლად ცხოვ-  
რობდა. სიძველეთა ძეგლების სიყვარულის გამო ილია  
ხშირად აქებდა პეტრე უმიკაშვილს. ილია პატივს სცემდა  
აგრეთვე ნიკო ხიზანიშვილს იმ შრომისათვის, რომელიც  
მან საქართველოს სიძველეთა გამოკვლევას უძღვნა. ნიკო  
ხიზანიშვილი ილიას თავისი ხუმრობით ხშირად ართობდა,  
თუქცა ზოგჯერ ილიასაც გაკენწლავდა ხოლმე. ნიკო ხიზანი-  
შვილი მღვდლის შვილი იყო და ამით თავი მოჰქონდა. ის  
ხშირად აღიზიანებდა ილიას თავადური წარმოშობის გამო.  
ამ ენამოსწრებულობას ილიაც ღიმილითა და ხუმრობითვე  
უპასუხებდა. არც ერთი შემთხვევა არ მახსოვს, რომ ილიას  
გული მოსვლოდეს ნიკო ხიზანიშვილის მწარე ოხუნჯობა-  
ზეც კი.

ილიას მინცდამინც არ უყვარდა ზოგიერთი ახლად შე-  
მოღებული რამ, უპირატესობას ძველს, თუნდაც უხერხულს  
აძლევედა, თუკი მას რაიმე სილამაზე ჰქონდა და წინაპართა  
ცხოვრებას მოაგონებდა. მაგალითად, ეტლით სიარული  
უფრო მოსწონდა, ვიდრე რკინიგზით: როცა თავისუფალი  
დრო ჰქონდა, თბილისიდან საგურამოში მუდამ ეტლით და-  
დიოდა. — ახდელ ეტლში, ზომიერი სიარულის დროს მთე-  
ლი არემარე და ბუნების სურათები სხვადასხვაგვარად  
გეშლება თვალწინ, ვიდრე რკინიგზის ვაგონიდანო,—ბევრ-  
ჯერ უთქვამს ილიას საგურამოში ჩვენი ხშირი მოგზაურო-  
ბის დროს.

ილიას გზის მრავალფეროვანი სანახაობები და სურათე-  
ბი მოსწონდა. მუდამ კმაყოფილი იყო, როცა მისი ოთხი  
თეთრი ცხენი წყნარი ნაბიჯით მიდიოდა მზიან გზაზე. სია-  
მოვნებასა ჰგვრიდა მცხეთის არემარე, ვერცხლისფრად  
მოელვარე არაგვი და საგურამოსა და ზედაზნის მთები. მას  
ძლიერ უყვარდა ეს ისტორიული ადგილები, აკვანი საქართვე-  
ლოს ქრისტიანობისა. მოგზაურობის დროს ყოველთვის  
მიამბობდა ხოლმე ამ ადგილებთან დაკავშირებულ ისტორი-  
ულ ამბებსა და ლეგენდებს.

პოეზიისა და სიტყვაკაზმული მწერლობის სიყვარულმა  
იმდენად შეიპყრო ილია, რომ დრამატული ხელოვნების,  
მუსიკისა და ხელოვნების სხვა დარგებისათვის დრო არ  
რჩებოდა, თუმცა ხელოვნების ამ დარგებს შესახებაც  
კითხულობდა თხზულებებს, თუკი ისინი ნიჭიერად იყო და-  
წერილი.

დიდებული დრამატურგების,—შექსპირისა და შილერის  
წაკითხვას მეტ უპირატესობას აძლევედა, ვიდრე მათ წარმო-  
დგენათა ხილვას სცენაზე. სიამოვნებით ისმენდა ქართული  
თეატრის ირგვლივ გამართულ სჯა-ბაასს, განსაკუთრებით  
თუ პიესა ქართული ყოფის გამომხატველი იყო. ილიას  
უფრო სასცენო ტიპები აინტერესებდა. შეიძლება ითქვას,  
ამ შემთხვევაში მის ყურადღებას უფრო ყოფა-ცხოვრების  
გამომხატველი ტიპური მხარე იზიდავდა, ვიდრე თვითონ  
დრამატული ხელოვნება.

ილია მხატვრობას უფრო ნაკლებად იცნობდა, თუმცა ზალისიანად კითხულობდა დიდი მხატვრების ბიოგრაფიებს და ეცნობოდა მათ ქმნილებებს. უყვარდა ლამაზი, ისტორიული სურათები, რომლითაც დამშვენებული იყო ილიას სამუშაო კაბინეტი თავისი დის ელისაბედის სახლში. ეს ქართული ისტორიული სურათები ილიამ საგანგებოდ დაახატვინა მხატვარ გიგო გაბაშვილს. ილია ხშირად სტკებებოდა ამ სურათების ცქერით და ქებით იხსენიებდა გიგო გაბაშვილს, ამ თავისებურ, ნაყოფიერ მხატვარს. რა იცოდა მაშინ ილიამ, რომ გარდაცვალების შემდეგ გიგო გაბაშვილი მის სურათს დახატავდა, რაიც გიგომ ილიას სიცოცხლეში ვერ მოახერხა.

ილიას უყვარდა ხალხური სიმღერები და როცა საგურამოში თავისი სახლის აივანზე ჩამოჯდებოდა, სიამოვნებით უვდებდა ყურს ბაღში მოქუშავე გლეხების სიმღერას. ილია რომ მართლა ძლიერ გრძნობდა ხალხური სიმღერების სიმშვენიერეს, იმ მომხიბვლელ ლექსებში ჩანს, რომელშიც აღწერილია ალაზნის ველი, სადაც ურემი—

მიქრიალებდა, გზას აღვიძებდა  
და ნალვლიანად მასზედ მეურმე  
მწუხარ სიმღერას დაჰლულუნებდა.  
● ლულუნი იგი ჩამრჩენია გულს,  
მწუხარე არის, ვით გლოვის ზარი,  
მაგრამ თუ ნალველს მოჰბერს დაჩაგრულს,  
უკუ ჰყრის კიდევ, ვით ღრუბლებს ქარი.

თვითონ ილია არასოდეს არ მღეროდა. ძლიერ იშვიათად თუ მინახავს, როგორც სხვებს სჩვევიათ ხოლმე, რომელიმე საყვარელი ჰანგი თუნდაც დაბალი ხმით ემღეროს. მაგრამ მას განსაკუთრებით უყვარდა ზოგიერთი ჰანგი.

80-იან წლებში პროფესორმა ილია ოქრომკვედლიშვილმა ილიას აჩუქა ლამაზი, ავტომატურად მოსამართავი საკრავი. ეს საკრავი ყოველ ზაფხულს ილიას საგურამოში მიჰქონდა და მთელი საათობით ისმენდა მის ხმას. ბოლოს, თავისი სიცოცხლის მიწურულში, ერთი ქართული სიმღერა შეუ-

ყვარდა, ხშირად მოიწადინებდა ხოლმე მის დაკვრას გრამოფონზე. ეს სიმღერა ასე იწყება:

სული მიწუხს,  
გულიც მასთან ღონდება;  
თვალს ავახელ —  
ცრემლები არ მშორდება... და სხვ.

ამ სიმღერის ნაღვლიანი კილო, რაც თავადაც ძლიერ მომწონდა, ისე გაუჭლებოდა გულში ილიას, რომ რამდენჯერმე უნდა გაეჰეორებინათ ზედიზედ. როცა ილია ამ სიმღერას ისმენდა ან იჯდა ან ჩაფიქრებული იდგა ამ დროს სახეზე რაღაც იდუმალი მწუხარება ეხატებოდა, მიხვდებოდით, ილია მოხუცებულობას გულისტკივილით გრძნობდა. ენანებოდა, რომ მისი საამქვეყნო სიცოცხლე მთელი თავისი მშვენიერებით დასასრულს უახლოვდებოდა.

ერთ შემოდგომის კვირას, ნასადილევს, ჩვენ ორივე ბინდით მოცულ ოთახში ვისხედით. ჩემმა მოწაფემ დავითმა გამოფონი მომართა, რომ საყვარელი სიმღერა „სული მიწუხს“ დაეკრა. ილიამ უცბად მითხრა: ჩვენ ორივეს გვიყვარს ეს მშვენიერი ჰანგი, ორივეს ძვალ-რბილში გაგვიჭდა და ამიტომ შეიძლება ეს ჰანგი გახდეს შენთვის საუკეთესო საშუალებად ჩემს მოსაგონებლად. ჩემი სიკვდილის შემდეგ ხშირად იმღერეთ ეს ჰანგი და მაშინ, უეჭველად მოიგონებთ თქვენს მეგობარს და იმ მშვენიერ დღეებს, რომლებიც ერთად გაგვიტარებიაო. ილიას მოსაგონებლად, რასაკვირველია, ეს ჰანგი ჩემთვის არ არის საჭირო, მაგრამ მისი სიკვდილის შემდეგ თითქმის ყოველდღე რამდენჯერმე დაბალი ხმით ვმღერი და ამასთან ერთად ვიგონებ ილიას მწუხარე სიტყვებსაც.

მახსოვს კიდევ სხვა სიტყვებიც, რომლებიც თითქოს სიკვდილის მოახლოების წინაგრძნობას, მოასწავებდა. ილიას სიკვდილამდე ერთი კვირით ადრე საგურამოში ვიყავი, სადაც ილიას მაშინდელი მეფუტკრე მებაღეობასაც მისდევდა. სწორედ იმ დღეებში დაემყნო მრავალნაირი ხეხილი. ერთ დღიას მეფუტკრემ ილიას სთხოვა, დამყნო ხეები ენახა.

ჩვენც წავედით ბაღში. მეფუტკრემ სათითაოდ გვიჩვენა ნამყენები და აგვიხსნა, რა ჯიშის მსხალი და ვაშლი დაემყენო. აქებდა ხილის კარგ თვისებას. ბოლოს, როცა გაათავა, ილიამ გაიღიმა და უთხრა: ეგ ყველაფერი კარგი, მაგრამ ნუთუ გგონიათ, რომ ამ ნამყენების ნაყოფს მოვესწრებით? ცოტა რომ მოვშორდით, ილიამ ჩუმად მითხრა: „საკვირველი კაცია, არც კი დაფიქრებულა, რა ცოტა ხნის სიცოცხლე დამრჩენიაო“.

ეს სიტყვები ილიამ ნელი და ნაღვლიანი ხმით წარმოთქვა. შევხედე, მწუხარე სახე ჰქონდა! მოხუცებულობის დადი ისე არასოდეს დასტყობია, როგორც ამ დილას, როცა შემოდგომის მზე აშუქებდა მის სახეს, ხოლო სევდიანთ თვალები მოწყენილად გაპყურებდნენ საშემოდგომოდ გაყვითლებულ ზედაზნის ტყეს.

ამის შემდეგ რაღაც მძიმე წინაგრძნობა მაწუხებდა, ოთხი დღე კიდევ დავრჩი საგურამოში, დამე ძილი არ მეკარებოდა. ილია ძლიერ დაღვრემილი იყო, ამას უბრალო ოჯახურ უსიამოვნებას ვაწერდი. მაგრამ ფაქტი, რომელიც ილიას მოკვლის შემდეგ რამდენიმე თვის მერე გადმომცა მისმა საცოდავმა მეუღლემ ოლდამ, იმის დამამტკიცებელია, რომ ილიას სიკვდილის წინ წინაგრძნობა არ უსვენებდა. იმ საბედისწერო ხუთშაბათს, როცა ილია თბილისიდან საგურამოში ბრუნდებოდა, მეეტლესთვის ჩვეულებრივად ებრძანებინა წიწამურში გაჩერება და ცხენებისთვის წყლის დალევინება. ამას მოუნდა თურმე სულ ათი წუთი. მეეტლე შემჯდარა კოფოზე და უცდიდა ბრძანებას წასულიყო, მაგრამ ილია ჩუმად დადიოდა აქეთ-იქით ჩაფიქრებული და თითქოს წასვლას არ აპირებდა. ოღლა მარწმუნებდა, ილია მთელი საათი ასე დადიოდა, შემდეგ ეტლში ჩუმად ჩაჯდა, ეტლიც გაექანა საგურამოსკენ და თხუთმეტი წუთის შემდეგ ილიაც მოკლესო. რა გრძნობა აკავებდა მას ასე დიდხანს წიწამურში?

ღიან,—ბევრი რამ არის ისეთი ცასა და ქვეყანაზე, რაც სიზმრადაც არ მოლანდებიათ ჩვენს ფილოსოფოსებსო, — თქვა შექსპირმა. ილიას თვითონ არა სჯეროდა წინაგრძნობი-

სა, არც ცრუმორწმუნეობისა სწამდა რა. მაგრამ არც ეს ფაქტი და არც მისი სამწუხარო ნაღვლიანობა საგურამოში უკანასკნელად არ შეიძლება სხვა რამეთი აიხსნას, თუ არა წინაგრძნობით.

## „ივერიის“ გაზეთად გამოწვევა

1885 წელს ერთი ქართული გაზეთი „ღროება“ გამოდიოდა ვანო მაჩაბლის რედაქტორობით. გაზეთი პატარა ფორმატის იყო, ხუთასი თუ ექვსასი ხელმომწერი ჰყავდა. ამ წელს შემოდგომაზე ეს გაზეთი გუბერნატორის განკარგულებით დაიხურა. ქართველი საზოგადოება უგაზეთოდ დარჩა. მხოლოდ ერთთვიური ქურნალი „ივერია“ არსებობდა, რომელსაც ილია ჭავჭავაძე რედაქტორობდა.

„ღროების“ დახურვამ ააღელვა ყველა მაშინდელი ლიტერატორი. ამ საკითხზე ილიას ბჭობა ჰქონდა ლიტერატორებთან და დათანხმდა, რომ „ივერია“ გამოსულიყო ყოველდღიურ გაზეთად მისი რედაქტორობით. იმავე დროს გადაწყდა, — თანამშრომლებად გარდა ამ ლიტერატორებისა, მოწვეული ყოფილიყვნენ ყველა ის გარეშე პირებიც, რომლებსაც ლიტერატურულ საქმიანობაში შეეძლოთ მათთვის მხარი მიეცათ.

მალე რედაქციაც შედგა, მაგრამ მთავრობა მაინცდამაინც არ ჩქარობდა ნებართვის მიცემას. ნებართვა დეკემბერში მიიღეს.

ახალი გაზეთის უმთავრესი თანამშრომლები იყვნენ: ილია ჭავჭავაძე, დავით ერისთავი („სამშობლოს“ ავტორი), რაფიელ ერისთავი, გიგო ყიფშიძე, ილია ხონელი (ბახტაძე), ვაჟა-ფშაველა, ბაჩანა, იაკობ გოგებაშვილი და ვანო მაჩაბელი. ილია და მისი თანამშრომლები ცდილობდნენ „ივერია“ ყოფილიყო ისეთი გაზეთი, რომელიც შინაარსითა და მრავალფეროვნებით მკითხველს დააკმაყოფილებდა. ამიტომ ევროპის აშუბებს ყურადღება ეთმობოდა, ცნობებს მათ შესახებ პირდაპირ საზღვარგარეთული გაზეთებიდან იღებდნენ. ნებართვის მიღების შემდეგ გადაწყდა გაზეთ „ივე-



რისი“ პირველი ნომერი 1886 წლის იანვრის პირველს გამოსულიყო.

ახალი წლის ღამეს ახალი გაზეთის შესახვედრად ილიასთან ორმოცამდე კაცი შეიკრიბა, რომელთაგანაც მაგონდება: ვანო მაჩაბელი, რაფიელ ერისთავი, დავით ერისთავი, დიმიტრი ბაქრაძე, გიგო ყიფშიძე, ნიკო ცხვედაძე, ნიკო ლობერიძე, ასათიანი (მაშინდელი ქუთაისის ქალაქის თავი), პეტრე უმიკაშვილი და სხვ.

სწორედ ღამის 12 საათზე სტამბიდან მოიტანეს დიდი ფორმატის ახალი გაზეთის რამდენიმე ეგზემპლარი. ამ ღამეს პირველად ახალი გაზეთის სადღეგრძელო დასცალეს ღვინით სავსე ჭიქები, შემდეგ „მრავალუბიერი“ შემოსძახეს და მერე კი რედაქციის რომელიღაც წევრმა ხმამაღლა დაიწყო კითხვა სტატიებისა და ლექსების.

## „ოთარაანთ ქვრივი“

1886 წლის ზამთარში ილიამ რამდენიმე დღეში დაწერა თავისი უკანასკნელი მოთხრობა „ოთარაანთ ქვრივი“. ამ დროს ხშირად მესაუბრებოდა საზოგადოდ მოთხრობის მნიშვნელობის შესახებ. როცა „ივერია“ გააფართოვა და გადააქცია ყოველდღიურ დიდ გაზეთად, იგი ფიქრობდა გაზეთში დიდი ადგილი დაეთმო ქართული ორიგინალური მოთხრობებისათვის. — მოთხრობა ცხოვრების სწორი ანარეკლი უნდა იყოსო,—იტყოდა ხოლმე ილია. ქართველთა ცხოვრებაში მრავალ თავისებურ ორიგინალურ ზნეობრივ ტიპებს ხედავდა და იმედოც ჰქონდა, რომ ახალგაზრდა ქართველი მწერლები თავისებურ საინტერესო ლიტერატურას შექმნიდნენ.

თვითონ ილიამ პირველმა გვიჩვენა გზა „ოთარაანთ ქვრივით“, პირველმა თვითონ მოგვცა ნიმუში ახლებური პროზისა, მაგრამ მისი ზრახვები უფრო შორს მიდიოდა. ფიქრობდა, რომ ქართველ მწერლებს ისეთი გზა უნდა აერჩიათ, რომელიც მათ მშვენიერების შემცველ თხზულებამდე მიიყვანდა.

ილიას აზრით, ქართველთა ცხოვრება ძლიერ ჰგავდა ესპანელებისას. ეს აზრი მას შემდეგ დაებადა, რაც ესპანური მოთხრობები გადაიკითხა და გულდასმით დაუკვირდა „დონ-კიხოტს“. მეც სიამოვნებით ვიზიარებდი ილიას აზრს... რამდენიმე კვირის განმავლობაში ჩვენ ბევრს ვსაუბრობდით ქართულ ტიპებზე, ქართული ცხოვრების თავისებურებაზე და ქართველი დონ კიხოტების შესახებაც...

ესპანურ მოთხრობებში ხშირად შეხვედებით გრანდის ტიპს, ეს არის ქონებას მოკლებული, გადატყვებული აზნაური, რომელსაც თავი აზნაურობით მოაქვს. ეს ტიპი ილიას ძლიერ აინტერესებდა, რადგან ასეთ გაფცქვნილ-გადატყვებულ გრანდს საქართველოშიც ბევრს ხედავდა.

— რამდენი სასაცილო რამ და რამდენი თავისებურება არის,— იტყოდა ხშირად ილია და ძლიერ სურდა, რომ აღმოჩენილიყო ნიჰიერი ქართველი მწერალი, რომელიც ამ ტიპის შესახებ კარგი მოთხრობის დაწერას შესძლებდა.

ილიას აინტერესებდა ქართლ-კახელი მოურავისა და მემამულის ტიპები, ამგვარები გაზაფხულზე მრავლად ჩამოდირდნენ თბილისში მაშინდელ საბანკო კრებებზე დასასწრებად. ილია ყოველთვის ამჩნევდა ჩამოსულთა შორის ამ წოდების ფრიად საინტერესო წარმომადგენლებს. აქ იყვნენ ჩინებული „ძველის დროის მემამულეთა“ ტიპები, რომელთა მოდგმა ახლა უკვე გამქრალია. მეტად სამწუხაროდ მიმაჩნია, რომ მაშინვე არ ჩავიწერე ყველაფერი—როგორ ახასიათებდა მათ ილია. ასეთ მებატონეებს, ქართულად გამოწყობილებს, ილია ხანდახან სადილად პატივებდა და მეც მათი გაცნობის შემთხვევა მეძლეოდა. თავაზიანი ლაპარაკი, სადა ხუმრობა სასიამოვნო და ორიგინალურ იერს აძლევდა მათ.

საუბრისათვის თავშესაქცევი მასალა აუარებელი იყო. ამ მასალების თვისება და ხასიათი ამტკიცებდა, რამდენს და როგორ სერიოზულად ფიქრობდა ილია ქართული ცხოვრების ყოველგვარ მოვლენათა შესახებ და როგორ ბეჯითად ზრუნავდა ქართული მწერლობის აყვავება-განვითარებისათვის.

## უკანასკნელი დღეები ილია ჭავჭავაძისა

21 აგვისტოს საგურამოში რომ მივედი, არ მიფიქრია, რომ უკანასკნელად ვნახავდი ჩემს ძვირფას მოხუცებულ მეგობარს და ამით გათავდებოდა ჩვენი ხანგრძლივი, ნათელი და შეურყეველი მეგობრობა... იმ დღეს მზე მხიარულად ანათებდა საგურამოს მთებს, ტყესა და ბაღებს. მყუდრო სახლი ალერსით გამოიყურებოდა მწვანე ხეებში.

მეგობრული ღიმილით მომეგება ილია და ჩვეულებრივად მკითხა, რამდენი ხნით მეწვიეო. ხანმოკლე სტუმრობა არ უყვარდა და ხშირად უფრო მეტი ხნით დარჩენა მომიხდებოდა ხოლმე, ვიდრე ვფიქრობდი.

ილია დაღონებული იყო, ჯანის სისუსტეს უჩიოდა. საქართველოს სხვადასხვა კუთხეში რატორიალებულ ამბებზე ფიქრობდა.

საზოგადოდ, ენერჯის სისუსტე და ის სიფიცხე შევამჩნიე, რაც მოხუცებულობას სჩვევია, შევნიშნე აგრეთვე, სხვასთან ყოფნის და ლაპარაკის წინანდებური ხალისი აღარ ჰქონდა. ხანდახან საღამოობით აივანზე დიდხანს იჯდა გაჩუმებული. უწინ ჩემი ერთი მხიარული სიტყვა გაართობდა ხოლმე, ახლა კი ამაო იყო ყოველი ცდა. ჩემი უკანასკნელად ყოფნისას მთელი ექვსი დღის განმავლობაში ვეღარ ვნახე ღიმილი მის სახეზე.—ცოტა გავისეირნოთ—ვუთხარი ერთ საღამოს,—მოციონი ძალიან სასარგებლოა მეთქი.

— რაღა უნდა იყოს სასარგებლო, როცა ორიოდვე წლის სიცოცხლედა დამრჩენია—მიპასუხა ილიამ ჩაფიქრებით.

ღიახ, ვერ ვიცანი ილია, აღარ იტაცებდა ბუნება, აღარ ართობდა საუბარი და ერთხელაც აღარ ამოუღია ხმა მწერლობის შესახებ. მისი სულიერი განწყობილების ზეგავლენით მეც დაგვარგე მხნეობა. მაგონდებოდა გარდასული დრო და მასთან ერთად ჩვენი მეგობრული ურთიერთობის სიცოცხლე. რა ნათელი იყო ეს დრო! ვრცელი საუბრები პოეზიისა და მშვენიერებათა შესახებ, საქართველოსა და მის წარსულზე, აწმყოსა და მომავალზე! საუბრები, რომელშიაც ბრწყინავდა ილიას მდიდარი სული,—როგორ აღვწერო ეს ყველაფერი.. ჩემთვის დღესასწაული იყო, როცა ვესაუბრე-

ზოდი მას და ერთმანეთს აზრებს ვუზიარებდით. მაგრამ არა შარტო მისი მდიდარი აზრების პოეტური თვისება მხიბლავდა, მხიბლავდა აგრეთვე მისი ჰუმანური შეხედულება კაცობრიობის შესახებ. განა ილია ჭავჭავაძემ არ დაწერა „კაცია იდამიანი?!“ და „გლახის ნაამბობი“?

ის აზრი და გრძნობა, რომელმაც ეს მოთხრობები დააწერინა, მისი ორმოცდაათი წლის საზოგადოებრივი მოღვაწეობის საფუძველი და დევიზი იყო უკანასკნელ დღემდე. მას ამისათვის არ უღალატნია, მაგრამ ბოლო დროს ხშირად ხმარობდა სიტყვა „უმადურობას“. მეტად მძიმეა ყველა ამის შესახებ ლაპარაკი...

27 აგვისტოს, დილით, ილია, მისი მეუღლე ოლღა და მეუტლით თბილისში წამოვედით. ღრუბლიანი დილა იყო, ჩვენი წამოსვლის შემდეგ დიდი წვიმაც წამოვიდა. ეტლს ჩარდახი არა ჰქონდა, ყველანი დავსველდით და წვიმამ ძალიან შეგვაწუხა.

იმ ადგილას, სადაც სამი დღის შემდეგ სამინელო მკვლელობა მოხდა, გზის ორივე მხარეს თხელი ტყეა. იქ რომ გამოვიარეთ, ტანში ქრუანტელმა დამიარა, თუმცა მაშინ ფიქრადაც არ მქონია რაიმე უბედურება: ილია ხომ ჩვენთან იყო, როგორ წარმოვიდგენდი; რომ მოხუც პოეტს, ქართველი ხალხის სიამაყეს, ხელს შეახებდა ვინმე? ილია ჩემ პირდაპირ იჯდა ჩაფიქრებული. ერთხელ თუ ორჯერ თქვა, გაციების მეშინიაო. ოლღას ფერი არ ედო, დაღონებული იყო. საზოგადოდ, უკანასკნელად მოწყენილად ვიმოგზაურეთ. როცა რკინიგზის ხიდთან მივედით, ამინდი გამოკეთდა და ჩვენც უკეთეს გუნებაზე დავდექით.

დიღმის დუქანში შევისვენეთ, რომ რამე გვეჭამა. ილია აქ ცოტათი გამხიარულდა და ლაპარაკის ხალისიც მიეცა. ვამოჩნდა მზე და გაანათა ნაცნობი არემარე, სადაც ხშირად ერთად გვივლია. სახელდახელო სუფრას გახალისებულები მივუსხედით და წარსულიც მოვიგონეთ.

ეს იყო ჩვენი უკანასკნელი საუბარი, გულითადი საუბარი. იმ დროს, როცა ილია იღიმებოდა, მეგონა, მისი გულიც მისცემოდა ლხენას, თუმცა ძველებური გამბედაობით აღარა.

ერთი საათის შემდეგ ჩვენ ერთმანეთს დავშორდით ოლღას ქუჩაზე.

— ვნახავთ ერთმანეთს! — მითხრა ილიამ.

ადგილს ვერ მოვშორდი, რატომღაც დიდხანს გავყურებდი მიმავალს, ვიდრე ეტლი მთლად არ მიიშალა ვერის დაღმართზე... განა წინასწარ გრძნობდა ჩემი გული, რომ ამის შემდეგ ვეღარ ვნახავდი მას, ეს იყო ჩვენი უკანასკნელი შეხვედრა!

მშვიდობით, მშვიდობით, ძვირფასო, დაუვიწყარო მეგობარო..

## ილიას დაბადების დღე უილიამდ

მეექვსედ აღვნიშნავთ განსვენებული ილიას დაბადების დღეს, სულ უფრო და უფრო ვშორდებით მას და მის დროს.

1907 წელს 7 ოქტომბერს, როდესაც პირველად შევიკრიბეთ თეატრში, ჩვენ შორის ყველა მისი მეგობარი იყო. ისე გვეჩვენებოდა, თითქოს კვლავ გრძელდებოდა ის დროება, რომელსაც მან და მისმა მეგობრებმა დააჩნიეს სვე და კვალია

დავით სარაჯიშვილი, ნიკო ცხვედაძე, იაკობ გოგებაშვილი, ალექსანდრე ხახანაშვილი და სხვები ჯერ კიდევ ცოცხლები იყვნენ. თუმცა ილია აღარ იყო, მაგრამ მაინც გვეგონა, თითქოს მასთან მჭიდრო კავშირში ვიყავით. ახლა კი ყველამ დაგვტოვა და მათთან ერთად გაქრა წარსულიც. ისინი იყვნენ ტიპიური, მთლიანი ადამიანები, რომლებმაც თავიანთ სარბიელზე იმდენი გააკეთეს, რაც სხვებმა ერთად ვერ შესძლეს. და მერე რატომ? იმიტომ, რომ მათ ყველაზე უფრო მეტად შეეძლოთ მიზნების განხორციელებისათვის თავი დაედოთ, მათი ცხოვრება მუდმივი სწრაფვა იყო, რასაც ისინი სიკვდილამდე არ დაუღლია.

ჩვენს ხსოვნაში თითოეულმა მათგანმა თავისი მთლიანი ხასიათის სურათი დასტოვა; ყოველი მათგანი თავიდანვე რაიმე გარკვეულის განსახიერება იყო; როცა სარაჯიშვილს გაიხსენებთ. თვალწინ მისი სამრეწველო თაოსნობა, მისი ქველმოქმედება და საზოგადო საქმეებისათვის დაუღალავი

ზრუნვა წარმოგიდგებათ. ასეთივე იყო დანარჩენების მოღვაწეობა. ისინი სანახევროდ არაფერს აკეთებდნენ, ამიტომაც დასტოვეს ცოცხალი კვალი, თუმცა ცხოვრება შეიცვალა და სხვა სახე მიიღო. მაგრამ, დაე, უფრო მეტად შეიცვალოს ღვის ისინი მაინც არ დაიხოცებიან, ცოცხალ მაგალითებად დარჩებიან შთამომავალთათვის!

# ლილი ჰატიველი ქოხეხი

## აკაკი წერეთელი

1884 წელს, როცა პირველად ვეწვიე საქართველოს, ბათუმიდან თბილისამდე ვაგონის ფანჯრიდან მთელი დღე გავყურებდი შორეულსა და თან სულისათვის მახლობელ არემარეს. მანამდე ბევრი რამ წამეკითხა საქართველოს შესახებ. ახლა კი მწყუროდა საკუთარი თვალთ მეხილა იგი. გაზაფხული იყო და ბუნება მთელი თავისი მშვენიერებით წარმომიდგა. მაგრამ ბუნება იმდენად არ იტაცებდა ჩემს გონებას, რამდენადაც ადამიანები, რკინიგზის სადგურებზე რომ ვხედავდი. თვალს იზიდავდა აგრეთვე შენობები და ეკლესიები, სოფლები, მინდვრები და ბაღები, ურბები, საქონელი და ათასი სხვა რამ. ერთი სიტყვით, ახლო მსურდა გავცნობოდი საქართველოს. და მართლაც, თბილისში ჩამოსვლისას უკვე მქონდა საერთო წარმოდგენა საქართველოს ცხოვრების გარეგნულ მხარეზე. თვალის ერთი გადავლებითაც აშკარა შეიქნა ჩემთვის განსხვავება იმერეთსა და ქართლს შორის.

ჩამოსვლის მეორე დღესვე ილია ჭავჭავაძესთან გავიცანი აკაკი წერეთელი და რაფიელ ერისთავი. ეს სამი მგოსანი ერთმანეთს არც გარეგნობით, არც სხვა რამით არ ჰგვანდნენ. არც თუ ისე მაღალი, მაგრამ მკვრივი აგებულების ილია შე-

სახელდავად მეტად მშვიდი იყო მაშინაც, როცა სული და გული ეწოდა. აკაკი სხარტი იყო, როგორც ნამდვილი იმერელი. ისიც მაგარი აგებულებისა იყო, მაგრამ შედარებით სუსტი ნებისყოფის, მისი ლაპარაკი ილიაზე უფრო სწრაფად მოსჩქეფდა...

მესამე მგოსანი, რაფიელ ერისთავი, უფრო მძიმე მეჩვენა: დინჯად, აუჩქარებლად ლაპარაკობდა.

ჩვენი გაცნობის პირველივე დღეს მივხვდი, რომ ეს ორი მწერალი — ილია და აკაკი — საქართველოს მთელ მაშინდელ გონებრივ ცხოვრებას განასახიერებდა.

იმ მწერლებზე, რომლებიც თავიანთი სამშობლოს ბეჭედს ატარებენ, გერმანელები იტყვიან ხოლმე: თავისი მიწის სუნი დაჰკრავსო. აკაკის ხომ მთელი თავისი სიცოცხლის მანძილზე თან სდევდა იმერეთისა და იმერული მიწის სურნელება.

გლეხის ოჯახში ძიძასთან გატარებულმა ბავშვობამ ღრმა კვალი დააჩნია მას. ძლიერი შთაბეჭდილების ყმაწვილს, რომლის გონება ნაადრევ ბავშვობიდანვე ცხოვლად აღიქვამდა ყოველივეს, არაფერი რჩებოდა შეუმჩნეველი. მისი მშობლების ოჯახში ძველი ქართული ტრადიციების ნამდვილი სული ტრიალებდა. აკაკი ყოველდღე ხედავდა სურათებს, რომლებიც მისი სახლის გარეთ უკვე აღგვილიყო. მისი მშობლები დაიბადნენ და აღიზარდნენ მე-19 საუკუნის დამდეგს, როცა ჯერ კიდევ არ გამქრალიყო წინა საუკუნის კვალი; ამ სახლში ყველაფერი ქართული სულით სუნთქავდა. აკაკიც თუმცა ამ სულთან იყო მიჯაჭვული, გონებით უარყოფდა: მასში იგი თავისი სამშობლოს მომავლის შემფერხებელს ხედავდა.

ფეოდალად შობილმა ახალგაზრდობიდანვე მოიშორა თავადური შეხედულებები, გლეხებს იცავდა მემამულეთა უსამართლობისაგან, მაგრამ გრძნობებითა და ჩვეულებებით მთლიანად ვერ გათავისუფლებულიყო თავისი ოჯახის პირველი გავლენისაგან.

როგორც ილია ჭავჭავაძე, ისევე აკაკი, თავის დროზე მოწინავენი იყვნენ და ეხებოდნენ ისეთ საკითხებს, რომლებიც მათი ახალგაზრდობის დროს ქართველთა გონებაში ჯერ კიდევ არ იყო სავსებით მომწიფებული. ლიტერატურულ ას-



პარეზზე გამოსვლის პირველ დღიდანვე აკაკი ამეთრახებდა ყველაფერს, რაც არ მოსწონდა არსებულ ზნესა და ხასიათში. ყველაფრის იმის გაკიცხვამ, რასაც შეეძლო შეეფერხებინა საღი განვითარება ერის ორგანიზმისა, იგი სატირამდებოდა მიიყვანა... ასეთი იყო მისი განწყობილება, ხოლო როდესაც რამე შემთხვევა ან მოვლენა გააღიზიანებდა და დაასევდიანებდა, მაშინ თავის სატირაში შხამ-სამსალასაც გაურევდა...

მახსოვს, როცა აკაკი „კრებულს“ გამოსცემდა, ხშირად ბეჭდავდა თავის ისეთი ხასიათის ლექსებს, რომლებიც მხოლოდ მაშინ იყო გასაგები, თუ მკითხველი იცნობდა ამ ლექსების გამომწვევ გარემოებას. მე მივაქცევი აკაკის ამ მხარისათვის ყურადღება და ვურჩიე, კვლავ აღარ დაებეჭდა კრებულში ასეთები. აკაკის გაელშია და მითხრა, არჩევანი ჩემთვისაც ძნელიაო. მაგრამ ნამდვილად კმაყოფილი დარჩა ჩემი აზრის გამო იმ ლექსებზე, რომლებსაც აღტაცებაში მოვყავდი მუდამ. დიდხანს ეგონა, რომ თავს ვაძალებდი მიუკერძოებელი ვყოფილიყავი და ამიტომ ვაქებდი მის ლექსებს. გულახდილად ვუთხარი, რომ, ჩემი აზრით, ის, როგორც ჭეშმარიტი ლირიკოსი, მაღლა დგას ილიაზე, რომ ის მომღერალია, ილია კი იდეური პოეტი.

ასეც არის, წმინდა გრძნობითი ლექსების გარდა, ილიაში მუდამ ჭარბობს აზრი, გრძნობა კი უფრო მკრთალად გამოსჭვივის.

აკაკი გავიცანი 1884 წელს, როცა იგი დაახლოებით 44 წლისა იყო. თმა წვერში ჭაღარა ეპარებოდა. პირველი პოეტური ძალა, რასაკვირველია, უკვე მიმქრალი თუ არა, მიხუსტებული იყო, მაგრამ შემოქმედებით ძალას კიდევ შერჩენოდა ახალგაზრდული გატაცება. მაშინ, როდესაც ილიას პოეტური შემოქმედება ამ წლოვანებაში უკვე გაქრობას იწყებდა.

ჩვენი გაცნობის პირველ ორ წელს აკაკის ხშირად ვხედავდი ქართულ თეატრში. ეს დაწესებულება იმ დროს ყოველთვის როდი იყო სავსე, თუმცა მაშინდელი მთავარი მსახიობები, რომლებმაც საძირკველი ჩაუყარეს ქართულ სასცენო ხელოვნებას, ბუნებრივი ნიჭით იყვნენ დაჯილდოებულნი.

ქართული თეატრალური საზოგადოება ჯერ კიდევ მცირე

იყო და რეპერტუარიც ღარიბი ჰქონდა. აკაკი ხშირად მარტო იჯდა. ხანდახან ვეწვეოდი ხოლმე. ის ჩემთან არ ფარავდა, რომ ქართული თეატრის სიღარიბე აწუხებდა, მაგრამ მარწმუნებდა, წლითწლობით გაუმჯობესებასაც ვამჩნევო. იმედოვნებდა, რომ XIX საუკუნის მიწურულამდე ქართული თეატრი მომაგრდებოდა. ასეც მოხდა, მაყურებელი ყოველ წელს იზრდებოდა. როცა თეატრის შესახებ ლაპარაკობდა, ვხედავდი; რა ძლიერ უყვარდა აკაკის თავისი სამშობლო და როგორ ზრუნავდა მისი კულტურის ამაღლებისათვის. იგი მუდამ ახლო იდგა თეატრთან და მას რამდენიმე მაღალი ლიტერატურული ღირსების პიესაც მიაწოდა. გულმოდგინედ ამხნევებდა მსახიობებს. მისი პიესები, შესაძლოა, სავსებით არ ეთანხმებოდნენ სცენური ხელოვნების მოთხოვნილებებს, მაგრამ უხვად შეიცავდნენ ესთეტიკურ ღირსებებს. მათში იყო ადამიანის თავისებური განჭვრეტა და სხვა. ყველაფერი ეს ხიამეს ჰგვრიდა მკითხველს. დიახ, ქართველები არასოდეს გაანებებენ თავს მის კითხვას, არა მხოლოდ იმიტომ, რომ მათში მდიდარი, ცოცხალი მომაჯადოებელი პოეზიაა, არამედ იმისთვისაც, რომ მათი შინაარსი არ არის მარტო უბრალო თხრობა ამბებისა—ის ნაყოფია მდიდარი მხატვრული წარმოსახვისა.

აკაკი თვითმპყრობელი მეუფე იყო პოეზიისა ხელოვნების სამკვიდროში.

ერთხელ, ოთხმოციან წლებში, აკაკის შევხვდი ქუთაისის ერთ-ერთ ქუჩაზე. თიბათვის მშვენიერი დღე იდგა, მზის სხივებით ნაფენი იყო ქალაქის ყოველი კუნძული. დღისით გელათი მოვინახულე და ჯერ კიდევ გონებით იქ ვიყავი, ხილული ბუნების სიკეკლუცისა და სიძველეთა შთაბეჭდილებით დატვირთული.

აკაკი გაერთო და ენაწყლიანად, გატაცებით საუბრობდა გელათზე; ქუთაისზე, საქართველოსა და ქართველი ქალების სილამაზეზე. ჩვენ წყნარად მივდიოდით თბილისის ქუჩაზე გორაკისაკენ, სადაც მწვანეში კობტად გამოიყურებოდა ბაგრატიის ტაძრის ნანგრევები, ყოველ ხუთ წაშში ჩაგვივლიდა აკაკის რომელიმე ნაცნობი ტურფა ასული და ჯადოსნური ღიმილით აძლევდა სალამს პოეტს.

— ბეჯნიერი კაცი ხართ! — ვუთხარი მე.

— ისანი მგოსანს აძლევენ სალამს და არა მე, — ღიმილით შენიშნა აკაკიმ და განაგრძო ამწვანებული სამშობლოს ქება. მასთან საუბარში ისე არასოდეს მიგრძენია ყველა მისი ბრწყინვალე მხარე, როგორც მაშინ.

ღიახ, ის გახლდათ ჭეშმარიტი მგოსანი, მდიდარი ფანტაზიის პატრონი, ენაწყლიანობითა და გრძნობით აღსავსე, მხატვარი და ჭკუამახვილი მქვევრმეტყველი.

რომ ვუსმენდი და სახეში შევცქეროდი, უნებლიეთ მაგონდებოდა მისი რამდენიმე ლექსი და დრამა. უდიდეს სიამეს ვგრძნობდი, რომ ჩემ წინაშე ვხედავდი ამ მდიდარი პოეზიის წყაროს. სეირნობის დროს აკაკის ყველა დიდი პატივისცემით ესალმებოდა; მივხვდი, მას შეეძლო ეამაყა. აკაკი თავის სამშობლოს დიდი მგოსანი იყო, ისეთი დიდებული და ბრწყინვალე, რომ მისთვის შეგვეძლო გვეწოდებინა ახალი ცხოვრების გამომაფხიზლებელი. ბუნებამ მასში თავი მოუყარა გონების ყოველგვარ ღირსებას. თუმცა ბუნება ხომ არასოდეს ჰყოფს ადამიანს სრულყოფილად, იგი თავის რჩეულებსა და ნებიერებსაც უტოვებს ნაკლსა და სისუსტეს, მე მგონია აკაკი ბუნებისა და ბედის ნებიერი გახლდათ და, შესაძლოა ამიტომაც იყო დაჭერებული თავის უპირატესობებში.

აკაკიმ თავის ხალხს მისცა დიდი და მრავალრიცხოვანი განძი. წაართვით საქართველოს აკაკი და... დარჩება ლირიკის ადგილი, რომელიც ალბათ დიდხანს ვერ შეივსება.

ჩემი აზრით, აკაკი ყველა თავის პოეტურ თხზულებაში ლირიკოსი ანუ გრძნობის მგოსანი იყო. მისი დრამები და ეპიკური პოეტური თხზულებებიც ლირიკული ხასიათისაა. აკაკის ეპოქის ბუნება ვერ იტანდა ეპიკური ობიექტურობის ბორკილებს და ამიტომ მისი პოემები და დრამები, ბაირონის თხზულებებივით, სავსეა ლირიზმით. ეს გრძნობებზე ძლიერად მოქმედი ლირიზმი მკითხველში არ ასუსტებს მოთხრობილი ამბის შთაბეჭდილებას, პირიქით, აცხოველებს კიდევ. როცა აკაკის პოეტურ ნაწარმოებს კითხულობ, განა შეიძლება ხელოვნების წესებზე იფიქრო? კითხვით გატაცებული ხარ, ვილას ახსოვს ისინი.

რა შეიძლება კიდევ ითქვას აკაკის ლირიკულ პოეზიაზე? მისი პოეტური მემკვიდრეობა ქართველი ხალხის ძვირფას განძად იქცა და ბევრი დააკლდებოდა, ეს განძი რომ დაეკარგა. მე აკაკის ლექსების კითხვა დიდ სიამეს მგვრის, ამგვარია მისი გავლენა ქართველთა უმრავლესობაზეც. აკაკის პოეტური სული არა მარტო წიგნებში იცოცხლებს, იგი საქართველოს ყველა კუთხის შვილთა გულსა და გონებაშია დამკვიდრებული.

შევეცდებით პასუხი გავცეთ კითხვას: რა ქმნის აკაკის პოეზიის უდიდეს ღირსებას? ორიოდ სიტყვით ამ საკითხს ვერ ამოვწურავთ, ჩემი აზრით და გემოვნებით, აკაკი ყველაზე უფრო ლამაზად და ძლიერად საქართველოს სიყვარულს დამღეროდა; მის სევდიან ხვედრსა და მომავლის სასოებას ისეთი მომხიბვლელით გამოხატავდა, რომ სულსა და გულს სწვდებოდა...

ბუნების მშვენიერების აღწერაში აკაკი მაღალ ხელოვნებადღე აღის. იგი არ მისდევს წვრილმანებს, ბუნების აღწერისას მას მთლიანობა ხიბლავს.

აკაკი არა მარტო სილამაზისა და სიყვარულის მგოსანი იყო, არამედ დაბეჩავებულთა, დამცირებულთა და შეურაცხყოფილ ძმათა მეგობარიც. იგი მეხად ევლინებოდა ფარისევლებს, მჩაგვრელებსა და კაცობრიობის სხვა მტრებს, გესლიანი დაცინვით ამათრახებდა მათ.

აკაკის თავის თხზულებებში ღროშასავით მაღლა ეჭირა ზნეობრივი მხარე, ამით ის კიდევ უფრო მტკიცედ დარჩება თავისი ხალხის ხსოვნაში.

მოხუცებულობის ხანს აკაკი რამდენიმე ხნით საზღვარგარეთ გაემგზავრა, გერმანია და საფრანგეთი მოინახულა. დაბრუნების შემდეგ დაწვრილებით მესაუბრა თავის შთაბეჭდილებებზე და თან შენიშნა, მეტად გვიან მომიხდა მოგზაურობაო.

აკაკის რომ ოცი-ოცდაათი წლით ადრე ემოგზაურა გერმანიასა და საფრანგეთში, თავის დაკვირვებებს გამოიყენებდა ლიტერატურულ მოღვაწეობისათვის. იგი თვითონვე შენიშნავდა, რომ მას მხოლოდ ზოგადი წარმოდგენა ჰქონდა საზღვარგარეთზე.

როცა ქართველები აკაკის იუბილეს დღესასწაულობდნენ, მას უკვე ემჩნეოდა თავისი სამწერლო მოღვაწეობის შესუსტება. შემდეგ მან ნელა, მოხუცებულობის სნეულებასთან ბრძოლაში დაასრულა თავისი ხანგრძლივი სიცოცხლე. ის იმერეთში, თავის კუთხეში გარდაიცვალა, მაგრამ დღეაქალაქში დაასაფლავეს თავისი დიდების რაყიფის ილია ქავჭავაძის გვერდით.

მართლა იყვნენ ისინი რაყიფნი? დიახ, ეს ასე იყო, აკაკი და ილია ახლო მეგობრები არ ყოფილან, მაგრამ წინააღმდეგობის მიზეზებს აშკარად როდი ამქლავებდნენ. ამიტომ არიან ერთავენი პატივსაცემნი. ერთავეს კარგად ვიცნობდი და ვიცი, რომ ისინი მალავდნენ თავიანთ გრძნობებს. უნდა ითქვას, ორივე, როგორც ნამღვილი ფილოსოფოსები, ისე ებყრობოდნენ ერთმანეთს.

ნახევარი საუკუნის განმავლობაში ისინი თითქმის მხარი მხარს იდგნენ ქართული გონებრივი ცხოვრების ასპარეზზე, მალლა ეჭირათ და იცავდნენ მის იდეალებს! ერთავენი ერთნაირივე გულისწყრომითა და თავდავითყებით ებრძოდნენ ყველას, ვინც კი ზურგი აქცია. თანამემამულეებსა და სამშობლოს მომავლის რწმენას; თვით უმძიმეს დროსაც არ კარგავდნენ იმედს, თავიანთი ხანგრძლივი სიცოცხლის უკანასკნელ წლებშიც იმედიანად შეჰყურებდნენ ქართველი ერის კულტურული ცხოვრების მომავალ აღორძინებას.

## აკაკის სოფელი

ოცდაათმა წელმა განვლო მას შემდეგ, რაც აკაკის სოფელ საჩხერეში ვიყავი. ეს იყო 1887 წელს, ქუთაისში ორი კვირის ყოფნის შემდეგ, გიორგი წერეთელთან ერთად სოფელ რგანში წავედი, სადაც ნიკო ლოლობერიძემ მიგვიპატიჟა. საღვურ ზესტაფონიდან ჩვენ ცხენებით გავემგზავრეთ, რადგან ჰიათურის რკინიგზა ჯერ კიდევ არ იყო გაყვანილი.

ქვემო იმერეთის ერთფეროვანი მწვანე ველის შერე ეს ადგილები უმშვენიერეს სურათს წარმოადგენდა.

ამ აყვავებულ კუთხეში შავი უდაბნოსებრ გაჭიმულა ჰია-

თურინ შავი ქვის მალაროები, რომლის იქით იწყება ისევ ლამაზი სანახაობა საჩხერისა ანუ საწერეთლოსი.

და აი, აქ, დიდსა და დაჩრდილულ ბაღში, რომელიც ტყიანი ხეობის სათავეში მდებარეობს, თეთრი სახლი დგას, სადაც დაიბადა პოეტი აკაკი წერეთელი.

ამ სახლში რამდენიმე საუკუნის განმავლობაში ნელ-ნელა კვდებოდა ფეოდალიზმი და მისი რომანტიულობაც, მაგრამ იმ ცერემონიალური და ტრადიციული ლხინის წყალობით, რაც ძველ თავადობას მოსდგამდა, შეუძლებელი იყო ახალი დროის სულის დაფუძნება.

აკაკის დედ-მამა შთამომავლობით, მდგომარეობით, აღზრდილთა და განათლებით ძველ დროს ეკუთვნოდნენ.

საჩხერის მშვენიერი მამული არ იყო პოეტისათვის ისეთი დასასვენებელი ადგილი, როგორც ილია ჭავჭავაძისათვის — საგურამო.

მიატოვა თუ არა აკაკიმ მშობლიური სახლი, მაშინვე გაეცნო ცხოვრების სინამდვილეს, რამაც მასზე უთუოდ იქონია ზეგავლენა. ის ბატონყმობის წინააღმდეგ ბრძოლაში იღებდა მონაწილეობას, სრულიად მიივიწყა ბავშვობის შთაბეჭდილებანი და გაჰყვა კაცობრიობის მაღალ იდეალებს. მისი ნაწარმოებები მძლავრად ეხმიანებოდნენ ცხოვრებას, თავის ხალხს, ახალ იდეალებს და მომავლის რწმენას უღვიძებდა, მათში პოეზიის დაუშრეტელი წყარო ჩქეფდა, მისი ბუნება გასაოცრად მდიდარი იყო.

აკაკის თხზულებები უძვირფასესი განძია ქართული ლიტერატურისათვის. მათი კითხვის დროს მე ვხედავ დიდ პოეტს, აღფრთოვანებულ ქართველს, რომელსაც თავდავიწყებით უყვარს თავისი სამშობლო.

## მ ა შ ა - ფ შ ა ვ ე ლ ა

მტერთან ბრძოლა, ველად გაჭრილთა თავგადასავალი და საქმენი საგმირონი მრავალი საუკუნის განმავლობაში მდიდარი მასალა იყო ფშაველთა სიმღერალექსებისა. მდიდარია მათი ხალხური თქმულებები და ზღაპრები, მაგრამ ეს მხო-

ლოდ ზეპირი პოეზიის გამოუკოპიტებელი მასალაა. სამოციოდე წლის წინ ფშაველები ნაკლებად იცნობდნენ საზოგადოებრივ აზროვნებასა და მწერლობას. ამიტომ ვაჟა-ფშაველა არამც თუ იშვიათი, არამედ უმაგალითო მოვლენაა კაცობრიობის ისტორიაში. ამ შემთხვევაში ალექსანდრე ყაზბეგის მაგალითი არ გამოგვადგება შესადარებლად; ყაზბეგი იმ წრიდან გამოვიდა, რომლის რამდენიმე თაობა უმაღლესი კულტურისა და ცოდნისაკენ მიისწრაფოდა.

სულ სხვა იყო ვაჟა-ფშაველას წრე: ის დაიბადა სალკლდეებს შუა მოქცეულ მიყრუებულ სოფელში, ერთ უბრალო სახლში, რომლის ყველა კარ-ფანჯარაში ქარი თავისუფლად შედი-გამოდიოდა, ხოლო კერის ბოლი კაცს თვალებს სჭამდა... აქ ცხოვრება უშუალო ბრძოლა იყო ბუნებასთან. ფშავეთში თითქმის ნახევარი წელი ზამთარია, ერთ სოფლიდან მეორეში გადასვლა თოვლით დაბარდნილი ბილიკებით თუ შეიძლება. ზამთარი აქ დასვენების დროა; გრძელ დამეგებში, როცა ნისლი ბურავს ფერდობებს ან ჰაერში ყინვის სუსხი იგრძნობა, მეზობლები თავს იყრიან სამასლაათოდ, და მათ შორის თუ აღმოჩნდება ხელოვანი მოამბე, ერთმანეთს გადაებმება თქმულებები გმირებზე, ყაჩაღებზე, მზეთუნახავებსა და ერეკლე მეორეზე, ლეკიანობაზე და სხვ.

ლუკა რაზიკაშვილი ბავშვობიდანვე გაქლენილი იყო ამ ამბებით. ალბათ ამან გამოადვიდა მისი ცოცხალი ფანტაზია და მასალა მისცა წარმოსახვისათვის.

მრავალი პოეტის ცხოვრების აღწერა გვიმოწმებს, რომ ბავშვობაში გაგონილი ამბები და, საზოგადოდ, ბავშვობის შთაბეჭდილებები დიდ ზეგავლენას ახდენენ მათ განვიითარებაზე. ეჭვი არ არის, მის სამშობლო კუთხეში გავრცელებულმა თქმულებებმა და ზღაპრებმა დიდი გავლენა იქონიეს ლუკაზე. ყრმის მახვილი გონება და გული მოსმენილსა და გაგონილს ამუშავებდა.

წლების განმავლობაში, გაზაფხულიდან შემოდგომის დამდეგამდე ლუკა ბუნების წიაღში ატარებდა, უკვირდებოდა მის მოვლენებსა და ცვლილებებს; იგი იცნობდა მთასა და ველს, ტყესა და ანკარა რუს, ხესა და ყვავილებს; კლდესა და თვალმიუბამ ხეობებს; მის თვალწინ იყო აღმართული

შორეული მყინვარის დიადი სურათი, რომელიც ელვარებდა ამომავალი მზის პირისფერი შუქით იმ დროს, როცა იქ, დაბლა, მთები და ველები ჯერ კიდევ ღამის წყვდიადში იყვნენ გახვეულნი; მთვარიან ღამეს, როცა არემარე სიჩუმით იყო მოცული, მის ყურს ხიბლავდა მთის ნაკადულის საიდუმლო რაკრაკი. პატარა ლუკა ხშირად ყოფილა მოწამე საშინელი ქექა-ქუხილისა, როცა ელვა აპობდა სიბნელით მოცულ ველსა და ხეობას, როცა გრგვინვა მთიდან მთას აწყდებოდა. მას გამოუცდია წვიმის, ქარისა და თოვლისაგან მიყენებული ტანჯვა, მაგრამ გაზაფხულობით, როცა ლაქვარდოვან ცაზე მზეს კაშკაში გაუდიოდა, ბავშვი განიცდიდა განუსაზღვრელ სიხარულს. სიცოცხლით სავსე თვალეები შეხაროდა ბუნების აბიბინებულ გულ-მკერდს.

ასე გაიზარდა მასში პოეტი. როცა ვაჟა სწავლა-განათლებას შეუდგა, ალბათ კარგად არც კი ჰქონდა შეგნებული თავისი ზეგარდმო ნიჰის ძალა. თუმცა არ შეეძლო არ ეგრძნო, რომ სამყარო მასზე ისე როდი მოქმედებდა, როგორც სხვა თანამემამულეებზე. დიახ, იგი ფიქრობდა და გრძნობდა ათასი ფშაელის ძალით. შემოქმედებითმა ძალამ ვაჟა მსოფლიო პოეზიის მწვერვალზე აიყვანა.

ვაჟა-ფშაველას კლასიკური განათლება არ მიუღია, თუმცა ბეჯითად მისდევდა თვითგანვითარებას. ჩემი აზრით, მისი განათლება საკმარისი იყო იმგვარი პოეზიისათვის, რომელიც თვითონ შეურჩია თავის ნიჰსს. ამ შემთხვევაში მე ვგულისხმობ მის პოეზიას და არა სხვას. ჩემთვის ვაჟა-ფშაველა პოეტი და არა ეთნოგრაფი. ეს პატარა მხარე — ფშავეთი თავი-ღი ხელშეუხებლობით საუკეთესო ნიადაგს წარმოადგენდა პოეტური შთაგონებისათვის. ფშაველებს საკმაოდ ბევრი და ვრცელი ხალხური სიმღერები აქვთ, უმთავრესად ეპიკური ხასიათისა. ვაჟა-ფშაველამ მათგან მხოლოდ მასალით ისარგებლა. თვითონ ვაჟაში პოეზიის ძლიერი წყარო ჩქეფდა, ზოლო მხარში კი მშობლიური ბუმბერაზი მთების ბუნება ეღგა.

მთების სიმშვენიერე სიყრმიდან საფუძვლად დაედო იმ მომხიბლავ პანგებს, რომელთა ჟღერას საუკუნეთა ცვლა ვერ შეანელებს.



წაიკითხეთ მისი მომაჯადოებელი სიმღერები, რომელთა მსგავსი არ მოიპოვება მსოფლიო ლიტერატურაში, ამ სიმღერებში მთელი ბუნებაა ჩაწნული... ვაჟა არ არის მარტო დიდებული მხატვარი, რომლის განჯარგულებაში მოიპოვება ათასი ფერით მდიდარი პალიტრა, ის შემკულია ამ ბუნების შეგრძნებისა და შეთვისების ძალით. ესაა მისი ლირიკის სიღრმე.

ვაჟა-ფშაველას სიმღერებში ბუნება შედუღებულია ადამიანის სიცოცხლესთან. ასეთი ადამიანი, პირველად ყოვლისა, თვით ვაჟა არის. ადამიანის ტანჯვა-სიხარულს ვაჟა თანაუგრძნობს მთელი თავისი სულიერი სიღრმით. მისი სიმღერები, მიუხედავად მათი თავისებური მხატვრული ენისა, სავსენი არიან სადა, ბუნებრივი კილოთი, მსმენელს ხიბლავენ წყნარი სიამით, თანაგრძნობითა და აღტაცებით.

მის სიმღერებში შეუღარებელი ძლიერებით და უბრალოებითაა გამოსახული სიყვარულის გრძნობაც. მისი ლამაზი, უბრალო და ამასთანავე ძლიერი ლექსი — „შენმა სიყვარულმა დამლია“, შეუღარებელია ვაჟა-ფშაველას სასიყვარულო ლექსებს ახასიათებს ზომიერების გრძნობა, ბუნებრივი კილო. ასევე ითქმის მის სიყვარულზე საქართველოსადმი, რომელსაც უძღვნა მთელი რიგი შინაარსიანი ლექსებისა, მიმართული აკაკის, ილიასა, ყაზბეგსა და ბარათაშვილისადმი.

ვაჟას ხშირად აფიქრებს ადამიანის ბედისწერა, ადამიანის არსებობის ხანმოკლეობა პოეტის სევდას იწვევს. ვაჟა მწუხარებას განიცდის არა მარტო ადამიანის, არამედ ყოველი სულიერისა და უსულოს ბედისწერის გამოც. ვაჟა, რა თქმა უნდა, ყოფიერების რთული საკითხის გადაწყვეტას არ კისრულობს... იგი პოეტია, რომლისთვისაც არსებობს მხოლოდ პოეზია, ყოველგვარი „იზმისაგან“ თავისუფალი.

ვაჟას მხატვრული სკოლა მისი ღია ნიჭია, და ეს სრულიად საკმარისია. ყოველივე რაც იცოდა, წიგნიდან კი არ ჰქონდა წაკითხული — ეს იყო ბუნების უხვი ჭილდო, რომლითაც ძარგებლა ისეთი სიღრმითა და მგზნებარებით, რასაც ვერ დაიკვებნის ვერც ერთი პოეტი და მხატვარი. მისი მხატვრული ნიჭი გასაოცარია. გარდა გრიგოლ ორბელიანისა,

არც ერთ ქართველ პოეტს არ შეუქმნია ბუნების ასეთი დიდებული მხატვრული სურათები. თვით გრიგოლ ორბელიანმაც ქართულ ლიტერატურაში ბუნების მხოლოდ რამდენიმე სურათი შეიტანა, იმ დროს, როცა ვაჟამ შეჰქმნა მთელი გალერეა ამ სურათებისა. ეს გალერეა უდიდესი საუნჯეა არა მარტო ქართული, არამედ მსოფლიო ლიტერატურისა, სადაც ვაჟა უთუოდ დაიჭერს საპატიო ადგილს. ფშავეთის მიწის სურნელება, რომლითაც გაუღნთილია ვაჟა-ფშაველას ლექსები, აასკეცებს მისი პოეზიით ტკბობას. გერმანელები ყველაზე მეტად იგრძნობენ ვაჟას, რადგან ისინი განსაკუთრებით ხვდებიან ხოლმე უხცო ერის თავისებურებას.

ვაჟას ყველა თხზულებაში გამოსჭვივის განსაკუთრებული სიყვარული ფშავეთისადმი, ეს სიყვარული ყველაზე მეტად ამშვენებს მის პოეზიას.

აი რას წერს ვაჟა თავის საშობაო მოთხრობაში: „უენოა ყველაფერი, რასაც ვხედავ, მაგრამ რამდენს რასმე ეუბნება ჩემს გულს ეს მთები, ეს ტყე გაბარდნული თოვლით.

აგერ ჩვენი საყდარი განმარტოებით გორაზე, დაღონებულად, მარტოდმარტო გადმოსცქერის არაგვის ხეობას.

აი იმედის კაკალიც, დამამშვენებელი მამულებისა, უზარმაზარი, გაბარჯლული.

დავინახე ჩვენი სახლიც: სვეტად ბუხრიდან მალლა აღიოდა ბოლი.

...გული აღარ ითმენს, გავაჩქარე ცხენი... გორაზე ვილაცა პატარა გამოდგა, გადმოგვხედა და სასწრაფოდ მიბრუნდა შინისაკე; ის ჩემი ძმა იყო, გვიცნო და გაექანა, რომ ჩვენებისათვის ეხარებინა. ყველაზედ უწინ დედაჩემი გამოჩნდა კარში და გამოგვეგება წინ. თვალეზე ცრემლი მოუვიდა.

— შეგცივდებოდა, შვილო, ვაი შენს დედას!  
მკოცნა, ბევრი მკოცნა...“

ყოველივე, რასაც ვაჟა მოგვითხრობს თავის მშობლების სახლზე, თავის სოფელზე და სამშობლოზე, იკითხება არა მარტო სიამოვნებით, არამედ გულის ძგერით. საზოგადოდ, მის ლექსებსა და პროზაში ჩამარხულია რაღაც საიდუმლო ძალა, რომელსაც მოკლებულია ბევრი პოეტი და რისი გა-

მოთქმაც ერთი სიტყვით შეუძლებელია: ეს არის დიდი საიდუმლოება ჭეშმარიტი პოეტისა.

გავა დრო და მთის წყარო დაშრება ფშავეთში... მხოლოდ ვაჟა-ფშაველას პოეზია არასოდეს აღმოიფხვრება ლიტერატურის საგანძურიდან.

## მთების პოეტი

ჩემთვის ვაჟა-ფშაველას მარტო სახელსაც დიდი მნიშვნელობა აქვს. ეს სახელი პოეტურ აზრს მინათებს მუდამ. როგორც ფრიგიის მეფე მიდასი ყველაფერს ოქროდ აქცევდა, ვაჟაც ყველაფერს პოეზიად აქცევს.

ვაჟას პოეზია არ არის სალონური, იგი იშვა ჩაყანგებულ მთებში, შალდაყიანსა \* და მუდამ ნორჩ ტყეებში. მისი შთამაგონებელი იყო ბუნება მშობელი ფშავეთისა, რომელსაც პოეტი ეკუთვნოდა სულითა და ხორციით. ცხოვრება ამ ბუნებისა, მისი სიტურფე და სიმკაცრე იყო მდიდარი ქარგა ვაჟას პოეზიისა, ფშავეთის ცხოვრება და წარსული იყო სული მისი პოეზიისა.

ვაჟა-ფშაველა მუდამ როდი უმღერის ადამიანს, იგი ხშირად მარტოოდენ ბუნების წიაღში რჩება. და მაშინ ყველაზე უდიდესი ფშაველი მძლავრ ფიქრს იკრებს და თავისი სულისკვეთება გადააქვს ჩონგურზე. მისი ღონიერი სიმი გამოსცემდა ომახიანსა და სადა ხმას. ეს ხმა პირდაპირ მისი მკერდიდან იღვრებოდა.

მთელი თავისი სისადავით ვაჟა-ფშაველას ენა იყო მეფური და ზარადიანი, რომელიც გაგონებიდანვე გიტაცებთ. ორიოდვე სტრიქონის უშალ, უკვე სხვა ფანტასტიკურ სამყაროში გადადიხართ...

ასეთია ჩემი აზრი ვაჟა-ფშაველაზე. რაც შეეხება უცხოელებს, შემიძლია ვთქვა: როცა დაიბეჭდა მეორე გამოცემა ჩემ მიერ თარგმნილი ქართველი პოეტების თხზულებებისა, ვაჟა-ფშაველამ ევროპაში აღტაცება გამოიწვია.

\* მეტი სიხშირით ჩამუჭებული ტყე (რედ.).

ილიას ჩემთვის უთქვამს, ვაჟა-ფშაველა არის გენიალური ფიგურა და ყველაფრით განირჩევა თანამედროვე პოეტებისაგანო.

## ჩემი მოგონებები საქართველოში \*

სული მიწებს, როცა ვიგონებ უკვე მიცვალებულ მეგობრებს, როცა შორეული წარსულის გარემოება, სიხარული და სევდა კვლავ ცოცხლდებიან ჩემს მოგონებაში.

1884 წელს თბილისი ჯერ კიდევ ძალიან წყნარი და ნაკლებად დასახლებული იყო დღევანდელთან შედარებით; ცხოვრებას დარბაისლობის ელფერი ამშვენებდა. სასტუმროები და რესტორნები იშვიათად იყო და მხოლოდ ძველებური ქართული სტუმართმოყვარეობა აკავშირებდა მეგობრებს თავისი მყუდრო, შინაურული დროსტარებით. მოხუცი და ყრმა ნაცნობებთან იყრიდა თავს. სტუმრები მარტო ღვინითა და უბრალო სადილითაც კმაყოფილდებოდნენ და არ კარგავდნენ თავის მხიარულებას. დროს ატარებდნენ მუსიკით, სმითა და, განსაკუთრებით, სიმღერებით, რადგან იმ დროს ფორტეპიანო ან სხვა ევროპული საკრავი იშვიათ სახლში თუ მოიპოვებოდა.

იმ სახლში, სადაც მე ვცხოვრობდი, ვანო მაჩაბელი და მხატვარი ბერიძე ცხოვრობდნენ. ორივე ახლად იყო ჩამოსული საზღვარგარეთიდან, სადაც იმ დროს ქართველი იშვიათად მიდიოდა. ბერიძემ რამდენიმე წელიწადი გაატარა იტალიაში, მხატვრობას სწავლობდა. ეს გულკეთილი, უზრუნველი ადამიანი იმ თაობისთვის პირველი მხატვარი იყო, მაგრამ ვერ გაამართლა ქართველების იმედი. ქართველების გულის დასაამებლად ოთხმოციან წლებში გიგო გაბაშვილი გამოჩნდა და პირველივე სურათებით დაამტკიცა, რომ ნამდვილი მხატვარი იყო. ტილოზე გადატანილმა ქართულმა ტიპებმა მისი ნიჭი გამოააშკარავა და მხატვრებს უჩვენა გზა ხელოვნ-

\* ამ მოგონების სათაური და პირველი აბზაცი ქართულად დაუწერია ლაისტს, რასაც უცვლელად ვტოვებთ (რედ.).

ნების დაუშრეტელი წყაროსკენ. ეს უკვდავების წყარო საქართველოში მდიდარია არა მარტო ადამიანების ტიპებით, არამედ ბუნების თავისებური სიღიაღითა და მშვენიებით. საქართველოს ბუნებაში ჩანთქმულია აუარებელი წმინდა ოქრო, რომელიც ქართველმა მხატვრებმა უნდა დაამუშაონ და ჩამოასხან ხელოვნების დიდებულ ძეგლებად.

ვანო მაჩაბელი სასახლის ქუჩაზე სარაჯიშვილის სახლში ცხოვრობდა იმ დროს. გარეგნობითა და ქცევით კარგ შთაბეჭდილებას ახდენდა, კარგი განათლება მაჩაბელს მეტი მუშაობის საშუალებას აძლევდა ლიტერატურაში, მაგრამ მეგობრებთან საუბარი ბევრ დროს ართმევდა. შექსპირის დრამების თარგმნისა და „დროების“ რედაქტორობის შემდეგ ჩქარა გადავიდა სხვა საქმეებზე და რამდენიმე წელიწადში ჯანმრთელობაც დაკარგა. როგორც სხვა ბევრმა ნიჭიერმა ქართველმა, მაჩაბელმაც ვერ დაამთავრა თავისი საქმე და ბედმა შუა გზაზე უღალატა, ხანგრძლივი ავადმყოფობის შემდეგ ის უკვალოდ დაიკარგა. დიდი გულშემატკივრობით შეხვდა ყველა ამ ნიჭიერი და კეთილშობილი ადამიანის ცხოვრების ტრაგიკულ დასასრულს.

ვანო მაჩაბელმა განათლება საფრანგეთსა და გერმანიაში მიიღო. შინ საქართველოსათვის მუშაობის აღფრთოვანებული სურვილით დაბრუნდა, აქ საქმეს მთელი თავისი ცოდნა და ახალგაზრდული ძალა შესწირა. რაკი დაინახა ილია ჭავჭავაძემ მისი ნიჭი და შრომის უნარი, თავისკენ მიიმხრო. ორივე ერთად მეგობრულად მუშაობდა იმ დრომდე, ვიდრე ქართველმა ზოილებმა მრუდე ლაპარაკით მათ შორის შური არ ჩამოაგდეს.

ვანო მაჩაბელთან გაცნობისთანავე გულწრფელი მეგობრობა ვიგრძენი. ჩვენ თითქმის ყოველდღე ვხვდებოდით ერთმანეთს. ქართულ თეატრშიც ერთად დავდიოდით, სადაც იმ დროს ამ საქმის ნამდვილი დამფუძნებლები თამაშობდნენ: ვასო აბაშიძე, მისი მეუღლე მაკო, ნატო გაბუნია, ვალ. გუნია, კოტე მესხი, ლადო მესხიშვილი და მათი თანამშრომელნი. ისინი ფრიად ნიჭიერი მსახიობები იყვნენ.

მაყურებელთა საზოგადოება შედგებოდა ნაწილობრივ თეატრის ნამდვილ მოყვარულთაგან და ნაწილობრივ გართო-

ბის მაძიებლებისაგან. პირველნი დაინტერესებულნი იყვნენ ქარგი თამაშით, ხოლო უკანასკნელნი — პიესის შინაარსით, რაზეც ხშირად მაღალი ხმით გამოთქვამდნენ თავიანთ უკმაყოფილებას. ასეთი იყო განსაკუთრებით „ქანდარის“ ხალხი. ზოგიერთი ღიმილითაც კი უყურებდა თავიანთ თანამემამულეების ამ პატარა, ერთგულ და მოუღალავ წრეს. ვერ წარმოედგინათ, რომ ამ პატარა, თითქმის საოჯახო სცენიდან შემდეგ დიდი ხელოვნების ნამდვილი ტაძარი აღმოცენდებოდა.

თუ არ ვცდები, ქართული თეატრის საქმე უკვე 1888 წელს გამოკეთდა ახალი, ლამაზი შენობის აგებით. ამ დროიდან მახსოვს ორი რეჟისორი — ვასო თუშანიშვილი და დავით ერისთავი — „სამშობლოს“ ავტორი. პირველი იყო წყნარი, დამთმობი, ხოლო მეორე — უფრო ენერგიული და განახლების მაძიებელი. ორივენი ჩიოდნენ, მსახიობები ნაკლებად გვემორჩილებიან და არ უყვართ დისციპლინა.

იმ დროს წარმოდგენის შემდეგ საზოგადოების გასართობად ქართული სიმღერა და ცეკვა იმართებოდა ხშირად. გულახდილად უნდა ვთქვათ, რომ პირველ წელიწადს ეს „შინაურული“ წარმოდგენები და დამსწრე საზოგადოება ჩემზე ნაკლებ შთაბეჭდილებას სტოვებდა. შიშით ვუცქეროდი ქართული თეატრის მომავალს, მაგრამ შემდეგ თანამედროვე მოღვაწეთა და მწერალთა მიმართულებამ და მისწრაფებამ ჩემში ქართული ხელოვნების საბოლოო გამარჯვების ნდობა და იმედი ჩასახა. ადვილად გასაგებია, რომ იმ დროს თეატრი თავისი ზურნით, გაბუნიას მუღმივი ცეკვა-თამაშითა და სიმღერით ვერ დააკმაყოფილებდა მაღალი გემოვნების მაყურებელს. მაგრამ იმდროინდელ მაყურებელს ჯერ კიდევ არ შეეძლო ღრმად ჩაეხედა ვითარებაში, თუმცა მომავალი გამარჯვება თეატრისა მასში ეჭვს არ იწვევდა.

ოთხმოციანი წლების შუა ხანებში თეატრს ალექსანდრე ყაზბეგიც დაუახლოვდა. ის 1886 წელს გავიცანი. ყაზბეგი იმ დროს სრულიად დაუძღურებული ადამიანის შთაბეჭდილებას სტოვებდა — სახე მობერებოდა, თვალები დასუსტებოდა. იმ ხანებში მეუბნებოდა, უკვე მიმიძივს მოთხრობებზე

მუშაობაო. ამ ტანჯული ადამიანისადმი ეს დიდ სიბრალულს  
აწვევდა, ასეთი ნაადრევი დაუძლურება!

ქართულ თეატრთან პატარა ბალი დარესტორანი იყო, სა-  
დაც საადგილმამულო ბანკის კრებების დროს ჩვეულებრივ-  
ზე მეტი სტუმარი იყრიდა თავს. ყოველ წელს, ზაფხულის  
დამდეგს თბილისში ქართლ-კახეთიდან მემამულეები ჩამო-  
დიოდნენ, ბევრ მათგანს ცოლ-შვილიც ჩამოჰყავდა. თბილისი  
საესე იყო სხვადასხვა ჯურის პროვინციელი ტიპებით. ხანში  
შესულები კაბა-ჩოხითა და სარტყელ-გულისპირით იყვნენ  
დამშვენებულნი, ახალ მოდას აყოლილი ახალგაზრდები კი  
ჟიჟე „პარტინების“ გემოვნებაზე ჩაცმულნი. მოხუცებს  
მაშინ ჯერ კიდევ სავსებით შერჩენოდათ ძველებური ქართუ-  
ლი შეხედულებანი, ჩვეულება და სიტყვა-პასუხი, ისე რომ  
ძველი საქართველოს ნიშანწყლის მაძიებელი მათთან ბაასით  
სავსებით დაიკმაყოფილებდა თავის ცნობისმოყვარეობას.  
ხანდახან ისეთი შთაბეჭდილება რჩებოდა, თითქოს ბევრი  
მათგანი იმ აზრსაც შეჰკუებია, ძველი თაობის ადგილს ახალი  
თაობა დაიჭერს და მათი მატერიალური დოვლათის მემკვიდ-  
რე იქნება, მაგრამ მათ სულიერ განძს კი ვერ შეინარჩუნებ-  
სო. ბევრი მათგანი თავის ბედს ურიგდებოდა, ბევრი კი  
ებრძოდა თავის შვილებს, როცა ეს უკანასკნელები ახლის  
გავლენას გადაჭარბებით განიცდიდნენ. ამ ქარმაგ მოხუცებ-  
ში ჯერ კიდევ შერჩენილიყო ძველებური უწყინარი და უბ-  
რალო იუმორი. ბანკის კრებებს დიდძალი მემამულე ესწრე-  
ბოდა. ბევრს მათგანს თბილისში გასათხოვრად ჩამოჰყავდა  
თავისი ასული; არ ვიცი, გამოიყენეს თუ არა თანამედროვე  
კომედიებში ეს ამბავი. აღარ არსებობს მოხუცებულთა ის  
თაობები, რომლებიც ჩამოდიოდნენ და თან ჩამოჰქონდათ  
ძველი ქართული ცხოვრების ნიშანწყალი. მე ყოველთვის  
უზომო სიამოვნებით ვიგონებ იმ დროს, რომელსაც დიდი  
უბრალოება ახასიათებდა. ვანო მაჩაბელსაც უყვარდა ამ  
ძველებურ მემამულეებზე დაკვირვება. ჩვენ ხშირად დაე-  
დიოდით ქართული თეატრის პატარა ბაღში ან მიხეილის  
ქუჩაზე, გერმანელების ყოფილი კოლონიის ადგილას. აქ იყო  
ქართული ბაღები უბრალო ხეებით, ვაზის თალარებით, ჟას-  
მინის ჩირგვებითა და წითელი ვარდის ბუჩქებით გაპიჯნული

ბილიკებით. ეს ბილიკები შორიშორს იყო ერთიმეორისაგან. ზურნა და საზანდარი უკრავდა, თბილ დღეებში აქ ძველებური ქართული ცხოვრება დუღდა. მე-18 საუკუნის ზოგიერთი მწერალი მოგვითხრობს, თბილისი გარშემორტყმული იყო ბაღებითო. ამ ბაღებს ვახუშტიც ახსენებს. ოთხმოციან წლებში ეს ბაღები ქართული ლხინის ბუდე იყო. ბაღის პატრონი სტუმრებს ღიმილითა და მოსწრებული სიტყვებით ხვდებოდა. აქ დილიდან მეორე დილამდე მზიარული სიმღერა გაისმოდა.

დიდი ხანია ეს მზიარული ხალხი გაქრა, სიმღერა განელდა, ვაზის თალარები და ვარდის ბუჩქები გაიკაფა, მათ ალაგას დიდი პირქუში სახლები აშენდა.



## კულტურული მნიშვნელობა „ვეფხისტყაოსნისა“

ძველია პოეტური თხზულება „ვეფხისტყაოსანი“, ის იცოცხლებს მარად, როგორც უკვდავი ძეგლი საქართველოს ცხოვრებისა, როგორც სარკე რუსთაველის დროინდელი ქართველების მსოფლმხედველობისა და ზნეობისა, როგორც კულტურულ მისწრაფებათა შთაგონების წყარო.

ჩემი აზრით, როდის დაიწერა პოემა ან ვისგან ისეხა რუსთაველმა ტარიელისა და ავთანდილის თავგადასავლის არაკი, იმდენად მნიშვნელოვანი არ არის. „ვეფხისტყაოსნის“ მნიშვნელობა ზნეობრივ, გონებრივსა და მხატვრულ ღირსებაში მდგომარეობს. რაც შეეხება „ვეფხისტყაოსნის“ შექმნის დროს, საეჭვოა, რომ ასეთი უაღრესად განვითარებული, დახვეწილი ენით დაწერილი და უმაღლესი კულტურული ცხოვრების ამსახველი პოემა თამარ მეფის გარდაცვალებიდან დიდი ხნის შემდეგ შექმნილიყო, იმ დროს, როცა ქართველი ხალხი და მისი კულტურა უკვე დაცემული იყო.

ჩვენ არ გვაინტერესებს „ვეფხისტყაოსნის“ ამბავი. უნდა ვიფიქროთ, ასეთი იყო თვით რუსთაველის დამოკიდებულება პოემის ამ მხარისადმი. რუსთაველისათვის ფაბულას მეორე-

ხარისხოვანი მნიშვნელობა ჰქონდა. „ამბავი“ მისთვის მხოლოდ ქარგა იყო, რომელშიც ავტორს შეეძლო ჩაეჭსოვა თავისი აზრები და შეხედულებანი. ეჭვს გარეშეა, ამ პოეზიას ავტორი თავის თანამედროვეთა ან მომავალი თაობის გასართობად კი არ წერდა, არამედ იმისთვის, რომ ზნეობრივად აემალლებინა ისინი, განემტკიცებინა სახელმწიფო და, დასასრულს, გამოეთქვა თავისი შეხედულება ნამდვილ საკაცობრიო კულტურაზე. ჩემი ღრმა რწმენით, რუსთაველს უნდოდა, უწინარეს ყოვლისა, ყოფილიყო ზნეობის მქადაგებელი, ხოლო პოეზია მან გამოიყენა როგორც საუკეთესო საშუალება ამ აზრის განსახორციელებლად. შოთა, რა თქმა უნდა, უდიდესი პოეტი, მაგრამ არა იმ პოეტთაგანი, რომლებიც მღერიან „ვით ფრინველნი მგალობელნი“. მას უფრო დიდი საქმის ასრულება აქვს განზრახული. დაე, სხვებმა თქვან, თითქოს თამარი უყვარდა და მხოლოდ მისმა სიყვარულმა დააწერინა „ვეფხისტყაოსანი“, მე ამ აზრს არ ვიზიარებ და ამ პოემაში კიდევ უფრო ამაღლებულ აზრსა ვხედავ.

ლაიფციგის უნივერსიტეტის პროფესორი ჰოლდაკი თავის წიგნში „ორი ქვაკუთხედი საქართველოს სახელმწიფოებრიობისა“ გამოთქვამს მოსაზრებას, რომ „ვეფხისტყაოსანი“ თავიდან ბოლომდე მიმართულია მსხვილ ფეოდალთა წინააღმდეგ და დაწერილია სახელმწიფოს მთლიანობის დასაცავად.

ამ აზრს მეც ვიზიარებ, რადგან რუსთაველი ბევრგან ნათლად და გარკვევით ამბობს ამას. ყველამ ვიცით, რა ბოროტად იქცეოდნენ ფეოდალები დავით აღმაშენებლის დროსაც კი და რა გავლენა ჰქონდა ზოგიერთ მათგანს თამარის დროს. უნდა ვიფიქროთ, რომ თავისი ქვეყნის მოყვარულ პოეტს არ შეეძლო გულგრილად ეცქირა იმ მსხვილი ფეოდალების თავაშვებულობისათვის, რომლებიც ცდილობდნენ უფრო გაეძლიერებინათ თავიანთი გავლენა, ამით კი ხელს უწყობდნენ სახელმწიფოს დაშლა-დანაწილებას.

რუსთაველი ნათლად და გარკვევით ჩაპოთვლის, რა თვითება და მოვალეობა უნდა ჰქონდეს ნამდვილ ვაჟკაცს. შუა საუკუნეებში, როცა „დღესა ყოველსა“ და „უამსა ყოველსა“ მტერი ესხმოდა მამულსა, ვაჟკაცი სამშობლოს დაცვისა და

ჯანმტკიცების იდეის განხორციელება უნდა ყოფილიყო რუსთაველის გმირები: ავთანდილი, ტარიელი და ფრიდონი ყველაფრად სრულნი არიან, სრული რაინდნი. ისინი დიდად აფასებენ მეგობრობას და თავიანთი საქციელით ამტკიცებენ, რა რიგ მალა აყენებენ ამ გრძნობას. რუსთაველის თვალში მეგობრობა ადამიანთა ერთობის უმთავრესი კავშირია.

მეგობრობა, რომელსაც აღიღებს და რომლისკენაც მოუწოდებს პოეტი, უბრალო გრძნობა კი არ არის, არამედ კეთილშობილებამდე აყვანილი გრძნობაა კულტურული, კარგად აღზრდილი ადამიანისა. რუსთაველისათვის ზრდილობა ლიტონი სიტყვა როდია, მისი გმირები ურთიერთთან მეტად თავაზიანი, თავდაპირილნი არიან, ერთიმეორის პატივისცემისათვის თავდადებულნი; ისინი ერთმანეთთან ბაასობენ, როგორც ზრდილი ადამიანები, თავიანთი გრძნობებისა და მეტყველების ბატონ-პატრონნი. ახლა თქვენ იკითხეთ, როგორია მათი დამოკიდებულება ქალების მიმართ! ქალები მათთვის აღმოსავლელი მხეცელები, მდაბალი არსებანი კი არ არიან, მოკლებულნი ყოველგვარ საზოგადოებრივ უფლებას, ისე როგორც ძველ საბერძნეთში იყო, სადაც მათ უყურებდნენ როგორც მამაკაცის ტკობისათვის გაჩენილ არსებათ. აქ ისინი თავისუფალი, მამაკაცის თანასწორნი, თავიანთი ვრძნობებისა და აზრების გამგებელი ადამიანები არიან. აღმოსავლეთში ქალი არსად ყოფილა ისეთი დიდი პატივისცემით მოსაილი, როგორც საქართველოში.

თინათისს, ნესტან-დარეჯანს, ასმათსა და სხვა ქალებს მამაკაცები დიდი თავაზითა და პატივისცემით ეპყრობიან. ეს ზნეობრივი ზღუდე მათთვის ქმნის იმ ღირსეულ და საპატიო მდგომარეობას, რომელშიც ქართველი ქალები საუკუნეთა მანძილზე იმყოფებოდნენ.

ცხადია, „ვეფხისტყაოსანს“ დიდი აღმზრდელობითი მნიშვნელობა ჰქონდა ქართველი ქალებისათვის; ამ პოემის აღზრდის იდეებს ითვისებდნენ ქართველი დედები და ხელმძღვანელობდნენ თავიანთი ასულების აღზრდაში.

„ვეფხისტყაოსანში“ ყველგან პლასტიკურად წინ არის გამოკვეთილი ქალის საპატიო მდგომარეობა. თვით ვაჟრის ცოლთან, მსუბუქი საქციელის ფატმანთანაც კი ავთანდილს

ზრდილობიანად და პატივისცემით უჭირავს თავი. კარგად აღზრდილი, მორალურად უმწიკვლო ქალი მუდამ ყოფილა და იქნება სანიმუშო ყოფაქცევისა და ზრდილობის საუკეთესო მზრუნველი და დამცველი. რუსთაველი, რომელიც კარგ ყოფაქცევასა და ზრდილობაში უმაღლესი კულტურის უმთავრეს დასაბამს ზედავდა, საგანგებოდ მოსავეს ქალებს პატივისცემითა და ღირსებით.

მაგრამ არა მარტო ქალის ღირსება, საზოგადოდ ადამიანური ღირსებაც მის თვალში კულტურის უპირველესი პირობათაგანია. ავთანდილის ანდერძი როსტევეან მეფის მიმართ აღსარებაა კეთილშობილი, სრულყოფისაკენ მსწრაფველი ადამიანისა, უმთავრესი მცნებაა მთელი საკაცობრიო კულტურისა. ანდერძი პოემას განსაკუთრებულ ელფერს აძლევს და აღიღებს მის მორალურსა და კულტურულ მნიშვნელობას. ზნეობის საკითხებში და კაცობრიობის სხვა მაღალი იდეალების წინაშე რუსთაველი არ სცოდავს მაშინაც კი, როცა ავთანდილი ფატმანთან დაიჭერს კავშირს. ჩვენ ვიცით, რომ ავთანდილი იძულებულია ასე მოიქცეს, რადგან მას სურს ფატმანისაგან გაიგოს ნესტან-დარეჯანის სამყოფელი ადგილი. ფატმანის საყვარელსაც ხომ იმიტომ კლავს, რომ ქალი ზნეობრივი განსაცდელისაგან იხსნას.

ყველა ეს გარემოება ნათელს ჰფენს „ვეფხისტყაოსანს“, რომელშიც, როგორც სარკეში, უპირველესად, იმდროინდელ ქართველთა კულტურა იხატება. ამავე დროს მასში მოცემულია ყველა ის მცნება, რომელიც საჭირო იყო ამ კულტურის განვითარებისათვის მომავალში. ამგვარად, რუსთაველმა გაუსწრო თავის დროს და თავის ერს საუკუნეთა განმავლობაში მოევლინა, როგორც ქართული კულტურის ზნეობრივი და გონებრივი ძალა.

„ვეფხისტყაოსანს“ ყოველთვის კითხულობდნენ ოჯახებში.

მე-18 საუკუნის შუა ხანებისთვის საქართველოში წიგნები ცოტა შემორჩა და რაც იყო, „ვეფხისტყაოსანს“ არ შეედრებოდა. ამიტომ უნდა ვიფიქროთ, რომ რუსთაველის ეს თხზულება უდიდეს როლს თამაშობდა ქართველთა გონებრივ ცხოვრებაში. საუკეთესო ადგილებს ზეპირად სწავლობ-

დნენ. მკითხველები, ცხადია, აღტაცებაში მოდიოდნენ პოემით, მისი გმირების კეთილშობილი საქციელით. ეს სრულიად საკმარისი იყო იმისათვის, რომ განმტკიცებულყო ამ თხზულების კეთილი გავლენა კულტურაზე და მის შემდგომ განვითარებაზე.

ჩემი აზრით, საჭიროა შევადგინოთ მოკლე კრებული, რომელშიც უნდა მოექცეს:

1) ზნეობრივი და ფილოსოფიური მნიშვნელობის ყველა აზრი.

2) სილამაზით სხვებში გამოსარჩევი ადგილები .

3) მაშინდელი კულტურის მდგომარეობის ამსახველი მომენტები.

დიდ მწერალთა ასეთ კრებულებს განსაკუთრებით ხშირად ფრანგები ბეჭდავენ. გერმანელები იშვიათად მიმართავენ ამდაგვარ პოპულარიზაციას. ქართველი პოეტების თხზულებათა კრებულის ჩემი გერმანული თარგმანის მესამე გამოცემისათვის ამოვკრიბე „ვეფხისტყაოსნის“ საუკეთესო ადგილები და ეს მეტად მიზანშეწონილად მიმაჩნია.

## მ ც ხ მ თ ა

ხშირად ვყოფილვარ მცხეთაში, ხშირად გამივლია გზად საგურამოში მიმავალს და ყოველთვის, როცა ამ დიდებულ ტაძარს და სხვა ძველ ეკლესიებს დავინახავდი, ფიქრი წარსული საუკუნეებისაკენ გამიტაცებდა. ვცდილობდი, აღმედგინა გარდასული დროების სურათები. დიახ, თვით ცხოვრებაა საინტერესო და არამარტო ისტორიის ნაამბობი, რადგან ისტორიის მიერ მოთხრობილი თითქო ამ სურათის მარტოდნენ ჩარჩოა.

ძველი მცხეთა და მისი ეკლესიები საქართველოს ცხოვრების უძველესი სცენაა. ვინ იცის, ორი ათასი წლისა და უფრო მეტი ხნის განმავლობაში რამდენჯერ გამოცვლილა ეს სცენა და მისი დეკორაციები...

ილია ჭავჭავაძესთან ერთად ხშირად გამომივლია მცხეთა პოეტს მეტად უყვარდა მცხეთის თავგადასავლისა და

მისი ისტორიის ზოგიერთი ამბების თუ ეპიზოდების მოყო-  
ლა. ქუთაისის ბაგრატიან ტაძრის ნანგრევებისა და გელათის  
მონასტრის გარდა საქართველოში არც ერთი ადგილი არაა  
ჩემს თვალში ისე შარავანდელით მოსილი, როგორც მცხე-  
თა. ილიაც ასეთივე მოწიწებით ეპყრობოდა საქართველოს  
ძველ დედაქალაქს. ამ ადგილას მტკვარსა და არაგვს ხშირად  
წმიდა მღინარეების მნიშვნელობა ენიჭებათ. ორი ათასი  
წლის განმავლობაში ორივე მოწამე იყო საქართველოს ის-  
ტორიული წარსულისა. ილიას ძალიან უყვარდა ეს ადგილე-  
ბი, მაგრამ როცა აქაურობას უჭკრეტდა, ისიც გლოვობდა.  
ამ შთაბეჭდილებით დაწერა მან ლექსები: „მტკვრის პირას“  
და „არაგვს“.

როცა წარსულზე ვფიქრობ, იმას კი არ ვცდილობ, ადვა-  
დგინო ცალკეული ამბები, არამედ ცხოვრების მთელი სუ-  
რათები, თქვენ ის იკითხეთ, რა ურიცხვი ცვლილება მოხდა  
ორი ათასი წლის მანძილზე. რა სხვადასხვაობა, რა მრავალ-  
ფერადობა უნდა. ჰქონოდა ცხოვრებას ამ დროის განმავლო-  
ბაში!

წარმოდგინეთ ძველი ქალაქი არმაზი კერპთაყვანისმცე-  
მელთა სამსხვერპლოებითურთ, როცა აქ დღესასწაულებზე  
ხალხი ყველა მხრიდან თავს იყრიდა. სამსხვერპლოები მახ-  
ლობელ მთებზე იდგა და მათი ცეცხლის ალი შორს მო-  
ჩანდა, განსაკუთრებით დამით. რა პოეტური და შთაბეჭდი-  
ლებების მომგვრელი სურათები უნდა ყოფილიყო! მაგრამ,  
განა შეგვიძლია წარმოვიდგინოთ აუარებელი ხალხი, აქ რომ  
თავს იყრიდა?! უთუოდ ბუნებით ისინი ბუმბერაზები იქ-  
ნებოდნენ.

ქრისტიანობის დამყარების შემდეგ ამ სურათების გარე-  
განი სახე, ალბათ არც ისე მალე შეიცვლებოდა. მას სხვა-  
გვარი ცხოვრება მოჰყვა: კერპთაყვანისმცემლობისა და  
ქრისტიანობის მსოფლმხედველობათა შორის დაიწყო ბრძო-  
ლა. ჩვენ არ ვიცით, რამდენად ჭარბობდა სპარსული სული  
ქართულ კერპთაყვანისმცემლობაში. ამიტომ დაგვჭირდება  
გამორკვევა იმისა, თუ რამდენად პატრიოტები იყვნენ პირ-  
ველი ქრისტიანები, ან რამდენად ცდილობდნენ ისინი ქრის-  
ტიანობის შემწეობით თავიდან აეცილებინათ სპარსეთის

გავლენა. რაკი ქრისტიანულმა სწავლა-მოდღვრებამ, რომელიც წმ. ნინომ შემოიტანა საქართველოში, სწრაფად მოიცი-  
და ფეხი, ჩვენ შეგვიძლია ვიფიქროთ, რომ ქართველები  
ახალ მოძღვრებაში სასურველ საშუალებას ხედავდნენ სპარ-  
სეთის გავლენის წინააღმდეგ საბრძოლველად.

• მირიან მეფე, წმ. ნინო და ბევრი სხვა ქრისტესათვის  
თავდადებული ჩვენ მხოლოდ პოეტური ლეგენდების წყა-  
ლობით წარმოგვიდგებიან, რეალურ სახეს მოკლებულნი.  
სარწმუნოებრივი რუღუნებითა და თავგანწირვით ცნობილ  
დედათა და მამათა მთელი რიგი იღვწოდა ქრისტიანობის  
პირველ საუკუნეებში და ალბათ სათავეში ედგნენ არა  
მარტო სარწმუნოებრივ მოძრაობას, არამედ საზოგადოებრივ  
ცხოვრებასაც, რამდენადაც კი შესაძლებელი იქნებოდა ამ-  
გვარი ცხოვრების არსებობა მაშინ. ჩვენ თითქოს წყვილიაღში  
ვხედავთ იმ გამოჩენილ პირებს, რომლებიც შეიძლება ვერც  
კი გრძნობდნენ, თუ რა დიდ საქმეს აკეთებდნენ ქვეყნის  
მომავალი აღორძინებისათვის.

მათ შეუერთდნენ „ათცამეტი ასურელნი მამანი“, ეს  
ძველი დროის მისიონერები, მწერლობისა და სარწმუნოების  
მომფენნი.

ახლა ის ვიკითხოთ, როგორი იყო ეს პირველი მონასტ-  
რები იმ დროს, როგორი იყო მის მკვიდრთა ცხოვრება? აქ  
მარტოოდენ წარმოდგენით შეგვიძლია დავუახლოვდეთ მა-  
შინდელ სინამდვილეს. ჩვენს დროშიც შემორჩენილა საქარ-  
თველოს სხვადასხვა კუთხეებში ძველისძველი მონასტრები.

ვახტანგ გორგასლის შემდეგ მცხეთა, როგორც საქარ-  
თველოს დედაქალაქი, გაუქმდა, მაგრამ რაკი საპატრიარქო  
ტაძარი აქ იყო, ქალაქს თავისი მნიშვნელობა კიდევ შერჩა.  
ნიადაგ დულდა აქ საეკლესიო ცხოვრება, მულდამ მრავლად  
იყვნენ სამღვდელონი და ეკლესიის მსახურნი.

თუ გვინდა ნამდვილი წარმოდგენა ვიქონიოთ იმდროინ-  
დელი მდგომარეობის შესახებ ცეცხლმსახურების დამხობი-  
სა და ქრისტიანობის გამარჯვების შემდეგ, მხედველობაში  
უნდა მივიღოთ ზოგიერთი მეფისა და მათ გარშემო მყოფ  
პიროვნებათა სულიერი განწყობილება.

დავით აღმაშენებელი თავისი ცხოვრების უმეტეს ხანს

ომებს ანდომებდა, მაგრამ ამავე დროს „დაბადების“ კარგ მცოდნედ ითვლებოდა და ჯარს რომ მიმართავდა სიტყვით, იტყოდნენ — მქადაგებელი ლაპარაკობს და არა მეფეო. უნდა ვიფიქროთ, ესმთა ვითარებაში სარწმუნოება ხალხში მკვიდრად იკიდებდა ფეხს. დავითი დიდი მორწმუნე კაცი იყო, ხშირად კითხულობდა „დაბადებას“, დიდი ყურადღებით ეკიდებოდა თავისი ერის ზნეობას. ამასთანავე ცნობილია, რომ დავითი არ სდევნიდა მუსლიმანებსა და სომხებს. სხვათა სარწმუნოებისადმი პატივისცემით მოპყრობა იმთავითვე დაჰყვა ქართველებს.

ბიზანტიის ეკლესიის გავლენით, ალბათ მცხეთაც ითვლებოდა გარეგნულ მშვენებას. პირვანდელი საეკლესიო სისადავის ნაცვლად აქ შემოჰქონდათ დიდი ცერემონიები. დღესასწაულებზე საქართველოს ყოველი მხრიდან აუარებელი ხალხი აწყდებოდა აქაურობას. თუმცა ისიც კია, რომ „ქართლის ცხოვრება“ არ გვეუბნება, რა სახის საეკლესიო სანახაობანი იმართებოდა აქ. საზოგადოდ, ჩვენ დაწვრილებით არ ვიცით, რა ამბები ხდებოდა საშუალო საუკუნეების საქართველოში.

მე-14 საუკუნეში თემურ-ლენგის ურდოები შემოესივნენ საქართველოს და მცხეთის ტაძარი დაანგრიეს. აღვილი წარმოსადგენია, რა საშინელება განიცადა მაშინ მცხეთამ, რამდენი სისხლი დაიღვარა აქ და რა ძალმომრეობის მსხვერპლი გახდა ხალხი. ათასობით ცხენის ფლოქვებმა გათელეს საქართველოს მიწა-წყალი. თემურ-ლენგის შემოსევამ იავარქმნა ქვეყანა. საკვირველია, რომ მცხეთის მკვიდრებს არ დაუტოვებიათ აღწერა ამ დარბევისა.

თემურ-ლენგის ურდოებს სპარსნი მოჰყვნენ. ისინი მცხეთაში სეტყვის ღრუბლების მსგავსად გამოჩნდებოდნენ ხოლმე. საერთოდ, სპარსთა ბატონობა ყველაზე საშინელი და ზანგარძლივი იყო, ამის მსგავსი საქართველოს ორი ათასი წლის განმავლობაში არაფერი უნახავს, მაგრამ საქართველომ გაუძლო ამ ბრძოლას და თავდაცვისა თუ წინააღმდეგობის საოცარი ძალა გამოიჩინა. მისი სასიცოცხლო ძალდონე კი არ ქრებოდა, არამედ ღვიოდა უცხოთა კირთების ქვეშ, ნაცარში გახვეული ცეცხლის მსგავსად.



საუკუნეები გადიოდა და მყუდროება მეფდებოდა მცხეთაში.

ძველებურადვე იდგა ტაძარი, სალოცავად ჟამიდან ჟამს მოდიოდა ხალხი საქართველოს შორეული კუთხეებიდან, რამდენიმე დღით ახმინდებოდა მტკვრისა და არაგვის ნაპირები. ჩვენამდე მოღწეულ ქრონიკებში აღბეჭდილია რამდენიმე ასეთი ამბავი.

საველალო და თან დამახასიათებელ სურათს გვიხატავს გორგიჯანიძე: 1646 წელს ბატონიშვილ ოტიას გადმოსვენებისას მთელმა ქართლმა მოიყარა თავი გორში. ყოველივე ის, რაც აქ და მერე მცხეთაში მომხდარა, შესაძლებლობას გვაძლევს წარმოვიდგინოთ მაშინდელი ზნე-ჩვეულება და ყოფაცხოვრება. გავითვალისწინოთ, რა პირობებში მიმდინარეობდა ყოველივე ეს, დრო, რომელშიაც ჯერ ისევე ჭარბობდა შუასაუკუნეობრიობა. წარმოვიდგინოთ ისიც, რა დიდებული და ამავე დროს რა მძიმე შთაბეჭდილებას მომხდენი იქნებოდა მიცვალებული ბატონიშვილის დატირება, რომელიც თორმეტ დღეს გაგრძელებულა... მომქანცველი ცერემონიალისათვის გორს შეიკრიბნენ: მეფე, დედოფალი, მთელი სასახლე, თავადნი და აზნაურნი თავიანთი ცოლებით. ბატონიშვილი მცხეთაში დასაფლავეს და აქაც რამდენიმე დღეს გაგრძელდა ცერემონიალი. ამ აუარებელი ხალხის გასამასპინძლებლად ყოველდღიურად იხარშებოდა აუარება ზორცი, ცხვებოდა პური, თბილისიდან და გარშემო სოფლებიდან ურმებით ეზიდებოდნენ ღვინოს. დედოფალი და მისი ამაღა ორმოც დღეს დარჩნენ მცხეთაში. ეს გლოვა აღბათ თავისებური რამ იყო და არაჩვეულებრივ სურათს წარმოადგენდა. გორგიჯანიძე ზერელედ აგვიწერს გლოვას, ამ სახით მან ვერ დასტოვა მნიშვნელოვანი მასალა ქართული კულტურის ისტორიისათვის.

ღვინობისთვის პირველს, მცხეთობასაც, აღბათ დიდძალი ხალხი იყრიდა თავს ყოველწლიურად. ოღონდ დასანანებელია, რატომ არავინ გამოჩნდა მათში ისეთი, ეს მრავალფეროვანი დღეობა და გართობა რომ აეწერა.

ათასში ერთხელ თუ ვისმე მოაგონდებოდა ამისი მსგავსი

რამის აღწერა. თეიმურაზ II-ის გვირგვინის კურთხევა მცხეთაში მოხდა 1745 წლის ღვინობისთვის პირველს. პაპუნა ორბელიანმა ამ ამბის საკმაოდ ვრცელი და მეტად საინტერესო აღწერა დაგვიტოვა. ეს გვირგვინის კურთხევა, შეიძლება, უკანასკნელიც იყო, როგორც ძველებური ქართული სანახაობა, რომლის მსგავსის მოწამეც მცხეთის ტაძრის კედლები არა ერთხელ ყოფილა. კურთხევა მოაწყო ანტონ კათალიკოსმა, რომელიც ძველ წიგნებში საგანგებოდ წინასწარ გაეცნო გვირგვინის კურთხევის ძველ წესს. ნახევრად გასპარსელებული და გამუსლიმანებული მეფეების შემდეგ თეიმურაზი პირველი ეროვნული მეფე იყო და ამიტომ ყველანი ცდილობდნენ მისი კურთხევისათვის ეროვნული ხასიათი მიეცათ. ზეიმი რომ უფრო ბრწყინვალე ყოფილიყო, თეიმურაზმა კახეთიდან დაიბარა თავისი ძე ერეკლე II მუხლითურთ. ერეკლე თბილისში რომ მოვიდა, ყველანი — მეფენი და დედოფლები, ოთხი დროშისგან შემდგარი ლაშქარი და სამღვდლოება, აზნაურნი და მღაბიონი მცხეთისაკენ დაიძრნენ. გვირგვინის კურთხევის ცერემონიალი გრძელი იყო, ყოველ წესს უკლებლივ ასრულებდნენ.

ამ ამბების შემდეგ მცხეთას აღარ უნახავს ძველი ქართული ცხოვრების ასეთი სურათი, ყოველივე თანდათან კარგავდა თავის ძველებურ ეროვნულ იერს.

მცხეთის ტაძარმა ყველა ეს ცვლილება განიცადა. იგი ახლაც დიდებულად დასცქერის თავს აქაურობას, როგორც საქართველოს ძველი დროების ძეგლი; მისი საფლავების მრავალი წარწერა მოგვაგონებს წარსული დროების მოღვაწეთა ამბებს.

ქართული კულტურის ისტორია დღემდე არ არის დამუშავებული. მხატვრობა ყველაზე ნაკლებ შეხებია ამ გამჭრალ დროებას, მაგრამ ის მდიდარ მასალას შეიცავს მეცნიერთა და მხატვრებისათვის. როცა დაიწერება ქართული კულტურის სისტემატური ისტორია და ჩამოყალიბდება ისტორიული მხატვრობა, ყველა დაინახავს, რამდენ ძვირფას მასალას შეიცავდა საქართველოს წარსული თავისებურ დიად ნაწარმოებისთვისაც.

## XVIII საუკუნის საქართველო

ბევრსა ჰგონია, რომ XVIII საუკუნეში საქართველომ კულტურას შუასაუკუნეობრივი აზია კვებავდა. ეს არ არის მართალი, პირიქით, წინა აზიაში საქართველო იყო ერთადერთი ქვეყანა, რომელიც გაბედულად იბრძოდა ევროპული კულტურის გადმონერგვისათვის. მართალია, ამ გეზით მუშაობას აწარმოებდნენ სომხებიც, მაგრამ ეს ხდებოდა არა სომხეთში, არამედ კონსტანტინეპოლში და სხვა ევროპულ ქალაქებში, განსაკუთრებით, ვენეციაში, სადაც მხითარისტებმა ბევრი რამ გააკეთეს სომხური სიტყვიერებისა და სწავლა-განათლების აღორძინებისათვის.

ევროპულ კულტურას ქართველებსა და სომხებს შორის ავრცელებდნენ რომის ეკლესიის აგენტები: ბერი-მისიონერები, მაგრამ მათი რელიგიური გავლენა ქართველებზე ნაკლები იყო, ვიდრე სომხებზე. თავისთავად ცხადია, რომ საქართველოში კათოლიკე-მისიონერების გარდა სხვა ძალებიც მოქმედებდნენ ქვეყნის კულტურით დაწინაურებისათვის. ეს ძალები თვითონ ქართველები იყვნენ, რომლებიც დამოუკიდებლად ცდილობდნენ სამშობლოს გაევროპელებას. საქმე ისაა, რომ საქართველოს ტრადიციაც უწყობდა ხელს კულტურული მუშაობის წარმოებისათვის. არ უნდა დაგვავიწყვდეს, რომ შოთა რუსთაველმა დიდი შემოქმედებითი სული შთაბერა საუკუნეთა მთელ წყებას და ქართველების მოწინავე შეილებს სამუდამოდ გაუკაფა გზა ახალი და ახალი პორიზონტებისაკენ. „ვეფხისტყაოსანი“ მორალური, კულტურული და სულიერი იდეალებით გაცილებით მაღლა დგას მისი ღროის აღმოსავლეთის საუკეთესო პოეტურ ნაწარმოებებზე. მისი ღირსება მართო ის კი არ არის, რომ თანამედროვეებს მთელი სიღრმით ასახავს, არამედ ისიც, რომ შეუწინებლად მოუწოდებს განსრულების მაღალი მიზნისაკენ. ამ მხრივ რუსთაველის უკვდავ პოემას ბევრი მსგავსება აქვს მისი თანამედროვე გერმანელი პოეტის ვოლფრამ ფონ-ეშენბახის „პარციფალთან“. მხოლოდ აქვე უნდა აღინიშნოს, რომ პოეტი შოთა რუსთაველი შეუდარებლად უფრო

თავისუფალ შემოქმედად გვევლინება, ვიდრე ეშენბახი, რომელსაც თავი ვერ დაუღწევია რელიგიურ დოგმებისა და საეკლესიო სწავლა-მოდღერებათა ხლართისაგან.

ექვს გარეშეა, რუსთაველი ღრმად რელიგიური იყო, მაგრამ არასოდეს იმოსებოდა რომელიმე სარწმუნოების სამოსელში. იგი ხშირად ახსენებს ღმერთს, მაგრამ განსაზღვრულ სარწმუნოებას არასოდეს. შოთა იყო დეისტი და ამით საუკუნეებს გაუსწრო.

შოთა რუსთაველზე აღრე ცხოვრობდა სპარსელი პოეტი ომარ ხაიამი, რომელმაც უარყო დოგმატური სარწმუნოება, მაგრამ საექვოა, რომ ამ პოეტის ნაწარმოებებს იცნობდა რუსთაველი: იმ დროს საქართველოსა და სპარსეთს შორის ძალიან გაიშვიათებული იყო გონებრივ-იდუური ურთიერთობა.

შოთა რუსთაველის გავლენა საქართველოში არასოდეს შესუსტებულა. თუ სამღვდლოებამ აკრძალა მისი პოემა და მანედ აღიარა, არა იმიტომ, რომ ის უზნეო იყო, არამედ, ალბათ, იმიტომ, რომ პოემის თავისუფალი აზრები შეუწყნარებლად მიაჩნდა ეკლესიას. უნდა ვიფიქროთ რუსთაველზე აღზრდილ ქართველობას არასოდეს დაავიწყდებოდა „ვეფხისტყაოსნის“ იდეალები და მაღალი კულტურისაკენ მისწრაფებას ვერ ჩაკლავდა მის გულში საქართველოს ისტორიის ისეთი უსაშინელესი პერიოდიც კი, როგორც იყო მონღოლთა ბატონობის ხანა. მართალია, განათლება საერთოდ დაეცა, მაგრამ მაინც იყვნენ ისეთი ბრწყინვალე პიროვნებები, რომლებიც იცავდნენ ერის ღირსებას.

XVII და XVIII საუკუნეთა გარდამავალი ხანა დიდმნიშვნელოვანია საქართველოს კულტურის ისტორიაში, ამ დროს ჩაეყარა საფუძველი საქართველოში ახალი ევროპული კულტურის დამყნობას. ამ საქმის პიონერები ევროპელი ბერები იყვნენ. მათი გავლენა მოწინავე ქართველებზე დიდი იყო. ამასთან, ფრიად დიდი მნიშვნელობა ჰქონდა ქართველების მოგზაურობას ევროპასა და რუსეთში.

რა მოჰქონდა ევროპასა და რუსეთს საქართველოსათვის? იტალიელი ბერები, უწინარეს ყოვლისა, იცავდნენ თავიანთი ეკლესიის ინტერესებს და ცდილობდნენ, რაც შეიძლება, მეტი მიმდევარი გაეჩინათ საქართველოში. ამას კიდევაც

ახერხებდნენ. ცნობილია, რომ საქართველოში ვახტანგ VI-ის დროს ზოგი გამოჩენილი ქართველი ფარულად თუ ცხადად კათოლიციზმს მიემხრო. იტალიელი მისიონერები განათლებული ადამიანები იყვნენ, ქართველები სწორედ მათგან ითვისებდნენ ევროპულ კულტურას და ეცნობოდნენ ევროპულ აზროვნებას. მართალია, ბერები ამ შემთხვევაში რომის ეკლესიის ინტერესებს არ ივიწყებდნენ, მაგრამ არამგონია, რომ ქართველებს მათ სწავლა-პროპაგანდაში არ გაერჩიათ ნამდვილი და სალი ევროპეიზმი კლერიკალიზმისაგან.

რუსეთის სკოლებში ამ დროს სქოლასტიკა ბატონობდა, სწავლა-განათლების საქმე სამღვდელთა ხელში იყო. რასაკვირველია, რუსეთიდანაც მოჰქროდა კლერიკალიზმის სუნი, მას გავლენა ჰქონდა მხოლოდ სასულიერო წოდებაზე, რომელიც აქაც, როგორც რუსეთში, სწავლა-განათლების საქმეს განაგებდა.

მიუხედავად ამ გარემოებისა, აღსანიშნავია, რომ ბესიკის, სულხან ორბელიანის, გაიოზისა და სხვათა საქართველო სრულიად არ იყო კლერიკალური. თუმცა შემოქმედებითი ძალების გაშლისათვის არ იყო შესაფერისი პირობები, კრიტიკული აზროვნება ღვიოდა მაინც, დიდი იყო ცოდნისა და უმაღლესი კულტურისაკენ მისწრაფებაც.

ვახტანგ VI-ის, ანტონ კათალიკოსის, გაიოზისა და სხვა მოღვაწეთა ცხოვრება იმას ამტკიცებს, რომ საქართველო XVIII საუკუნეში დიდად ცდილობდა კულტურით დაწინაურებული ქვეყნებიდან საჭირო ცოდნა შეეძინა და გონებრივად გათანასწორობოდა მათ. ეჭვი არ არის, რომ XVIII საუკუნის მეორე ნახევარში აღმოსავლეთ საქართველოში ამ მხრივ დიდი მუშაობა წარმოებდა. სამუშაოთ, ამ მუშაობას აბრკოლებდა განუწყვეტელი ომები, როგორც შინაური, ისე გარეშე—თურქების, სპარსელების და ლეკების წინააღმდეგ. ამ შფოთს ერის საუკეთესო ინტელექტუალური ძალები ეწირებოდა. ეს არის მიზეზი, რომ მწერლებს იმ დროს მძიმე ნაღვლიანობა ახასიათებთ. არავინ იცოდა, რას მოიტანდა ხვალისდელი დღე — ანარქიასა და უიმედობას დასასრული არ უჩანდა.

ამ დროს ახალ ევროპულ მსოფლმხედველობასაც არ ჰქონდა მკვიდრი ნიადაგი მოპოვებული ქართველთა შორის, მას ძველი ტრადიციული, აზიური მიმართულება სდევნიდა. ამ ნიადაგზე აღმოცენდა ხასიათისა და სულისკვეთების ის თავისებურება, რომელიც დამახასიათებელია ხსენებული ეპოქისათვის.

ზაქარია გაბაშვილი, ბესიკი, კათალიკოსი ანტონი, გაიოზი, დავით გურამიშვილი—აი, ნამდვილი სახეები მაშინდელი დროებისა. კათალიკოსი ანტონი—ბერად აღკვეცილი ბატონიშვილი, როგორც პატრიარქი ბევრს იღვწის სწავლა-განათლებისათვის, მაგრამ დალატობს ორთოდოქსალობას და კათოლიციზმის გავლენას განიცდის. აქ ადგილი აქვს ზემოაღნიშნული გარემოების ტაპიურ მოვლენას. ანტონ კათალიკოსში იბრძოდა ორი ორიენტაცია: ევროპული და აზიური.

შესანიშნავი პედაგოგი გაიოზი თავს ანებებს საყვარელ ზაქმეს, სტოვებს სამშობლოს და რუსეთისაკენ ილტვის. რატომ? აი, დავით გურამიშვილიც: განა მას არ შეეძლო სამშობლოში დაბრუნება მოზღოკიდან თუგინდ შერე, უფრო მოგვიანებით? მაგრამ არა! არ უნდოდა დაბრუნებოდა სათაყვანებელ სამშობლოს და უცხოეთში დალია სული. აქაც გარეებაა, გაურკვეველობა.

ასეთები იყვნენ თითქმის ყველა მაშინდელი გამოჩენილი ქართველნი. მათ შექმნეს XVIII საუკუნის საქართველოს თავისებური სული. იგი გამოიხატა ხასიათისა და ნებისყოფის გარეებაში და გაურკვეველობაში, ორი კულტურული ორიენტაციისათვის ბრძოლაში. მაგრამ საერთო და მთავარ ზაზად მაინც რჩება გაუნელებელი სურვილი მაღალი კულტურის გაზიარებისა, წყურვილი სამშობლოს აღორძინებისა ევროპეიზაციის გზით.

## ქართველთა ცხოვრება XVIII საუკუნეში

შეთვრამეტე საუკუნეს დიდი ადგილი უკავია ქართველთა ერის ისტორიაში. ამ დროს მრავალმა ისეთმა მოვლენამ იჩინა თავი, რომელშიაც წინა საუკუნეებზე უფრო მეტი სიძლი-

ერთი მკლავნდება ქართველი ერის მრავალფეროვანი და ცხოველი ძალა: ფიზიკური, ზნეობრივი და გონებრივი ხასიათისა. ამათგან პირველი და უკანასკნელი იმ დროის ქართველთა სასარგებლოდ დაღაღებენ; ხოლო რაც შეეხება ზნეობრივს, მას დაქვეითების კვალი ემჩნევა. თუმცა უწინდელი გულადობა და მეომრული სული ამ დროის ქართველებში კვლავ მეტი სიძლიერით იჩენდა თავს.

ძნელია იმის გაგება, რამ გამოიწვია ეს მოვლენები — გარეშე ზემოქმედებამ თუ შიდა ეროვნულმა მოძრაობამ. იქნება ეს იყო ბუნებრივი დასკვნა-დასასრული ქართველი ერის მოწინავე ნაწილის კულტურული ცხოვრებისა. ისტორიული ბედი, რომელიც საქართველოს არგუნა მაჰმადიანური სამყაროს დაუცხრომელმა მოძალადეობამ, ყველაზე უფრო მეტად აიძულებდა ქართველ ერს გადაზრილიყო ახალი ორგანიზაციისაკენ, ახალი ცხოვრებისაკენ, აზიური უმოძრაობიდან ახალი ევროპული ცივილიზაციისა და პოლიტიკური და ეკონომიკური ცხოვრებისაკენ. ამ მოძრაობას ხელს უწყობდა აგრეთვე ზნეობრივი მიდრეკილება იმ ცალკეული პირებისა, რომლებიც გარდა გარეშე ძალდატანებისა, თვით ერის განვითარების შინაგანი აუცილებლობის კარნახით მოისწრაფოდნენ გარდაქმნისაკენ. ამ თვითმოქმედი პროგრესისა და კულტურის მოღვაწეთა ზურგს უკან იდგა მამულიშვილთა წრე, რომელიც ერთგულად და სრული ნდობით მიჰყვებოდა მათ, როგორც თავის მოძღვრებს. ამასთან, მეთვრამეტე საუკუნეში ვხვდებით ისეთ მოღვაწეებსაც, რომელთა მოქმედება არ არის ერთსულოვანი. ეს დამახასიათებელია გარდამავალი ეპოქისათვის. ამის გამო მოძრაობა კულტურული აღორძინებისაკენ არ იყო თანაზომიერი, ხშირად იგი წყდებოდა და მიმართულებას იცვლიდა. ამგვარი მრავალფეროვანი მისწრაფების დროს, სხვადასხვა აჯანყებებისა და შეთქმულებების მიზნებისა და აზრის გამოკვლევით, ძნელია მეთვრამეტე საუკუნის საქართველოს ერთიანი, სრული სურათის აღდგენა. მოქმედებათა ძირითად ხაზებისა და მთავარ მოღვაწეთა დახასიათებით თუ შევძლებთ ამ ეპოქის სულისა და შინაარსის რამდენადმე გაშუქებას... სპარსეთის გავლენისაგან თავის დახსნის ცდას, სათავე ჯერ კიდევ წინა

საუკუნის მეორე ნახევარში ჰქონდა. თეიმურაზ პირველი, იოსებ თბილელი, არჩილი და პაშო ბერთაძეების მსგავსი ადამიანები თავის თხზულებებში არ მალავდნენ სპარსელ მტარვალთა მიმართ მტრულ დამოკიდებულებას. ისინი შაჰებისა და მათი ნაცვლების მფლობელობაში მყოფ ქართველთა ტანჯული ცხოვრების ამბავს ღალატებდნენ და ამით ცდილობდნენ თანამემამულეთა გულში სამშობლოს სიყვარული გაეღვიძებინათ. თეიმურაზ პირველს სხვაზე უფრო მეტი მიზეზი ჰქონდა სპარსელთა სიძულვილისა, თუმცა, მგონი, ახალგაზრდობაში იგი სპარსულ ლიტერატურასა და კულტურას სიყვარულით ეპყრობოდა, ისპაჰანში დროებითი ცხოვრების დროს. შაჰის კარზე მას შეეძლო აღტაცებულებითა და სიხარულით, მეჩეთებისა და სხვა შენობების სიმდიდრითა და მშვენიერებით, საუცხოო წალკოტებით, ძვირფასი სამკაულებითა და იმ დროის სპარსეთის სატახტო ქალაქის მცხოვრებთა ქეიფითა და ფუფუნებით, მაგრამ აღმოსავლურმა ბრძკვიანებამ დიდხანს ვერ აუბა თვალთეიმურაზს. მან მალე იწვინა შაჰის უხეში ძალმომრეობა, რომლის მსხვერპლი შეიქნა მისი დედა—დედოფალი ქეთევანი. დედოფლის წამება ისპაჰანში ერთი თვალსაჩინო მოვლენათაგანი იყო მეჩვიდმეტე საუკუნეში. ამ ამბავმა გამოიწვია სპარსელებისადმი ქართველების მწვავე სიძულვილი. შაჰ-აბას პირველი, რომელმაც ბევრი რამ გააკეთა ირანის ცივილიზებისათვის, ქართველებს ბოროტ სულად მოეგლინა ისევე, როგორც შემდეგ საუკუნეში ნადირ-შაჰი და აღა-მაჰმად-ხანი.

თეიმურაზის გავლენა ცხოვრების ახალ მიმართულებაზე თითქმის უმნიშვნელო იყო. მას განსაკუთრებული სიყვარული და მისწრაფება ჰქონდა ბერძნული კულტურისადმი. ეს თავის მხრივ გავლენას ახდენდა იმ პირებზე, რომლებიც განათლებისაკენ მისწრაფობდნენ. არც თეიმურაზი, არც იოსებ თბილელი და არჩილი ნამდვილად აქტიურად მოქმედი მოღვაწენი არ ყოფილან. ისინი უფრო მწიგნობრობას მისდევდნენ. თუმცა ესეც მნიშვნელოვანი რამ იყო მაშინ... არჩილი და თბილელი თავის თხზულებებში სინამდვილეს ასახავ-



დნენ, ისინი არ დარიდებიან სპარსელთა დევნის გამაოშკარავენას.

ამ დროს მაჰმადიანთა ბატონობის დაღი ემჩნეოდა არა მარტო პოლიტიკურ ცხოვრებას, არამედ ქართველთა ზნე-ჩვეულებას, მის საზოგადოებრივსა და კერძო ცხოვრებას და ბოლოს თვით ეროვნულ თვითშეგნებასაც. საქართველო მაჰმადიანურ სამყაროში მომწყვდეული პატარა კუნძული იყო, მაგრამ მიუხედავად იმისა, რომ აზიის მიჯნაზე მდებარეობდა, თავისი სულით, ზნე-ჩვეულებითა და სარწმუნოებით მაინც მკაფიოდ გამოირჩეოდა. სარწმუნოებრივი დაპირისპირების მიუხედავად, ქართველები ამ საქმეში ყოველთვის განსხვავდებოდნენ სამაგალითო შემწყნარებლობით. სარწმუნოებრივი დევნა მათგან თითქმის არავის განუცდია. გულგაშლილობა, სხვისი ჩვეულებისა და რწმენის პატივისცემა ყოველთვის იყო ქართველთა თვისება. ამას მოკლებული იყვნენ სპარსელები, არაბები და ოსმალოები, რის გამოც ქართველ ერს საუკუნეების განმავლობაში უხდებოდა განუწყვეტელი ბრძოლა და დაცვა თავისი მეობისა...

ზოგიერთ პერიოდში — სპარსელთა მფლობელობის გაძლიერების დროს, ქართული სიტყვიერება სპარსულის გავლენას განიცდიდა... რაც შეეხება თვით ქართულ ორიგინალურ ლიტერატურას, XVII საუკუნის შუა ხანამდე მასაც სპარსული დაღი ემჩნეოდა. ეს გასაგები და ბუნებრივიც იქნება, თუ მხედველობაში მივიღებთ სპარსელთა ძლიერსა და ზანგრძლივ მფლობელობას. მაგრამ, აქასთან ერთად, უფრო ძნელად გასაგები და გასაოცარია ეროვნული აზროვნებისა და შეგნების ის ძალა, რომელმაც მიუხედავად ასწლოვანი უღლისა, შთამომავლობას. ქართული ლიტერატურის სული, ქართული ენა და ეროვნული თვითშეგნება შემოუნახა. თუმცა ეს ეროვნული თვითშეგნება ხშირად ირყეოდა და იღვევებოდა ქართული ციხე-კოშკების მსგავსად, მაგრამ ის არ გამქრალა და კვლავ მტკიცდებოდა.

ჩემი აზრით, ზნეობრივ და სულიერ საუნჯეთა შენარჩუნების უმთავრესი საფუძველი რუსთაველის პოემამ შექმნა. მასში ვპოულობთ ეროვნულ თვითშეგნებაზე აღმოცენებულ იმ ზნეობრივ პრინციპებს, რომლებითაც ხელმძღვანელობ-

დნენ ქართველი მშობლები საუკუნეების განმავლობაში შთამომავლობის აღზრდისას. ვერავინ შესძლებს იმის უარყოფას, რომ „ვეფხისტყაოსანი“ თავისი სულით, მსოფლმხედველობით, ზნეობრივი პრინციპებითა და შეხედულებებით ქართული ქმნილება იყოს. ამიტომ გასაგებიც არის ის ადგილი, რომელიც მან მოიპოვა ქართველთა ცხოვრებაში.

ბევრი რამ იყო საქართველოს წარსულში ისეთი, რომლის ნიშანწყალიც კი არ დარჩენილა შემდეგდროინდელ ქართველებში. ეს იყო ამ ქვეყნის ცხოვრების ის პერიოდები, როდესაც ჩინგის-ხანის, თემურის და სხვა დამპყრობთაგან ფეხით გათელილს და ნანგრევებად ქცეულ ქვეყანას ნელ-ნელა და გაჭირვებით აახლებდა კვლავ ქართველი. ამ ბურუსითა და ბნელით მოცულ დღეებში ნაწილობრივ მაინც გადაარჩა გონებისა და ზნეობის მიერ მოპოვებული საუნჯე. ეროვნული კულტურის სხივი არ გამქრალა მთლიანად თვით უკიდურესი არეულობის დროსაც. ამ შემთხვევისათვის მეტად საგულისხმო საბუთი დაგვიტოვა კახამ. მან 1258 წელს ზოვლეს მამული იყიდა და შემდეგ რკონის მონასტერს შესწირა. კახას გუჯრიდან ჩანს, რომ იგი მოხერხებული მეურნე და კაცთმოყვარე ადამიანი ყოფილა. კახა მონასტრის წინამძღვარს სთხოვდა, მხნედ მოეგლო მამულისათვის, მოსავლის ერთი ნაწილი ყოველთვის გადაენახა ცალკე ბედელში მოუსავლიანი წლისათვის, ლმობიერად მოქცეოდა გლეხკაცებსა და არ შეევიწროებინა ისინი. მისი ზნეობრივი პრინციპები რუსთაველის შეხედულებებს მოგვაგონებენ.

მიუხედავად მონღოლთა შემოსევის დროინდელი პირობებისა, ცხადად ჩანს, რომ კახა მშობლების მიერ კარგად ზრდილი და კულტურული ადამიანი ყოფილა. ასეთი თვისების ადამიანები შემდეგ თაობებშიაც გვხვდებიან. ისინი შთამომავლობას მემკვიდრეობით კულტურას გადასცემდნენ.

ქართული კულტურა ძლიერ ზარალდებოდა მაჰმადიანური ერების ზეგავლენით, სპარსელების—აღმოსავლეთ საქართველოში და ოსმალოების—დასავლეთ საქართველოსა და საათაბაგოში. ქვეყანას სწორედ მაშინ მოევიწროა ისეთი მწერლები, როგორც იყვნენ: თეიმურაზ პირველი, თბილელი, პაშო ბერთაძე და არჩილი. მაგრამ ქართველთა ცხოვრებისა

და კულტურის დაცემა არა მარტო სპარსეთ-ოსმალოების შემოსევების, არამედ თვით საქართველოს ძეგთა ერთმანეთში გაუთავებელი დავის შედეგი იყო. XV საუკუნეში საქართველოს ერთ ძლიერ სახელმწიფოდან სამი სამეფო და ხუთი სამთავრო გამოიჭრა, რომლებიც გაუთავებელ ბრძოლას აწარმოებდნენ ერთმანეთში. გარდა სამი მეფისა, ამ საქმეს ხუთი მთავარი, ძლიერი ფეოდალები, ერისთავები და ამილახვრები ეწეოდნენ. შემდგომ მდგომარეობა უფრო გართულდა, საქართველოს აღარა ჰყავდა მტკიცე ნების ხელისუფალი, რომელიც შესძლებდა შინაური ცეცხლის ჩაქრობას.

XVIII საუკუნის დამდეგს, 1703 წელს, შაჰმა ქართლის მმართველად ვახტანგ VI დანიშნა. იგი სპარსელებისათვის ოფიციალურად ჰუსეინ-ყული-ხანის სახელს ატარებდა. ვახტანგი იყო ჩინებული ადმინისტრატორი, კულტურის გატაცებული მოტრფიალე, მწიგნობარი. მაგრამ არ ყოფილა არც ჯარის სარდალი და არც სახელმწიფოს ისეთი მმართველი, როგორც ეჭირვებოდა მაშინდელ საქართველოს...

ვახტანგ მეექვსის ცვალებადი ბედი ცხადად მეტყველებს, რომ საქართველოში იგი მხოლოდ და მხოლოდ შაჰის ხელქვეითი და მასი მოადგილის თანამდებობის ამსრულებელი იყო, თავისი ეპოქის სხვა ქართველი მეფეების მსგავსად განიცდიდა სპარსეთის თვითმპყრობელობის გავლენას. მან ისლამიც კი მიიღო. თავისი არამტკიცე მდგომარეობის გამო, ვახტანგი უძლური იყო საქართველოს მართვის საქმეში. მან ვერ შესძლო ქვეყნის ნივთიერი მდგომარეობის გამოსწორება. მიუხედავად ამისა, ვახტანგი გულით ქართველი და კულტურული ადამიანი იყო. იგი შეეცადა ისეთ საქმეებს მოჰკიდებოდა, რომელზედაც მისი წინამორბედი გვირგვინოსნები არც კი დაფიქრებულან. ვახტანგ VI მიერ ქართული სტამბის დაარსება, კანონთა კრებულის დამუშავება და ქართული ქრონიკების შეგროვება უდიდესი საქმე იყო მაშინ. დაბეჭდილი წიგნების გამოცემას დიდი გავლენა უნდა ჰქონოდა გონებრივ ცხოვრებაზე, რომელიც XVIII საუკუნის დამდეგს ძალიან იყო მიყუჩებული. ადვილად გასაგებია, რა დიდი სიამოვნება უნდა განეცადათ სიტყვიერებისა და

პოეზიის მოყვარულებს, როცა დაბეჭდილი „ვეფხისტყაოსანი“ იხილეს, ანდა ჩვეულებრივი კანონების მაგიერ სისტემატიზებული და განმარტებული კანონთა კრებული, რომელიც, ვგონებ, არც ერთმა მოსამართლემ არ იცოდა ზეპირად.

ამ ახალმა საქმეებმა ახალ ცხოვრებას ჩაუყარა საფუძველი. ამიტომ ვახტანგ მეექვსე მართლაც ღირსია რეფორმატორის სახელწოდებისა. ვახტანგი, ისევე როგორც ანტონ კათალიკოსი, იყო კულტურის აღმავლობისა და რეფორმატორული სულის ეპოქის ადამიანი. მაგრამ ეს ქართული კულტურის მოღვაწე, მეფე და საქართველოს განმაახლებელი თავისი საუკუნის შვილი იყო იმიტომაც, რომ თუმცა ხანგრძლივი იმედი არ ჰქონდა, მაინც არ ესწრაფოდა დროს და ცხოვრებით ტკბობის გატაცებასაც არ დარიდებია.

სეხნია ჩხეიძის მიხედვით, ვახტანგის ცხოვრება ასე წარმოგვიდგება:

ვახტანგი ბედნიერად ცხოვრობდა, გულდინჯად განაგებდა სახელმწიფო საქმეებსა და ადგენდა თავის კანონთა კრებულს. ოთხშაბათობით და პარასკეობით ის ასამართლებდა სამართლიანი იყო, როგორც მცირეთა, ისე დიდებულთა მიმართ. კვირაობითა და სამშაბათობით იყო დღე ქეიფისა და დროს ტარების. სასამართლოში სხდომებისა და დროს ტარების მერე სანადიროდ დადიოდა, ბურთს თამაშობდა, მიზანში სროლას ვარჯიშობდა და ამგვარად გაატარა თავისი სიცოცხლე.

სხვათა შორის, ჩხეიძე მის ნადირობას ასე აღწერს:

ამ დროს მონაწილეობას იღებდა თურმე დიდძალი თავდაზნაურობა. რაკი სამოციამდე ირემს დახოცავდნენ, თევზის ჭერასაც მიაყოლებდნენ, რის შემდეგაც საწყლებს მრავალი ორაგულები ურჩიდებოდათო.

იმ დროს, როდესაც ღარიბების მფარველობას და ქველმოქმედებას საგანგებო ორგანიზაციები არ ჰქონდა, მის მაგიერობას უხვი ხელგაშლილობა ეწეოდა. ჩხეიძე დიდი ქებით იხსენებს ვახტანგ მეექვსის ქველმოქმედებას.

საერთოდ, ვახტანგი მაინც დატვირთული იყო საზრუნავი საქმეებით. სხვა სააღმშენებლო საქმეებთან ერთად მას ორი სარწყავი არხი გაუყვანია ზემო ქართლში.

XVIII საუკუნის საქართველო არ იცნობდა დასავლეთ ევროპაში შემოღებულ გასართობებს: თეატრს, კონცერტს, მეჭლისებს და სხვ. სამაგიეროდ, მას ნადიმობა და სხვა სახის გართობანი ჰქონდა წესად. დროსტარების სხვადასხვა წესთა შორის განსაკუთრებული ადგილი ეკავა ნადიმობასა და მოლხენას თარით, ჩონგურით, საზანდრითა და ცეკვა-სიმღერით. საზოგადოებრივი ცხოვრება დღევანდელი სახით ჯერ კიდევ უცხო იყო. თუმცა მაშინდელ ნადიმობაში, ქორწილსა და ნადიმში რამდენიმე ასეული ადამიანი იღებდა მონაწილეობას. მთელ საქართველოში ჯერ კიდევ არ იყო განმტკიცებული ქალაქური ცივილიზაცია. თბილისის გარდა ნამდვილი ქალაქი არსად იყო. გორი, ქუთაისი, თელავი და სიღნაღი დიდი სოფლები იყო. აშგვარი ყოფის შესაფერისად მაშინდელი დროსტარება შინაური, არაოფიციალური ხასიათისა იყო და განისაზღვრებოდა სტუმართმოყვარეობის საზოგადო წესით. ამ მხრივ, ალბათ, ორი უკანასკნელი საუკუნის განმავლობაში ცხოვრება ძლიერ არ შეცვლილა. სამაგიეროდ, ქვეყნის ეკონომიური განვითარება უფრო სწრაფად იცვლებოდა. ამას მიჰყვებოდა მცხოვრებთა ზნეობრივი ცვლილებებიც.

ლეკიანობა და სპარსთა ხშირი შემოსევა, ამასთან, ველური ბახტიარების, ავღანელებისა და სხვათა თავდასხმები, სპარსელების მიერ ველური წესებით აკრეფილი არბაბი და ტყვეების წასხმა ანადგურებდა და ანგრევდა საქართველოს ეკონომიურ ცხოვრებას და ქართველთა ოჯახურ მყუდროებას. ყველა უბედურებათა შორის, რასაც საქართველო განიცდიდა საუკუნეთა მანძილზე, ყველაზე უმძიმესი ტყვეთა წასხმა იყო. ტყვეები უმეტეს შემთხვევაში სპარსეთის შორეულ პროვინციებში მიჰყავდათ. ხშირად მაშინდელ სპარსეთის სატახტო ქალაქ ისპაჰანამდე. ეს მოგზაურობა ისეთ მძიმე პირობებში ხდებოდა, რომ კაცი მას ახლა ადვილად ვერ წარმოიდგენს. ტყვე მძევალთა შორის ქალებიც იყვნენ, დედები და შვილები, თუმცა ტყვეთა რიცხვი მომეტებულად უფრო კაცებისაგან შედგებოდა. წარმოიდგინეთ ეს გულსაკლავი სურათი, როცა სპარსელი მოხელეების ბრძანებით ეს უბედურები თავის სახლიდან მიჰყავდათ; როგორი ყვირილი

და გმინვა იდგა, რამდენი მწარე ცრემლი იღვრებოდა, როცა დედა უკანასკნელად ეზვეოდა თავის ქალს ან ვაჟს, ქმარი— ცოლს, მამა — შვილს! ადვილად წარმოსადგენია, როგორ ეპყრობოდნენ ამ უბედურებს მხეცადქცეული ჭარისკაცები! ტყვეები მომეტებულ შემთხვევაში ფეხით მიჰყავდათ, განსაკუთრებულ შემთხვევაში კი ცხენით ან ურმით. ეს სატანჯველი მოგზაურობა თვეობით გრძელდებოდა, მთითა და ბარით, სპარსეთის უღელტეხილებზე. დღისით საშინელი სიცხე იდგა, ღამეს კი თითქმის ფარალალა ქარვასლებში ატარებდნენ. მხოლოდ სამხრეთთან მიახლოების დროს გზაზე შაჰ-აბას პირველის მიერ აშენებული ქარვასლები ხვდებოდათ... ეს გახლდათ ის დრო, როდესაც სპარსული კულტურა დაცემული იყო სრულიად... მისი ზეგავლენა გამხრწნელად მოქმედებდა ქართველებზე და აფერხებდა ეროვნული ცხოვრების აღორძინებას. ბევრი სპარსული ენის მცოდნე ქართველი გავლენიანი სპარსელის გულის მოსაგებად მათ ჩვეულებასა და, როგორც ცნობილია, ისლამსაც კი იღებდა. მიუხედავად ამისა, სპარსული კულტურის ზეგავლენა მხოლოდ ცხოვრების ზედაპირზე ვლინდებოდა. 1672 წელს თბილისი ფრანგმა მოგზაურმა მოინახულა. ამ დროს ქალაქში ქალები ჩადრს ატარებდნენ და კარჩაკეტილ ცხოვრებას ეწეოდნენ. მისივე მოწმობით, ეს ჩვეულებები მხოლოდ თბილისში ყოფილა გავრცელებული, სოფელში კი ქალები მას არ მისდევდნენ. ცნობილია აგრეთვე, რომ სპარსულმა გავლენამ ღრმად გაიდგა ფესვები საქართველოს ადმინისტრაციულ ცხოვრებაში. მაგრამ იმ დროს სპარსეთი შინაური უთანხმოებით დაუძლურდა: საქართველო დროგამოშვებით სულს იბრუნებდა და მაშინ მამადიანური კულტურის ზეგავლენაც ძლიერ უფერულდებოდა. ამასთან ერთად სრული რწმენით უნდა ითქვას, რომ სპარსული კულტურის, ენის და ზნე-ჩვეულებების გავლენა არასოდეს არ გაცილებია მაინც ერთგვარ საზღვარს, მან ვერასოდეს ვერ შესძლო აღმოეფხვრა საკუთარი ქართული ეროვნული კულტურა. მხოლოდ მისი ნაწილობრივი დამახინჯება მოახერხა, რასაც, სხვათა შორის, ვახუშტიც აღნიშნავდა.

საქართველოში მეორეგვარი ზეგავლენა სამხრეთ-დასავლეთ-

თიდან მომდინარეობდა. ოსმალეთის ზეგავლენა აღმოსავლეთ საქართველომდე ვერ აღწევდა, მისი ძალა თვით იმერეთსა და სამეგრელოზედაც კი სუსტი იყო. ოსმალეთს გავლენა ძლიერი და მეტად მავნე იყო ძველ მესხეთში — საათაბაგოში, სადაც უწინ ქართული ცხოვრება ჰყვაოდა. უკანასკნელი ქართველი ათაბაგის სიკვდილამდე ამ მხარეში ჯერ კიდევ ბოგინებდა ქართული სული, მაგრამ 1635 წლის შემდეგ, როცა ოსმალეთის ფაშები საქართველოს მმართველები გახდნენ, ნელ-ნელა გაქრა ამ მხარეში ქართული ენა, რაც იოლად შესასწავლმა ოსმალურმა შესცვალა. ოსმალეთის ზეგავლენა თვით XVIII საუკუნეშიაც არ გასცილებია მესხეთს, მაგრამ როგორც ოსმალეთის, ისე სპარსეთის მხრიდან შემოსევები უფრო გახშირდა და არ შეწყვეტილა მთელი ამ საუკუნის განმავლობაში. ამ დროს საქართველო-სპარსეთის საქმეებში პეტრე დიდი ჩაერია, რამაც შესაძინევად გაამწვავა სპარსეთის მძულვარება ქართველებისადმი. მისი გაშმაგებული მტრობა საქართველოს მიმართ მთელი XVIII საუკუნის მანძილზე უმთავრესად რუსეთსა და საქართველოს დაახლოებით აიხსნება. სპარსეთ-ოსმალეთის ექსპანსიის გაძლიერებამ აუცილებლად დააჩქარა საქართველოს პოლიტიკური ნგრევა სწორედ იმ დროს, როდესაც ვახტანგ VI-დან დაწყებული, პოლიტიკურ მოღვაწეთა მთელი რიგი ქართული კულტურის და საზოგადოებრივი ცხოვრების გაუმჯობესებისათვის იღვწოდა.

თუმცა ქართველობა ჯერ კიდევ შორს იყო ევროპული ცხოვრების სინამდვილისაგან, მაგრამ საქართველო უკვე მაშინვე განიხსკვალა დასავლეთის ქვეყნებს ცხოვრებისადმი ინტერესით. იტალიელ ბერებთან ურთიერთობას ამ შემთხვევაში, რასაკვირველია, დიდი მნიშვნელობა ჰქონდა. ეს უკანასკნელები აცნობდნენ ქართველებს ევროპული ხალხების ცხოვრებას, მათ ზნე-ჩვეულებას, კულტურასა და მეცნიერებას. ქართველთა ცოდნისმოყვარეობის დასაკმაყოფილებლად დიდი მნიშვნელობა ჰქონდა ბერების მიერ დაარსებულ სკოლებსაც. ყველაფერი ეს დასაწყისი იყო იმ წრის აღმიანების წამოწევისათვის, რომლებიც არა მარტო დაეწაფნენ ევროპულ კულტურას, არამედ საკუთარი მშობლიური კულტურის

აღორძინების საქმეს შეუდგნენ. თუმცა ამ ადამიანებს არც ლიტერატურასა და არც მეცნიერებაში თავი ჭერ კიდევ არ გამოეჩინათ, მაგრამ ისინი საკუთარი შეგნებით საზოგადოებაზე გავლენას ახდენდნენ მაინც. ნამდვილი მოღვაწეები მათ შორის ნელ-ნელა გამოჩნდნენ, უფრო გვიან კი მათი რიცხვი მნიშვნელოვნად გაიზარდა.

ზემოთ თქმულთან ერთად საჭიროა ვიცოდეთ, რა კულტურული მემკვიდრეობა გადაარჩინა და გადმოიტანა აღმოსავლეთ საქართველომ XVII საუკუნიდან XVIII საუკუნეში. საქართველოს ეს ნაწილი მტრისაგან განუწყვეტლად ინგრეოდა. მის შვილებს მამა-პაპისაგან აშენებულის ხელმეორედ აშენება უხდებოდათ. ადამიანისაგან აშენებულს არაფერს არ ჰქონდა დიდი დღე; არამც თუ ქალაქები, სოფლებიც ხშირად იცვლიდნენ როგორც გარეგან, ისე შინაგან სახეს.

1671 წელს ფრანგი მოგზაური, ძვირფასი ქვებით მოვაჭრე შარდენი ჩამოვიდა თბილისში. აქ მან იხილა ლამაზი შენობები, მშვენიერი ბალები, რამდენიმე დიდებული სასახლე, სუფთა ბაზრები და 21 ეკლესია. მისი თქმით, თბილისის მცხოვრებლები კარგად ყოფილან ჩაცმულნი და, საზოგადოდ, კარგად უცხოვრიათ. ამის შემდეგ კი საქართველო ვერ ცხოვრობდა მოსვენებულად. გიორგი XI და ერეკლე I შემდეგ ერთი მხრივ, კახეთს სპარსელები ავიწროებდნენ, მეორე მხრივ, ქართველები ებრძოდნენ ერთმანეთს ფეოდალების წინამძღოლობით. ამ საქმეში განსაკუთრებული მოთავე არაგვის ერისთავი იყო. პირველობის სიყვარულმა, დოვლათის შექენის დახარბებამ ბევრი ქართველი ჩაითრია საქართველოს მნგრეველთა რიგებში. სპარსეთის მფლობელობამ და მისი მოხელეების მმართველობამ ძლიერ შეარყია ქართველთა ზნეობა. ამან, სხვათა შორის, ავანტიურისტთა განსაკუთრებული ტიპებიც შექმნა. ეს უკანასკნელნი დიდ როლს თამაშობდნენ XVII საუკუნის საქართველოში და მთელი XVIII საუკუნის მანძილზე არ მოშორებიან მისი ცხოვრების ასპარეზს.

ბევრმა ქართველმა ახალგაზრდობა სპარსეთის ტყვეობაში, ხანების ოჯახების წევრთა ამაღლაში და დიპლომატიურ მი-



სიაში გაატარა. ჩვეულებრივ, ისინი სპარსეთის მაშინდელ სატახტო ქალაქ ისპაჰანში მოდიოდნენ. აქ XVII საუკუნეში დიდი ფუფუნება, გარყვნილება და დარდიმანდული ცხოვრება იყო გამეფებული... უმეტესი ნაწილი იმ ქართველი ახალგაზრდებისა, რომლებიც ბედმა მზის, პოეზიისა და ფუფუნების სამეფოში წაიყვანა, ადვილად ეძღეოდა ასეთ ცხოვრებას და ნელ-ნელა შემთხვევათა მაძიებლად იქცეოდა. საქართველოდან დიდი ხნით დაშორება მათ სამშობლოს სიყვარულს უკარგავდა და დროებით ტებობისა და მეოცნებე ცხოვრებას აჩვევდა. სამშობლოში დაბრუნებისას, უცხო გარემოებაში ცხოვრების მაღალი მიზნებისაკენ ლტოლვას გადაჩვეულნი, ისინი სიბარულით უერთდებოდნენ სპარსეთის შაჰის მფარველობისა და მოწყალების მაძიებლებს ან რომელიმე ბატონიშვილს, რომელიც სხვას ქართლის, კახეთის ან იმერეთის ტახტს ედავებოდა. ამ მფლობელობის მაძიებელთა უმრავლესობისათვის სამშობლოს სიყვარული უმნიშვნელო რამ გამხდარიყო. ბევრი მათგანი ნამდვილ მოხეტიალე ცხოვრებას ეწეოდა — უმიწაწყლოდ, უმიზნოდ და უმეგობროდ. სწორედ ამ დროს წარმოიშვა საქართველოში მრავალრიცხოვანი მოხეტიალე ადამიანის თაობა, რომლებიც დიდი ამაღლების სახით უმიზნოდ და უაზროდ აყრილიყვნენ და საქართველოს სხვადასხვა კუთხესა და სპარსეთში ატორღიალებოდნენ თავიანთ წინამძღვრებს. როცა განსაცდელის შემდეგ მოტყუებულები რჩებოდნენ, მაშინ რუსეთისაკენ გასწევდნენ ზოლმე და აქ ქართველ ემიგრანტების რიცხვს ამრავლებდნენ. ეს ახალგაზრდა თუ ხნიერი, რომელიც თავის ბედ-იღბალს ამ ტახტისა თუ ბატონობის მაძიებელს აბარებდა, საბუდამოდ ისპობდა სამშობლოში დაბრუნების გზას და ძალაუვნებურად თავისი წინამძღვრის მოწინააღმდეგის მტრად ხდებოდა. ამგვარად, როცა სრულიად უნებურად, სამშობლოსა და მათი ინტერესები იყოფოდა, უპირატესობას წინამძღვრის მიზნებს აძლევენ, რომელიც მათ გამარჯვების შემთხვევაში სიმდიდრესა და დიდებას ჰპირდებოდა...

ვისაც უყვარდა თავისი სამშობლო და ზრუნავდა მისი კულტურის განვითარებისათვის, მისი ცხოვრება მეტად მძიმე და სევდით სავსე იყო, რადგან ყველა ცდა პირველობის

მადიებელი ფეოდალებისა და ბატონიშვილების ერთმანეთთან ბრძოლაში იმსხვროდა.

რას წარმოადგენდა მაშინ ქვეყანა? კახეთში განუწყვეტლივ თარეშობდნენ ლეკები; მყუდრო ცხოვრებას არღვევდნენ, მცხოვრებლებს უსპობდნენ პურის მომკის, ვენახების კრეფის საშუალებას. პურის მოყვანა ძლიერ დაეცა. ამისი მიზეზი იყო, ერთი მხრივ, განუწყვეტელი არეულობა და, მეორე მხრივ, მოსახლეობის შემცირება. მოსახლეობამ შემცირება იწყო XVI საუკუნიდან. თუმცა ამის შესახებ გარკვეული ცნობები არ მოიპოვება, ბევრი მთლიანად ან ნაწილობრივ განადგურებული და დანგრეული სოფელი მაჩვენებელია მოსახლეობის შემცირებისა არა მარტო კახეთში, არამედ ქართლსა და იმერეთშიც. რადგან ნგრევა და აოხრება პერიოდულად მეორედბოდა, აღმშენებლობაზე აღარავინ ფიქრობდა. მცხოვრებთა უდიდესი ნაწილი გაქირვებას განიცდიდა... ლეკების შემოსევა და ძარცვა-გლეჯა საქონლის სინსილას აქრობდა.

როცა საქართველო განიცდიდა ამისთანა უკიდურეს მდგომარეობას, წამოიზარდა დავით გურამიშვილი, სეედის პოეტი, რომელმაც თავის „დავითიანში“ საქართველოს უბედურებისა და მის მაცხოვრებელთა ზნეობრივი დაცემის სურათი მოგვცა. თავზარდამცემი იყო ამბები, რომელთა მოწამეც ის გახდა და მოისმინა თანამედროვეებსა და მნახველებისაგან; ეს ამბები სამუდამოდ ჩარჩა გულში. თვით ვახტანგ VI, რომელიც დაუღალავად იღვწოდა თავის ხალხში განათლების გავრცელებისათვის, მახვილით ხელში კახეთის მმართველს კონსტანტინეს წინააღმდეგ ილაშქრებს. ვინ იყო თვით კახთა შორის უმთავრესი შფოთის ამტენი? — გამაჰმადიანებული იასე, კათალიკოს ანტონის მამა...

აი როგორ იყო ამ ადამიანთა შორის ერთმანეთში არეული სხვადასხვა მსოფლმხედველობა, მისწრაფება, ხასიათი და განათლება! ვახტანგი დინჯი, მზრუნველი და მხიარული მმართველია, მწიგნობარი. ამავე დროს სპარსეთის შაჰის მონა, სპარსული კულტურის იძულებითი მოტრფიალე. კახეთის სუსტი მმართველი კონსტანტინე კი მშვიდობისმოყვარე, თავისი ქვეშევრდომების გავლენის ქვეშ მყოფი.

ამ ხალხის გარდა, რომლებიც უცხო ქვეყანაში, უცხო ხალხში გაიზარდნენ და ერთმანეთს ებრძოდნენ, ისეთებიც ერივნენ, ცხოვრებას რომ სოფელში ატარებდნენ და რამდენადაც გარემოება და დრო ხელს უწყობდათ, მეურნეობას მისდევდნენ. მიუხედავად სიღარიბისა, ისინი ქართული კულტურის ზოგიერთი მხარის დამცველნი იყვნენ. ვგონებ, მათი ცხოვრება XVIII საუკუნის დამდეგს ბევრად არ განირჩეოდა „კალმასობაში“ აღწერილ XVIII საუკუნის მიწურულის ცხოვრებიდან. ქართული ხასიათი, ქართული ზნეჩვეულება და ქართული ხალხური ფილოსოფია შენახული იყო მათ შორის, ვინც არ უერთდებოდა ამ ტახტისმადიებელი ბატონიშვილების ამჟამინდელ ხალხს. ამგვარი შეხლა-შემოხლის გავლენას, რა თქმა უნდა, შორეულ სოფლებშიც განიცდიდნენ, მაგრამ ქართული სული მათში უფრო წმინდად შემოინახა.

ქართველების ერთი უპოვო თვისება ყოველთვის იყო სიტყვა-პასუხის სიყვარული, უყვარდათ საზოგადოება და სძულდათ უემური კარჩაკეტილობა. ეს თვისება მათში ავითარებდა საზოგადოებრივ კულტურას. ამ შემთხვევაში დიდი მნიშვნელობა ჰქონდა პურმარილიანობას და წვეულებანადიმობას. იმ დროს სხვა სახის დროს ტარება არ არსებობდა, ასეთი ნადიმები ზულიერი ცხოვრების თავისებურ ცენტრად გადაიქცა. სუფრაზე დიდხანს ისხდნენ, ბევრს მსჯელობდნენ, მღეროდნენ, ზუმრობდნენ, ქიშპობდნენ და პაექრობდნენ...

წელი წელს მისდევდა, დრო მიდიოდა ახალ მოვლენათა შესახვედრად, საქართველოსთვის კი ახალი მხოლოდ უბედურების მომტანა იყო. მიუხედავად ამისა, არ ცხრებოდა ცხოვრების აღდგენისა და აღშენებისა, თუმცა ეს მუშაობა ხშირად წყდებოდა. 1723 წელს ლეკები თბილისამდე მოვიდნენ, ხოლო მეორე წელს დედაქალაქი ოსმალოებმა დაიკავეს და რამდენიმე წლის განმავლობაში თარეშობდნენ აქ. საბედნიეროდ, მტრის შემოტევის დროს კვლავ მოიპოვებოდნენ ისეთი ძალ-ღონით სავსე ადამიანები, რომლებსაც ქედი არ მოუხრიათ უბედურების წინაშე და მტკიცედ დაიცვეს სამშობლოს კულტურა და კეთილდღეობა.

1724 წელს საქართველომ რამდენიმე ასეული მოღვაწე და მცოდნე კაცი დაკარგა: ვახტანგ VI, სპარსეთის შაჰის სამსახურით მობეზრებული და სასოწარკვეთილი, სტოვებს საქართველოს და უცხოეთში იხიზნება. მას თან მისდევს 1200 კაცი და ქალი, რომელთა შორის ბევრი განათლებული და დიდად საჭირო ადამიანი ერია. ეს საქართველოსათვის დიდი დანაკლისი იყო, მას რუსეთში გადახიზნულთა სახით წაერთვა საუკეთესო ძალები. ემიგრანტთა ნაწილი უკვალოდ დაიკარგა კიდევ. ასეთმა საბედისწერო სულმოკლეობამ მძიმე დაღი დაასვა ქართველ ერს, შეანელა მისი ცხოვრება. რუსეთში გახიზნა სენივით მოედო მომღვეწო თაობასაც. მართალია, გარემოება ძალიან მძიმე იყო, მაგრამ ეს მაინც ვერ გაამართლებს იმათ, ვინც ამ უბედურ დროს სამშობლოს სტოვებდა.

XVIII საუკუნის საქართველოს ცხოვრების ზოგიერთი მხარე ერთგვარად ნაპოლეონ I-ის დროინდელი გერმანიის ცხოვრებას მოგვაგონებს. მიუხედავად იმისა, რომ პრუსიის სატახტო ქალაქში საფრანგეთის ჯარი იდგა, ფიქტე გერმანიის უნივერსიტეტში კითხულობდა თავის „სიტყვებს გერმანელი ერისადმი“, რომლითაც განამტკიცა ახალგაზრდობის სული და გააძლიერა სამშობლოსადმი სიყვარული. ასევე იყო საქართველოში: აქაც, მიუხედავად სპარსელების უღლისა, საზოგადოების მოწინავე ელემენტები ცდილობდნენ ახალგაზრდობა მშობლიური ქვეყნის დაცვის სულისკვეთებით აღეზარდათ.

სპარსელების და ოსმალოების ერთმანეთში ქიშპობას საქართველოსათვის მძიმე შედეგები მოჰქონდა; გამარჯვებული მხარე დამარცხებულის განდევნის შემდეგ ცდილობდა თავისი მოწინააღმდეგის კვალის განადგურებას და ამასობაში საქართველოს ანგრევდა. 1725 წელს ოსმალოებმა თბილისის დაპყრობის შემდეგ ვახტანგ VI-ის მშვენიერი სასახლეც კი დაანგრიეს, რადგანაც ეს უკანასკნელი აშენებული იყო სპარსულ ყაიდაზე და მის მაგიერ ორი ყოველგვარ არქიტექტურულ გემოვნებას მოკლებული ოსმალური მეჩეთი ააგეს.

იღმოსავლეთ საქართველოს უბედური მდგომარეობა ყვე-

ლაზე კარგად პაპუნა ორბელიანის ქრონიკის წინასიტყვაობაშია დახასიათებული: რადგანაც სეხნია ჩხეიძის ქართლის ისტორია აქ (1739 წლით) თავდება და მას შემდეგ მომხდარ ამბებზე არაფერია ნათქვამი. — მე, პაპუნა ორბელიანმა, — წერდა ის, — გადავწყვიტე, განვაგრძო ეს ქრონიკა, ჯერ ერთი იმისათვის, რომ ეს ამბები არ მიეცნენ დავიწყებას და მეორე, რომ გადავცეთ ჩვენს მომავალთ ეს უცნაური ამბები, როცა საქართველოს უნდა გადაეტანა იმდენი უბედურება, ხელმწიფეთა და მმართველთა ისეთი ხშირი ცვლა, ის მკაცრი და საშინელი შევიწროება, რომელიც ჩემი საკუთარი თვალით ვნახე ან გადმოვიცეს სარწმუნო პირებმა. მე არ შემეძლო არ ამესრულებინა ეს მოვალეობა, რომ მომავალში გადაემერჩინა საქართველოს შეილები ამისთანა უბედურებისაგან. დაე, იცოდნენ იმათ, რა მიზეზით და ვისი ხელით ხდება ჩვენი ბედუკუღმართობა, რომელიც თავზე გვატყდებაო.

მომეტებულ შემთხვევაში ეს უბედურება წარმოსდგებოდა ტახტის მამიებელ ბატონიშვილებსაგან.

რუსეთის ელჩის, ივანე ტოლსტოის მოხსენების თანახმად, 1723 წელს აღმოსავლეთ საქართველოს ჯარი შედგებოდა ოთხი საღროშოსაგან ანუ ნაწილისაგან, რომელიც ითვლიდა 9000 ან 10000 კაცს. მისი მომეტებული ნაწილი ცხენოსანი იყო. მართალია, ეს რიცხვი უცვლელი არ იყო. მათ მეთაურებსაც არ შეეძლოთ ეთქვათ მისი ნამდვილი რაოდენობა. ისინი არ იყვნენ კარგად შეიარაღებულნი, თუმცა წესრიგი კარგი ჰქონდათ და ბრძანებაც ყოველთვის სრულდებოდა. მაშასადამე, აღმოსავლეთ საქართველოს ყოველთვის შეეძლო გამოეყვანა 40000; ამაჲ რომ მიეუმატოთ იმერეთი, გურია და სამეგრელო, მთელი საქართველოს ლაშქარი 100000 კაცამდე აღწევდა. მაგრამ ერთმანეთში დავა და ურთიერთცილობა უშლიდა ხელს ამ შეერთებას; სწორედ ამ ქიშპობაჲ მიიყვანა საქართველო უძლურებამდე.

რაც უფრო ვუახლოვდებით XVIII საუკუნის შუა წლებს, მით უფრო მეტად ვხედავთ სამშობლოს განათლებისა და მეურნეობის აღორძინებისათვის მოღვაწე მუშაკებს. ალბათ მაშინდელ საქართველოში ბევრი კარგი, გამრჩე

მეურნე იყო. მიმოსვლის საშუალებათა უქონლობის გამო, საქართველო ყოველთვის მხოლოდ თავისი ნაწარმობით იკვებებოდა. არც პური, არც ღვინო და არც ხორცი არ შემოდის მეზობელი ქვეყნებიდან. ცუდი მოსავლის დროს საქართველოში გამეფებული იყო შიმშილი, თუ მას არ ჰქონდა გამოზოგილი სარჩო წინა წლების მოსავლიდან. გამოცდილებამ, როგორც საუკეთესო მასწავლებელმა, დიდი ხანია შეაჩვია ქართველები სიფრთხილეს და როგორც ზოგიერთი გუჯარი მოწმობს, ჭირნახულის ნაწილის დაზოგვა საქართველოში ჩვეულებრივი მოვლენა იყო. ეჭვს გარეშეა, მძიმე გარემოებამ ბევრი მიაჩვია ხანგრძლივ მუშაობას: პოეტი გურამიშვილი ლეკებმა მინდორში ხენათესვის თვალყურის დევნების დროს დაიჭირეს.

მიუხედავად ამისა, მეურნეობა არ ვითარდებოდა და რჩებოდა ძველი სახით.

ქართული სკოლების როლს მაშინ, ალბათ, მონასტრები ასრულებდნენ, თუმცა მათაც არ ექნებოდათ დიდი გავლენა. სწავლა უთუოდ მიმდინარეობდა უმთავრესად შინაური აღზრდის სახით, განათლებულ პირთა ხელმძღვანელობით.

იმ დროს ერთ-ერთი ყველაზე განათლებული ქართველი საბა-სულხან ორბელიანი იყო. იგი 1716 წელს ევროპიდან დაბრუნდა და, როგორც კათოლიკობაში გადასული, მოკლებული იყო საქართველოში. ფართო საზოგადოებრივ მოღვაწეობის სახსარსა და განათლების გავრცელების საშუალებას. იმასაც ამბობენ, რომ ის იძულებული გამხდარა თბილისში დამალულიყო. ორბელიანმა ერთი იეზუიტი და ორი კაპუცინი ჩამოიყვანა. ეს ფაქტი მაჩვენებელია იმისა, რომ მას სურვილი ჰქონდა განეფითარებინა სასკოლო საქმე. იტალიელი ბერების მოგზაურობის მთავარი მიზანიც ყოველთვის თავისი სკოლების დაარსება იყო. სულხან ორბელიანი დაახლოებულ ცოდნისმოყვარე ახალგაზრდობას, ალბათ, იტალიის და საფრანგეთის კულტურულ ცხოვრებას აცნობდა.

სამწუხაროდ, ჩვენ ძალიან ცოტა ცნობები მოგვეპოვება იმ რვა წლის შესახებ, რომელიც საბამ თბილისში გაატარა მოსკოვში წასვლის წინ. მე მგონია, ორბელიანი ამ რვა

წლის განმავლობაში მუშაობდა ახალგაზრდობის განვითარებისათვის. ძნელი წარმოსადგენია, რომ ისეთი ნაწარმოებების ავტორი, როგორცაა „მოგზაურობა“ და „სიბრძნე-სიცრუისა“; შეზღუდული ყოფილიყო მხოლოდ ლიტერატურული საქმიანობით. მთელი მისი ცხოვრება, მოქმედი არსება და მიდრეკილება გვიჩვენებს; რომ საბა ძალიან გულგაშლილი აღამიანი იყო და კარჩაკეტილი ყოფა მისთვის შეუძლებელი იქნებოდა. ის უთუოდ სხვებსაც უზიარებდა თავის ცოდნას და გამოცდილებას. აზრთა ასეთი გაცვლა-გამოცვლა ხომ საფუძველი იყო მაშინდელი ინტელიგენციის წრის გაფართოებისა. იმ დროს როდესაც ასპარეზზე კათალიკოსი ანტონი გამოდის, ეს წრე უკვე კარგა დიდი და თუმცა გამოჩენილ საზოგადო მოღვაწეთა რიცხვი ჯერ კიდევ მცირე იყო, ინტელიგენტთა წრის გავლენა საგრძნობი გახდა. ამ დროისთვის მეცნიერების მოყვარულთა წრეც გაიზარდა, რასაც მოწმობს ის მოთხოვნა, რომელიც ორბელიანს წამოუყენებია — ჩემს ლექსიკონს დაკლებული სიტყვები მიუმატეთო.

ორბელიანის თანამედროვე ახალგაზრდა ბატონიშვილი ვახუშტი, მგონი, არანაკლები განათლებისა იყო, ვიდრე თვით საბა ორბელიანი. ის იტალიელი ბერების ხელმძღვანელობით გაეცნო დასავლეთის კულტურას, ლათინურსა და იტალიურ ენას და ევროპულ მოაზროვნეებს. როცა ვახუშტიმ საქართველო მიატოვა, ოცდარვა წლისა იყო და ალბათ ჯერ კიდევ არავითარი განმანათლებელი გავლენა არ ჰქონდა ქართველ ახალგაზრდებზე, ანდა თუ ჰქონდა, ძალიან ნაკლები.

1724 წელს ვახუშტი მამასთან ერთად მოსკოვს გაემგზავრა. თავისი ნაწარმოებების უმთავრესი ნაწილი უცხოეთში დაამთავრა. ეს, სხვათა შორის, ჩვეულებრივი მოვლენა იყო ბატონიშვილებს შორის. ამ გარემოებას განსაკუთრებული ყურადღება უნდა მიექცეს: იმ დროს როცა ევროპელი პრინციები სრულებით არ ფიქრობდნენ მეცნიერების შესწავლაზე და დამამცირებლადაც კი მიიჩნევდნენ ასეთ საქმეს, ბაგრატიონები დიდი გულმოდგინებით ცდილობდნენ სწავლა-განათლება მიეღოთ. ვინ იცის, იქნებ დაკარგულ სამშობლოს დარდი და მის ბედზე ზრუნვა მოუწოდებდა მათ თავისი

ქვეყნისათვის სასარგებლო რამ გაეკეთებინათ. თეიპურაზის შემდეგ ლიტერატურისა და მეცნიერების სიყვარული ბავრატონების ოჯახში გადაიქცა საზოგადო მოვლენად, როგორც კაცების, ისე ქალებისათვის. ქვეყნიერებაზე არ მოიპოვება ისეთი სამეფო დინასტია, რომელშიც ყოფილიყოს იმდენი სწავლული, მწერალი, პოეტი და პოეტესა, რამდენიც ბაგრატიონების სახლში, სადაც ქალებიც კი დაოსტატებული კალმოსნები იყვნენ.

XVIII საუკუნის პირველი ნახევრის საქართველოს ეკონომიური და კულტურული მდგომარეობის შესახებ მცირე ცნობები გვაქვს. „აღწერა სამეფოსა საქართველოსა“-ს გადმოცემით, საქართველო უხვ მოსავალს იძლეოდა, ქვეყანაში დოვლათი ტრიალებდა, როცა ქვეყანა დაწყნარებული იყო და არ აძლევდა სპარსეთს ან ოსმალეთს დიდ ხარჯებს. პურის გარდა ბევრგან თესდნენ ბრინჯსაც; ხილი, ყოველგვარი ფრინველი, თევზი, მსხვილფეხა საქონელი, ცხვარი და ღორი ყველგან უხვად იყო. ვახუშტის თქმით, კახელ გლეხებს თითოს 200, 400 და 2000-მდე ღორიც კი ჰყავდათ. თუშები იმ დროსაც მისდევდნენ მეცხვარეობას და დიდ-დიდი ფარის შეპატრონეც იყვნენ. საქართველოში ბევრგან მოჰყავდათ ბამბა და აბრეშუმის ჭია, ისე რომ ნედლი მასალა: მატყლი, ბამბა, აბრეშუმი, ტყავი ყოველთვის საკუთარი იყო. ფართულულის უმეტესი ნაწილი შინ მზადდებოდა, ზოგან ფეიქრებიც იყვნენ. რასაც საქართველოში ვერ ამზადებდნენ, სპარსელ და ოსმალო ვაჭრებს შემოჰქონდათ... ამ უკანასკნელთ ხშირად სამეგრელოში შეჰქონდათ არა მარტო შალის ქსოვილები და სხვა საქირო საგნები, არამედ ფუფუნების საგნებიც, რადგანაც მაშინდელი ნაწარმოები მეტად გამძლე იყო, ადამიანს თავის სიცოცხლეში ორი-სამი კაბის მეტი არ სჭირდებოდა. ვისაც კი მცირეოდენი ქონება გააჩნდა და კობტაობა უყვარდა, შეეძლო ახლანდელზე არა ნაკლებ გამოწეპილიყო, მხოლოდ იმ განსხვავებით, რომ მაშინდელი ტანსაცმელი ახლანდელზე უკეთ იყო მოკაზმული. დიდი ყურადღება ექცეოდა ცხენის საკაზმავს, რომელიც ლამაზად ჰქონდათ მორთული ძვირფასი ქვებით, ვერცხლითა და ოქ-



რომკედით. ყველა ეს ნივთიერი ცხოვრების თანდათანობით გაუმჯობესებისა და ფუფუნების მაჩვენებელია.

თბილისის ცხოვრება და გარეგანი სახე, რასაკვირველია, მაჩვენებელია მთელი საქართველოს მდგომარეობისა. ვახუშტის აღწერილობით, თბილისი უფრო მძიმე, მუქ ფერებშია წარმოდგენილი, ვიდრე შარდენის აღწერით, თუმცა ეს უკანასკნელი მხოლოდ ნახევარი საუკუნით ადრე იყო თბილისში. ეს გარემოება მოწმობს იმას, რომ თბილისი ოსმალეობის და ლეკების შემოსევით დაზარალდა. ვახუშტი იხსენიებს ოსმალეობის მიერ დანგრეულ ვახტანგ VI-ის სასახლეს, მაგრამ არაფერს ამბობს სხვა შენობებზე, ქარვასლებზე და სასახლეებზე, რომლებიც XVII საუკუნეში იყო აშენებული. ალბათ იმათაც იგივე ბედი ეწია. ქალაქის სახლები ქვისა, ზოგი თიხისა იყო, შიგნით თეთრი თიხით\* მოქანდაკებული სპარსული ან ქართული გემოვნებით. საზოგადოდ, ქალაქი სხვადასხვა გემოვნებით ნაშენი სახლებისაგან შედგებოდა და ქუჩებიც ულამაზო ჰქონდა. ასეთ აღწერას გვაძლევს ვახუშტი თავის „ქალაქის“ შესახებ, რომელიც მას უყვარდა და იცნობდა. ამ დროს ზოგიერთ ეკლესიას გუმბათი არ ამშვენებდა, რაც სილამაზეს უკარგავდა ქალაქის საერთო სურათს.

XVIII საუკუნის ქართველი გეოგრაფი გორის შესახებ კარგი აზრის არის და ამ პატარა ქალაქს ასურათებს როგორც კარგად მოწყობილს: ქუჩები სწორი იყო, სახლები კვიტკირისა, ხალხი ზნედაცული და ზრდილი.

ვახუშტის დროს ქუთაისი მხოლოდ და მხოლოდ მეფის რეზიდენციას წარმოადგენდა. გარდა მეფისა, რამდენიმე თანამდებობის პირი და ვაჭარი უვარგის სახლებში ცხოვრობდა. მოსახლეობა იყო: იმერლები, ებრაელები და სომხები.

გარდა ამ სამი ქალაქისა, საქართველოში მხოლოდ სოფლები, ციხე-ქალაქები და რამდენიმე დაბა იყო: თელავი, თიანეთი და სხვა, იყო აგრეთვე მონასტრები. ციხე-სიმაგრე ბევრი იყო, მაგრამ მაშინ უკვე გაუქმებული, ნახევრად დანგრეული და თავმინებებული. მონასტრების მომეტე-

\* თაბაშირით (რედ.).

ბუღალტრული ნაწილი ბერებს მიეტოვებინათ და მათი მიწები თავად ადაზნაურობას ან მეფეებს ჰქონდათ დაჩემებული, რომლებმაც იქ ლტოლვილები დაასახლეს. ეს იყო შინაგანი კოლონიზაცია, რომლითაც ორმოცდაათი წლის შემდეგ ერეკლე მეორეს უნდოდა გაეუმჯობესებინა შინაური ეკონომიური მდგომარეობა. ამ დროის საქართველოში მეტად ბევრი მღვდელი და ბერი იყო, უმეტესად ეს უკანასკნელები. ბერები უსაქმობაში ატარებდნენ დროს და წიგნების გადაწერასაც კი აღარ მისდევდნენ...

მიუხედავად არეული ცხოვრებისა, აღმოსავლეთ საქართველოში ვახტანგ VI-ის დროიდან დაწყებული განმანათლებელი მოძრაობა არ აღგვილა. 1735 წელს ქართლი დაიკავეს რუსმა ჯარებმა. შაჰ-აბასმა მე-17 საუკუნეში ბოროტად ათასობით ქართველი ტყვე წაიყვანა. ახლა საქართველოს კვლავ ეწია ის უბედურება, რომელიც საუკუნეთა განმავლობაში რამდენჯერმე აქრობდა ეროვნულ კეთილდღეობას და ანადგურებდა ათასობით ოჯახს. ისევ გაისმოდა შორეულ გზებზე ტირილი და გოდება ქართველი ტყვეებისა. სიცივის, შიმშილისა და ღონემიხდილობისაგან იხოცებოდნენ უცხოეთში მიმავალ გზაზე.

შაჰის ნაცვლების მმართველობის ქვეშ მყოფ ქართველთა ცვალებადი სვე-ბედი 1744 წლამდე გაგრძელდა. ქართლში თეიმურაზის გამეფების ხანს, სპარსეთის ზეგავლენა თითქმის გამჭრალი იყო. თეიმურაზის მეფედ კურთხევა, რა თქმა უნდა, ბედნიერი მოვლენა იყო ქართველთა ცხოვრებაში. ხალხი ამ შემთხვევას სამი დღის განმავლობაში ზეიმობდა. ქართველი მეფის ტახტზე ასვლა განსაკუთრებული ზეიმით მოეწყო 1745 წლის პირველ ოქტომბერს მცხეთის ტაძარში...

სპარსელების შემდეგ წინა აზიის არც ერთ ერს წარსულში და არც აწინდელ დროში არა ჰქონია ისეთი დიდი გემოვნება, როგორც დღემდე შესწევს ქართველ ერს ზნე-ჩვეულებას, ზეიმში, ტანსაცმელსა და ლიტერატურაში. რუსთაველის პოემა — ეს დიდებული ნაშთი შუა საუკუნეების ქართული კულტურისა, ამავე დროს ძვირფასი საბუთია კარგი გემოვნებისა. მაგრამ, რა თქმა უნდა, ეს თვისება ერთნაი-

რად არ შესწევს ყველა ქართველს. შეადარეთ კახელი ან ქართლელი გლეხი იმერელ ან გურულ გლეხკაცს, რომელიც ქალაქის პირობებში ადვილად იცვლის გარეგნობას და სწრაფად ითვისებს ქალაქის მიხრა-მოხრას. შეადარეთ გურული ან იმერელი ქალი კახელ ან ქართლელ ქალს და შეატყობთ საკმაოდ დიდ სხვაობას. მაგრამ ეს იმას არ ნიშნავს, რომ ადმონსავლეთ საქართველოს ასულნი მოკლებულნი იყვნენ კარგ გემოვნებას.. არა, სრულებითაც არა! საკმარისია დაინახოთ მათი ტანსაცმელი, ხელსაქმე, შინაური მოწყობილობა, რომ დააფასოთ მათი გემოვნება, თუმცა ისინი მაინც ისე ადვილად არ ითვისებენ სიკეკლუტის კანონებს, როგორც დასავლეთ საქართველოს ასულნი. ყველა ეს, ალბათ, XVIII საუკუნეშიც ასე იყო, რადგან ქართველი ხალხის საერთო თვისებები ოდნავ თუ შეიცვალა. კაცები ორი ათასი წლის განმავლობაში მხედრულ ცხოვრებას ეწეოდნენ, ცხენოსნობდნენ, ნადირობდნენ, მტერს ებრძოდნენ, ბურთსა და სხვა თამაშს მისდევდნენ და ეს ავარჯიშებდა მათ სხეულს. დახშულ ოთახებში ისინი ნაკლებად ისხდნენ და ნაკლებად მისდევდნენ მწერლობას ან მწიგნობრობას. ახლანდელი სახის სკოლები მაშინ არ არსებობდა. ბავშვები წერა-კითხვას ან თავის დედასთან შინ სწავლობდნენ, ან დადიოდნენ რომელიმე მღვდელთან და ერის კაცთაგან გამოსულ მასწავლებელთან. სწავლა, რასაკვირველია, არ ატარებდა ისეთ საგანგებო ხასიათს; ვისაც წერაში კარგი ხელი ჰქონდა და არსებული წიგნების მცირე რიცხვი გადაეკითხა, შეეძლო თავისი თავი განათლებულ კაცად ჩაეთვალა და მიეღო მოხელის ან მოსამართლის თანამდებობა. სასამართლოს აპარატი არ იყო რთული, ბიუროკრატიული, საქმეები მომეტებულ შემთხვევაში წარმოებდა სიტყვიერად და არა წერილობით, რის გამოც მოხელეთა რიცხვი ძლიერ შეზღუდული იყო და მათი სამუშაო — უბრალო და სადა.

ასეთი იყო ქართველთა ცხოვრება XVIII საუკუნის შუა წანებში, იმ დროს, როცა კათალიკოსი ანტონ I საეკლესიო, პოლიტიკურ და საზოგადოებრივ ასპარეზზე გამოვიდა. ის იყო ყველაზე გამოჩენილი პიროვნება XVIII საუკუნეში არა მარტო თავისი მრავალფეროვანი ნიჭით, არამედ ნაყოფიერი

მოდეაწეობით, ცოდნით, დიპლომატიური სიმარჯვითა და ცხოვრების მრავალფერობით. სხვაგვარად არც შეიძლებოდა ყოფილიყო, ვინაიდან ანტონმა თავისი მშობლების სახლიდან გამოიტანა თავისებური გაორება: მამამისი, მეფე იასე, გამაჰმადიანებული და ყურმოჭრილი მონა იყო სპარსეთის შაჰისა. მის სახლში ირეოდა არა მარტო ქართველი თავადაზნაურობა და სამღვდლოება, არამედ სპარსელი სარდლები და მოხელეები. ანტონს—ერისკაცობაში თეიმურაზს—ბევრი ისეთი რამ სმენია და შეხვედრია, რაც მას სამშობლოსაგან აშორებდა, თავის მხრივ ანელებდა მასში ეროვნულ გრძნობას და საფუძველს უქმნიდა უცხო მიწა-წყალზე აღმოცენებული გემოვნება შეეთვისებინა. ეჭვი არ არის, ასე იყო ახალგაზრდა თეიმურაზში გრძნობა იყოფოდა სამშობლოსა და სპარსეთს შუა, რაკი ამ უკანასკნელიდან იგი მეფის ტახტს ელოდა.

მაგრამ თეიმურაზს უმძიმესი უბედურება ეწია, რაც კი შეიძლება გადახდეს ახალგაზრდას: შაჰ-ნადირი თავის პარამხანსათვის მის ლამაზ საცოლეს, გივი ამილახვრის ასულს მოითხოვს. როგორი დამცირება და გრძნობის შელახვაა უბედური მამისათვის, საქმროსათვის და თვით თავადის ქალისათვის, როცა ირანის გარყვნილი თვითმპყრობელი საქართველოს საუცხოო ყვავილს თავის მონების ბაღში გადასარგავად ისაკუთრებს! ტირილი, ვედრება, ჩხუბი და საყვედური გაისმოდა ამილახვრის ოჯახში... ნაზი ქალი საყვარელ ოჯახს გამოგლიჯეს და უცხო ქვეყანაში წაიყვანეს... მაგრამ მამა თავს იკავებს, რომ თავის ოჯახსა და მთელ საქართველოს სპარსეთის სასტიკი მფლობელის მრისხანება არ დაატეხოს. ვინ იცის, რამდენად სამართლიანად მოიქცა ამილახვარი ან რა განიცადა უბედურმა საქმრომ, რომლის ცხოვრებაც სრულიად შეიცვალა ამ ამბის შეხვედრით. ერთი რამ არის უდავო: თეიმურაზი არ იყო ძველი დროის უშიშარი რაინდი. მას ძალით უნდა გამოეგლიჯა თავისი საცოლე და წაეყვანა იმერეთში, შორს სამეგრელოში ან გურიაში, სადაც შაჰის ხელი ვეღარ მისწვდებოდა. მაგრამ მან ეს არ გააკეთა, ბედს დაემორჩილა და ბერად აღიკვეცა. ამასიც ცხადად გამოიხატა მისი მიდრეკილება: თანამედროვეებს შეეძლოთ შეემჩნიათ,

რომ მისი იარაღი ხმალი კი არა — კალამია. ამ ხნიდან მას აღარ უფიქრია არც მეფის გვირგვინზე და არც სარდლის სახელზე, ის მხოლოდ იმის ცდაშია, ქართულ ეკლესიას როგორმე სათავეში ჩაუდგეს.

1739 წელს ცხრაშეტი წლის ანტონი გელათის მონასტრის წინამძღვრად დაინიშნა. მრავალი გადაყვან-გადმოყვანის შემდეგ იმერეთიდან ქართლში და ქართლიდან ისევ იმერეთში, 1744 წელს ბერი ანტონი სრულიად საქართველოს კათალიკოსი გახდა. მისი ნაწერებიდან ჩანს, რომ იგი ეკლესიის ჭეშმარიტი მსახური და მართლმადიდებლობისათვის მებრძოლი იყო. მაგრამ ეს ნაწერები მომეტებული შემთხვევაში იმ დროს ეკუთვნის, როცა ანტონი რუსეთიდან დაბრუნდა, სადაც ის რუსული ეკლესიის სქოლასტიკით განიშკვალა. ახალგაზრდობაში ანტონმა იტალიელი ბერების გავლენაც განიცადა, რაც ადვილად გასაგები და ბუნებრივია იმ დროის პირობებში. თითქმის ყველა გამოჩენილი ქართველი XVIII საუკუნეში კათოლიკე მისიონერების დახმარებით განვითარდა. კათოლიკობისაკენ მიდრეკილება პოლიტიკური მოსაზრებითაც იყო გამოწვეული, რათა ნიადაგი მოემზადებინათ ევროპის რომელიმე სახელმწიფოს პროტექტორატისათვის სპარსეთთან და ოსმალეთთან საბრძოლველად. ანტონი თავის კათალიკოსობის დროს ამ გზით მუშაობდა, თუმცა ამავე დროს კეთილგანწყობილებას არ წყვეტდა შაჰთან, მირზა-ჰაჰმად-შაჰს ანტონი თავის ერთგულებას ეფიცებოდა და როცა მისი შვილი იბრაჰიმი სპარსეთის ტახტზე ავიდა, მან ანტონს ერთგულებისათვის „ფირმანი“ გამოუგზავნა, რითაც საქართველოს კათალიკოსად ამტკიცებდა.

ეს მოხდა 1747 წელს, საქართველოს იმ დროს გარეშე მტრების შემოსევა აღარ ემუქრებოდა. ანტონის მოწინააღმდეგეებმა საქართველოში მტრული მოქმედება დაიწყეს. ამ ინტრიგას საეკლესიო საქმეებთან საერთო არაფერი აქვს, უმთავრესი მიზეზი აქ სულ სხვაა. შესაძლოა, ამის მიზეზი კათალიკოსის ახალგაზრდობა იყო, რაც შურსა და ბოროტ განწყობილებას იწვევდა. ამას აძლიერებდა მისი მეფური ჩამომავლობა და არაჩვეულებრივი ნიჭიერება. ძნელი სათქმელია, როგორ დაიწყო ეს შეთქმულება, გაბაშვილსა და რამ-

დენიმე უკმაყოფილო ეპისკოპოსის გარდა ვინ იღებდა მონაწილეობას; ეკვს გარეშეა მხოლოდ ის, რომ ამ დიდ მოღვაწეს თვით სამღვდლოებაში ჰყავდა ბევრი მტერი, რასაც სხვათა შორის, მოწმობს გაბაშვილის სატირული პოემა „კატობი“ . თავისთავად ცხადია, ბევრისთვის ანტონის მკაცრი მმართველობა მძიმე იყო, განსაკუთრებით ფულის მოყვარულთათვის; ცხადად ჩანს, რომ თეიმურაზის კარის მოძღვარი ზაქარია გაბაშვილის ამ მოძრაობის სულისჩამდგმელი იყო, ხოლო სხვა თავაშვებული ადამიანები სააშქარაოზე მაშინ გამოვიდნენ როცა მოძრაობამ საეკლესიო ხასიათი მიიღო. ბოლოსდაბოლოს ანტონის მოწინააღმდეგეებმა 1755 წელს მცხეთაში საეკლესიო კრების მოწვევა მოახერხეს, რომელზედაც ანტონი კათალიკოსობიდან გადააყენეს.

XVIII საუკუნის ქართველ მოღვაწეთა თითქმის ყველა წარმომადგენლის განსაკუთრებული თვისება ის არის, რომ დიდ ნიჭთან ერთად დიდი უაყოფითი მხარეებიც აქვთ. ზაქარია გაბაშვილი, რასაკვირველია, დიდად ნიჭიერი კაცი იყო, თუმცა მისი პოემები მაღალი ღირებულებითა არ არის. ამავე დროს, ეშმაკი კაცი იყო, ოსტატობით ტრიალებდა მეფის სასახლეში: ჯერ თეიმურაზ II-თან, მერე ერეკლე მეორესთან და იმავე დროს მის მოწინააღმდეგე — იმერეთის უკანასკნელ მეფე სოლომონთან. ზოგიერთი ფაქტი ცხადად ამტკიცებს, რომ გაბაშვილს დიდი გავლენა ჰქონია საქართველოს ნგრევის მიზეზი შრავალმზხრივი იყო: გარდა გარეშე მტრის შემოსევისა და შიგნით ფეოდალებისა და ბატონიშვილების ქიშპობისა, ეროვნულ სხეულს კიდევ ბევრი სხვა უბედურება ასუსტებდა. ერთი ასეთი შავი ჭირიც იყო, რომელმაც, ოსეშვილის გადმოცემით, 1736 წელს ნახევარი თბილისი გაწყვიტა. მაშინდელი ქალაქების ცუდ პირობებში, ექიმებისა და წამლების უქონლობის გამო, ასეთ საშინელ ავადმყოფობას ნივთიერ ზარალთან ერთად ზნეობრივი ნგრევაც მოჰქონდა: ხვალისდელი დღის გაურკვეველობა ყოველთვის აფუჭებს ადამიანის ზნეობას, აღვიძებს მის უაყოფით თვისებებს და აორკეცებს ქვენა გრძნობებს. იმდროინდელი ყოფის ბევრი მაგალითიდან ჩანს, რომ მომეტებული ნაწილი მაშინდელი ქართველებისა მოკლებული იყო

შალალ იდეალებს და გატაცებული იყო ნივთიერი კეთილდღეობით. იდეურ მოღვაწეთა გავლენა არ ვრცელდებოდა მასაზე, ვისთვისაც სარჩოს იოლად მოპოვება ცხოვრების უმთავრესი მიზანი იყო. ილია ჭავჭავაძის ლუარსაბი და დარეჯანი ასი და ორასი წლით ადრეც ცხოვრობდნენ საქართველოში. XVII საუკუნეში იტალიელი ბერი ლამბერტი აღნიშნავს მეგრელების უზრუნველობას. ახი წლის შემდეგ რეინგესი იმავეს ამბობს თბილისის მცხოვრებლების შესახებ.

XVIII საუკუნის შუა ხანებში, ანტონ I-ის კათალიკოსობის დროს, ახალი აზროვნება ჭერ კიდევ ვიწრო ფარგლებში მიმდინარეობდა. ამ საუკუნის დამდეგიდან განათლებულთა წრე ბევრად არ გადიდებულა. მათი რაოდენობის გამოკვლევა ძნელია. მხოლოდ ის შეგვიძლია ვთქვათ, რომ გარდა სამღვდლოებისა, ამ წრეში დიდგვაროვნებთან ერთად სხვებიც იყვნენ.

ქართველთა განათლების ცენტრად თბილისი თანდათან გადაიქცა. თუმცა ვახტანგ VI-ის წასვლის შემდეგ წიგნების ბეჭდვა ოცდაათი წლით შეწყდა, მაგრამ აზროვნების კერა მაინც არ ჩამქალა, თითო-ორი ახალი წიგნი მაინც იწერებოდა და მათ შექმნას ახლა უწინდელზე მეტ ყურადღებას აქცევდნენ. ამ დროისათვის წიგნებში სურათებიც გამოჩნდა და რამდენადაც XVIII საუკუნეში გამოცემულ „ვეფხისტყაოსნიდან“ ჩანს, ეს ნახატები მოკლებულნი არ არიან ზოგიერთ მხატვრულ ღირსებას. განათლებულ ევროპიდან მოწყვეტილი საქართველო დამოუკიდებლად მიიწევდა წინ.

მამუკა ბარათაშვილის წიგნი „ჭაშნიკი“ ცხადად გვიჩვენებს, რომ სერიოზული დანიშნულების წიგნების მოთხოვნილება უკვე იყო. ცნობილია, რომ მამუკა ბარათაშვილმა მან შინდელ მწერლებს შინაარსიანი თემები მისცა. ეს იყო გამომხატველი არა მარტო პირადი გემოვნებისა, არამედ თანამედროვეთა მოთხოვნილებისაც. ამგვარი იყო მეფე თეიმურაზ II-ის თხზულებები. ისინი თუმცა მოკლებულნი არიან შალალ პოეზიას, მაგრამ მათში მარჯვედ არის შნილებული თანამედროვეთა ბევრი ნაკლი, რის წინააღმდეგაც ავტორი მკაცრად ილაშქრებდა. სხვათა შორის, თეიმურაზი

გვამცნობს, რომ ზაქარია გაბაშვილი ფულისმოყვარე, ფა-  
ჩისეველი, ინტრიგანი ყოფილა. ყველა ეს ემჩნევა ამ  
ღვთისკაცის მთელ მოღვაწეობას.

საზოგადოდ, XVIII საუკუნის ქართულ სიტყვიერებაზე  
აღბეჭდილია პროზის ხასიათი; თვით ფურამიშვილსაც კი არ  
შესწევდა მგოსნის დამახასიათებელი აღფრთოვანება. ნამდ-  
ვილი პოეტური ნიჭი შემდეგში ბესიქს, ორსამ სხვა მგოსან-  
სა და მეფეთა გვარის მგოსან ქალებს ემჩნეოდათ. ცხოვრე-  
ბიდან და პოეტური ნაწარმოებიდან უფრო და უფრო მეტად  
იკარგებოდა სიხარული, მასში ტკობის წყურვილი რჩებოდა  
მხოლოდ. ამასთან ერთად იშვიათად ჩნდებოდნენ ძლიერი  
ნებისყოფის ადამიანები, ძლიერდებოდა ვნებიანობა, ფულის  
სიყვარული და მამულის შეძენის წყურვილი. ამ ანგარებისა  
და სიხარბისაგან ძლიერ იტანჯებოდა გლეხკაცობა, რომე-  
ლიც ჯერ ისევ სრულ მონობაში იმყოფებოდა და თითქმის  
პირუტყვის ადგილი ეჭირა. საზოგადოდ, უბედურება უფრო  
მეტად გლეხკაცებს აწვა კისერზე, მტრისაგან დანგრეული  
სოფლების აღდგენა მათ უხდებოდათ. მთელი XVIII საუ-  
კუნის განმავლობაში ამ დანგრეული სოფლების სანახაობა  
გლოვის სახეს აძლევდა საქართველოს, რომელიც ლეკებმა  
ზემო ქართლამდე ცეცხლითა და მახვილით გაანადგურეს.  
1735 წელს კი ნალირ-შაჰი თავისი ჯარებით ანანურამდე მავ-  
ვიდა.

საქართველოს სახეს უცვლიდა არა მისი მცხოვრებლები,  
არამედ მისი მტრები, რომლებიც ქვეყანას არბევდნენ ყო-  
ველ ხუთ-ექვს წელიწადში ერთხელ, ან უკეთეს შემთხვე-  
ვაში, ყოველი ათი წლის შემდეგ.

XVIII საუკუნის შუა ხანებში თბილისს ჯერ კიდევ ემ-  
ჩნეოდა სპარსული დაღი. სპარსეთის ქალაქების დარად თბი-  
ლისი შემორტყმული იყო კედლით და შიგ სხვადასხვა ად-  
გილას დატანებული პქონდა ალაყაფის კარი, რომელიც ღა-  
მით იკეტებოდა. ქალაქს გარს ერტყა კუკია, ჩუღურეთი,  
სეიდაბადი (აწინდელი ვორონცოვის ქუჩის ახლო ადგი-  
ლები), მეტეხი და ავლაბარი, თვითონ კი პატარა ადგილი  
ეჭირა. შიგ ქალაქში რამდენიმე სასახლე და ქარვასლა თყო,  
ამ უკანასკნელებში ჩამოსული ვაჭრები დგებოდნენ. მეფის



სასახლე და სხვა საუკეთესო შენობები მტკვრის პირას იყო გაშენებული, სიონისა და ვანქის ტაძრებს შუა. კათალიკოსი ანტონიცი მტკვრის პირას ცხოვრობდა. ანჩიხატის ეკლესიის ახლოს. ამ ადგილას იყრიდა თავს მთელი მთავრობა, ადმინისტრაცია, ვაჭრობა, საეკლესიო და საერო კულტურული ცხოვრება. ვიწრო ქუჩაზე მოთავსებული იყო სომეხი ვაჭრების უბრალო ღუქნებიც — უფანჯრო, მოუწყობელი; საქონელს ყუთებში ან პარკებში ინახავდნენ, ღამით ღუქნები ხის ღარბებით იკეტებოდა. ვაჭრები ფაფახებით, ძველებურ სომხურ ტანსაცმელში გამოწყობილნი, ღუქნების წინ ისხდნენ დილიდან საღამომდე, ქუჩის ცხოვრებას ადევნებდნენ თვალს და ყველა ამბავსაც პირველნი იგებდნენ.

თბილისში შეფის სანახავად ან სასამართლოს საქმისათვის ჩამოდოდნენ აზნაურები მშვენივრად შეკაზმული ლამაზი ცხენებით, ზოგჯერ ფეოდალები დიდი ამალით ეახლებოდნენ ქალაქს და მაშინ მთელი ქუჩა დაედებოდა მათ. ისინი მშვენივრად იყვნენ მორთულნი, იარაღსაბმულნი ძველებურ ქართულ ქულაჯებში. ჩამოდოდნენ აგრეთვე მღვდლები ჯორ-ცხენებზე, ქალები საუცხოოდ მორთულ ცხენებზე. კარგი სანახავი იყო შეფე, როცა მონადირეებით გარშემორტყმული სანადიროდ გამოდიოდა თავისი ამალით. ხშირად გამოიხირობდა აგრეთვე დედოფალი მშვენიერ სეფე-ქალთა თანხლებით. ყველანი ამხედრებულნი იყვნენ, გარდა მოხუცებულებისა, რომელნიც ტაბატრევანებში ისხდნენ. ცხენების მდიდრული მოკაზმულობა ქალების სირმა-ყაითნითა და ოქრომკედით ნაქარგ თავსახურებს ეხამებოდა.

ახლანდელი ალექსანდრეს ბაღის ალაგას უწინ ყაბახი — სახალხო თამაშობისა და სავარჯიშო მოედანი იყო. ქართველები ძალიან გატაცებულები იყვნენ ეროვნული სპორტით: ჭიდაობა, ჯირითი, ბურთის თამაში, მიზანში სროლა და სხვა. ეს საუკუნეთა განმავლობაში ხელს უწყობდა ფიზიკურ განვითარებას, ღონესა და სილამაზეს ისევე, როგორც ანტიკურ საბერძნეთში. ისტორიულ საბუთებში ბევრჯერ არის მოხსენებული ეს ვარჯიში, რომელიც საყოველთაო იყო, მასში ყველა იღებდა მონაწილეობას, როგორც ახალგაზრდა, ისე ხნიერი. ეს ვარჯიში იმავე დროს გასართობი და კარგი სანა-

ხაობაც იყო. შეჯიბრში ქალებიც იღებდნენ მონაწილეობას; XVII საუკუნის ნახევარში სპარსული ჩვეულების გავლენა შესუსტებული იყო და ქალებს შეეძლოთ თავისუფლად გამოჩენილიყვნენ საზოგადოებაში.

1768 წელს თბილისში მყოფი კათოლიკე მღვდელი დელაპორტი წერდა: ქართველ ქალზე უმშვენიერესი ჩემს თვალს არაფერი უნახავს. ყოველ ნაბიჯზე გვხვდება მშვენიერი ქალიო. როგორც ეტყობა, ქართველი ქალი იმდენად თავისუფლად დადიოდა გარეთ, რომ ყოველთვის შეიძლებოდა მისი სახის დანახვა.

სასამართლო აღმოსავლეთ საქართველოში ბევრად უფრო ლმობიერი იყო, ვიდრე იმერეთში და მის მახლობელ პროვინციებში. ვახტანგ VI-ის მიერ გამოცემული კანონთა კრებული დიდი ნაბიჯია კულტურული ცხოვრებისა. საკუთარების გამო გამოწვეული დავა ბევრი იყო საქართველოში, განსაკუთრებით, მიწის საკითხზე. როგორც ოსეშვილის „ანდერძიდანაც“ ჩანს, თბილისის მოსამართლეებს აუარებელი საქმე ჰქონდათ და ხშირად უსამართლოდაც იქცეოდნენ. მაშასადამე, ჯერჯერობით ნაადრევი იყო ვახტანგის თანამშრომლის, ნიკოლოზის მოთხოვნილება კანონების შემცირების შესახებ იმგვარად, რომ მოსამართლის კეთილსინდისიერებაზე და ზნეობრივ გრძნობაზე ყოფილიყო დამყარებული და მინდობილი სამართალი. ბოროტმოქმედების რაოდენობისა და ხასიათის მიხედვით შეიძლება წარმოდგენა ვიქონიოთ ამა თუ იმ ერისა და ეპოქის შესახებ; მაგრამ, საუბედუროდ, მაშინდელი ქართველები ჯერ კიდევ შორს იყვნენ სტატისტიკის წარმოებიდან და არავითარი საბუთი არ დაგვიტოვეს, რის გამოც სხვა წყაროებს უნდა მივმართოთ.

ეკლესიებისთვის შეწირულ ხატებზე მინაწერები და სხვადასხვა აქტების ტექსტები კარგად ამუქებენ ქართველი ერის ზნეობრივ მხარეს. ხატზე ბევრი შემწირავი წერდა თავის საგმირო საქმეებს ან თავისი ღროის მოკლე აღწერას, ან კიდევ აღიარებდა ცოდვებს, რომლებიც მისი შეხედულებით, თითქმის ყოველთვის უმნიშვნელო იყო. ამ შემწირავთა მომეტებული ნაწილი, განსაკუთრებით, იმერეთში და სამეგრე-

ლოში, დიდი სიმკაცრით უსწორდებოდა თავიანთ მოწინააღმდეგეებს და რაც უფრო მეტი ცოდვით დაიმძიმებდნენ სულს, იმდენად უფრო უხვად სწირავდნენ ეკლესიას. ერთი უპირველესი შემწირავი იყო ოდიშის მთავარი ლევან II დადიანი. ის, თუმცა XVII საუკუნეში ცხოვრობდა, მაგრამ მგონი XVIII-შიც არ მოკლებია წამბაძველები. ყველა ენ წარწერები და აქტები საკმარის წარმოდგენას გვიქმნის მაშინდელი ხალხის თვალსაზრისზე, მათ ცრუმორწმუნეობაზე და მოყვასისადმი გრძნობა-განწყობილებაზე. რაც უფრო მეტად ვუახლოვდებით XVIII საუკუნის ბოლოს, მით უფრო მეტად მოჩანს ამ ნაწერებში და აქტებში ადამიანის სიყვარული და ღმობიერება; დამნაშავეთა და ბოროტმოქმედთა რიცხვიც მცირდება განათლებულ ადამიანთა წრეში, თუმცა უზრუნველობა, ქარაფშუტობა და უზომო ვნებებს აყოლო ჯერ კიდევ მაგრად იყო ფესვგადგმული.

პატრიოტულად განწყობილ, დარბაისელ ადამიანისთვის სამშობლოს ბედი ბნელით იყო მოცული, გამოსავალს ისინი არსაიდან აღარ ელოდნენ. ბევრს სრულიად უტყუებოდა გული და დროს ტარებას ეძლეოდა... საუკუნის შუა ხანებში ისეთი გულგატეხილობა გამეფებული იყო განსაკუთრებით აღმოსავლეთ საქართველოში, რამაც გამოხატულება ჰპოვა ბესიკის ლექსში:

გამტყორცნა სოფელმა, მოვშორდი მზესა,  
დღენი ჩემნი წარვლენ ბნელად და ბნელად!  
რაყიფად შემექნა ბედივე ჩემი,  
სიცოცხლესღა ვპოვებ ძნელად და ძნელად!

მისი ლექსის ეს პირველი სტრიქონები საკმარისად გამოხატავს ბევრი მაშინდელი ქართველის გულისნადებს. ასეთი ადამიანების გვერდით მტკიცე ნებისყოფისა და ძლიერი სულის ადამიანებიც ცხოვრობდნენ, რომლებიც არ ეძლეოდნენ სასოწარკვეთილებას და არ ჰკარგავდნენ სამშობლოს გადარჩენის იმედს; ყველა ისინი განათლებითა და ხასიათის სიმტკიცით მაღლა იდგნენ თავის თანამედროვეებზე.

ყველა ხანას თავისი მიმართულება აქვს ნივთიერ, პოლიტიკურ, გონებრივ თუ ზნეობრივ ცხოვრებაში. თეიმურაზ

მეორე იყო გატაცებული მწიგნობარი, მაგრამ სუსტი მმართველი. თანადროულობაზე თეიმურაზმა ნაკლები გავლენა იქონია; მეთვრამეტე საუკუნის მიწურული ოსმალოებისა და სპარსელებისაგან დამოუკიდებლობისათვის გაშწავებული ბრძოლის ხანა, აღბეჭდილია ერეკლე მეორის გმირული სულით. ამ ხანის გონებრივ ცხოვრებაზე არავის ჰქონია ანტონ კათალიკოსისოდენა გავლენა. გაზვიადებული არ იქნებოდა, თუ ვიტყოდით, რომ ანტონი კულტურული მოძრაობის უმთავრესი მოქმედი ძალა იყო. თუმცა, ცხადია, მთელი მისი მიმართულება და მოღვაწეობა უნაკლო არ არის: ის ჯერ კიდევ შორს იყო აზროვნების იმ თავისუფლებიდან, რომელმაც მეთვრამეტე საუკუნეში გაიტაცა ევროპის საუკეთესო მოაზროვნეები. თეიმურაზის შემდეგ კათოლიციზმის საწინააღმდეგო ქარმა დაუბერა, მსიონერები საქართველოდან განდევნეს. ასეთი შეუწყნარებლობა გახშირდა... ეკლესიებში უცხოელთა წინააღმდეგ წირვა დაიწყეს. ეს აგრეთვე შეიძლება მიეწეროს რუსეთის ეკლესიის გავლენას. ასეთი გავლენის ქვეშ მყოფი ქართველი ემიგრანტები საქართველოში იმ მტკიცე განზრახვით ჩამოდიოდნენ, რომ თავიანთი ცოდნა ახალგაზრდობის აღზრდისათვის მოენდომებინათ. როგორც უწინ, ისე შემდეგაც სწავლის საქმე სამღვდელოების ხელში იყო. რუსეთიდან დაბრუნებული აზნაურის შვილებისა და ბატონიშვილების გავლენას ამ შემთხვევაში ნაკლები მნიშვნელობა ჰქონდა; მათი ახალი საგანმანათლებლო როლი მხოლოდ იმაში მდგომარეობდა, რომ სწავლებაში ახალი საგნები შეჰქონდათ, თუმცა მეტად შეზღუდულ ფარგლებში. ბერძნული ფილოსოფია, რომელსაც ქართველები წინა საუკუნეებშიც სწავლობდნენ, ხელახლა ყურადღების საგანი შეიქნა. ყველაფრის მიუხედავად, ამ გარემოებამ სწავლა-განათლების საქმე ვერ წასწია წინ. ამ საქმისათვის უფრო მეტი მნიშვნელობა ჰქონდა ქართულ ენაზე ევროპული სახელმძღვანელოებისა და სხვა წიგნების თარგმნას. მაგრამ ძნელია იმის თქმა, რამდენად გამოიყენეს ფართო წრეებში ეს თარგმანები. ერთი რამ კი შეიძლება ითქვას სრული რწმენით: ამ თარგმანებმა საკმაოდ გააფართოეს მოწინავე ადამიანების ზოგადი განვითარება.

ახალგაზრდათა შორის დიდი საგანმანათლებლო მოძრაობა დაიწყო 1762 წლის შემდეგ, მას შემდეგ, რაც ანტონ კათალიკოსი პეტერბურგიდან დაბრუნდა და თბილისსა და თელავში სასულიერო სემინარია გახსნა. ეს იყო ნამდვილი საზოგადო მოღვაწე, დიდი ორგანიზატორი, მასწავლებელი და მწერალი, რომელიც მიუხედავად შემოქმედებითი ნიჭის შეზღუდულობისა, ცდილობდა ყველგან შეეცხო ეროვნული კულტურის ნაკლი. მისი საქმე ფრიად მიძიმე იყო, რადგან მას გარშემო მტრები ეხვია, რომლებიც ცდილობდნენ შეეფერხებინათ მისი კეთილი ზრახვანი. ყველაზე მეტად მის წინააღმდეგ ილაშქრებდა სამღვდელოება ზაქარია გაბაშვილის მეთაურობით. ეს უკანასკნელი რუსეთიდან კათალიკოსის დაბრუნების შემდეგაც განაგრძობდა ინტრიგას და ბრძოლას დიდი მოღვაწის წინააღმდეგ. მაგრამ ახლა ამ ომში ისევე დარ იმარჯვებდა როგორც წინათ. 1767 წელს გაბაშვილი თბილისიდან განდევნეს, იგი იმერეთში მეფე სოლომონის—ერეკლე მეორის მტრის ფრთას შეეფარა. ეპოქის დამახასიათებელია ეს შემთხვევა: გაბაშვილმა, რომლის ოჯახობაც მეფის სახლობასთან იყო დაახლოებული და თვითონ პირადად ერეკლე მეფისაგან მეგობრობისა და ნდობის მრავალი საბუთი მიიღო, ყველაფერი დაივიწყა და იმერეთში გადავიდა, რათა თავისი უწინდელი მფარველის, ერეკლეს წინააღმდეგ ემოქმედა მტრის ბანაკში.

მეფის ამ მოძღვარს ჰყავდა შვილი ბესარიონი. რომელმაც ერთგვარი გავლენა იქონია XVIII საუკუნის უკანასკნელი მეოთხედის სულიერ ცხოვრებაზე. ბესარიონ გაბაშვილი თავისი ნიჭით მამაზე გაჯილდებით უფრო მაღლა იდგა. ეს სიყვარულის, სევდისა და ვარაზის, მსოფლიო კაეშნის, გმირი ერეკლესი და საბედისწერო მარცხთა ნიჭიერი მომღერალი ბესიკის ფსევდონიმით შიქნა ცნობილი. კათალიკოს ანტონ I-ის შემდგომ ის უნდა ჩაითვალოს თავის თანამედროვეთა ყველაზე უფრო ტიპიურ გამომხატველად...

ბესიკი ცხოვრების ასპარეზზე მაშინ გამოვიდა, როდესაც საქართველოს მდგომარეობა მერყევი იყო მტერთა შემოსევის გამო.

ამ უკუნ დროში, როცა ხსნის იმედი თანდათან ქრებოდა

კეთილშობილ ადამიანებს ერთი მხრივ, სევდა და სასოწარ-კვეთილება უცხოველდებოდათ, ამავე დროს მათ გულში დვიოდა სახელმწიფოს ხსენისა და მისი გაჯანსაღების დაუცხრომელი სურვილი. ეს იყო ხალხის მცირე ჯგუფი, მაშინ როცა დიდი უმრავლესობა გულგრილ, პატივმოყვარე და სიამოვნების მაძიებელთაგან შედგებოდა.

იმ ფლორენციელთა მსგავსად, რომელთა გუნებას შავი ჭირის დროს ბოკაჩიო აგვიწერს, საქართველო ახლა უფრო შეტად, ვიდრე ოდესმე ეძლეოდა გრძნობათა სიამეს. ასეთი დაქვეითებული ცხოვრების ცენტრი თბილისია, სადაც აზნაურობა არა მარტო ზამთრობით, ზაფხულობითაც დროს ატარებს. მთელი ქალაქი ბაღებითაა გარშემორტყმული, ამ ბაღებში დაუბოლოებელი ქეიფები ერთიმეორეს მისდევს. ამ ქეიფების ხშირი სტუმარია ბესიკი. როგორც ამბობენ, შას კარგი ხმა ჰქონდა და თარზეც ლამაზად დამღეროდა. ბესიკი მგოსანი, მომღერალი და მუსიკოსია ერთსა და იმავე დროს; მისი ლექსები ყველაზე უსახიერეს, გრძნობებით გაუღენტოილ, მდიდრულსა და გულს ამბოკებელ ლირიკას წარმოადგენს. მისი ნიჭით მომადლებული პოეტი და სახალხო მგოსანი არა მარტო ქართველებს, ამ საუკუნის არც სომხებს, არც თურქებს და თვით სპარსელებსაც არ ჰყოლიოთ. სიტყვა „სახალხო“ აქ ზერელე მნიშვნელობით არ არის ნათქვამი, ბესიკი ხალხის სიყვარულისა და ჭმუნვის, მისი ფილოსოფიის ქეშმარიტი გამომხატველი იყო.

ამბობენ, ბესიკის ლექსი-სიმღერები მთელი თბილისის ქუჩებსა და ბაღებში გაისმოდაო. ის თვითონ ყოფილა საუკეთესო შემსრულებელი თავისი სიმღერებისა და საყოველთაო სიყვარული მოუხვეჭია საზოგადოების ყველა წრეებში: ხელოსნებს, ვაჭრებს, თავადაზნაურობასა და თვით მეფის სასახლეშიც. საუბედუროდ, ამ გარემოებამ ცუდად იმოქმედა ახალგაზრდა პოეტზე. იგი მიეცა უზომო სიამოვნებასა და ქეიფს. ბესიკს სრულიად დაუქარგავს კეთილგონიერება: მისი ლექსები, ეროტიული სიმღერები ბაღებში ავარა ხალხს წრეებში გაისმოდა. ამ ლექსებში მან თვით ის ბატონიშვილიც კი არ დაინდო, რომელსაც ძლიერ უყვარდა მგოსანი. უპასუხებდა თუ არა პოეტი მეფის

ასულს სათანადო სიყვარულით? შეეძლო კია ამ ვნებიან, დაუდეგარ ყმაწვილს ღრმა, ხანგრძლივი სიყვარული? ბესიკი, მიუხედავად თავისი ძლიერი ლექსებისა, გრძნობებით თამაშობდა მხოლოდ. მისმა ყოფაქცევამ ბოლოს და ბოლოს მოთმინებიდან გამოიყვანა საზოგადოება და თვით დიდსულოვანი მეფეც. ბესიკი იძულებული გახდა იმერეთში გაქცეულიყო.

სოლომონმა სიამოვნებით მიიღო დარდიმანი პოეტი და ალბათ ხელი იმისათვის უფრო შეუწყო, რომ ერეკლე მეორის საწინააღმდეგო იარაღად გაეხადა.

მიუხედავად ზოგიერთი ღირსებისა, როგორც მაგალითად, ჯარის საარდლობა, სოლომონი სხვა დანარჩენ საქმეში ცოტათი განიჩიოდა იმერეთის სხვა მეფეთაგან. ჩვენს თვალში მისი მოპირდაპირე—მეფე ერეკლე მეორე ბევრად შადლა დგას. ერეკლე მეორე არა მარტო დიდებული სარდალია, რომლის სახელი ცნობილი იყო თვით ევროპაში, ის იმავე დროს დაუცხრომელი მზრუნველი იყო თავისი ქვეყნის კეთილდღეობისათვის. გავიხსენოთ პრუსიის მეფის ფრიდრიხ დიდის სიტყვები: „მე ევროპაში და ერეკლე მეორე აზიაშია“... ქართველ მეფეს ძეგლი დაუდგა აგრეთვე გერმანელმა მწერალმა ლესინგმა თავის კომედია „მინაფონ-ბარნჰელმში“.

ექიმი იაკობ რეინეგსი საქართველოში პირველი გერმანელთაგანი იყო. იგი ექიმის მოვალეობას ასრულებდა ერეკლე მეფესთან. რეინეგსი ტექნიკოსიც იყო, ქართველებს შადნის გამოდნობას, თუჯის დამუშავებას, რკინის დასამუშავებელ ქურობის აშენებას, ზარბაზნების კეთებას და ტყვიაწამლის საუკეთესოდ დამზადებას ასწავლიდა. იაკობ რეინეგსი ქებადიდებით იხსენიებს მეფე ერეკლეს, მის მოღვაწეობას, კეთილ გულს, ხალხის კეთილდღეობისათვის ზრუნვასა და კაცთმოყვარეობას. მაგრამ, როგორც ვიცით, ის გარემო, რომელშიაც უხდებოდა მოღვაწეობა მეფე ერეკლეს, მეტად შეუფერებელი იყო მისი ფართო ნიჭისათვის და მის მოქმედებას სრული ნაყოფი ვერ მოჰქონდა. აღმოსავლეთის უწინდელ მმართველთა ჩვეულებსამებრ, ერეკლეს ხელში არა მარტო ძალაუფლება ეჭირა, არამედ

სამეფოს სამნეო ნაწილს და ყველა წვრილმან საქმეებსაც იგი თვითონ განაგებდა.

საქართველოს პოლიტიკური ცხოვრება ფრიად რთული იყო და მეფე ერეკლეს გამუდმებით დაძაბული ურთიერთობა ჰქონდა სპარსეთსა და ოსმალეთთან. იმავე დროს რუსეთის ფარული პოლიტიკისადმი ფრთხილად უნდა ყოფილიყო, რადგან ეს უკანასკნელი ამ დროს უფრო მეტ ანგარიშს სპარსეთსა და ოსმალეთს უწევდა. ასეთი სირთულე ვერაფერ სიმტკიცეს შექმნიდა თვით დიდი სამხედრო გამარჯვების დროსაც.

ერეკლე მეორეს ტახტზე ასვლისას ქართლი და კახეთი ძალიან დანგრეული იყო; 1780 წელს, როცა რეინეგსი საქართველოში მოგზაურობდა, ქართლში და კახეთში ყველგან ცარიელი სოფლები, ციხეები და დაბეები ხვდებოდა. გრემი და მისი მეზობელი სოფლები ნახევრად ნანგრევებში იყო ჩაფლული. ქიზიყში მოსახლეობა მხოლოდ მთებში დარჩენილიყო. ლეკების შიშით, ვაკეში ცხოვრება აღარავის სწადდა. ყვარელში თუმცა ბევრი ქვიტკირის სახლი-ეკლესია იდგა, მაგრამ ისინიც დაცარიელებულიყო. საგურამო ლეკებისა და ყაჩაღების ბუდედ ქცეულიყო, მუხრანში ერთი კაციც აღარ მოიძებნებოდა... ამ კუთხის ასეთი დაცარიელების გამო ერეკლემ განიზრახა მოსახლეობის თვით საქართველოს მცხოვრებლებითვე გაზრდა. თავისი შვილი გიორგი ბორჩალოს მმართველად დანიშნა. რეინეგსი გიორგის კარგ აღმინისტრატორსა და ერის კეთილმზრუნველს უწოდებს.

ერეკლეს დროს მადნების დამუშავებაც სწარმოებდა. მან ერთ სომეხს, მიკირტუმა თაქუშვილს, სპილენძის მადნის დამუშავების საქმე ჩააბარა. მეორე სომეხი არუთინა ევროპაში წავიდა და ექიმობა შეისწავლა. საქართველოში დაბრუნებისას მან დიდძალი პაციენტები შეიძინა. არუთინა შემდეგ ერეკლე მეორისა და სოლომონ პირველის კარის ექიმად იყო. იტალიელი ბერების შემდეგ, რომლებიც ექიმობასაც მისდევდნენ, არუთინა, მგონი, პირველი ექიმი იყო. განათლება ევროპაში რომ მიიღო. ერეკლე მას დიდად აფასებდა და მადლობის ნიშნად თბილისში რამდენიმე დუქანიც



აჩუქა. მეფე ძალიან უხვად, მგონი, გადამეტებული ხელგაშლილობითაც კი აჯილღოებდა ყოველგვარ სამსახურს, რასაც ადასტურებს რამდენიმე გუჯარი. ასეთი ხელგაშლილობა ცუდად მოქმედებდა სახელმწიფო ხაზინაზე, რომელიც ხშირად უიმისოდაც განიცდიდა უფულობას. სხვათა შორის, მოხელე, რომელიც განაგებდა მეფისათვის მოტანილ „ფეშქაშებს“, იქიდან მეთედ ნაწილს იღებდა. მოხელეები, საზოგადოდ, სხვადასხვა სახელმწიფო შემოსავლის მეთედს იღებდნენ. ამასთან მრავალი ბოროტმოქმედება იყო დაკავშირებული. მექრთამეობა „ფეშქაშების“ სახით იმ დროს ძალიანაა გავრცელებული აღმოსავლეთში, ეს არაპირდაპირი გადასახადები სახელმწიფოს მმართველებთანაც მიდიოდა და ისინი ამას როდი იწუნებდნენ. ეს დღესაც მიღებულია სპარსეთში...

მაშინდელი ქართველი მოხელეების მოქალაქეობრივი კეთილსინდისიერების შესახებ ძნელია ახლა ვიმსჯელოთ საბუთების უქონლობის გამო. ოსეშვილი, რომელიც შეიძლება ჩაითვალოს საშუალო ქართველად, ე. ი. არც საუკეთესოდ და არც უკანასკნელად, არამცთუ ხარბობდა და ატყვევებდა გლეხაკებს, არამედ სრული სიმშვიდით ბოროტმოქმედებდა თავისი მოსამართლეობის დროს...

ოსეშვილი სიონის ტაძრის დეკანოზის შვილი იყო; შვილი წლიდან წერა-კითხვა და გალობა უსწავლია. იგივე პირველდაწყებითი განათლება მისმა შვილებმაც მიიღეს, რომლებიც მოქეიფე ახალგაზრდები დადგნენ და მთელ ღამეებს თბილისის ბალებში ატარებდნენ. მაგრამ მათ დასახასიათებლად უფრო ნიშანდობლივი ამბავი მოვიტანოთ: ერთი მისი შვილი დაქორწინდა; მამამ დიდი ქორწილი გამართა და თვით ბატონიშვილებიც კი მოიწვია. ქორწილის მეორე დღეს სიძემ ერთი ვაჭარი გაქურდა.. ასეთი მოვლენები გულს უკლავდა წესიერ ადამიანებს, ოსეშვილები ეკუთვნოდნენ გავლენიან საზოგადოების ნაწილს და თვით აწარმოებდნენ საზოგადო საქმეებს.

მეფე ერეკლეს დიდი ბრძოლა დასჭირდა აზნაურიშვილთა ასეთი სიმახინჯის გამოსასწორებლად. თვითონ მეფე ერეკლე სამაგალითო იყო თავისი მოქმედი, ზნეობრივი და სადა

ცხოვრებით, მაგრამ მას დიდი ხარჯი მოსდიოდა მრავალრიცხოვანი ოჯახის გასაძლვლად. გარდა ამისა, ოსმალეთის და სპარსეთის ფაშებთან და ხანებთან აუცილებელი ურთიერთობა მისგან ბევრ ზედმეტ ხარჯებსა და სასახლის სათანადოდ მოწყობას მოითხოვდა. საზოგადოდ, იმდროინდელი ცხოვრება ჯერ კიდევ მრავალმხრივ ჩამორჩენილია, მას აქვია ყოველივე ის, რასაც ჩვენ ახლა აუცილებელს ვეძახით. რეინეგისს. გადმოცემით, ერეკლე მეფის დროს თბილისში ოთხი ათასამდე სახლი იდგა, მაგრამ მომეტებული მათგანი ძალიან უღამაზო ყოფილა და შიგნითაც სულ საღამოწყობილობა ჰქონია. საკმარისია ითქვას, რომ საკვამური იშვიათად თუ ჰქონდა სახლს დატანებული. ფანჯრებშიაც იშვიათია შინები, მათ მაგივრად ერბოთი გაუღენთილი ქალაქი იყო გაკრული ფანჯრის ჩარჩოებში. ასეთი მოწყობილობა ბევრ ალბანს დარჩა XIX საუკუნის პირველ ათეულ წლებამდეც.

მეორე მხრივ, ნივთიერი ცხოვრების ასეთი ჩამორჩენილობის მიუხედავად, საგრძნობლად იზრდებოდა გონებრივი ცხოვრება, რასაც მოწმობს მაშინდელი მწერლების მოღვაწეობა, სასკოლო საქმის გაფართოება და საზოგადოებრივი ცხოვრების სხვა მოვლენები. ბატონიშვილი იოანეს „კალმასობა“ ბევრ ისეთ პიროვნებას გვაცნობს, რომელთა გონებრივი დონე მათ მომდევნო თაობაზე დაბლა არ იდგა. განა თელავის სემინარიის რექტორები — გაიოზი და დავით ალექსი-მესხიშვილები და მათი თანამედროვე მწერლების მთელი რიგი არ გამოდგებოდნენ XIX საუკუნის საქართველოს მშვენიერად? დიახაც რომ გამოდგებოდნენ...

XVIII საუკუნის მოწინავე ქართველების ჩვეულებათა სისადავე, ხასიათის ეს მშვენიერი თვისება მათ შვილებსა და შვილიშვილებს დიდი ხნის მანძილზე შერჩათ.

ამავე დროს თავადაზნაურობა და დიდი ფეოდალები სრულიად სხვა თვისებებს ამჟღავნებენ: თავხედობას, თვინებობას, უკიდურეს თავის დამცირებასა და ფულის სიყვარულს. რეინეგისი, რომელსაც ოსეშილი „დონტურ იაკობს“ უწოდებდა, ქართველი აზნაურიშვილობის შემდეგ დახასიათებას იძლევა: „აზნაურიშვილები ერთმანეთში ვერ რიგდენ-

ბიან, ძინი ძალიან მრავალრიცხოვანნი არიან და ამის გამო ღარიბნი. ისინი საკუთარი ხელით მუშაობას თავიდან იცი-  
ლებენ და მეზობლის საკუთრებას ხარბი თვალით უყურე-  
ბენ. რამდენიმე აზნაურიშვილი ხშირად შეერთებული ძა-  
ლით გამოდის სხვების წინააღმდეგ, ერთმანეთთან საბრძოლ-  
ველად ლეკებსაც ქირაობდნენ. ამის გამო ეს უკანასკნელნი  
ისე კარგად ეცნობიან საქართველოს, მის გზებსა და ბილი-  
კებს, რომ შემდეგში ადვილად შემოდიან და თვითონ აწიო-  
კებენ ქართულ სოფლებსა და ქალაქებს“.

XVIII საუკუნის უკანასკნელ მეოთხედში ეს შინაური  
ბრძოლა ძლიერდება და ვრცელდება თვით მეფის სახლობის  
წევრთა შორისაც. მრავალრიცხოვანი ბატონიშვილები უწინ-  
დელზე მეტად ეცილებიან ერთმანეთს ტახტის მემკვიდრეო-  
ბაში. მოხუცებული მეფე ერეკლე ვეღარ უძღვებოდა ამ  
დავიდარაბას. ეს დაუღალავი, გულადი და მზრუნველი მე-  
ფე, რომელიც განაგებდა კახეთს ნახევარ საუკუნეზე მეტი  
ხანი და ქართლში—ოცდახუთმეტი წელიწადი, გასაკვირვე-  
ლი ძლიერებით იბრძოდა სამშობლოს დაცვისა და აღორძი-  
ნებისათვის. მაგრამ სათანადო ნაყოფი ვერ გამოიღო ვერც  
ასპინძის გამარჯვებამ ოსმალეთზე და ვერც მეფის კეთილ-  
შობილურმა და გულახდილმა დიპლომატიამ. გარეშე ძალა,  
რომელიც დაუცხრომლად უთხრიდა ძირს საქართველოს,  
სტიქიური სიძლიერით ამსხვრევდა მეფე ერეკლეს აღმშე-  
ნებლობით მუშაობას.

როგორც „კალმასობიდან“ ჩანს, ხალხის ერთი ნაწილი  
გულგრილად უყურებდა ყველა ამ მოვლენას, დაღონების  
მაგიერად აქა-იქ სრული დაუდევრობა, მცონარე, წუთიერ  
კმაყოფილებას მიცემული ყოფა სუფევდა: სიმაჰამასა, ხუმ-  
რობასა და უთავბოლო მასლაათში ატარებდნენ წუთისო-  
ფელს.

ოქმორი, მგონი, მაშინაც არ აკლდათ ქართველებს  
და ზოგიერთი გულდამშვიდებითა და უზრუნველობით  
უყურებდა მომავალს. თვითონ მეფე ერეკლე, თუმცა გულ-  
დათუთქული იყო, მაინც ცდილობდა არ დაეკარგა მხნეობა,  
ხშირად ხუმრობდა, მოსწრებული სიტყვა, ბესიკისა და საი-  
ათნოვას სიმღერები უყვარდა. საიათნოვას არ ჰქონდა ბესი-

კის დარი პოეტური აღმაფრენა და სულიერი სიძლიერე, მაგრამ აღმოსავლელი მომღერალი, სიყვარულის მოტრფილე და ხალხური ყაიღის ბრძენი, თანამედროვეთა ესთეტიკურ გრძნობას აკმაყოფილებდა. „კალმასობა“ იხსენიებს აგრეთვე ქოროდლის სიმღერას, რომელიც მაშინ ძალიან უნდა ყოფილიყო გავრცელებული, მაგრამ ლიტერატურაში არ დასტოვა შესამჩნევი კვალი.

მაგრამ თუ მეტად დავუყვირდებით იმ აღამიანებს, გარეგნულად დარეჯანსა და ლუარსაბს რომ ჰგვანან, დავინახავთ, რომ მათ შორის სამშობლოს ბედზე ბევრი ღრმად ჩაფიქრებული მამულიშვილიც იყო. ისინი ჭმუნვით უყურებდნენ მომავალს. მომეტებული მათგანი ერთსკაცი იყო, რამდენიმე სამღვდელოც, როგორც მაგალითად, ამბროსი კახეთში და ანტონ ჭყონდიდელი სამეგრელოში. მათ თავისი გონიერი ქადაგებით გავლენა ჰქონდათ ხალხზე. ამბროსი ცნობილია აგრეთვე თავისი ქველმოქმედებით. როგორც ჩანს, ანტონ ჭყონდიდელი ბევრს ზრუნავდა უბედურ თანამემამულეთა ცხოვრების გაუმჯობესებისათვის. ასეთი ბედი, როგორც ვიცით, მრავალ საუკუნეთა განმავლობაში თითქმის არასოდეს შეცვლილა. ანტონი ხალხის ერთგული იყო და მართო სიტყვით როდი ემსახურებოდა მას, ჭყონდიდელის სადა და გონიერი ცხოვრება სამაგალითო იყო ყველასათვის. მისი ქადაგებები ეხებოდა თანამედროვე ყოფასა და მოვლენებს, ამ ქადაგებებში ბევრი სევდაც ერია, რაც, სხვათა შორის, XVIII საუკუნის პოეზიაში მთავარ პანგად გადაიქცა. ხშირად ეს სევდა სასოწარკვეთილებამდე მიდიოდა, როცა ასახავდა ყველა იმ პირთა სულიერ ტანჯვას, რომელნიც ფხიზლად უყურებდნენ სამშობლოს მდგომარეობას.

ვიდრე ერეკლე მეფე ჯანსაღი იყო და სიბერე ვერას აკლებდა მის ღონეს, ისა და მისი შვილი გიორგი დიდი ენერგიით ცდილობდნენ აღედგინათ სპარსეთის, ოსმალეთისა და ლეკების მიერ დარბეული საქართველო.

XVIII საუკუნის განმავლობაში ბევრი შავი დღე გამოიარა საქართველომ, მაგრამ ყველაზე მძიმე განსაცდელი დაატყდა მას თავს 1795 წელს აღა-მაჰმად-ხანის შემოსევის დროს. ეს სასტიკი და უღმობელი დამპყრობელი რამდენი-

მე წლის განმავლობაში ცდილობდა, მაგრამ ვერ ბედავდა საქართველოში შემოსვლას. ამიერკავკასიელ თათართა ხანები (გარდა განჯელი ხანებისა) ფრიად მტრულად უყურებდნენ ალა-მაჰმად-ხანს და ამიტომაც მას არა ჰქონდა მტკიცე დასაყრდენი აზერბაიჯანში. ალა-მაჰმად-ხანი 1795 წელს თავისი მცირერიცხოვანი გუნდით ამიერკავკასიაში შემოიჭრა, განჯაში დაბანაკდა და აქედან ემზადებოდა საქართველოზე გამოლაშქრებისათვის.

სპარსელ ჯარებს აქ თათრების რაზმები და დაქირავებული ლეკები შეუერთდნენ. ეს ჯარები თავისი სამხედრო მომზადებითა და გულადობით ისე არ იყო საშიში, როგორც თავისი ველურობითა და სიხარბით. ალა-მაჰმად-ხანი აწამებდა და სიცოცხლეს უსპობდა თავის მოწინააღმდეგეს არა მარტო პირდაპირ, ხშირად ვერაგობის მოშველიებითაც; გატაცება და დარბევა მისი საქმე იყო, მას, რა თქმა უნდა, მხედრებიც არ ჩამორჩებოდნენ. ეს არ იყო რეგულარული ჯარი, არამედ მძარცველთა ბრბო, ცუდად ჩაცმული და შეიარაღებული, რომელიც ხშირად თავისი ნებით მოქმედებდა. როცა ეს სპარსული კალია სომხეთსა და თათრების ხანებს მიესია, მოსახლეობა შიშის ზარმა მოიცვა. ყველა, ვინც კი ქონების პატრონი იყო, ჰკრებდა, რაც რამ ძვირფასი ჰქონდა და იხიზნებოდა საქართველოში, რომლის ზურგს უკან რუსეთის მფარველობის ლანდი იდგა უკვე.

ალა-მაჰმად-ხანი საქართველოს საზღვართან შეჩერდა. ქალაქის დასაცავად ძალიან მცირე ჯარი შეიკრიბა, რადგან ერეკლემ მხოლოდ თხუთმეტ ათას კაცს თუ მოუყარა თავი. იმერეთის მეფემ სოლომონმა კი ორი ათას კაცამდე მოიყვანა. იმის მაგივრად, რომ მთელი საქართველო ამდგარიყო თავისი დედაქალაქის დასაცავად, თვით ბატონიშვილებმა და ნათესაებებმა მიანებეს თავი ერეკლე მეფეს ასეთი გაჭირვების დროს. მისი უფროსი შვილი გიორგი არც კი დაემორჩილა მას და ოთხი ათასი კაცით სიღნაღში დარჩა.

თავად-აზნაურებისა და დიდ ფეოდალთა უმეტესობა, რომელთაც უწინ თავისი პირადი პოლიტიკისთვის შეეძლოთ შეეკრიბათ და შეეიარაღებინათ დიდი რაზმები, ახლა სამ-

შობლოს ამისთანა განსაცდელის დროს დუმდა და ადგილიდან არ იძროდა.

10 ენკენისთვეს ალა-მაჰმად-ხანის ცხენოსანი რაზმი თბილისს მიუახლოვდა. ქალაქში შეკრებილი ხალხი შიშისაგან აირია — აქ მყოფი ქართველთა ჯარი ძალიან პატარა იყო ქალაქის დაცვისათვის. ვერც მაგარი კედლები, ვერც ციხეები და მრავალი ზარბაზანი დაიფარავდნენ მცხოვრებლებს, მაშინ, როცა კრწანისის ველზე გმირულად მებრძოლი ჯარი შეირყა სახელოვანი ბრძოლის შემდეგ.

აქაც იჩინა თავი შეუთანხმებლობამ და შეუშალა ხელი გამარჯვებას, ქართველებმა უკან დაიხიეს. დედოფალი დარეჯანი შვილებითურთ ყაზბეგისაკენ მთებში წავიდა ახლანდელი საქართველოს სამხედრო გზით. თბილისიდან დაიძრა უთვალავი ურემი ბავშვებით, ქალებით, მოხუცებულებით და ბარგიბარხანით დატვირთული; გზაზე უბედური ლტოლვილების წივილ-კივილი, ტირილი და გლოვა ისმოდა. ურემები ნელ-ნელა მიიზღაზნებოდნენ მთებისაკენ, სპარსელები კი უახლოვდებოდნენ და იზრდებოდა ხალხში შიში და არეგ-დარევა. დაღლილ-დაქანცული საქონელი გზაზე ეცემოდა. მომეტებული ნაწილი ცის ქვეშ ატარებდა ღამეს, ბევრი ცივდებოდა და ავად ხდებოდა. მაგრამ უფრო მეტი გაჭირვება მოელოდა მათ მთებში ასვლისას — აქ უკვე ციოდა და ამ აუარება ხალხისათვის თავშესაფარი არ იყო. პატარა მთიულურ სოფლებში, სადაც აქამდე მხოლოდ ათეული კომლი თუ ცხოვრობდა, ახლა ასეულობით კომლი მიაწყდა. უძლური ქალები და ბავშვები სიცივით იყინებოდნენ, ავადმყოფებს ხომ შველა არსაიდან ჰქონდათ; სანოვაგეც გათავდა, შიმშილი მოედო თითქმის მთელ ბანაკს იმ შეძლებული ხალხის მცირე ჯგუფის გარდა, რომელიც, რასაკვირველია, უკეთესად მოეწყო. ამ უთანასწორობამ გამოიწვია მშვიერთა უკმაყოფილება და გაისმა საყვედური ამ უბედურების დამნაშავეთა წინააღმდეგ. თუმცა ლტოლვილების მდგომარეობა მძიმე იყო, მაგრამ ასეთი ბუდი გაცილებით სჯობდა თბილისში და ახლომახლო სოფლებში დარჩენილ ხალხის ყოფას.

მეომარმა რაზმმა დაქარგა გამარჯვების იმედი... როცა

მეფე ერეკლე იქ ერთგულ ქართლ-კახელთა მცირე რაზმით-  
ლა დარჩა. ამას იყო ყოველივე ცდა ქალაქის დაცვისათვის.  
სამოცდათხუთმეტი წლის მოხუცი გმირი, მრავალგან დაჭრი-  
ლი, მრავალჯერ გამარჯვებული სახელოვან ბრძოლებში უძ-  
ლური შეიქნა დედაქალაქის დაცვისას.

რა მწარე დაცინვაა ბედისა!

თორმეტი ბატონიშვილიდან არც ერთი, დავითის გარდა,  
არც ერთი თავკაცი ფეოდალთაგან არ მიეკარენ სამშობლოს  
კერის დაცვის საქმეს, მხნე მეფეს მარტოკა უხდებოდა ჯა-  
რის შეკრება. მოხუცმა ლომმა ერთხელ კიდევ უჩვენა სპარ-  
სელებს თავისი სიძლიერე კრწანისის ველზე, სადაც თავის  
შვილთან, დავითთან ერთად ქალაქში შესვლის წინ დიდებუ-  
ლად მოიგერია მტრის პირველი იერიშები. ამის შემდეგ  
თბილისს მოაწვა მტრის მთავარი ძალა და ქართველთა მცი-  
რე რაზმი გაიფანტა ქალაქისაკენ. თვითონ მეფე ერეკლე  
თავისი სპარსული შავი რაზმით ყაზბეგის მხარეს, უბრალო  
ლტოლვილივით ტყავის ქურქში გახვეული გაემართა. თბი-  
ლისში მშვენიერ სასახლეში მიატოვა მთელი თავისი ქონე-  
ბა, რაც კი რამ ძვირფასი ჰქონდა.

საზოგადოდ, საქართველოში ამ დროს ბევრი ძვირფასი  
ქონება დარჩა. ძველისძველ სკივრებში საუკუნეობით დაგ-  
როვილი. დედათა და დიდებულთაგან გადმოცემული სკივრე-  
ბი თვალ-მარგალიტით, ძვირფასი სამკაულებით და ოქრო-  
მკედლით მოქარგული სარტყელ-გულისპირით, ფარჩითა და  
დიბა-სტავრით იყო სავსე... ბევრ სახლში ინახებოდა ძველი  
ხელნაწერები, „ვეფხისტყაოსანი“ და სხვა ძნელად საშოვნის  
და ძვირფასი წიგნები.

ვინ იცის, რამდენი ძვირფასი ხელნაწერი დაიღუპა ძვე-  
ლი საქართველოს საუნჯიდან ალა-მაჰმად-ხანის ჯარისკაცე-  
ბის ვერაგული ხელით... კაცობრიობის ისტორიისათვის ასე-  
თი დანაკარგი ყველაზე უფრო საგრძნობი და დაუფიქსარი-  
აა. ვის ძალუძს მათი აღდგენა ან განახლება. ალა-მაჰმად-ხანმა  
დიდი ზიანი მიაყენა ძველი საქართველოს ლიტერატურულ  
ძეგლებს. ჩვენ ვიცით, რომ XVIII საუკუნეში ქართულ  
მწერლობაში გამოცოცხლებული იყო არა მარტო პოეტური  
და სამეცნიერო თხზულებების, არამედ კერძო, მიწერ-მო-

წერის უანრიც. ეს კერძო წერილები დიდ ნათელს შეიტანდნენ მაშინდელი ცხოვრების გამოკვლევაში...

სპარსეთის ჯარისკაცებმა ნადავლი მოკრიბეს არა მარტო სასახლეებში და კერძო სახლებში, არამედ ბაზრებშიც, რომელიც მაშინ სავსე იყო ყოველნაირი საქონლით, რასაც, სხვათა შორის, „კალმასობაც“ მოწმობს. მრავალმხრივ დასტურდება, რომ მაშინ ევროპიდან ბევრი საქონელი შემოდის, რაც ხელმეორედ ამტკიცებს მცხოვრებთა მოთხოვნილებების გაზრდას. ღუქნებში ჩვეულებრივი საქონლის გარდა იყიდებოდა: ჯამ-ჭურჭელი, დანა-ჩანგალი, კოვზები, ლიტრები, ქილები, თუჯის ქვაბები, ნემსები, ძაფი, ჩითი, აბრეშუმი, შალი, ქსოვილები, ფეხსაცმელი, კლიტე-გასაღები, ლურსმნები და სხვა რკინეული, მუსიკალური საკრავები, სარკეები, ტიქები და სხვა; გარდა ამისა აქ ფუფუნების საგნებიც იყიდებოდა: ოქრო-ვერცხლის სამკაული, ძვირფასი თვლები, სურნელოვანი წყლები, ხავერდი და ძვირფასი ქსოვილები ქალის კაბებისთვის, მშვენიერი უნაგირები და ცხენის საკაზმი, ბეწვის ქათიბები, ძვირფასი იარაღი და სხვა.

ბევრი არ გავიდა თბილისიდან მხოლოდ იმისთვის, რომ არ უნდოდათ დაეტოვებინათ თავისი ქონება, შეწყყნარების იმედი ჰქონდათ. მაგრამ ასეთები მწარედ მოტყუვდნენ. სპარსეთის ცხენოსანი ჯარი არ შემოსულა თბილისში როგორც რეგულარული ჯარი: ისინი ნამდვილი ბარბაროსებით შემოცვივდნენ, ცეცხლითა და მახვილით დაერივნენ მშვიდობიან მოსახლეობას და სიცოცხლეს გამოასალმეს რამდენიმე ათასი ქალი და ბავშვი, დაანგრიეს და დაარბიეს სასახლეები, შენობები და ღუქნები, დასწვეს, რაც კი დაიწოდა, და წაიყვანეს ტყვედ ათი ათასი კაცი. სამი დღის განმავლობაში ქალაქი გადაიქცა ერთ მთლიან ნანგრევად და შავმა კვამლმა აცნობა ახლომახლო სოფლებს დედაქალაქის ბედი.

ტყვედ წაყვანილები გაგზავნეს განჯაში, სადაც დარჩნენ მეორე წლამდე, ვიდრე ერეკლე მეფემ არ გამოისყიდა. თბილისს გარდა მეზობელი სოფლებიც დაზარალდა.

ალა-შაჰმად-ხანი ერთი კვირა თარეშობდა თბილისში,



შემდეგ კი სახანოებისკენ გაეშურა. გახიზნულები ნელ-ნელა დაბრუნდნენ დანგრეულ, დამწვარ და გაძარცვულ თბილისში. მათ ახლა უფრო გადაუწყდათ იმედი რაიმე სიკეთისა, რადგან დანგრეული ქალაქის აღდგენას მრავალი წელი სჭირდებოდა.

ყველა დაღონდა და გაბოროტდა მათ წინააღმდეგ, ვინც სულმოკლედ გასცა თბილისი და ჩაუგდო მტერს ხელში. ერეკლე მეფე დაბრუნდა კახეთში, სადაც სპარსეთის ჯარს ფეხი არ შეედგა.

ეუღ გუნებაზე იყო ხალხი აღა-მამაძე-ხანის შემოსევის შემდეგ. თბილისი და სხვა ადგილები მთლად დაცარიელდა. ძველი კულტურა, რომელიც მომავლს საფუძველი უნდა ყოფილიყო, ჩაქრა. თბილისის სემინარია რამდენიმე წლით სრულებით დაიკეტა. ზოგი მწერალი განაგრძობდა წერას, მაგრამ ასეთი კანტიკუნტად მუშაობა ვერ აღადგენდა უწინდელ სიცოცხლეს.

წყალმანქანაგან დასნეულებულ ერეკლეს ნელ-ნელა უახლოვდებოდა სიკვდილი. მისი ავადმყოფობის ამბავი ლახვარივით ესობოდა ქართველთ გულს, განსაკუთრებით ჭკუნავდნენ კახნი, ვისთანაც ერეკლემ ორმოცდაცამეტი წელი გაატარა. მომეტებული ნაწილი მას როგორც მამასა და მფარველს ისე უყურებდა და თუმცა ზოგჯერ მოხუცმა ვერ ააცდინა ხალხს თავიდან უბედურება, ხალხის გულში მისდამი ნდობა არ შერყეულა და ვბრე ის ცოცხალი იყო, უკეთესი მომავლის იმედი არ დაუქარგავთ.

ასე უახლოვდებოდა თელავის სასახლეს ტრაგედია, რომელიც შავი ღრუბლებივით ეფინებოდა საქართველოს ცას. ქართლში, განსაკუთრებით თბილისში, სადაც ჯერ კიდევ არ აღგვილიყო აღა-მამაძე-ხანის დარბევის კვალი, უწინდელი ცხოვრება ჯერ არ აღმდგარიყო, ამ დროს ოსმალეთიდან შემოტანილმა შავმა ჭირმა მოიცა ძალი. კახელებმა სასტიკ კარანტინს მიმართეს ამ საშინელი სენის თავიდან ასაცდენად. ამისთანა მძიმე დროს ამ შეზღუდვამ, გარდა მიმოსვლის და ურთიერთობის დარღვევისა, საერთო დაღვრემილობა და დაღონება გააძლიერა. ნახევრად სიცოცხლეჩამკვ-

დარ თბილისში, სადაც აქა-იქ მოჩანდა სასახლისა და სხვა შენობების ნანგრევები, მცხოვრებთა რიცხვი განახევრებულიყო და ბევრი ოჯახი მხოლოდ ობლებსა და ქვრივებისაგან შედგებოდა; შავი ჭირი მუსრს ავლებდა მოსახლეობას. ჭირით ავადმყოფი განმარტოებით და უპატრონოდ რჩებოდა, ყველა გაუბოდა, ექიმობა არ არსებობდა, წამალი და მოვლა აკლდა; თავის ანაბარა დარჩენილი ავადმყოფი ან კვდებოდა, ან, იშვიათ შემთხვევაში, მოიკეთებდა ხოლმე განსაკუთრებული ჯანის წყალობით.

საზარელი სიჩუმე გამეფებულიყო ქუჩებში, სახლებსა და ბაღებში, სადაც უწინ ბესიკისა და საიათნოვას სიმღერა ისმოდა. პირველმა თავისი ხანმოკლე წუთისოფელი შორეულ, უცხო ბესარაბიაში დაასრულა, მეორე კი ოთხმოცი წლისა მოკლეს 1795 წელს სპარსელმა ჯარისკაცებმა.

ბესიკი სანთელივით სწრაფად ჩაქრა.

საიათნოვა იყო სომეხი ფეიქარი; თავისი ხელობითა და სოციალური წარმოშობით უფრო მაგარსა და ფხიზელ ფენას ეკუთვნოდა, ისიც სვამდა ღვინოს და მისდევდა გრძნობებს, მხოლოდ ზომიერად და ამგვარად შეინარჩუნა ჯანი და სიცოცხლე ღრმა სიბერემდე.

დიახ, თბილისში სევდიანი სიჩუმე მეფობდა და სოფელში გლეხკაცობა მემამულეების სამსახურის მძიმე უღელქვეშ იტანჯებოდა. იაკობ რეინგესის მოთხრობით, ერეკლე მეფე ყოველთვის ცდილობდა შეემსუბუქებინა გლეხკაცის ჯათა, მათი ნამდვილი მამა იყო. ფეოდალები და თავადაზნაურობაკი უწყალოდ ამუშავებდნენ მათ.

მეფის ავადმყოფობა დიდად აღონებდა ხალხს. თავადაზნაურობაც შედრკა, არ იცოდა, რა მოელოდა მათ ბატონიშვილების ურთიერთ ბრძოლისა და დედოფალი დარეჯანის მმართველობისაგან. მან ჩაიგდო ხელში ძალაუფლება და საშეფო ტახტი საყვარელი შვილის იულონისათვის უნდოდა გადაეცა. იმ დროს როცა ერეკლე მეფე, ლოგინში ჩავარდნილი ავადმყოფი, დღითიდღე სუსტდებოდა, მთელი საშეფოს მმართველობა დარეჯანის ხელში იყო და ამით უფრო ძლიერდებოდა ურთიერთბრძოლა და არევ-დარევა. დარეჯანი ჭკვიანი, მაგრამ უსაზღვროდ უფლებამოყვარული

იყო. და თავისი ეგოისტური მისწრაფებით ხალხის სიძულე-  
ლი გამოიწვია.

1798 წელს 11 იანვარს ერეკლე მეფე გარდაიცვალა, მისი  
ანდერძის თანახმად უფროსი შვილი გიორგი ავიდა ტახტზე.  
მიუხედავად მოწინააღმდეგე პარტიის ბრძოლისა. მეფის  
სიკვდილი ხალხს შეატყობინეს განცხადებით, რომელიც  
დაატარა შიკრიკმა ყველა კუთხეში და ისედაც დაღონებუ-  
ლი ერი უზომო გლოვამ მოიცვა.

დაკრძალვა და ტირილი მოწყობილი იყო ძველებური  
წესით. თელავში დიდებული ცერემონიისათვის შეიკრიბა  
მთელი საქართველო: კახეთი, ქართლი, ფშავ-ხევსურეთი,  
თუშები და იმერლებიც კი. ამ უკანასკნელთა თავმოყრა აშ-  
ტკიცებდა, რომ აღმოსავლეთ და დასავლეთ საქართველოს  
უთანხმოების მიუხედავად იმერლობის შეგნებულ ნაწილს  
მანც დარჩენოდა ერთიანი სამშობლოსადმი სიყვარული.

თელავს თავის დღეში არ ენახა ამოდენა ხალხი. ოთხი-  
ხუთი კვირა გატანა მოსამძიმრეთა მისვლა-მოსვლამ და  
დამარხვის ცერემონიამ. ეს იყო უკანასკნელი ძველ ქართუ-  
ლი სამგლოვიარო ცერემონიალი, ფრიად თავისებური და  
საინტერესო საქართველოს კულტურის ისტორიისათვის.

წარმოიდგინეთ თელავში მიმავალი გზები ურმების გა-  
ნუწყვეტელი რიგით, ცხენოსანი და ქვეითი ხალხით სავსე.  
ყველა კუთხის მცხოვრებს ეცვა თავისებური ტანსაცმელი,  
განსაკუთრებით მთიელებს. დასაფლავებას დაესწრენ თბი-  
ლისელი სომეხ-ვაჭრები და ბორჩალოს თათრები, რომლე-  
ბიც მეფე ერეკლეს ომებში მონაწილეობას იღებდნენ და  
კარგი შეომრებიც იყვნენ. მთელი ეს აჭრელებული ხალხი  
თელავში წარსდგა და მათ სამგლოვიარო შავი ტანსაცმელი  
დაურიგეს. დარბაზში, სადაც ეს აშბავი ხდებოდა, შავი ქსო-  
ვილი ისე იყო მთლიანად გაკრული, რომ ეს შავით მოცული  
ხალხი და საგნები განსაკუთრებულ უცხო სურათს წარმო-  
ადგენდა.

ახლად მოსულნი პატარა ჯგუფებად მიდიოდნენ კუბოს-  
თან და ტიროდნენ; ტირილი და გოდება არ წყდებოდა დი-  
ლიდან საღამომდე.

ლაიტირეს არა მარტო მხედარი, მისი იარაღიც, ტანსაცმელი და მისი საყვარელი ცხენი. სასახლის წინ ამალღებულ ადგილზე ხალხებით დაფენილ ტახტზე ელაგა ყველა ეს საგანი და უნაგირი, რომელზედაც მეფე ერეკლე იჯდა ინდოეთში ნადირ-შაჰთან ლაშქრობის დროს. ეს იყო ზამთარში, ყველასათვის არ იყო თავშესაფარი და ბევრი დამეს ცის ქვეშ ატარებდა. ბუტკოვის გადმოცემით, აქ შეიკრიბა აგრეთვე ოცი ათასამდე ჯარი და ხალხის ამისთანა მოგროვებამ თელავში და ახლომახლო სოფლებში დიდი სიძვირე გამოიწვია. სამძიმრისთვის მოსული ბატონიშვილები და ფეოდალები შავად მოსილ დარბაზში მიიღეს, სადაც დედოფალი დარეჯანი იჯდა ხალხზე მოკეცილი თავისი ამალით, ქალითა და კაცით გარშემორტყმული. ყველაზე მძიმე შეხვედრა მოხდა ბატონიშვილ მირიანთან, რომელიც დაბრუნდა თოთხმეტი წლის შემდეგ: ის წასული იყო სარდალ ციციშვილთან ერთად. ეს ციციშვილი თან ახლდა მეფე ერეკლეს ინდოეთში ლაშქრობისას. იგი თელავის ქვევით დახვდა მირიანს ტირილით და მოაცილა სასახლემდე, სადაც მას მოუთმენლად ელოდნენ დედა, ძმები და დები.

ექვსი კვირა გასტანა ამ ცერემონიამ.

ექვსი კვირის შემდეგ ჩამოვიდა კათალიკოსი ანტონი სამღვდლოებით ანდერძის ასაგებად. თოფ-ზარბაზნის გრი-ალით გამოასვენეს კუბო თელავის სასახლიდან. მიუხედავად იმისა, რომ ქართლში ჭირი მძვინვარებდა, სამგლოვიარო პროცესია მცხეთისაკენ დაიძრა. სამი დღის განმავლობაში მიაღწიეს მცხეთას. აქ მცხეთის ტაძარში დაკრძალეს ერეკლე. საფლავზე დადებულმა ქვამ დახურა ძველი საქართველოს ისტორია, გიორგი XIII ხანმოკლე მეფობა უკანასკნელი დღეები იყო საქართველოს სამეფოსი.

ამაო იყო ყოველი შემდეგი ცდა საქართველოს ხსნისა, მას უთვალავი გარეშე მტერი ესია. ქვეყანა დიდი ხნის მანძილზე გარეშე მტრის შემოსევისა და შინაგანი ურთიერთ ბრძოლებისაგან დაღლილ-დაქანცული და მოძაბუნებული იყო.

ბევრ რამეს გაუძლო ქართველმა ერმა, მრავალი ხნის

განმავლობაში უცხო მფლობელობაში ყოფნას, მაგრამ ვერც არაბებმა, ვერც სპარსელებმა და ოსმალოებმა ვერ გაანადგურეს მისი ეროვნული თავისებურება, თვისება და ენა. ყველა მათგანი ცდილობდა თავისი კულტურა დაემყნო და ძალით შეეტანა ისლამი, მაგრამ ეს გავლენა არ სწვდებოდა ღრმად ხალხის მასას. ოსმალოებმა მხოლოდ მესხეთში შესძლეს შაჰმადიანობის გავრცელება.

თუმცა XVIII საუკუნის კულტურულმა საქმიანობამ არ გამოიტანა დიდი ნაყოფი, მაგრამ საფუძველი მაინც დაუდო XIX საუკუნის აღორძინებას.

XVIII საუკუნესა და ილია-აკაკის ეპოქას შუა სამოცი წელი დევს, ეს ორი ხანა მკვიდროდ არის დაკავშირებული ერთმანეთთან. XIX საუკუნის მოწინავე მწერლები ყოველთვის სარგებლობდნენ ნაყოფით თავიანთი წინაპრებისა, რომელნიც ცხოვრობდნენ და მოღვაწეობდნენ ერთი საუკუნით ადრე.

## XIX საუკუნის ქართველები

ერის ცხოვრებაში ერთი საუკუნის ზღვარს მნიშვნელობა არა აქვს, ანუ, სხვანაირად რომ ვთქვათ, ერთი საუკუნე არ არის გამმიჯნავი ზღვარი. საქართველოსთვის კი XIX საუკუნის დაჰდეგი აღსანიშნავია, რადგან ის მაშინ რუსეთის მმართველობაში შევიდა.

ძველი საქართველო კიდევ დიდხანს ცოცხლობდა.

დიდგვაროვანნი ამ დროს თითქოს გამოფხიზლდნენ დაუდევრობისა და გულგრილობის ძილისაგან, მაგრამ მალე ისევ ჩათვლიმეს და უქმ ცხოვრებას მისცეს თავი.

ასე მოხდა პოლონეთშიაც, სახელმწიფოს დაყოფისას პოლონელი მეჩამულე თავადაზნაურობაც მიეცა უქმსა და ამათ ცხოვრებას. ასე იქცეოდა ქართველი თავადაზნაურობის უმეტესობაც, ის მხოლოდ ქეიფსა და დროს ტარებაზე თუ ფიქრობდა. ხარჭები კი მალე მათ შესაძლებლობას აღემატა და ვალებში ჩააგდო ისინი. ამ ბრბოში, რომელიც

დღეს უმიზნოდ აღამებდა, ზოგი ისეთიც გამოერეოდა, სერიოზულად რომ ეკიდებოდა ცელილებებს, რაც მათ ქვეყანაში ხდებოდა, და მის მომავალსაც. მაგრამ ასეთ გონიერ აღამიანთა რიცხვი დიდი არ იყო, უმრავლესობა საკუთარ ვიწრო ინტერესებსა და შეხედულებებს გაჰყვა.

შეცდომა იქნებოდა ვინმეს ეფიქრა, თითქოს აღმოსავლეთ საქართველო XIX საუკუნეს საკუთარი კულტურის გარეშე დახვედროდეს. პირიქით, აქაურებს აკლდათ მხოლოდ ისეთი სასკოლო განათლება, რომელიც წარმოიშვა დასავლეთ ევროპაში ახალ ევროპულ მეცნიერებათა განვითარების ნიადაგზე, ქართველები სულიერი განვითარების პატრონები იყვნენ. ასეთი რამ მათ შერჩათ თანდაყოლილი ნიჭისა და ძველი კულტურის წყალობით, რაც აღმოცენებული იყო ძველ ეთიკურ სისტემაზე; უმართებულოა ძველი ბტკიცებანი იმის შესახებ, თითქოს აღმოსავლელი ქართველები რუსული ბატონობის ქვეშ მოექცნენ ვითარცა „ველურნი“. რუსული გავლენა თვით 1840 წლამდე თბილისით განისაზღვრებოდა და სოფელში ოდნავ თუ ატანდა; ცხოვრება იქ ჯერ კიდევ ძველი ქართული ზნე-ჩვეულების კალაპოტში მიმდინარეობდა. თუმცა აქაც იყო იმ ყაიდის ხალხი, რომელიც თბილისში ჩამოსვლის შემდეგ ადვილად ეგუებოდა ახალ ცხოვრებას.

პირველ ხანებში საზოგადოებრივ ცხოვრებაში გამორჩეულ პიროვნებათა რიცხვი, რომლებიც უსაქმურთაგან გამოირჩეოდნენ და ქართველთა საერთო მასის ტიპიურ ნიშნებს ატარებდნენ, არ იყო დიდი. ილია ჭავჭავაძემ თავის მოთხრობებში სინამდვილის სწორი ასახვით დაგვიხატა ამ გარდამავალი ეპოქის აღამიანები. ისინი დარწმუნებულნი იყვნენ, რომ გლეხებზე დაყრდნობილი ცხოვრება მათთვის დაბადებით თანდაყოლილი და უცვლელი იყო...

ამ დროის ტიპიური შვილი იყო ალექსანდრე ჭავჭავაძე, მე-19 საუკუნის პირველი ქართველი მგოსანი. იგი ჯერ კიდევ ბავშვობაში გაამწესეს პეტერბურგს, სადაც სანახევროდ ფრანგულად აღიზარდა. მიუხედავად ამისა, მასში მაინც ცოცხლობდა მე-18 საუკუნისეული ქართველი. თითქ-

მის ყველა მისი ლექსი ძველი ქართული მსოფლმხედველობის გამოხატველია. ის მართლაც ჭეშმარიტი ქართველი იყო...

როცა ალექსანდრე ჭავჭავაძე თავის საზნეო ხასიათის ლექსებსა თხზავდა, ქართველი ქალ-ვაჟნი ჯერ კიდევ ქართულად ჩაცმულნი დადიოდნენ; ზოგიერთი ქალი ჩადრსაც კი ატარებდა. ჩადრი, როგორც ძველი დროის ნიშანი და სამოსის კუთვნილება, თანდათან გადაეარდა. მაგრამ ას წელზე მეტი გავიდა, ვიდრე ქართული სამოსი გაქრებოდა. მას ღღესაც ბევრი ქართველი ქალი ატარებს. ეს კარგი ნიშანია, ქართველი ქალები ცდილობენ შეინარჩუნონ თავიანთი ზნე-ჩვეულება. ეს თვისება უფრო მეტად გლეხობას შერჩა, რომელიც თავის ჩვეულებათა შეცვლაზე კი არ ფიქრობს, არამედ მდგომარეობის გაუმჯობესებაზე.

ყოველი აღამიანისათვის თანამდევარი თვისებაა სიამოვნების ძიება, იგი ძველ ქართულ ცხოვრებაში განსაზღვრული იყო. ახლა კი დატკბობა-გართობის ახალ საშუალებათა წყალობით მეტად გაიზარდა და ახალი მიმართულებაც მიიღო. ამას თან მოჰყვა კარიერისტობა. დასაწყისში ახალი ყაიდის ცხოვრებამ მხოლოდ რამდენიმე ოჯახი მიიზიდა. მაგრამ რაკი ესენი ახალი, უცხო ცხოვრების სიამეთა და პირობების გამო გაბედნიერებულად მოჩანდნენ, მათ მალე სხვებიც მიჰყვნენ.

საერთოდ, თუ რა სწრაფად და ადვილად ვრცელდებოდა ასეთი ცივილიზაცია, საყოველთაოდ არის ცნობილი. კეთილშობილთა ნახევარმა თავადის წოდება მიიღო, ამ გზით კი წარჩინება და ჯილდოები. მალე ყველასთვის გასაგები გახდა, რომ ახალი პირობები თავადაზნაურობას მძიმე მდგომარეობაში აყენებდა. ამ უკანასკნელმა, იმის მაგივრად, რომ თავისი მძიმე მდგომარეობა სოფლის მამულების კარგი დამუშავებით გამოესწორებინა, ქონების გაფლანგვას მიჰყო ხელი.

მე-18 საუკუნის ყოფასა და იმ მდგომარეობას შორის, რომელიც საქართველოში მე-19 საუკუნეში შეიქმნა, ფართო და ღრმა უფსკრული იყო. ცხოვრების ახალ სამეურნეო წესებზე გადასვლა თითო-ოროლამ შესძლო. მაგრამ მე მგონია, ეს მაინც ასე უნდა მომხდარიყო. ქართველ თავადაზნა-

ურობას არ აღმოაჩნდა ახალი ცხოვრებისათვის შესაფერი ბრძოლის უნარი, რამაც მისი სხეული დაარღვია. მეურნეობის საქმეში საკუთარი უძლურების შეგნებისა და დაღუპვის შიშის გამო ბევრმა მათგანმა დროზე მიაშურა ცარიზმის საფარველს, უმეტესობამ ოფიცრობას მიჰყო ხელი, ქართველი თავადაზნაურობისთვის ეს მიმზიდველი საქმეც იყო. მცირეოდენი მათგანი კი მოხელეებად გადაიქცა. მათ შორის კერძო ინიციატივას — კერძო თაოსნობას იშვიათი გამონაკლისი თუ იჩენდა.

მე-19 საუკუნის პირველ ნახევარში ბევრი როდი იყო ისეთი მოღვაწე, რომელიც გამოირჩეოდა თავისი თვალსაჩინო ნიჭით. ნიკოლოზ ბარათაშვილმა ალექსანდრე ჭავჭავაძესთან ერთად მიხედა მშობლიურ ლიტერატურას. ბარათაშვილს, ბედისგან ხელმოცარულს, ლარიბსა და ავადმყოფ კაცს, სამშობლოს მომწყდარ პოეტს განჯაში პატარა მოხელის სახსარით გაჰქონდა თავი. ქართველი მგოსანი სამშობლოს მონატრული, იტანჯებოდა, მაშინ როდესაც ადრე კი ყმაწვილკაცობა თბილისში გაეტარებინა. ბარათაშვილი სულ სხვაგვარი ადამიანი იყო, ვიდრე ალექსანდრე ჭავჭავაძე; ეს უკანასკნელი თავის ცხოვრებითა და გარემოთი სავსებით კმაყოფილი ჩანს. აქ არის მათ შორის განმასხვავებელი ნიშანი. რაც შეეხება ორი მგოსნის პოეზიის არსს, პირველი — ჭავჭავაძე, თავისი დროის ღვიძლი შვილია, მეორემ კი — მე-19 საუკუნის პირველ ნახევარს გაუსწრო.

გიორგი ერისთავის კომედიები ამ დროის მხოლოდ ცალკეული დამახასიათებელი სურათების ამსახველია და არა ცხოვრების ფართო სურათებისა. ამიტომ ისინი იგივე ძალით მე-19 საუკუნის მეორე ნახევრისთვისაც გამოდგებიან მცირეოდენი გარეგნული სახის შეცვლით.

ხედაფენების უფერული ერთგვარობის მიუხედავად, ქართველებს შორის ბევრი იყო ისეთი ახალგაზრდა, რომელიც კვლავ მტკიცედ ატარებდა ქართველთა სულისკვეთების ბეჭედს. ჩვენ არ ვიცნობთ მათ, მაგრამ განა საინტერესო არ არის, რაგვარი იყო მათი სიყვარული ან სიძულვილი, სიხარული და სევდა, რას მღეროდნენ და სხვა? ამის შესახებ ცოტა რამ დარჩა. ილია ჭავჭავაძემ იმ დროის დასახა-



სიათებლად ორი ტიპი შეჰქმნა: ლუარსაბი და დარეჯანი. მაგრამ მათ გარდა ხომ სხვებიც იყვნენ, რომლებიც მათ არა ჰგვანდნენ.

1840 და 1850 წლებს შუა ახალი ადამიანები გამოჩნდნენ, ახალი გარეგნობით, ახალი აზრებითა და ჩვეულებებით. მათი საქმიანობაც ახლებური იყო. როგორც ცნობილია, საქმიანობის ცვლილებასთან ერთად ადამიანის გარეგნული ცხოვრებაც იცვლება, შინაგანი მხარე ამ შემთხვევაში უფრო ჩამორჩება ხოლმე, ამ დროს ქართული საზოგადოებრივი ცხოვრების წარმომადგენლებად პირველად ოფიცრობა, მოხელეები და მასწავლებლები გვევლინებიან. გლეხობა კი ქალაქურ ცხოვრებას ჯერ კიდევ ცერად უყურებდა. მე-19 საუკუნის მეორე ნახევარში ქალაქის ხელოსნების ცხოვრებაში გლეხები გამოჩნდებიან. პირველად ისინი ქალაქის ცხოვრებაში მნიშვნელოვან როლს არ თამაშობდნენ და ჩაიკარგნენ ქალაქის მასაში.

ჯერ კიდევ თვლემდა ქართველობა ახალ დროში. იმ ეპოქაში ორი მგოსანი გამოჩნდა, მათ კვლავ გამოაცოცხლეს ქართული პოეზია და მშობლიური ენისადმი სიყვარული იმდროინდელ ქართველობაში. ესენი იყვნენ გრიგოლ და ვახტანგ ორბელიანები. ამ ორი მგოსნის ნაწარმოებებმა დიდი როლი შეასრულეს, ბარათაშვილთან ერთად მათ ქვეყანას დაუმტკიცეს, რომ ქართველ ერში შემოქმედების უდიდესი ძალაა ჩაპარხული, რომელიც ძლიერებით გადმოსკდა და მშვენიერების ნათელი მოჭვინა მთელ საქართველოს. მე-19 საუკუნის პირველი ნახევრის ეს პოეტური ნაწარმოებები ქართველი ერის სიცოცხლის ერთ-ერთი სხივი იყო. ქართველებისათვის ამ სამ მგოსანს დიდი მნიშვნელობა ჰქონდა. სამწერლო შემოქმედების წყურვილი ძლიერ გამოვლინდა. ბევრი ახალი მოთხრობა გამოჩნდა. მაგრამ მათ როგორც პირველ ცდებს, ნაკლოვანებაც თან სდევდა, რადგანაც მოთხრობა, როგორც შემოქმედების ახალი სახე, საქართველოში ჯერ კიდევ ახალი იყო. კარგი მოთხრობები ცხოვრების ამსახველ სურათებს უნდა შეიცავდნენ. თუ ეს ასეა, მათ ერის ზნეობრივი განვითარებისათვის ჭეშმარიტი მნიშვნელობა ენიჭება, მაგრამ თუ ეს მოთხრობები სინამდვილიდან

არ არიან აღებული და უბრალო ფანტაზიის ნაყოფია, მათ მხოლოდ თავის შექცევის მნიშვნელობა აქვთ. კითხვა ისმის: ქართულ პროზაში რომელი მწერლისადმი უფრო მეტ მიდრეკილებას იჩენენ ქართველები? ამ კითხვას შემდეგ დავუბრუნდები.

ვიდრე ილია ჭავჭავაძე თავის პირველ მოთხრობებს დაწერდა, რომლებმაც ქართველთა ზნეობრივ ცხოვრებაზე დიდი ზემოქმედება იქონიეს, ქართული თეატრი დაარსდა. გიორგი ერისთავმა დადგა თავისი ნამდვილი ქართული ხასიათის პირველი კომედიები. ეს იმ დროს მოხდენილი შერჩევა იყო: გიორგი ერისთავი მასალას თავისი დროის ქართული ცხოვრებიდან იღებდა. ერისთავი დიდხანს ცხოვრობდა პოლონეთში, სადაც ის გაეცნო პოლონურ თეატრსა და ალექსანდრე ფრედროს (Fredro) კომედიებს, რომლებიც მაშინდელი პოლონური ცხოვრების სარკეს წარმოადგენდა. გიორგი ერისთავის დრამატულ თხზულებებს იმ დროს დიდი მნიშვნელობა ჰქონდა. პირველად ეს კომედიები სცენისმოყვარეებმა გაითამაშეს, შემდეგ მათ ნამდვილი მსახიობები მოჰყვნენ. ეს კარგი ნიშანი იყო ქართული თეატრის მომავლისათვის, რომელიც ის-ის იყო ფეხს იდგამდა. ეს დაწესებულება დამოკიდებული იყო ქართველი ერის ახალი დროისათვის შესაფერის განვითარებაზე. 80-იან წლებში (დაარსებიდან 30 წლის შემდეგ) ქართული თეატრი თბილისში ჯერ კიდევ ღარიბი იყო რეპერტუარით, მაყურებლებითა და ქართველი ხალხის ნივთიერი დახმარებით. საუკეთესო, რაც კი მაშინ თეატრს გააჩნდა — მსახიობები იყვნენ. ვინც მათ თამაშს უყურებდა და მხედველობაში მიიღებდა, რომ ისინი პირველი მსახიობები იყვნენ, მალე რწმუნდებოდა, რომ ეს აღამიანები უჩვეულო, თანდაყოლილი ნიჭის პატრონები იყვნენ.

ამ საქმისათვის საუკეთესო დრო დადგა, როცა ქართული თეატრი ქართველთა ცხოვრების მნიშვნელოვან დაწესებულებად გადაიქცა, მაგრამ მისი რეპერტუარი მაინც ღარიბი იყო ქართული ორიგინალური ნაწარმოებებით.

1850 წლიდან ქართული თეატრის განვითარებაში ქალებს დიდი ღვაწლი მიუძღვით. მათ უთუოდ ბევრი რამ

ჯააკეთეს თავისი სამშობლოს დრამატული და სასცენო ხელოვნებისათვის, სადაც მუდამ მნიშვნელოვან როლს თამაშობდნენ. ქართველი მსახიობი ქალები მაშინაც კი, როცა დიდი ნიჭით არ გამოირჩევიან, მიმზიდველობის იშვიათ ძალას ავლენენ. გარეგნულად ისინი უმეტესად სასიამოვნონი არიან, ძლიერ ხშირად ლამაზებიც. ქართველმა ქალებმა სილამაზის მოხდენაც იციან. მოქცევის აღმგზნებ სურათად გარდაქცევის უნარი ყოველი მსახიობი ქალისთვის მნიშვნელოვანი მაღლია. ქართველ ქალში ეს მოცემულია ბუნებრივად, ამიტომ არიან ისინი ასე მიმზიდველნი.

ქართულ სცენას დაარსებიდან მოჰყვა მთელი წყება ქართველი ქალებისა. ისინი სასიამოვნო თამაშით გამოირჩეოდნენ, ქართულ თეატრს უკვე ჰყავდა როგორც შესამჩნევი ნიჭის ტრაგიკოსები და სახასიათო როლების შემსრულებლები, ისე კომიკოსებიც. ეს იმას ამტკიცებს, რომ ქართულ ეროვნულ ხელოვნებას ამ დარგშიც დიდი მომავალი აქვს. ქართული ხელოვნების დედაბოძი მე-19 საუკუნეში მაინც წყობილსიტყვაობა იყო, რომელიც ახალი სულით აღივსო ილია ჭავჭავაძისა და აკაკი წერეთლის მეოხებით.

ილია ჭავჭავაძეს ასპარეზზე გამოსვლისას, მიუხედავად იშისა, რომ ის ჯერ კიდევ ახალგაზრდა იყო, უკვე თავისი ჩამოყალიბებული მსოფლმხედველობა ჰქონდა. სამშობლოს მდგომარეობამ ღრმად დააფიქრა, სამწერლო მოღვაწეობის დაწყებისას გულს მტკიცედ ჩაინერგა, რომ ნიჭი და შრომა თავისი ერის ამალღებისათვის შეეწირა. იგი ნათლად ხედავდა თავისი დროის თავადაზნაურობის სამეურნეო და ზნეობრივი ცხოვრების დაცემას და გრძნობდა, რომ მამულის გამოცოცხლება გლეხის მდგომარეობის გაუმჯობესებაზეა დამოკიდებული. მისი მოთხრობები: „კაცია ადამიანი?!“, „გლახის ნამბობი“ და „ოთარაანთ ქვრივი“ სწორედ ამ მიზანს ემსახურებოდნენ. მის მიერ ამ პირველი თხზულებების დაბეჭდვა მაშინ მეტად გაბედული ნაბიჯი იყო, რასაც, ალბათ, ილიას მეტი ვერავინ გაბედავდა. ილია ჭავჭავაძის გარშემო ახალგაზრდები შემოიკრიბნენ, ისინი ახალი სოციალური და კულტურული ნაკადის შეთაურები იყვნენ მე-19 საუკუნის დასასრულამდე, მანამდე, ვიდრე უფრო დემოკრატი-

ული მიმართულება გაძლიერდებოდა და ახალი ბელადები გამოჩნდებოდნენ.

თითქმის ამავე დროს გამოვიდა აკაკი წერეთელი ქართული საზოგადოებრივი ცხოვრების ასპარეზზე; თავისი სულიერი ცხოვრებით ილია ჭავჭავაძის გვერდით იდგა, მაგრამ ეს ორი მგოსანი სხვადასხვა მსოფლმხედველობისა იყო. ეს ხდებოდა, მაშინ, როდესაც დასავლეთ საქართველო მჭიდროდ უკავშირდებოდა აღმოსავლეთ საქართველოს. ამ დროს უკვე ამჩნევდნენ, რომ იმერეთი, გურია და სამეგრელო საუკუნოებრივი ძილისაგან გამოფხიზლებულიყო და ემზადებოდა ქართლთან მჭიდროდ გასაერთიანებლად. როცა ქართლელი გლეხი ჯერ კიდევ თავის მიწას ჩაპკირკიტებდა, მრავალრიცხოვანი იმერელი გლეხი აღმოსავლეთში ჩამოვიდა, განსაკუთრებით თბილისში და ქალაქის მცხოვრები გახდა.

ეს მოძრაობა ძლიერ გაძლიერდა 1875 წლის შემდეგ რიგ შემთხვევადა აღმოსავლეთ საქართველოსთან სულიერად და კულტურულად მტკიცედ გაერთიანების სწრაფვას. იმავე დროს დასავლეთიდან მოაწყდა მებაღეთა, მზარეულთა, მსახურთა და სხვათა ნაკადი.

თუ რას მოასწავებდა აღმოსავლეთ საქართველოს ასეთი შევსება, ამას ილია ჭავჭავაძე წინასწარ ხედავდა. ამის შესახებ მან 1889 წელს შემდეგი განაცხადა: „ეს შევსება აღმოსავლეთ საქართველოსი ჩვენთვის სასარგებლოა, რადგანაც იმერლები მკვირცხლნი არიან და ისეთი თვისებები შემოაქვთ, რომელიც ჩვენ გვაკლია... ჩვენი ერი ამ ერთობას დროის განმავლობაში განამტკიცებსო“.

დასავლელთა შორის საზოგადოებრივი ცხოვრებისათვის ვარგისი ბევრი იყო. იმ ადამიანთა შორის, რომელთა გავლენა საქართველოზე ვრცელდებოდა, ყველაზე უნიჭიერესი და სულიერად ყველაზე მაღლა მდგომი, ეჭვს გარეშეა, ნიკო ნიკოლაძე იყო. ეს მაღალნიჭიერი, ჰკვიანი და ევროპულად განათლებული ადამიანი — პირველი ქართველი ჟურნალისტი, ევროპული მნიშვნელობით. ნიკო ნიკოლაძემ მრავალი ათეული წლის განმავლობაში თავისი ერის ბევრი მნიშვნე-

ლოვანი საკითხი გადაწყვიტა და ნათელი გონებით განს-  
კვირბა.

გიორგი წერეთელმა, როგორც მწერალმა და ჟურნალის-  
ტმა, მოღვაწეობა იმავე დროს დაიწყო. ლიტერატურაში მან  
დემოკრატიული კილო შემოიტანა. დემოკრატიული სული  
უკვე დიდი ხანია იყო დასავლეთის ქართველთა გულში ჩა-  
შარბული.

გიორგი წერეთელი მკვირცხლი კალმოსანი იყო. ამ ჟურ-  
ნალისტმა თავის დროზე დიდი სიცოცხლე შემოიტანა ქარ-  
თულ ლიტერატურულ ცხოვრებაში. ის ლიტერატურული  
მანერა, რაც მან აირჩია, ახალი აღარ იყო საქართველოში.  
ქართველ მწერლებში ამ დროს ბევრნი ისეთებიც იყვნენ,  
რომელთა ქართული ცხოვრებიდან აღებული სურათების  
თემა გლენტა ცხოვრებას და ზნე-ჩვეულებას ეხებოდა. ექვს  
გარეშეა, პროზაულ ლიტერატურას დიდი მნიშვნელობა აქვს  
ყოველი კულტურული ერისათვის.

თუ მე-19 საუკუნის ქართულ ცხოვრებას განვიხილავთ,  
დავინახავთ, რა სისწრაფით იცვლებოდა ზნე-ჩვეულებები,  
შეხედულებანი და მასთან ერთად ზოგიერთი სხვა მხარეც.  
მე-18 საუკუნესთან შედარებით, მე-19 საუკუნე სწრაფი  
ცვლილებების ხანა იყო. სიახლის ეს ძიება მე-18 საუკუნის  
შეორე ნახევრის ქართველებისათვის სრულიად უცნობი  
იყო. ცვლილებები ამ ეპოქაში მეტად ზანტად მიმდინარეობ-  
და და თუ კი ასეთს ადგილი ჰქონდა, ეს გარეგანი ზეგავლენ-  
ის შედეგად იყო გამოწვეული.

იმ ცვლილებათა შორის უდიდესი და უმნიშვნელოვანე-  
სი, რაც კი მოხდა მე-19 საუკუნეში, ევროპული ცივილიზა-  
ციის შემოჭრამ გამოიწვია. ამ ახალმა მოვლენამ მრავალგვა-  
რი სიამე, მოხერხებულობა და ცხოვრების შემსუბუქება  
მოიტანა. მაგრამ, სამაგიეროდ, ის შრომას მოითხოვდა იმისა-  
გან, ვისაც თავისი საჩუქრებით აჯილდოებდა.

1875 წლამდე ქართველებში ცოტა იყო ექიმი, იურისტი,  
მხატვარი, მუსიკოსი, ინჟინერი, ტექნიკოსი, კარგი ხელოსა-  
ნი და სხვა, მაგრამ საუკუნის მიწურულში მათი რიცხვი საგ-  
რძნობლად გაიზარდა.

1880—1890 წლებში თბილისისა და ბათუმის მოსახლე-

ობა მცირე იყო. 1900 წლის შემდეგ მეტად გაიზარდა ქალაქები: ხაშური, ზესტაფონი, ჭიათურა, ქუთაისი, სოხუმი და ფოთი. ყველა ესენი მომაგრებას იწყებენ და წმინდა ქართულ ქალაქებად იქცევიან.

1892 წელს, დასავლეთ ევროპაში სამი წლის მოგზაურობის შემდეგ, როცა ისევ თბილისში დაგბრუნდი და ქართულ თეატრს ვესტუმრე, დავინახე, რომ ის საესე იყო მაყურებლებით. მათი სახეები ჩემთვის მეტწილად უცნობი იყო. ხუთი-ექვსი წლის წინათ ძველი პატარა თეატრი ხშირად სანახევროდ ცარიელი იყო ხოლმე. ახლა კი ახალი მაყურებლები და ახალი მსახიობები ვიხილე. ევროპული ცივილიზაციის შემოჭრამ საქართველოში არა მარტო მატერიალური გარდატეხა მოიტანა, არამედ მორალურიც.

როგორ ვითარდებოდა ქართველი გლეხის ცხოვრება ბატონყმობისაგან განთავისუფლების შემდგომ? ცარიზმი სოფლის მეურნეობის ამაღლებისათვის სრულიადაც არ ზრუნავდა. მის ღროს სასოფლო-სამეურნეო სკოლებსაც არ მოჰქონდა სარგებლობა. ყველაფერი ეს მოსახლეობის საერთო წინსვლას ძალიან აფერხებდა.

როგორი იყო ქართველი საზოგადოების სულიერი ცხოვრება? ჯერ კიდევ მე-19 საუკუნის მეორე ნახევრის დამდეგს მისი ყურადღება სერიოზულად მიპყრობილი იყო თავაშვებულობის პროცესის შესაჩერებლად. პირველად ქართული კულტურის გამოცოცხლებისა და მისი განვითარებისათვის საჭირო მასალის შექმნის ცდა მიმდინარეობდა. მაგრამ ეს ჯერ კიდევ სუსტი და მკრთალი იყო. თუ თვალს გადავაავლებთ იმ პირველ მოღვაწეთა დაუცხრომელ ნებისყოფასა და სურვილს, შრომის უშრეტ ძალასა და იმედს, განცვიფრებული დავრჩებით. ივანე კერესელიძე, სერგეი მესხი და სხვები ქართული ეურნალისტიკის ნამდვილი დამაარსებლები იყვნენ. დღეს მათ შორიდან ვუყურებთ და ამიტომ მოსალოდნელია ეს აღამიანები ბუმბერაზებად არ მოჩანდნენ, რაკი მათი მძიმე შრომა ჩვენთვის ჯერ კიდევ უცნობია. ისინი თითქმის მარტოხელებიც კი იყვნენ, არავითარი სახსარი არ გააჩნდათ.

ამასთან შედარებით პოეტებისა და პროზაიკოსების მო-

ღვაწეობა უფრო ადვილი იყო. ისინი მაშინ წერდნენ, როცა მოესურვებოდათ. მათი წრე უწყვეტლად იზრდებოდა. მე-19 საუკუნის მეორე ნახევარში კი მათ დიდი დამსახურება მიუძღვით. ჯერ ერთი იმიტომ, რომ ქართული ლიტერატურა გაამდიდრეს, მეორეც იმიტომ, რომ თანამემამულეთა შორის ცოდნის წყურვილი და კითხვის ხალისი გააღვივეს. ყოველივე ეს მძიმე და ძნელად შესასრულებელ შრომას მოითხოვდა. ამან ფუჭად არ ჩაიარა და თავისი ნაყოფიც გამოიღო.

ქართველ პოეტთაგან განსაკუთრებით ორი გამოირჩეოდა, რომლებმაც საზოგადოებაში გამოსვლისთანავე მკითხველის ყურადღება მიიქციეს. მათ ქართულ პოეზიაში ახალი ქვეყანა, სახელდობრ, გლეხთა ცხოვრება შემოიტანეს. ესენი იყვნენ რაფიელ ერისთავი და ვაჟა-ფშაველა. რაფიელი, როგორც პოეტი, შედარებით სუსტი იყო, მაგრამ საპირბორტო საკითხებზე წერდა. ვაჟამ კი არა მხოლოდ ახალი ქვეყანა გადაშალა, არამედ ახალი პოეზიაც შექმნა. იგი ილიასა და აკაკის გვერდით დგას, თუმცა მათ სრულებით არა ჰგავს. ეს მგოსანი ქართული ხელოვნების სულის განსახიერებელი გენიოსია. მის თხზულებებში ყველაფერი ქართულია და მხოლოდ ქართული. მან არ იცის მეთოდები, არ იცის ეგრეთწოდებული „იზმები“, კოჭლ მგოსანთა ეს ყავარჯენი, მან არც „მიმართულებანი“ იცის, არც რეცეპტები, იგი ვაჟა-ფშაველაა, განუძეორებელი.

დასახელებულ მგოსანთა გარდა მე-19 საუკუნეში სხვაც ბევრი ყოფილა, ქართველი ერისათვის გრძნობა და აზრები ლექსებად გარღუქმნიათ და მკითხველთათვის მრავალი სასიამოვნო ან სევდიანი წუთები განუცდევინებიათ. მაგრამ ღრმად შეიჭრნენ კი იმათი ლექსები ხალხში, ღრმად გაიმსჭვალნენ კი მის სულსა და გულში, როგორც ვაჟას, აკაკის, ილიას და ნიკოლოზ ბარათაშვილის ლექსები?

ლიტერატურის სიმდიდრეს სხვადასხვა ყაიდის თხზულებათა სიმრავლე კი არ ჰქმნის, არამედ ის რჩეული თხზულებები, რომელნიც მუდამ იცოცხლებენ. ყოველი კულტურული ერის სულიერი სალაროს ასეთი რჩეული თხზულებანი კაცობრიობის კულტურის ქვაკუთხედიან.

ჩემს განხილვაში ბევრი ისეთი პიროვნებაც გამოვტოვე, რომლებსაც ღვაწლი მიუძღვით მე-19 საუკუნის ქართული კულტურის აღმავლობაში. ამ ვრცელი დროის მანძილზე ქალების როლი ნაკლებად დაფასდა. ქართველმა ქალებმა თანდათან იწყეს გამოსვლა საზოგადოებრივ ცხოვრებაში, ქართველი ქალები სასიამოვნო შთაბეჭდილებას სტოვებდნენ საერთოდ. თავი ზრდილად და თავაზიანად ეჭირათ, უცხოელი მნახველი მათში კეთილშობილი ერის ასულებს შეიცნობდა, ძველი კულტურის ერის შვილებს. დიახ, მათი კულტურა იყო ძველი და ასე გასინჯეთ, უძველესიც კი, და უცხოელი, რომელიც არ იცნობდა ძველს კულტურას და ზერელედ ჰქონდა შეთვისებული ახალი ევროპული კულტურა, ნაკლები პატივისცემით ეპყრობოდა ტურფასა და სანაქებო ქართველ ქალებს. მე-19 საუკუნის მეორე ნახევარამდე ევროპაში არა იცოდნენ რა ქართველი ქალების შესახებ, ევროპელებს მხოლოდ მათი მშვენიერება გაეგოთ.

1875 წლიდან პირველი მწერალი ქალებიც გამოჩნდნენ, მათ არა მხოლოდ ლიტერატურული თხზულებანი შექმნეს, არამედ საფუძველიც ჩაუყარეს ქართველ ქალთა მომავალ მუშაობას.

მე ქართველ ქალებს დიდ პატივსა ვცემ და ვისურვებდი, რომ ისინი საზოგადოებრივ ცხოვრებაში სასარგებლო გარჯით ცნობილი გამხდარიყვნენ. ბევრმა მათგანმა ეს ლიტერატურაში უკვე შეასრულა, მაგრამ მათი რიცხვი მცირეა.

მე-19 საუკუნის სულიერ ცხოვრებაში ქალთა მონაწილეობა ჯერ სრულიად უმნიშვნელო იყო. წინსვლა მხოლოდ მამაკაცთა მიერ იყო დაწყებული და განგრძობილი. ილია ჭავჭავაძის მოთხოვნების გამოსვლამ ქართულ ცხოვრებას დიდი სვე და კვალი დააჩნია და გლეხის უფლებების საკითხი მნიშვნელოვან სიბაღღეზე აიყვანა. ილია ჭავჭავაძის უმეტესი თანამოკალმენი სოციალური მოძრაობის პირველი პიონერები იყვნენ.

მე-19 საუკუნის მეორე ნახევარი ქართველებისათვის მძივე იყო, მაგრამ ამავე დროს, ეს იყო განვითარების უწყვე-



ტი პერიოდი. მისი მსვლელობა ისეთივე იყო, როგორც სხვა ქვეყნებში.

იმ დიდი მასისაგან, რომელიც მამა-პაპათაგან დატოვებული კულტურით ცხოვრობდა, თანდათან გამოეყო პიროვნებები, რომლებსაც ახალი დროის ქართული კულტურა უნდა შეექმნათ. ისინი პირველად მასწავლებლები და მწერლები იყვნენ. ილიასთან და აკაკისთან თითქმის ერთდროულად იაკობ გოგებაშვილი და ნიკო ცხვედაძე გამოჩნდნენ. ეს უბრალო ადამიანები, რომელთაც თავისი ერის განათლების მოგვარების გარდა სხვა საზრუნავი არაფერი გააჩნდათ. ორივე მტკიცე ხასიათისა და პრინციპების მქონე მოღვაწე იყო, ორი ბეჯითი მშრომელი. მთელი მათი მოღვაწეობა ქართული სკოლისაკენ და ქართული ენის შენარჩუნებისაკენ იყო მიმართული. გოგებაშვილი და ცხვედაძე არიან ახალი დროის ქართველი მასწავლებლების მამამთავრები. იმ დროს, როცა უკვე ბევრი მისდევდა მათ მაგალითს, მასწავლებლებისაგან ერთი ახალი, თავისებური წოდება შექმნეს. ზოგი მათგანი ლიტერატურაშიც მოღვაწეობდა, საგაზეთო წერილებსა და წიგნებს წერდა. დღეს თუ ბევრი გაწეული შრომა და შედეგი დავიწყებას არის მიცემული, თავის დროზე დიდი სარგებლობა მოუტანია. ეს ჯაფა და ნაყოფი მომავლის თესლი იყო და, რა თქმა უნდა, დიდი როლი შეასრულა.

იმ დროს სულიერი კულტურის უფრო მეტი მუშაკი მოიძებნებოდა და უფრო მეტი მშენებელი ახალი ქართული ცხოვრების კულტურის, ისინი ახალი ტალღის გავლენით თანდათან უფრო სწრაფად ვითარდებოდნენ. დიახ, რაც ხანი მიდიოდა, მით უფრო ინტენსიური იყო მუშაობა და მით უფრო დიდი იყო მისი ნაყოფი.

ქართველი პედაგოგების ეს საქმიანობა დიდ სკოლას დაემსგავსა, რომლის განუხრელი მიზანი და საქმიანობა ფართო განათლება იყო. უსაჭიროესი მასალა ტექნიკისა და მეცნიერების დარგში საზღვარგარეთიდან უნდა შემოეტანათ და ამას სწავლით მიაღწიეს. სწავლა-განათლებისადმი სწრაფვა უკვე ბევრი ქართველი ინტელიგენტის ძვალ-რბილში გამჭდარიყო. რატომღაც უცხო ტომის მასწავლებლები ქართველ მოწაფეებს ვერ აფასებდნენ. არც ერთ უცხოელს

არ წაეკითხა უმნიშვნელოვანეს ქართველ პოეტთა თხზულებანი.

მე-20 საუკუნის დამდეგს საქართველოში უკვე ბევრი ისეთი სწავლული მოსაქმე გამოჩნდა, რომლებმაც ძალუმაღ აამოძრავეს ქვეყნის საერთო ცხოვრება. ამ ახალი მოძრაობის შემდგომი განვითარება მე-20 საუკუნეს ეკუთვნის. ჩემი მიმოხილვა სწორედ ამიტომ აქამდე მოდის. რაჟი ჩემი დახასიათება მე-19 საუკუნის ქართველთა ჭერ კიდეც არ არის სრული, ისევ მას დავუბრუნდები...

მე-19 საუკუნის მეორე ნახევრის საქართველოს ორი სახეჰქონდა: ერთი მხიარული, მეორე კი დარბაისლური.

ამ საუკუნის პირველი ნახევრის შემდეგ ცხოვრება ოდნავ მიწყნარდა, რასაც მატერიალური და მორალური საფუძველიც ჰქონდა. ერთის მხრივ, თავადაზნაურობა, რომელიც იმ დროს ქართულ ცხოვრებაში ჭერ კიდეც ბატონობდა, უკვე მნიშვნელოვნად გაღარიბდა და იძულებული იყო თავისი სარჩო სახელმწიფო სამსახურში ეძებნა. მეორეს მხრივ ბევრი იყო ისეთი, რომელიც თავიანთი ერის მდგომარეობას უფრო საღი და სერიოზული თვალით სჰვკრეტდა, ასე რომ ქართველი ერი ორ პარტიად იყო გაყოფილი. უმრავლესობა სერიოზული მისწრაფებებით ნაკლებად იწუხებდა თავს; მეორენი კი ისეთებისაგან შედგებოდა, რომელსაც ერის ბედი და იღბალი გულსა ხედებოდა და მისი წინსვლისათვის ზრუნავდა.

ისინი, ვინც 1875 წლის შემდგომ ახალი კულტურული საქმიანობის უდიდესი ნაწილი დაასრულეს და ახალი ქართული ცხოვრებისათვის საძირკველი ჩაყარეს — მასწავლებლები, ჟურნალისტები, მწერლები, ექიმები, ინჰინრები, ხელოსნები, სოფლის მეურნე და სხვები იყვნენ. მაგრამ მათი რიცხვი საუკუნის დასაწყისში დიდი არ იყო. ამას მოსდევს შემდეგ (80—90-იან წლებში. თ. ფ.) სოციალური მოძრაობის ზრდა. მუშები და გლეხები ქართული ცხოვრებიდან მეტ შინაარსს მოითხოვდნენ. მაგრამ ამ საქმეს წინ ბევრი დაბრკოლება ეღობებოდა. მწერლებმა: დავითაშვილიმა, ნინოშვილიმა და სხვებმა, რომლებსაც საკუთარ თავზე გადაეტანათ სიღატაკე, ხმა აღიმალღეს ძმათა დასაცავად. თანდა-

თან იზრდებოდა იმ ადამიანთა რიცხვი, რომლებიც მშრომელი კლასის მდგომარეობის გაუმჯობესებისათვის იბრძოდნენ.

ამასთან ერთად ქართველთა შორის ეროვნული თვითშეგნება გაძლიერდა. ამის მაჩვენებელი იყო, ჯერ ერთი, პოეტ ნიკოლოზ ბარათაშვილის ნეშტის გადმოსვენება დიდუბეში (1893 წ. თ. ფ.) და შემდეგ პოეტ რაფიელ ერისთავის იუბილე (1895 წ. თ. ფ.), რომელსაც მთელი საქართველოს ურიცხვი წარმომადგენელი დაესწრო. ვინც ეს ორი დიდებული შეკრებილობა იხილა, დარწმუნდებოდა ქართველი ერის მოღონიერებაში და სასოებით გახედავდა მომავალს.

ჩემი მიმოხილვა (რომელიც 1900 წლამდე დროს შეეხება) ქართველი ერის ბედ-იღბლის ისტორია კი არ არის, არამედ მის შვილთა მოკლე დახასიათება.

რუსული გავლენა საქართველოში მე-19 საუკუნეში შემოიჭრა, ამ საუკუნის მეორე ნახევარში კი დასავლეთ ევროპულიც და ქართულ ცხოვრებას ახალი მიმართულება მიეცა. ეს მოხდა სამოციანი წლების რუს მწერალთა პროგრესული მოძრაობის წყალობით.

ბევრი ზრუნავდა ქართველი ერის ცხოვრების ახალი კულტურით გამდიდრებისათვის. თუმცა ისინი კარგა ხანია გაქრნენ, მაგრამ დიდია მათი მემკვიდრეობა.

მე-19 საუკუნის ლიტერატურის წამყვანი დარგი პოეზია იყო. პოეზია ქართულ ლიტერატურაში ყურადსაღებ სიმაღლემდე ავიდა და ევროპაში პირველად გააღვიძა ინტერესი ქართველებისადმი. ნიკოლოზ ბარათაშვილი, ილია ჭავჭავაძე, აკაკი წერეთელი, გრიგოლ ორბელიანი და ვაჟა-ფშაველა, ქართული დიდების პირველი დამფუძნებელნი არიან ევროპაში და კვლავაც იქნებიან საქართველოს დიდების გამასხივოსნებელნი. ეჭვს გარეშეა, პოეტური შთაგონება და პოეტური მადლი ქართველთა შორის ხშირი მოვლენაა და ის არც მომავალში გაქრება.

პოეზიას გვერდში უდგას პროზაც, რომელშიაც ყაზბეგმა, კლდიაშვილმა, არაგვისპირელმა და სხვ. თავისებური ტალანტი გამოაჩინეს და შექმნეს ორიგინალური თხზულებანი. მათი ნაწარმოებები ქართული პროზისათვის მნიშვნელოვან-

ნია, მაგრამ უცხოეთში მათი პოპულარიზაციისათვის ჯერ კიდევ ვერ ჩაითვლება უმაღლესი ხელოვნების ნიმუშად.

რომანისა თუ მოთხრობის მწერალმა ჩვეულებრივ ცხოვრებაში თავისებური, კაცთა შორის ტიპური უნდა იპოვოს და შესძლოს მისი თავისებურად დახატვა. ქართველი ერი მდიდარია ტიპური სახეებით და ეს მდიდარი მასალა თვითონ წარმოშობს თავის ხელოვანს.

პროზის მშვენიერი სანელებელია იუმორი. ეს ქართველებს არ აკლიათ. ნამდვილი იუმორისტი ჩვეულებრივად დინჯია, ქართველები კი ფრანგებივით, უმეტესად მხიარული და მკვირცხლი არიან.

ქართველებს შეუძლიათ თქვან, რომ ისინი იუმორის განძის მქონენი არიან, მაგრამ ეს სიმდიდრე მრავალ პატარა უმნიშვნელო რამისათვის იხარჯება, ქუცმაცდება და იკარგება.

რა თქმა უნდა, გადაჭარბებული არ იქნება, თუ ქართველებს ბრწყინვალე მომავალს ვუწინასწარმეტყველებთ ხელოვნების შემდეგ დარგებში: მხატვრობასა, მუსიკასა და საზოგადოებაში.

მხატვრობაში ქართველებმა უკვე განვლეს საკუთარი სკოლის შექმნის მძიმე წლები. ნიჭი, რომელიც მიძინებულ იყო, ახლა იფურჩქნება და უფრო ძლიერად იჭრება ცხოვრებაში. გიგო გაბაშვილს, ახალი ქართული მხატვრობის დამფუძნებელს და ძველ ოსტატს, რომოცდაათი წლის განმავლობაში შესაძლებლობა რომ ჰქონოდა ქართველი მხატვრების შემოქმედების განვითარებისათვის მიეხედა, დაინახავდა, რომ მისი პირველი ნაბიჯები ქართული ბუნებასა და თავისებურებათა ძიებაში სწორი იყო. ეს ქართველ ხელოვნებს იმ გზას უხსნიდა, სადაც ისინი დიდი სახელის მოხვეჭას შესძლებდნენ.

„ქართული მუსიკა?“—მკითხავენ ბევრნი. ჩემი, აზრით ქართულ ხელოვნებაში მუსიკა უმდიდრეს განძს წარმოადგენს...

ქართველები უკვე შორეულ საუკუნეებშიაც ესწრაფოდნენ სიმღერას, მუსიკას.

ტონების მელოდოურ ნაწარმოებად გარდაქმნის შესაფერი მუსიკალური გრძნობა და ნიჭი ქართველებში უკანასკნელი ოცდაათი წლის განმავლობაში მძლავრად განვითარდა, იგი

ბევრად უფრო სწრაფად შემოიჭრა, ვიდრე მოსალოდნელი იყო.

რაც შეეხება ქართული მუსიკის ხასიათს, ის ლირიკულია და იტალიურ მუსიკასავეთ ლირიკულადვე დარჩება; ეს შეიძლება ფსიქოლოგიურადაც ავხსნათ: ქართველები თავისთავად ლირიკული ბუნებისანი არიან.

ასეთი იყო ილია ჭავჭავაძის შეხედულებაც, მასაც სწამდა ქართველი ერის ნიჭი ხელოვნებაში და დღეს, მისი სიკვდილიდან ცხრამეტი წლის შემდეგ, ამ რწმენამ კიდევ უფრო მეტი გამართლება ჰპოვა.

როგორც ზემოთ აღვნიშნეთ, სხვებთან ერთად მეც მწამს, რომ ქართველები ხელოვნებაში უფრო შორს წავლენ, არა მარტო მხატვრობასა და მუსიკაში, არამედ პოეზიაშიც. მაგრამ არც მეცნიერება მოუხვეჭს ქართველებს ნაკლებ სახელს, რადგან ისინი ინტელიგენტი, სულიერად მკვირცხლნი და ნიჭით დაჯილდოებულნი არიან. ქართველობა, როგორც კულტურული ერი, სულ მალე, რამდენიმე ათეულ წელში სპატიო ადგილს დაიჭერს თანამედროვე დაწინაურებულ ევროპული ერების გვერდით.

აქ დავასრულებ ჩემს მიმოხილვას და ქართველებს ვუსურვებ, ასულიყვნენ საკაცობრიო კულტურის ასპარეზზე. თუმცა მწამს, რომ ხელოვნებაში ისინი უეჭველად უფრო მალე ავლენ, ვიდრე სხვა ევროპული ერები.

## მეცნიერებანი

(წიგნიდან „Das georgische Volk“)

მეცნიერული მოღვაწეობა ქართველი ხალხისა ჯერ კიდევ არ გაშლილა მთელი ძალით. ამ ორმოცდაათი წლის წინ, როდესაც ამ ერმა ახალი გონებრივი ცხოვრებისაკენ გზის გაკაფვა დაიწყო, იგი მოკლებული იყო ყოველგვარ საშუალებას და საშუალო განათლებისათვის აუცილებელი სასკოლო სახელმძღვანელოებიც კი არ გააჩნდა. სკოლებში რუსული ენის შემოღებამ ახალგაზრდობის განათლებას რუსული

ღალი დაასვა და საკუთარი მეცნიერული მოღვაწეობის გაშ-  
ლა ქართველებისათვის გაძნელდა. რუსი მთარგმნელობითი  
ლიტერატურა საშუალებას აძლევს მათ, გაეცნონ დასავლეთ  
ევროპის ხალხთა მიღწევებს მეცნიერებაში. მათი კონტაქტი  
სხვა კულტურულ ერებთან უაღრესად მცირე მასშტაბისაა...  
გერმანული ან ფრანგული ენა საფუძვლიანად ბევრმა არ  
იცის.

ქართველები, სომეხთაგან განსხვავებით, მსოფლიო მოქა-  
ლაქენი არ არიან, ისინი უფრო მჭიდროდ არიან დაკავშირე-  
ბული სამშობლოსთან. მუდამ უხალისოდ სტოვებენ მას და  
ძნელად ითვისებენ უცხო ხასიათს, რასაც ამ ხალხისათვის  
ერთგვარი სარგებლობაც მოაქვს... მათი დამოუკიდებელი  
მეცნიერული მოღვაწეობა დღემდე შემოსაზღვრულია ისტო-  
რიითა და საკუთარი ხალხის ეთნოგრაფიით. ამ დარგებშია  
განსაკუთრებით უკანასკნელი წლების განმავლობაში, მნიშ-  
ვნელოვან პროგრესს მიაღწიეს.

საქართველოს ისტორია, რომლის წყაროების შესახებაც  
მე ზოგი რამ შევნიშნე განყოფილებაში — „კულტურული  
უცხოვრება“, მრავალი თვალსაზრისით ბუნდოვანი, არა ზუსტი  
და ბნელიც კი არის. მისი საბოლოო კვლევა ჯერ კიდევ ხან-  
გრძლივსა და დაუღალავ შრომას მოითხოვს. საქართველოს  
ისტორიის კვლევის ფუძემდებელი იყო ფრანგი — პეტერ-  
ბურგის აკადემიის წევრი მარი ბროსე, რომელმაც მთელი  
სიცოცხლე საქართველოს ისტორიის შესწავლას მოანდომა  
და შექმნა საფუძველი მუშაობის შემდგომი გაშლისათვის.  
მისი მთავარი ნაშრომია იმ დროისათვის თითქმის ყველა ცნო-  
ბილი ქრონიკის მთარგმანი, რომელიც გამოვიდა 1849 წელს  
პეტერბურგში სათაურით — „საქართველოს ისტორია“  
(Histoire de la Georgie). ამას მოჰყვა შემავსებელი  
და კრიტიკული შრომები: „Additions et éclaircissement“,  
Introduction à l'histoire de la Georgie და სხვა. დამსახურება,  
რომელიც მიუძღვის ბროსეს საქართველოს ისტორიის კვლე-  
ვის სფეროში, ფასდაუღებელია, და თუმცა მას ნაკლოვანე-  
ბებიც გააჩნია, ერთი რამ კი ცხადია — ეს კვლევა საქარ-  
თველოს წარსულისა, საქმიანი და ღრმად მეცნიერულია. ქარ-  
თველი ხალხის არსებაში ბროსე ვერ შეიჭრა, მას თითქოს

არ ჰქონდა ხალხის ფსიქოლოგიის გაგების უნარი და თარიღებითა და სრულიად უმნიშვნელო პირთა კვლევით გართული ივაწყებდა ერის კულტურის შესწავლის საქმროებას. იგი ძველი სკოლის დიდი მეცნიერი იყო, რომლისთვისაც წყაროების შემოწმება, მოვლენათა დადგენა და მათ გამომწვევ ფაქტორთა ზუსტი დეგიტამაცია მთავარ საქმეს წარმოადგენდა.

ქართველი ხალხის ისტორიის ის მხარე, რომელსაც ბროსე არ შეხებია, სულ უფრო და უფრო მეტ ყურადღებას იპყრობს. ქართველი მწერლები დღეს ბროსეზე უკეთ წერენ.

უკვე ბროსეს თანამედროვე პლატონ იოსელიანი (1810—1875) ბეჯითად მუშაობდა სიძველეთა მეცნიერების დარგში. ამასთან, იგი განსაკუთრებულ ყურადღებას აქცევდა საეკლესიო ამბებს, მან აღწერა, სხვათა შორის, მრავალრიცხოვანი ქართული მონასტრები და დაწერა — „საქართველოს ეკლესიის ისტორია“. პლატონ იოსელიანის რუსულ ენაზე გამოქვეყნებულ შრომებში ფასეულია მხოლოდ აღებული მასალა. რაც შეეხება მის შეხედულებებს, ისინი ყოველგვარი კრიტიკის გარეშე დგანან და სხვას არაფერს წარმოადგენენ, თუ არა ფანტაზიის ნაყოფს.

უფრო სერიოზული მკვლევარი იყო დიმიტრი ბაქრაძე (1828—1890), რომელიც საქართველოს სიძველეებს იკვლევდა. მან დაწერა „საქართველოს ისტორია“, გამოსცა ვახუშტი ბატონაშვილის „საქართველოს ისტორია“, გარდა ამისა დაწერა მრავალრიცხოვანი შრომები კავკასიისა და თავისი კუთხის ისტორიიდან და სიძველეთმცოდნეობიდან.

ცალკეული პერიოდების კულტურის ისტორიას მიუძღვნა ნიკო ხიზანიშვილმა (ურბნელმა) თავისი საფუძვლიანი შრომები „დავით აღმაშენებელი“, „გიორგი ბრწყინვალე“ და სხვ., აქვე შეეხო ქართული სამართლის წარმოშობას. ნაშრომებში იგი შეეცადა დაესაბუთებინა ბიზანტიურ, არაბულ და სპარსულ კულტურათა გავლენა თავისი ხალხის განვითარებაზე, ამ ბილიკით მიჰყვება იგი ნაციონალური ცხოვრების განვითარებას. ღირსშესანიშნავია თაყაიშვილის მიერ კრიტიკულად გამოცემული ქრონიკების ტექსტები. როგორც ბიზანტიური ისტორიის კარგი მცოდნე, თაყაიშვი-

ლი ცდილობს დაადგინოს ბერძნული გავლენის მნიშვნელობა; თედო ქორდანიაც აგრეთვე სცემს ძველ ქრონიკებს და სხვა ისტორიულ წყაროებს, ხოლო ჯანაშვილი თავის მრავალრიცხოვან შრომებში აღწერს სხვადასხვა დროის კულტურულ ცხოვრებასა და ლიტერატურას...

ქართული ლიტერატურის ისტორია პირველად მეცნიერულად გამოიკვლია ალექსანდრე ცაგარელმა, პეტერბურგის უნივერსიტეტის ქართული ენის პროფესორმა. განსაკუთრებით მნიშვნელოვანია მისი შრომები შუა საუკუნეების საქართველოს ლიტერატურული ძეგლების შესახებ. თავისი შრომებით ცაგარელმა ბიძგი მისცა ქართული ეკლესიის ისტორიის კვლევას განვითარებას. დიდი ღირებულებისაა ნ. მარს ლიტერატურულ-ისტორიული გამოკვლევები, თუმცა მათ ცალმხრივი ფილოლოგიური ხასიათი აქვთ, რაც საყოველთაო ინტერესის გამოწვევას ხელს უშლის.

მეტად მნიშვნელოვანია ჯერ კიდევ ახალგაზრდა ალექსანდრე ხახანაშვილის შრომები. იგი ყველაზე უფრო გამრჩე და პროდუქტიული ქართველი მეცნიერია თანამედროვეთა შორის. მისი შრომები შეეხება არა მარტო ქართულ ლიტერატურას, არამედ ეთნოგრაფიას, მითოლოგიასა და ხალხურ პოეზიას. ამ გაფანტულობის გამო მისი თხზულებები ნაჩქარევია და სრულყოფილება აკლია. სასურველი იქნებოდა, რომ მრავლისმცოდნე მკვლევარი თავისი მოღვაწეობის დარგს უფრო ვიწრო საზღვრებს მოუწინააღმდეგებდა. ხახანაშვილის მთავარი ნაშრომი არის ამ წიგნში მრავალჯერ დასახელებული „ქართული ლიტერატურის ისტორია“, რომელიც მან რუსულად დაწერა; მასში მასალის სიუხვის მოუხედავად, საკმაოდ თანმიმდევრულად და ნათლად არ არის მოცემული კულტურული და სულიერი ცხოვრების განვითარება.

ხახანაშვილი ქართული სიძველეთმცოდნეობის სხვა დარგებშიც მუშაობს და, უნდა ითქვას, ყველა საკითხი, რომელსაც კი იგი ხელს ჰკიდებს, კარგ განმარტებას და ახსნას პოულობს. საყურადღებოა ხახანაშვილის შტუდიები ქართულ მითოლოგიასა და პოეზიაში. ზოგიერთი მათგანი ეხება საკუთრივ ეთნოგრაფიას, რაც უკანასკნელი ორი ათეული



წლის განმავლობაში მრავალი მწერლის: ურბნელის (ნიკო ხიზანიშვილის), რაფიელ ერისთავის, პეტრე უმიკაშვილის, აღნიაშვილის, როსტომაშვილის, სახოკიას, რაზიკაშვილისა და ნიჟარაძის მიერ იყო დამუშავებული. ამ შრომების უმრავლესობაში ჩანს აღწერილი კუთხეების საფუძვლიანი ცოდნა და მასალები, რომლებიც უკანასკნელ ხანს ქართულ ეურნალ-გაზეთებში გამოქვეყნდა და აუცილებლად საჭიროა ქართველი ხალხის ყველა მკვლევარისათვის. ამ წყაროების უხვად და ეფექტურად გამოყენების გარეშე შეუძლებელია სწორი წარმოდგენა შეიქმნას ქართველ ხალხზე. მწერლები, რომლებმაც ქართული ენა არ იციან, ამას ვერ შესძლებენ. მაგრამ სამწუხაროდ ჯერ კიდევ ბევრია ისეთი ავტორების შრომები, რომლებმაც ეს ენა არ იციან და საქართველოს შესახებ წერენ მეორე ან მესამე პირის გადმოცემით და ათ ასეთ წიგნს შეთერთმეტეს უმატებენ.

ჯერ კიდევ დარიბულად გამოიყურება ქართული ენის კვლევის სფერო. ზოგიერთი ევროპელი მეცნიერი, რომელიც ამ ენაზე მუშაობს, თავის კვლევა-ძიებაში შორს ვერ წავიდა და ქართული ენის წესების დადგენაში ცოტა რამ გააკეთა. ჰუგო შუხარტი, რომლისაგანაც ბევრს ველოდით, ქართულ ენას მხოლოდ სხვათა შორის სწავლობდა, ისე რომ, ჰემმარიტი მარცვალი ამ საქმისა, სახელდობრ, რთული ზმნა ჯერ კიდევ შეუსწავლელი დარჩა. ქართველთაგან ენის კვლევის დარგში ყველაზე მეტი გააკეთეს დ. ჩუბინაშვილმა და ალ. ცაგარელმა. პირველმა შეადგინა დღემდე სრულყოფილად მიჩნეული ქართულ-რუსული და რუსულ-ქართული ლექსიკონი, ხოლო ალ. ცაგარელმა გამოსცა გამოკვლევები მეგრული დიალექტის შესახებ და ძველი ტექსტები კომენტარებით. მეგრულ დიალექტს იკვლევდა აგრეთვე ჭარაია, სერებრიაკოვი, დოდაშვილი, დ. ყიფიანი, ქუთათელაძე, თ. ქორდანი და სხვები. ისინი ქართულ ენას იკვლევდნენ ზოგადად, მათ ვერ შესძლეს ნათელი მოეფინათ ზოგიერთი ბუნდოვანი საკითხისათვის.

## საბავშვო ლიტერატურა

საბავშვო ლიტერატურა, რომლის მნიშვნელობა მშობლიური ენის სიწმინდის დაცვისათვის ქართველობას დიდი ხანია შეგნებული აქვს, უკანასკნელ ხანს საკმაოდ განვითარდა. ახალგაზრდობისათვის დაწერილ ნაწარმოებთა უმრავლესობა თარგმანებია, მაგრამ ადგილობრივი პროდუქციაც იზრდება და ზოგიერთი წიგნი, როგორც არის „დედაენა“ და „ბუნების კარი“ იაკობ გოგებაშვილისა, გამოირჩევა მაღალი ხარისხითა და ცოცხალი გადმოცემით. მშობლიურ პედაგოგიკას ამ მწერალმა თავისი მრავალრიცხოვანი შრომებით დიდი ღვაწლი დასდო. დაუღალავად შრომობს აგრეთვე როგორც სკოლათმცოდნე, თბილისის სათავადაზნაურო სკოლისა და ქართული საგანმანათლებლო საზოგადოების ხელმძღვანელი ნიკო ცხვედაძე. ამ ორ ვეტერანს ემატება გუნდი უფრო ახალგაზრდა მწერლებისა და მასწავლებლებისა, ისინი ანასტასია წერეთლის ხელმძღვანელობით გამოცემულ „ჭეჭილშიც“ თანამშრომლობენ.

## ქართული ჟურნალისტიკა

ქართული ჟურნალისტიკა, რომელმაც მხოლოდ XIX საუკუნის მეორე ნახევარში ჰპოვა მტკიცე საყრდენი და საკმაოდ ნელა ვითარდება, საზოგადოებრივ ცხოვრებაში უკვე გარკვეულ როლს ასრულებს. ქართული ჟურნალისტიკის ქეშმარიტი მამა იყო სერგეი მესხი, რომელიც მრავალი წლის განმავლობაში გასაოცარი ამტანობით ხელმძღვანელობდა ყოველდღიურ გაზეთ „დროებას“. აღტაცების ღირსია ეს უანგარო ადამიანი, რომელიც თავის წამოწყებას არა მარტო დროსა და გარჯას, ჯანმრთელობასაც სწირავდა. თუმცა მესხის გავლენის ზღვერო პატარაა, მის თავგანწირულ მოღვაწეობას ქართველები მუდამ კეთილად გაიხსენებენ. დღემდე ვერც ერთი ქართული გაზეთი ვერ უზრუნველპყობს თავის თანამშრომლებს მატერიალურად, ოცი წლის

წინათ კი, როდესაც მესხი ერთადერთ ყოველდღიურ გაზეთს „დროებას“ უშვებდა, შემოსავალი ბევრად უფრო პატარა იყო, ვიდრე ხარჯი.

იმ დროიდან ვითარება მნიშვნელოვნად შეიცვალა, მკითხველთა რიცხვი საკმაოდ გაიზარდა და პუბლიცისტების ადრინდელი პატარა, მთავრად ერთსულოვანი გუნდიდან სხვა მრავალრიცხოვანი გუნდები წარმოიშვა... და რადგან როგორც საერთო, ისე სპეციალური განათლება სულ უფრო ფართოვდება, ქართული ჟურნალისტიკის საქმეც თანდათან წინ მიდის. ყოველდღიური საზოგადოებრივი საქმეების განხილვისას ჩვეულებრივ პოლემიკური ტონი იჩენს ხოლმე თავს...

მრავალი კორესპონდენცია მოდის პროვინციებიდან, საზღვარგარეთიდან კი უფრო იშვიათად და ისიც უმეტესად სტუდენტებისაგან. ქართულ პერიოდიკაში მნიშვნელოვან როლს თამაშობს ფელეტონი, იგი უპირატესად ლიტერატურულია. გარდა ქრონიკებისა ქართული ჟურნალ-გაზეთები თავის ფურცლებზე აქვეყნებენ ნოველებს, ლექსებს, სამეცნიერო სტატიებს და ამით საშუალებას აძლევენ მკითხველს, იყოს უახლესი ლიტერატურის კურსში.

სხვათა შორის, ქართველი განსაკუთრებული ხალხით კითხულობს ენამახვილურად დაწერილ სტატიებს. მისთვის ყველაზე უფრო დამახასიათებელია გულახდილობა და ოუმორი.

## არჩიბამბურა, თეატრი და გუსნიკა

ძველი ქართველები ყველაზე მეტად მისდევდნენ საეკლესიო მშენებლობის ხელოვნებას, რომლის პირველი ნიმუშები მათ ბიზანტიელებისაგან გადმოიღეს. პირველადმა ბიზანტიურმა ფორმამ ქართველებთან მნიშვნელოვანი ცვლილებები განიცადა, რის შედეგადაც წარმოიშვა ქართული საეკლესიო სტილი. იგი თითქმის სომხურსა ჰგავს, ასე რომ ისმება კითხვა: თვითონ გამოიმუშავეს იგი ქართველებმა თუ სომხებისგან გადმოიღეს. სიძველეთა მცირე-

რიცხოვან მკვლევარებს, რომლებიც დღემდე ქართულ-სომხურ საეკლესიო არქიტექტურაში მუშაობენ, ეს საკითხი ჯერჯერობით არ გადაუწყვეტიათ. ქართველი მკვლევარები ამ სტილის გამომუშავებას თავიანთ წინაპრებს მიაწერენ, ამ მასალის საფუძვლიანი მცოდნე კონდაკოვი კი საბოლოო დასკვნის გამოტანისაგან თავს იკავებს და აღიარებს, რომ მან ვერ მოახერხა დაედგინა ადგილი ქართულ-სომხური საეკლესიო სტილის წარმოშობისა. ზემოთ მოხსენებულ რუსი მეცნიერი ამ სტილში ხედავს რომანული მოტივების კვალს, მაგრამ ეს შეხედულება ძნელი დასამტკიცებელია, რადგან დადგენილი არ არის მისი ჩასახვის დრო. ძლიერ საფიქრებელია, რომ ქართული ეკლესიის ბიზანტიური პირველფორმიდან ჩამოყალიბების ხანებში ადგილი ჰქონდა სირიულ გავლენას, რასაც კონდაკოვიც აღიარებს.

ქართული ეკლესიის გეგმა, ისევე როგორც უფრო შოგვიანო ხანის ბიზანტიურისა, ოთხკუთხოვანია, უპირატესად მოგრძო... სხვაგან ჩვეულებრივ იგი შეცვლილია პორტალით. შიდა არე შედგება მთავარი ნავისა და მისგან ორი, მძიმე სვეტით გამოყოფილი გვერდითი ნაგებისაგან, საკურთხეველიც ასევე სამი აფსიდისაგან შედგება. ქართულ ეკლესიას ყოველთვის ერთი გუმბათი აქვს, რომელიც აღმართულია შენობის ცენტრში. იგი შედგება მრავალკუთხა (და არაქროს მრგვალ) გუმბათის ყელისა და წვეტიანი სახურავისაგან, რომელსაც გუმბათის ყელის რაოდენობის სიბრტყე აქვს. ამგვარად გუმბათი ემსგავსება კოშკს და სწორედ ესაა ძირითადი დაშახასიათებელი ნიშანი, რომლითაც ქართული საეკლესიო სტილი ბიზანტიურისაგან განსხვავდება. ამ თავისებურების წარმოშობის შესახებ კონდაკოვი, მართალია, გარკვეულ განმარტებას ვერ იძლევა, მაგრამ იმის ნაცვლად, რომ სხვა მკვლევარებივით ეს თავისებურება კლიმატურ და ტექნიკურ პირობებს მიაწეროს, სამართლიანად გამოჰყავს არქიტექტურის განვითარების საერთო კანონებიდან, მით უფრო, რომ ქართულ გუმბათს დასაბამიდან გარეგანი მორთულობის გაძლიერება ჰქონდა მიზნად. ქართული ეკლესიის შინაგანი მორთულობისათვის თავიდანვე ნაკლებად ზრუნავდნენ, სამაგიეროდ, ბევრს აკეთებდნენ ფასადის და გარეთა

გვერდითი კედლებისა და აფსიდის კედლების გასალამაზებლად. ის აზრი, რომ გუმბათიც ამ მისწრაფებას დაექვემდებარა და ამისდა შესაბამისად იცვლიდა სახეს, ვიდრე გვიანდელი კონუსის ფორმა არ მიიღო, უფრო სარწმუნოა. გუმბათის ეს მარტივი ფორმა იმდენად ლამაზია და გემოვნებით შესრულებული, რომ სრულიად გასაგები ხდება ის ინტერესი, რომელსაც იწვევს ხელოვნების მოყვარულთა შორის.

გარეთა კედლები ყველგან სამი ნაწილისაგან შედგება, სახელდობრ, მალა მიმართული შუა ან წინა ნაწილისა და ორი გვერდითი ფრთისაგან. შუა ნაწილს ყოველთვის აქვს წვეტიანი, სახურავიდან ამოშვერილი ფრონტონი... ფრთების მარტივი კარნიზი სახურავის ხაზს მიჰყვება; ფანჯრები გარედან ხშირად ნახევარსვეტებით არის გაყოფილი და ერთმანეთთან დაკავშირებულია კამარებით, ისევე როგორც გელათის ტაძარში. ეს კამარები და წვეტიანი ფრონტონები ქართულ ეკლესიას არაჩვეულებრივად სასიამოვნო შეხედულებას აძლევს, ყველგან გაბატონებულია სწორი ხაზოვანება. თვით ძალიან მდიდარი ორნამენტებიც კი ჩანს ხოლმე. ასეთი გვხვდება ქვაში ამოჭრილი ფანჯრებისა და კარების ბორდიურები და კამარები, უმთავრესად სწორი, დიდი გემოვნებით გადახლართული ხაზებისაგან შედგება. უფრო იშვიათია როზეტები და ფოთლოვანი სამკაულები. ეს ორნამენტები წარმოადგენს ქართული სკულპტურის ერთადერთ დარჩენილ კვალს. ხობის ეკლესია სამეგრელოში საერთოდ შეიძლება ჩაითვალოს ქართული ხუროთმოძღვრების უმშვენიერეს ძეგლად. შორეულ საუკუნეებში, როგორც ჩანს, კედლის მოხატულობა ჰყვაოდა, მაგრამ მან ნაკლებად განიცადა განვითარება და მასში რაც შემონახულა, დაქვეითებული ბიზანტიური სტილი ჩანს. კედლის მოხატულობაში (გელათი, მცხეთა და სხვა), ხშირია მეფეების, მათი მეუღლეების, ეპისკოპოსებისა და სხვათა სურათები, ასე რომ, აქ სასულიერო და საერო პირები ერთად არიან გამოხატულნი. ამ სურათებს წარწერების წყალობით ისტორიული ფასი ენიჭებათ. მთლიანად აღებული ქართული საეკლესიო სტილი სასიამოვნო, ნათელ შთაბეჭდილებას სტოვებს, მაგრამ იგი

ღარიბია და ყველგან ჩანს, რომ თავის განვითარებაში შეჩერებულა და მხოლოდ ნაწილობრივ მიუღწევია იმისათვის, რისკენაც, ალბათ, დასაწყისში მიისწრაფოდა. ამ შეფერხების მიზეზი, უეჭველია, განუწყვეტელი ომიანობა და ქვეყნის აოხრება იყო. რაც უფრო ძველია გადარჩენილი არქიტექტურული ძეგლი, მით უფრო დიდი ხელოვნებითაა იგი ნაგები. სახელმწიფოს დაუძლურებასთან ერთად მშვიდობიანი ცხოვრებაც ქრებოდა და ხელოვნებაც ქვეითდებოდა. აღარ იყო ხუროთმოძღვრები, არც დრო და მოსვენება. ახალი ეკლესიების აშენებისას იყენებდნენ დანგრეული შენობების ძნელად აღსადგენ ნარჩენებს და ამგვარად, ნაცვლად იმისა, რომ შეექმნათ ახალი და სრულყოფილი რამ, შეკეთებით სამუშაოებს სჯერდებოდნენ. უკანასკნელ საუკუნეებში ძველი ნიმუშების მიხედვით აშენებდნენ. მშობლიური ხელოვნების გაგება დაიკარგა და არქიტექტორები, ნაცვლად ჭეშმარიტი ხელოვნების მსახურებისა, პედანტებად გადაიქცნენ. ნამდვილ შემოქმედ არქიტექტორთა ნაკლებობა დღესაც შეიმჩნევა.

## ღრამატურბია

ღრამატურბია ქართველებისათვის XVIII საუკუნის დასასრულამდე უცნობი იყო. ევროპული კულტურის სამყაროს სიშორე და კარჩაკეტილობა მაშინდელ ვითარებაში შეუძლებელს ხდიდა ხელოვნების ამ დარგში დასავლეთის გავლენის შემოჭრას. ხალხის ცხოვრებაში მანამდე არავითარი სახის სანახაობრივი ხელოვნება არ იყო განვითარებული, რომელიც შეგვეძლო მიგვეჩინა სამსახიობო ხელოვნების ჩანასახად. თოჯინების თამაში, არლუკინადა, რომელიც სპარსეთში დღესაც იმართება ხოლმე, ქართველებისათვის უცნობი იყო. ორი სახის წარმოდგენა, რომლებიც ნიღბებით ტარდებოდა, დღევანდლამდეა შემორჩენილი. ერთი მათგანი (ყეენობა), ალბათ, XVIII საუკუნის დასასრულს წარმოიშვა, იგი სამსახიობო ხელოვნების ნედლ მასალას შეიცავს.

ყენობა იმართებოდა ხოლმე დიდმარხვის პირველ ორ-  
შაბათს და, როგორც ჩანს, წარმოდგენდა ირანელების დაცინ-  
ვას. ნაკლებად სარწმუნოა ხახანაშვილის აზრი, თითქოს ყე-  
ენობაში წარმართული დროის გადმონაშთებია შემონახული.

ამ წარმოდგენის მთავარი ვპირაა ყენი, ანუ სპარსეთის  
შაჰი. ის სახე შექურული, გადმობრუნებული ქურქითა და  
ბეწვის ქუდით ზის ვარზე. თავისი ამაღისა და მუსიკოსების  
თანხლებით იგი დადის ქუჩიდან ქუჩაში, იჭრება სახლებში  
ბავშვების შესაწინებლად და აგროვებს ამაღისათვის სხვა-  
დასხვა საჩუქარს—პროდუქტებსა და ფულს. როგორც ხახა-  
ნაშვილი მოგვითხრობს, წინათ ხანგრძლივი ხეტიალის შემ-  
დეგ ყენს ყვირილითა და ხმაურით წყალში აგდებდნენ, სა-  
დაც პირის დაბანის შესაძლებლობა ეძლეოდა. მეორე ნიღ-  
ბებიანი თამაში — „ბერიკობა“, ტარდებოდა ყველიერის  
კვირაში და მთელი ხუმრობა განისაზღვრებოდა ძალიან უბ-  
რალო მიხრამობრითა და მიმიკური სცენის გათამაშებით.

XVIII საუკუნემდე ქართველებს, როგორც ჩანს, დრამა-  
ტიული ხელოვნების შესახებ ბუნდოვანი წარმოდგენა ჰქონ-  
დათ. მხოლოდ 1791 წელს, როდესაც რუსეთიდან დაბრუ-  
ნებულმა რამდენიმე ახალგაზრდამ მეფე ერეკლე II-ის  
კარზე წარმოდგენები გამართა, ეს იყო თეატრალური ხე-  
ლოვნების გაცნობის პირველი შესაძლებლობა. პირველ  
ცდებს შედეგი არ მოჰყოლია და მომდევნო ექვსი ათეული  
წლის განმავლობაში არავინ ითავა მისი განმეორება, რად-  
გან არ იყო არც შესაფერისი მოთხოვნილება და არც შესაძ-  
ლებლობა.

ბოლოს, 1850 წელს ქართულ სასცენო ხელოვნებას გიორ-  
გი ერისთავმა ჩაუყარა საძირკველი. ამ მრავალმხრივმა  
მოღვაწემ თავის თანამემამულეებს სწორად აუღო ალღო.  
ერისთავმა პოლონეთში ყოფნის დროს ამ ქვეყნის დრამა-  
ტიული ხელოვნება და ლიტერატურა შეისწავლა, რაიც სამ-  
შობლოში დაბრუნების შემდეგ ძლიერ გამოადგა. თბილისში  
უკვე მაშინ ხშირად იმართებოდა რუსული წარმოდგენები  
და მაშინდელი კავკასიის მეფისნაცვალი — თავადი ვორონცო-  
ვი, ძალიან უწყობდა ხელს სასცენო ხელოვნების განვითა-  
რებას. ერისთავმა აქ საჭირო იმპულსი და შესაძლებლობა

პოვა თავისი ჯერ კიდევ უცხოეთში შედგენილი გეგმების განხორციელებისათვის. დასახული მიზნის მიღწევა, რა თქმა უნდა, ადვილი არ იყო, რადგან პირველ რიგში საჭირო იყო რეპერტუარის შექმნა და პოვნა ხალხისა, რომელიც მსახიობებად გამოდგებოდა. ყველაფერი ამის გაკეთება მხოლოდ გ. ერისთავმა შესძლო და, ამრიგად, გახდა პირველი ქართველი დრამატურგი და ქართველ მსახიობთა პირველი მასწავლებელი. რაც კი მან შექმნა, შექმნა თავისი სამშობლოს ცხოვრებიდან. მან ახალ სცენაზე უცხო, გაუგებარი პიესები კი არ გადმოიტანა, არამედ თავისი ქვეყნის ადამიანები და მოვლენები გამოსახა. უეჭველია, განთქმული პოლონელი კომედიოგრაფი ალექსანდრე ფრედრო მისთვის მისაბამ მაგალითს წარმოადგენდა; ისევე როგორც მან განდევნა ფრანგული პიესები პოლონური სცენიდან და, სამაგიეროდ, პოლონური კომედია შემოიღო, ერისთავმაც უცხოეთიდან კი არ მოიყვანა იდეალური ადამიანები და თავისი გულწრფელი თანამოძმენი უცნობი გმირების საგმირო საქმეებით კი არ მოხიბლა; არამედ თავის ხალხს მისივე ცხოვრების ამსახველი სარკე დაუდგა წინ.

ტიპიური, თავისებური ფიგურები მან ბლომად იპოვა მრავალრიცხოვან სოფლის თავადაზნაურობაში, საიდანაც წამინ თეატრის ყველა მოყვარული და პირველ ხანებში მაყურებელიც გამოდიოდა. მის პირველ კომედიაში „გაყრა“, რომელიც 1850 წლის 2 იანვარს დაიდგა, მთლიანად კეთილშობილი საზოგადოების წარმომადგენლები მონაწილეობდნენ, რადგან ნამდვილი პროფესიონალი მსახიობები ქართულ სცენაზე მხოლოდ 70-იან წლებში გამოჩნდნენ.

გიორგი ერისთავმა ხუთ ექვსი კომედია და ერთი დრამა — „ყვარყვარე ათაბაგი“ დაწერა, რომლის მასალები მან ქართული ცხოვრებიდან აიღო. ეს პიესები დღესდღეობით ნაწილობრივ მოქველდნენ, მაგრამ ამით სრულიადაც არ მცირდება ერისთავის, როგორც ქართული თეატრისა და ლიტერატურის ახალი დარგის შემქმნელის დამსახურება, იგი იტოვებს თავის თანამემამულეების ხსოვნაში. ყველა მისი ცდის მიუხედავად, სცენამ მაშინვე ვერ გამოიწვია მოსალოდნელი გამოხატულება, რადგან სცენის გაგება ძალიან ნე-



ლპ იკვლევდა გზას და პირველ ხანებში მაყურებლის რიცხვი ძლიერ მცირე იყო. მხოლოდ წარსული საუკუნის უკანასკნელ ათეულ წლებში, როდესაც ბიურგერობის\* წოდება თანდათან განმტკიცდა, თეატრი გახდა ქემშარიტად მნიშვნელოვანი ფაქტორი ქართველი ხალხის ცხოვრებაში. მის აღმავლობაში დიდი დამსახურება მიუძღვის გიორგი ერისთავის ვაჟს, დავითს, რომელიც თარგმნიდა და გადმოაქეთებდა ხოლმე უცხოურ პიესებს. დიდი წარმატება ჰქონდა მის დრამას „სამშობლოს“, რომელიც დაახლოებით ოცი წელია სცენაზე ბატონობს.

მშობლიური ცხოვრება ხშირად პოულობდა თავის წარმოსახვას სცენაზე, ზოგიერთი პიესა კარგა ხანს იღვებოდა და ინტერესი მშობლიური თეატრისადმი სულ უფრო და უფრო ღვივდებოდა. მაგრამ ხელოვნებამ ამით მაინცდამაინც შესამჩნევად ვერ წაიწია წინ. ამ მდიდარი წიაღიდან ბაჭაღლო ოქროს გამოტანა დღის სინათლეზე ჭერჭერობით ვერაფერს მოახერხა.

1902 წელს გარდაცვლილი აექსენტი ცაგარლის დიდად მოსაწონ კომედიებს მხოლოდ ის უპირატესობა აქვთ, რომ ნამდვილად ხალხურ პიესებს წარმოადგენენ. ისინი ზემოქმედებას ახდენენ უფრო ხასიათებითა და სიტუაციებით, ვიდრე ნამდვილი ხელოვნებისათვის დამახასიათებელი წესებით.

ქართველი მსახიობები ცოცხალი, ბუნებრივი და საზრიანი ხელოვნები არიან. მათი თაშაში ტემპერამენტია, სადა და ისე მრავალფეროვანი, რომ მეორეხარისხოვან როლებშიც კი საინტერესონი გვეჩვენებიან. სწორედ ქართველი მსახიობების ამ სიცოცხლესა და ძალდაუტანებლობაშია ქართული თეატრის ძალა. რომელიც დღემდე მეტწილად თარგმანებს იშველიებს. შექსპირი და შილერი დღემდე მოწონებას იმსახურებენ, რაც ქართველთა გემოვნებას ადასტურებს და ახასიათებს. შექსპირის დრამებიდან მხოლოდ რამდენიმეა

\* იგულისხმება სამოქალაქო მოსახლეობაში ე. წ. 3-ე (სავაჭრო-სამრეწველო) კლასის გაძლიერება. თ. ფ.

თარგმნილი; უმნიშვნელოვანესი და ყველაზე განთქმული მათ შორის ვანო მაჩაბელმა თარგმნა. მაჩაბელი ამავე დროს გერმანული ლიტერატურის საფუძვლიანი მცოდნე იყო...

უკანასკნელ წლებამდე გერმანული პიესები იშვიათად იდგმებოდა და მხოლოდ მაშინ, როდესაც გერმანულმა დრამამ კვლავ მოიკრიბა სასიცოცხლო ძალა და ჭეშმარიტებიდან გამომდინარე ეთიკა შეიძინა, ქართველებმა თავიანთი ყურადღება მიაპყრეს მას. ქართველების მიერ გერმანული დრამის გაგება მათ მაღალ სულიერ კულტურას ადასტურებს.

თავიანთი ხასიათისა და სულიერი მიდრეკილების შესაბამისად, ქართველებს ძლიერ უყვართ კომედია, რისთვისაც უფრო ნიჭიერი მსახიობები ჰყავთ, ვიდრე დრამისთვის. ბაზილიუს აბაშიძე\* შესანიშნავი კომიკოსია, ასეთია იგი არა მარტო ტიპურ ქართულ, არამედ საზოგადო ხასიათის როლებშიაც. ორი ათეული წლის განმავლობაში ეს ხელოვანი თბილისის ქართული თეატრის მნიშვნელოვან ძალას წარმოადგენდა. მისი მეუღლისა და ქალბატონი გაბუნიას მოღვაწეობაც ასევე ხანგრძლივი და ნაყოფიერი იყო. ახალი თაობა ჩუბი გაელენით ჩამოყალიბდა. დრამაში თავი გამოიჩინა მეტაიშვილმა. საზოგადოდ კი ეს დარგი ძლიერ ჩამორჩება. ამჟამად ქართველებს მუდმივი სამსახიობო საზოგადოებები აქვთ თბილისსა და ქუთაისში, სხვა ადგილებშიც, მათ შორის სოფლებშიც კი დროდადრო იმართება წარმოდგენები, რომლებშიც ხშირად სცენისმოყვარეები იღებენ მონაწილეობას. სამსახიობო ხელოვნების გაგება უკვე ფართო წრეებში შეიჭრა, რადგან ქართველებს საამისოდ უექველი ნიჭი გააჩნიათ. მოსალოდნელია, რომ დროთა განმავლობაში ისინი დიდ წარმატებებს მიაღწევენ, მაგრამ ამისთვის მათ სჭირდებათ მეტი გულმოდგინება, სიბეჯითე და საკუთარ თავზე მუშაობა.

• • •

ქართული მუსიკა ისევე ძველია, ალბათ, როგორც თვით სიმღერა და უექველია, მისი პირველი, მკაცრი და ბობოქა-

\* იგულისხმება ვასო აბაშიძე.

რი ტონები უკვე წინა ისტორიის გარიყრაუზე გაისმოდა ცეცხლთაყვანისმცემელთა საკურთხეველის წინ. იმ წარმართული დროის ჰიმნებზე ახლა არავითარი ცნობა არ არის შემონახული. ამ პრეისტორიული ჰიმნების უკანასკნელ გადმონაშთებს ზოგი ძველ ხალხურ მელოდიებში ხედავდა. მათთან ერთად უკვე იმ წარსულ დროში არსებობდა „ზარი“ მიცვალებულის დატირება სიმღერით, რომლის თავდაპირველი ფორმები ფრაგმენტების სახით დღემდე შემონახულა. როგორც უკვე ავლინებთ, ინსტრუმენტებზე დაკვრა სიმღერის გარეშე აღმოსავლეთში თითქმის უცნობი საქმეა. აღმოსავლეთს მხოლოდ სიმებიანი ინსტრუმენტები გააჩნია, რომლის სუსტი ტონები ვერ ფარავენ სიმღერას და არ აღწელებენ ნამღერის სიტყვების მოსმენას. სხვა ინსტრუმენტები, როგორც არის სალამური, კლარნეტი, დოლი, ლიტაგრა, (დიპლიპიტო), დაიკვრება ხოლმე მხოლოდ მარშებისა და ცეკვების დროს.

სიმღერისაგან დამოუკიდებელი მუსიკალური ნაწარმოები ისევე ნაკლებადაა საქართველოში განვითარებული, როგორც წინა აზიის სხვა ქვეყნებში. აქ სიმღერა და დაკვრა ყოველთვის ერთმანეთში იყო შერწყმული.

ბიბლიის გავრცელების უმაღლესი სირიული და ბერძნული კულტის მსახურებთან ერთად საქართველოში საეკლესიო გალობა შემოვიდა, მაგრამ ამ უძველესი საფეხურის შესახებ არ არსებობს რაიმე ცნობა.

X და XI საუკუნეებში საეკლესიო გალობამ მტკიცე წესები დაიმკვიდრა, რომლებიც პერგამენტებზე, ხელნაწერების სახით, ძვირფას ძეგლად გადაურჩენს საუკუნეებს. ერთი ასეთი დიდტანიანი ჰიმნების წიგნი, რომელიც 514 ფურცლისაგან შედგება, შეიცავს საეკლესიო სიმღერების მნიშვნელოვან რიცხვს სანოტო ნიშნებით. სიძველეთა თანამედროვე მკვლევარი მოსე ჯანაშვილი მათ წარმოშობას X საუკუნეს მიაწერს და საკმაოდ დამაჯერებელი საბუთები მოჰყავს.

უეჭველია, დიდი ხნის განმავლობაში საეკლესიო გალობა ნიშნულზე და საფუძველი იყო საერო მელოდიებისთვის,

რომლებიც საეკლესიოსაგან დიდად არ იყვნენ დაშორებულნი და სერიოზული, გაბმული ტონით ხასიათდებოდნენ. ძველი ქართული სიმღერის მელოდიები ნაღვლიანი და მგზნებარებით გაუღენთილია. ის ძირითადი მარტივი ტონი, რომელიც ყველა სიმღერას მსგავსების ბეჭედს ასვაშს, ალბათ მრავალი ისტორიული შექიჩვებისა და თავგადასავალთა შედეგად განვითარდა...

საზოგადოდ, ქართველი ხშირად მღერის, მაგრამ უმთავრესად მხოლოდ მამაკაცთა საზოგადოება, ქალების სიმღერას კი უფრო იშვიათად გაიგონებთ. კაცები და ბიჭები მღერიან ყველგან — მინდვრად თუ სახელოსნოში მუშაობისას, სიარულისა თუ მგზავრობის დროს, ქალები და ქალიშვილები კი — ჩვეულებრივ მხოლოდ სახლში, სიმებიანი საკრავების თანხლებით. ქართული მელოდიები მნიშვნელოვნად განიჩქვებიან ერთმანეთისაგან, მაგრამ აღსანიშნავია, რომ ერთნაირი გვარის მელოდიებს, ერთნაირი ძირითადი ტონი გააჩნიათ. ინსტრუმენტების თანხლებით მხოლოდ სასიყვარულო სიმღერები იმღერება. ესენი არიან ქართველებისათვის ისეთი სიმღერები, რომლებიდანაც დროთა განმავლობაში მელოდიების მდიდარი საუნჯე წარმოიშობა. ქართული მელოდიების ევროპული მუსიკალური ხელოვნების კანონების მიხედვით გადაკეთებას აქამდე წარმატება არ მოპყვლია, მაგრამ ამ წარუმატებლობის მიზეზი მდგომარეობს არა თვით მელოდიებში, არამედ ხელოვანთა სისუსტეში. ქართულ მელოდიებს მარტივი ტონალობის მიუხედავად მდიდარი ლირიკა გააჩნია, ამის უარყოფა არავის შეუძლია...

## ხალხური პოეზია

მდიდარი ფანტაზიის შესაფერისად მდიდარია და ღიღებულები ქართული ხალხური პოეზია. მისი საწყისები შორეულ წარსულში იკარგება. სიმღერის უძველესი ფორმა, უეჭველია, საქორწინო ხასიათის იყო, მოგვები ქმნიდნენ და მღეროდნენ ცეცხლის საკურთხეველის წინაშე ბუნების გაღ-

მერთებულ ძალებისადმი საღალადებელ სიმღერებს. ეს პირველადი პოეზია მდიდარი იყო თუ არა, ჩვენ არ ვიცით, მაგრამ ექსკლთაყვანისმცემლობა, ჩანს, ფანტაზიის დიდი მპყრობელი უნდა ყოფილიყო და მრავალრიცხოვანი კვალი დასტოვა წეს-ჩვეულებებში, თქმულებებში, პოეზიასა და თვით ენაშიც... მოგვეური პოეზიის გვერდით ძლიერ აღრეულ ხანაში წარმოიშვა მკვდრის დატირება, რომელიც მკირეოდნად შეცვლილი ფორმით უახლოეს დრომდე იყო შემორჩენილი...

სახალხო მომღერლები, ისეთები, როგორც წინა აზიის სხვა ხალხებს ჰყავდათ, ჩანს, საქართველოში ქრისტიანობის წინა ხანის გარდა არ იყვნენ მშობლიური წარმოშობისა. ის ცოტაოდენი, რომლებიც აქ მეთვრამეტე საუკუნეში გამოჩნდნენ, სომხები ან მუსლიმანები იყვნენ. ისინი, ჩვეულებრივ, სიყვარულსა და ცხოვრების ტკბობას უმღეროდნენ; რომელიმე ცნობილი რაინდის თვისებებსა და საქმეებს შოკლე სტროფებით აღიღებდნენ. მხოლოდ მაღალ მთებში მცხოვრებ ტომში — თუშებში თუ გვხვდება საგმირო სიმღერები, სადაც აღწერილია მათი ბრძოლები ლეკებთან, ქისტებთან და ჩეჩნებთან.

ქართული ხალხური პოეზიის უმდიდრესი სფეროა ლირიკა, რომელიც შეიცავს ძვირფას განძს ჭეშმარიტი პოეზიით ზავსე სიმღერებისას. აქ პირველი ადგილი, როგორც ყველგან, სამიჯნურო სიმღერებს უჭირავთ. მათი ენა, როგორც საერთოდ ქართული ხალხური მეტყველება, ყვავილნარს ჰგავს. იგი აგრეთვე მდიდარია სიტყვებისა და სურათთა თამაშით. ეს სიმღერები არ არიან თავისუფალნი გადაჭარბებისაგან, რაც ძნელად მოსაცილებელია, რადგან ქართველებს ძლიერ უყვართ პოეტური შედარებები. სამიჯნურო სიმღერების უმრავლესობა უბიწო გრძნობით სუნთქავს; მგზნებარებით გადმოგვცემს ტკივილსა და სიხარულს...

წლის დროებიდან ქართული ხალხური სიმღერა თითქმის მხოლოდ გაზაფხულს იცნობს, ყვავილებიდან—მხოლოდ ვარდს და იას, ფრინველებიდან—ბულბულს. გრილი მორაკ-

რაკე წყარო, მთის ნაკადულების შორეული ჩხრიალი, მთის მწვერვალების მზის სხივზე აკიაფება, ტყის ილუპალი მშვენება და სხვა მრავალი მომხიბვლელი შედარებით ნაკლებად გვხვდება ამ პოეზიაში. მაგრამ ბუნების სიყვარული მაინც იჩენს თავს ხალხურ შემოქმედებაში და მათ მალაქ მიმზიდველობის თვისებას ანიჭებს.

ქართველთა ხასიათი მჭიდრო კავშირშია ბუნებასთან. რბილი ჰაერის წყალობით საქართველოს უმეტეს მხარეებში მცხოვრებლებს სამხრეთული სილამის ნიშანწყალი დასდევს. წელიწადის მნიშვნელოვან ნაწილს ხალხი გარეთ ან სანახევროდ დახურულ სადგომებში ატარებს. აქ ყოველდღიურად ყველა ტკბება სუფთა ჰაერით, მზის ნათელი სხივებით და ლურჯი ცის ცქერით. ეს სხეულისთვის სასარგებლო ბუნებრივი ცხოვრება ახალისებს მის სულიერ განწყობილებას და უმაღლებს გარეგან შთაბეჭდილებათა ამთვისებლობის უნარს. ამიტომ ქართველი თვით უძიმეს სამუშაოშიც მიმზიდველობას პოულობს, მუშაობისას იგი ყოველი საქმის შესაფერისს მღერის. ქართველი მღერის მიწის ხვნის, თესვის, თოხნის, მკისა და ლეწვის დროს. იგი თავისთვის ჩუმად კი არ ღიღინებს, არამედ ისე მალა უწევს ხმას, რომ შორს სივრცეში გაისმის. ამ სიმღერათაგან ულამაზესია „ურმული“ (სიტყვა დაკავშირებულია ურემთან, ორთავა ფორანთან), რომელიც კამეჩებით ან ხარებით ნელი და მოსაწყენი მოგზაურობისას იმღერება. ქართველებს გააჩნიათ აგრეთვე მრავალი საქორწინო, სუფრული და საღღესასწაულო სიმღერები.

და ბოლოს, ქართულ პოეზიას პატარა იგავები ახლავს, ისინი ჩვეულებრივად რაიმე შედარებასთან დაკავშირებულ აზრს გამოხატავენ...

ქართველი ხალხის ფანტაზიამ მრავალგვარი გამოყენება კპოვა ზღაპრებში, რომლებიც სამყაროზე, აღამიანებსა და საგნებზე აღმოსავლური მრავალფეროვნებით მოგვითხრობენ; ამავე დროს, მათში შეიმჩნევა სიახლოვე ინდოევროპულ ზღაპრებთან.

მითოლოგიური ზღაპრები მზის, მთვარისა და ვარსკვლავების შესახებ მოგვითხრობენ საერთოდ ქართველი ხალხის ძველთაძველ კოსმოგონიაზე, რაც საკმაოდ გულუბრყვილოა. აქ გველეშაპები და ურჩხულები მთავარ როლს თამაშობენ. ძალზე მრავალფეროვანი და მრავალრიცხოვანია ისეთი ზღაპრები, რომლებსაც საფუძვლად ხალხის ცხოვრება უდევთ. მაგალითად, ნახევარსულები\*, ასეთები, პირველყოფლისა, დევები არიან, ისინი ადამიანებს ესხმიან თავს ყოველთვის. სპარსულ ზღაპრებში დევები სულბად გვევლინებიან, ქართულში კი ნახევრად ადამიანებად, გოლიათებად, რომლებსაც ხშირად ასაძღე თავი აქვს. დევები მოკვდავნი არიან. მათი მოკვლა, მოტყუება, შეშინება კაცსაც შეუძლია. დევები ადამიანს უმეგობრდებიან კიდევ, მათ ქალებს შეიყვარებენ და ხშირად ცოლადაც ირთავენ. დევები გამოქვაბულებში, ტყეებში და ზოგჯერ შესანიშნავ ციხე-კოშკებშიც ცხოვრობენ; აუარებელ განძს: ოქროს, ვერცხლს, ძვირფას თვალს და მეფის მშვენიერ ასულებს ფლობენ ხოლმე.

ერთ მეგრულ ზღაპარში ციკლოპი ვვხვდებით. ის თუმცა ტყისკაცია, მაგრამ ამავე დროს მამულისა და ფარის მფლობელიცაა. კუდიანთა და ჯაღოქარ ქალთათვისებურებანი ქართულ ზღაპარში მრავალგვარია, ისინი წარმოდგენილნი არიან კუდიანებად, ცხოვრობენ გამოქვაბულებში და ნანგრევებში, გვევლინებიან ადამიანის დამხმარედ ან მის ხელისშემშლელად. როგორც ყველგან, ქართულ ზღაპრებშიც მრავლად აქვს ადგილი დათმობილი სახეცვლილებებს. ამისათვის გამოიყენებიან ისეთი ჯადოსნური საშუალებები და საგნები, როგორიცაა უჩინმაჩინის ქუდი, მფრინავი სკივრი, ჯადოსნური ქვები და ა. შ. ჯადოსნობას, როგორც აღმოსავლურ და დასავლურ ზღაპრებში, აქაც ცენტრალური ადგილი უკავია.

\* გერმანულ ფოლკლორში „ნახევარსულები“ გვევლინებიან სანახევროდ ადამიანური თვისებების მატარებლად. (რედ.)

## ქართული ლიტერატურა

შორს, აღმოსავლეთისაკენ, კასპიისა და შავ ზღვას შუა, ძველი კოლხეთის ვაკეებზე პატარა ერი ცხოვრობს. ბევრმა არ იცის მისი წარსული. დასავლეთში არც ახლა ექცევა სათანადო ყურადღებით მისი თანამედროვე კულტურის განვითარებას. ეს ერი ქრისტიანი ერია — ქართველები (როგორც ისინი თავის თავს უწოდებენ). წარსულში მილიონამდე თუ აღწევდა, თუმცა მისი ისტორია დასავლეთ აზიის არც ერთი ტომის წარსულს არ ჩამოუვარდება თავისი მნიშვნელობით... ის ისტორიული როლი, რაც წილად ხვდა ქართველებს კაცობრიობის მიმართ ბაგრატიონთა დინასტიის დროს, რომელთა მფლობელობა კავკასიიდან არაქსამდე ვრცელდებოდა, ეს იყო ბრძოლა დასავლეთისაკენ ისლამის გავრცელების წინააღმდეგ. ქართველები მრავალი საუკუნის განმავლობაში იცავდნენ ევროპასა და აზიას შორის გადებულ ამ ბუნებრივ ზღვას სპარელტა, არაბთა და თურქთა წინააღმდეგ და ამ ბრძოლებში უფრო მეტი სიმტკიცე და გამძლეობა გამოიჩინეს, ვიდრე ევროპელმა ჯვაროსნებმა პალესტინაში. ამ ერის ბრძოლების ისტორია ეს არის ქრისტიანული რაინდობის ძლევა მოსილების ისტორია... ძველი საქართველოს ბრძოლების უმთავრესი მიზეზი სარწმუნოება და მამულის დაცვა იყო. ამიტომ, სარწმუნოება და რაინდობა ორი დედაბოძი აყო შუასაუკუნეობრივი ქართული საზოგადოებრივი ურთიერთობისა.

სიმცირის გამო ამ ერის ისტორია სათანადოდ ვერ აისახა მსოფლიო ისტორიაში, თუმცა ეს ხალხი სახელოვნად ასრულებდა თავის მისიას კაცობრიობის წინაშე. ასეთივე ბედი ეწია მისი გონების ძვირფას ნაღვაწს კაცობრიობის საგანძურში. იგი არ აისახა მსოფლიო ლიტერატურის არც ერთ ისტორიაში. ასეთი რამ ერთი მხრივ შეურაცხყოფელი უგულვებელყოფაა ამ ერის ღირსი პოეტებისა და მწერლებისათვის, მეორე მხრივ, დანაკლისი ჩვენთვის იმ დროს, როდესაც დასავლეთში ესოდენ დაცემულა შემოქმედებითი



ძალები... ქართული ლიტერატურა რაც არ უნდა იყოს, იგმ  
არა ერთსა და ორ ნამდვილად მშვენიერსა და თავისებურ  
ღირსებებით შემკულ ობოლ მარგალიტს მაინც შეიცავს...

## I

თუმცა ქართული ენის წარმოშობას გულმოდგინედ  
სწავლობენ, მაგრამ დღემდე ის მაინც გარკვეული არ არის.  
პეტერბურგის აკადემიის ახლახან გარდაცვლილი წევრი  
ფრანგი ბროსე, რომელმაც ზედმიწევნით იცოდა ქართული  
და ამ ენის განვითარების გზა ნათლად დაგვისახა,  
ფიქრობდა, იგი ინდოევროპულს ენათესავენაო, მაგრამ  
ამავე დროს, იმასაც დასძენდა, რომ ქართული ენა ძირს  
ზემოხსენებულ ენების ჯგუფიდან არაფერი აქვს საერთო.  
სავარაუდოა, რომ ეს ენა ინდოევროპული წარმოშობისა  
არ არის. მის განვითარებაზე შემდეგ გავლენა იქონია  
სპარსულმა, ზენდურმა და სანსკრიტულმა...

ახლანდელი ქართული ენა მისთვის უცხო და სხვადასხვა  
მხრივ შემოსილი სიტყვებითაა აჭრელებული. მათი უმე-  
ტესობა სპარსულ და არაბულ ენებიდანაა შემოსული.  
ბოლო დროს ქართულში ბევრი ევროპული სიტყვებიც  
შემოიტანეს იმ განზრახვით, რომ ენა თანამედროვე ცივა-  
ლიზაციას შეუფარდონ. ამგვარმა სიახლემ სრულიადაც  
არ დაამშვენა იგი. ასეთი სიახლე განსაკუთრებით ტექნიკურ  
თერმინოლოგიას შეეხო. ქართველი მწერლების უმრავლე-  
სობა უცხო სიტყვებს ქართულ დაბოლოებას უმატებს და  
არ ფიქრობენ, რომ ამის გამო ეს სიტყვები გაუგებარნი  
ხდებიან და მახინჯდებიან კიდევ.

ენაში უცხო სიტყვების შემოტანისა და ენის სიწმინდის  
წარყენის წინააღმდეგ ებრძვა ზოგიერთი მწერალი ბ. ყიფი-  
ანის მეთაურობით. მათ უფრო მიზანშეწონილად მიაჩნიათ  
უცხო სიტყვების ნაცვლად მშობლიური იხმარონ.

დაწერლობის შემოღებას საკუთარ ქვეყანაში ქართვე-  
ლები ალექსანდრე მაკედონელის თანამედროვეს ფარნაოზ  
მეფეს, მათი სახელმწიფოს დამაარსებელს მიაწერენ.  
ქართული დამწერლობა ზენდური წარმოშობისაა. მეოთხე

საუკუნეში სამღვდლოებამ კერბთაყვანისმცემლობის აღსაგ-  
ველად ძველი ლურსმნული, ანუ ხაზობრივი დამწერლობის  
ნაცვლად მრგვლოვანი ხელი შეჰყოილო. ასოების ასეთი  
მოყვანილობა ოდნავ აძნელებს კითხვას. ამისი მიზეზი მათი  
სიპრავლეცაა. მათი რაცხვი დიდია—სულ 38. მაგრამ ასო-  
ების სიპრავლის გამო მართლწერა მაინც არ წარმოადგენს  
სიძნელეს, თუ კარგად იცით ასოების წაკითხვა და გამო-  
თქმა, ადვილად შესძლებთ ქართულად წერასაც. ასეთი  
სიმარტივის გამო ასოების შესწავლასთან დაკავშირებული  
პირველი დაბრკოლება სიძნელოდ არ უნდა ჩაითვალოს.

ჩვენამდე არც ერთ წინარე ქრისტიანულ ლიტერატუ-  
რულ თხზულებას არ მოუღწევია. საქრისტიანო საქართვე-  
ლოს უძველესი დამწერლობითი ძეგლებია თარგმნილი  
„დაბადება“ და რამდენივე სასულიერო თხზულება.

როგორც ყველგან, ისე საქართველოშიც მწერლობა და  
მეცნიერება პირველ ხანებში სასულიერო წოდების ხელში  
იყო. ამ წრის მთავარი მიზანი კი საქართველოში ქრისტი-  
ანული სარწმუნოების დამკვიდრება იყო. ამისათვის ის  
ცდილობდა ქართულად თარგმნილიყო საუკეთესო სასუ-  
ლიერო-ქრისტიანული თხზულებები, უმეტესად ბერძნუ-  
ლიდან... ეს ვითარება გაგრძელდა იმ დრომდე, ვიდრე  
მოიხვეჭდა სიმიძღაგრესა და სახელს ბაგრატიონთა დინასტია  
და ვიდრე დაემხოზოდა აღმოსავლეთის იმპერია... თუმცა  
ქართველი ახალგაზრდობა კვლავ განაგრძობდა სწავლას  
ათენსა და სხვა ბერძნულ ქალაქებში.

საერო ლიტერატურული თხზულებები საქართველოში  
პირველად მეთერთმეტე საუკუნეში გაჩნდნენ. ამ დროისა-  
თვის განსაკუთრებით ასეთი თხზულებების თარგმნა  
ხშირდება ბერძნულიდან და რომაული კლასიკური ლიტე-  
რატურიდან...

ქართულმა ლიტერატურამ თავის უმაღლეს განვითარე-  
ბას მეთორმეტე საუკუნეში მიაღწია ამ ერის დიდი ძალმო-  
სილების დროს, როდესაც ძლიერად სჩქეფდა ერის საზო-  
გადოებრივი ცხოვრება. თუმცა ისიც უნდა აღინიშნოს, რომ  
ამდროისათვის კლებას იწყებენ რაინდული ქველობა-ზნენი.  
მოუხედავად იმისა, რომ მათ მიერ გადახდილი საგარეო

ომები გამარჯვებით მთავრდებოდნენ, რაც შთამაგონებელი  
რამ იყო მეზობლებისათვის. ასეთი წარმატებანი ან მათი  
მეურნეობის და კულტურის უმაღლეს დონემდე მიღწევის,  
ან საზოგადოებრივ ორგანიზაციას, წესწყობილებას უნდა  
მიეწერებოდეს. ეს კი თავის მხრივ სამხედრო მოღვაწეობას  
აადვილებდა. ამ პირობებს თან ერთოდა მოსაზღვრე სახელმ-  
წიფოთა დაცემის ნიშნები, რომელთა მეოხებით ქართვე-  
ლებმა ყურადღება მიაქციეს შინაური ყოფა-ცხოვრების  
გაუმჯობესებას. ცხადია, რაინდი ხალხისათვის ოჯახური  
მყუდროება უფრო სასარგებლო იყო, ვიდრე ძნელად ასა-  
ტანი ლაშქრობები. ერის ზნეობა უფრო ამაღლდა და  
კეთილშობილური შეიქმნა. იგი თავს იჩენდა ეთიკაში—  
ურთიერთ დამოკიდებულებაში; განსაკუთრებით იმითი,  
რომ მშვენიერი სქესისადმი პატივისცემა უფრო ამაღლდა.

საქართველოსათვის ეს იყო სიუხვისა და ბედნიერების  
ზანა. ამას კარგად იფიქრებდა ქართველი, რომელსაც ამავე  
დროს არც გემოვნება, არც მშვენიერების გაგება, არც  
ესთეტიკური გრძნობა არ აკლდა. საქართველოს წარსულში,  
ვგონებ, არც ერთხელ არ მიუღწევია იმ წარმატებისათვის,  
რასაც მან თამარ მეფის დროს, მეთორმეტე საუკუნეში  
შიაღწია. თამარს აქებდა და აღიდებდა კავკასიის ყველა  
ხალხი, რომლებზედაც ვრცელდებოდა მისი ხელმწიფობა.  
ცხოვრების ყველა მხარეს დაეტყო მისი ლმობიერებისა და  
სინაზის გავლენა. გამარჯვებით დაგვირგვინებული საგარეო  
ომები, შინ სასიკეთოდ მოწყობილი წესწყობილება,  
მტრისგან აღებული დიდი ხარკი კეთილდღეობის განვითარე-  
ბას ცოტას როდი უწყობდა ხელს. ცხოვრებასთან ერთად  
ძალუმად ჰყვაროდა კულტურა. ამდენი არქიტექტურული  
ნაგებობა საქართველოში არასოდეს აგებულა, ამას მრავლად  
დარჩენილი ეკლესია-მონასტრები და ციხე-კოშკები მოწმო-  
ბენ. ყველა ეს ღირსსახსოვარი ძეგლი და სანახაობა ერთმა-  
ნეთისაგან განსაკუთრებული ჩასიათით განსხვავდებიან... მათ  
ზავიანთი საკუთარი გემოვნება ამჩნევიათ და ამიტომ ეს  
ნაგებობები სიამოვნებას ანიჭებს კაცის თვალს. ქართული  
სტილი ყოველთვის, სადაა, თუმცა ქართველი, საერთოდ,  
მდიდარია წარმოსახვის ნიჭით... ისინი სივრცის გადაწყვეტისას

სისადავეს და ჰარმონიას იცავენ. ეს მათ მშვენიერ გემოვნებას მოწმობს.

ამ ეპოქაში პოლიტიკურ კეთილდღეობას სიმდიდრეც მოჰყვა... კეთილყოფას იშვიათად თუ შესწყვეტდა აბჯრისა და საჭურვლის ქღრიალი, რომლის შემდეგ კვლავ იმძლავრებდა ბრძოლის ველზე გამარჯვებით კმაყოფილ რაინდთა შეწყვეტილი დროსტარებანი. გამარჯვებულთა ყოველი დაბრუნება დღესასწაული იყო. გამარჯვებულები ერთი მეორეს მოსდევდნენ. მათი ცხენები ქუჩაში დაგებულ ფიანდაზ-ხალიჩებზე მოროკავდნენ. ამ ქსოვილს როდემპქონდა დიდი ფასი ქართველებისათვის. იგი განუწყვეტლივ მოდიოდა საქართველოში აღმოსავლეთის ქვეყნებიდან. ეს იყო დიდებულა დრო. მაშინდელ თბილისთან შედარებით ახლანდელი მიყრუებული ვაჭრული თბილისი სულ სხვა სურათს წარმოადგენს. აქ ასობით და ათასობით მოისწრაფოდნენ სახელოვანი რაინდები ფუფუნებისა და სიამოვნების წყურვილის მოსაკლავად. გრძლად გაბმული ზღაპრული განძეულობით დატვირთული ქარავნები განუწყვეტლივ მოედინებოდნენ თბილისის ქუჩებისაკენ. ზუმცა ეს ქვეყანა თვითონ იძლეოდა ყოველ საშუალებას სიცოცხლის ტკბილად გატარებისათვის... თუ წარმოიდგენთ ყველა ამას, თქვენ შესძლებთ დაახლოებით წარმოისახოთ იმდროინდელი საქართველოს ცხოვრების სურათი. ყველა ამასთან ერთად ეს იყო ქართველი ხალხის გონებრივი განვითარების სანეტაროდრო. ამ ნიადაგზე აღმოცენებულ პოეზიას სხვა უკეთესი რა უნდა აესახა, თუ არა ბედნიერებითა და სიამოვნებით სავსე ცხოვრების მშვენიერი სინაჰდვილე... ცხადია, რომ მეთორმეტე საუკუნის ქართველთა გონების ნაღვაწში ცხადად ჩხატება თანამედროვე საზოგადოების ცხოვრება, გრძნობამისწრაფებანი და საერთოდ, იმდროინდელი ქართველების სულიერი ყოფა უფრო მეტად ლირიკულ პოეზიაში აისახა. სხვაფრივ არც შეიძლებოდა: როგორ უნდა გამოეხატათ მათ თავისი ზარზეიმული განწყობილებანი, ან მწუხარება იმ ქვეყანაში, სადაც ყოველივე პოეზიისაკენ გიზოდავთ, სადაც ყოველ ფენის გადადგმაზე საუცხოო ბუნებაა, მოკრიალებული ცის კაშკაში და რბილი ჰავა თვით უბირ

კაცსაც პოეტად შეიქმს. იმდროინდელ საქართველოში ამიტომ უფრო მეტად ლირიკული პოეზია ჰყვოდა და მეტადაც გამოირჩეოდა. იგი ბუღბუღივით დაკვენესდა და დაჰყვოდა საწუთროს წალკოტს. ლირიკულ იახზულე-ბებიდან მარტოოდენ ნაწილიდა გადაეცა შთამომავლობას. ეს ბედი არ გაინაწილა ეპიკურმა თხზულებებმა. ამ თხზულე-ბათა შორის განსაკუთრებულია „ვეფხისტყაოსანი“, პოე-მაში მოქმედება არაბეთშია გადატანილი. ვრცლად მოთხრო-ბილი ამბავი საესებით შეეფერება იმდროინდელ ქართველ-თა საზეიმო განწყობილებას.

პოემის შინაარსი ასეთია: არაბეთის დიდებული მეფე როსტევაანი სამეფო ტახტს თავის ასულს — თინათინს ულო-ცავს. იგი, პოეტის სიტყვით, ბრწყინავს ვით აღმოსავლეთის შზე. გვირგვინის კურთხევის ლხინობასა და დარბაზობის დროს მეფე მოულოდნელად მოიწყენს. ჰმუნვის მიზეზი ჰკითხეს. მან პასუხად მოუგო: მაწუხებს, რომ ჩემს სამფლო-ბელოში არავინ არის შესადარი ჩემი რაინდობისა და გულადობისაო. ამ დროს ერთი მის დაახლოებულთა-განი — ავთანდილი სთხოვს, ნება დართოს მას, დაუმ-ტკიცოს ამ სიტყვების უსაბუთობა. მეფე ნებას აძლევს და ამ აზრის გამართლებისათვის ნადირობას გამარ-თავს. ნადირობის დროს მტირალ ახალგაზრდა ყრმას შეეყრე-ბიან. მეფეს სურს გაიგოს მისი მწუხარების მიზეზი. გზავნას კაცებს, მაგრამ ყრმა რაინდი თავისი მერანის წყალობით გაქრე-ბა უეცრად. ეს შემთხვევა უფრო მეტ სევდას მოჰგვრის მეფეს, აღარაფერი ამხიარულებს მას. მისი ასული მამის მწუხარების განსაქარვებლად შორეულ ქვეყნებში გზავნის ავთანდილს ამ იღუმალი ყრმის მოსაძებნად. მას თავგადასა-ვალთა ჰილდოდ ცოლობას ჰპირდება. ავთანდილი აღფრთო-ვანებულაა მეფის ასულის სურვილის შესრულების წყურვი-ლით. იგი რამდენიმე წლის განმავლობაში აღმოსავლეთის სხვადასხვა ქვეყნებში მოგზაურობს. ბოლოს მოსძებნის და შეეყრება ამ უცხო ყრმას, გაიგებს მის თავგადასავალს და ჰვაშიადს. შეტად ვრცელი ოდისეა ბოლოს ქორწილით თავდება. ეს პოემის მხოლოდ მოკლე შინაარსია, რომელ-შიაც თხრობა დამშვენებულია წარმტაცი ეპიზოდებით.

ქართული პოეზიის ამ მარგალიტის შეფასება ჩვენთვის საძნელოა.... „ვეფხისტყაოსანი“ მართლაც რომ სულის წარმტაცად გვხატავს ძარღვმავარ და მჩქეფარე ცხოვრებას. მაგრამ ამავე დროს მისი პატრიარქალური ხასიათი კაცს გაფიქრებინებს, თითქოს იგი სხვა სრულიად გამჭრალი ქვეყნის ცხოვრებას ეხებოდეს. აქ დიდი პოეტური შთაგონებითა და მომხიბლაობითაა დახატული სასახლის დარბაზობები. მეფური ნადირობა, მოქალაქეთა და რაინდთა მალალი ზნენი, საუცხოო პეიზაჟები და შეყვარებულთა ცხოვრების სცენები. მარტივი სინამდვილე აქ ხშირად სურათობრივ მხატვრობას დაუთრგუნავს, თუმცა ყოფა ისევე ხშირად, ისე თვალსაჩინოდ და ნიშანდობლივადაა აღწერილი, და ისეთი თავისუფალი დამოკიდებულებით, რომ მკითხველი ძალუმაღ გრძნობს პოეტის დიდ სულს.

პოემაში ისიც ჩანს, რომ სიყვარულს აუმაღლებია ავტორი პოემის და განსაცვიფრებელი მხატვრობის შექმნისათვის. იმ დროს, როდესაც ის თინათინის სახეს ან ავთანდილის სასიყვარულო გატაცებას ასახავს, ეჭვი არ დაგებადებათ თქმულების სიპართლესში, რომელიც გადმოგვცემს, პოეტი თამარის სიყვარულს ატარებდა გულშიო. იგივეს თქმით თინათინის სახეში გამოხატულია თვით თამარი ავტორმა კი მხოლოდ მისი მებოტბეობა იკისრაო.

პოემა „ვეფხისტყაოსნის“ ავტორის შესახებ არავითარი დაწვრილებითი ცნობა არ არსებობს. მხოლოდ ისღა ვიცით, რომ შოთა რუსთაველმა განათლება ათენში მიიღო. აქედან დაბრუნებულს თამარმა მეჭურჭლეთუხუცესის თანამდებობა უბოძა. ბოლოს იერუსალიმს წავიდა და იქვე გარდაიცვალა.

ქართული მუზა შემდეგ რუსთაველამდე აღარ ამაღლებულა. დიდი პოეტის დროის სხვა პოეტები ბევრად დაბლა მდგარან, მაგრამ, როგორც ძველი ქართულის მკოდნენი გვარწმუნებენ, მათ თხზულებებშიაც გვხვდება არა ერთი და ორი მშვენიერი ადგილი.

ძველი ქართული ლიტერატურის მკოდნეთა რიცხვი ძლიერ მცირე იყო აქამდე. ამ უკანასკნელ დროს კი დიდი მხნეობით მოჰკიდეს ხელი ძველი მწერლობის თხზულებათა

პოპულარიზაციას, რასაც ქართველები მათ კლასიკოსებად მიიჩნევენ. მათ პოპულარიზაციას შეუძლია დიდი სამსახური გაუწიოს ამჟამად მეტად დაქვეითებულ ქართულ ენას. კლასიკოსების თხზულებათა ბეჭდვას ზაქარია ჭიჭინაძე შესდგომია. კლასიკური ლიტერატურის ბიბლიოთეკის პირველი წიგნი ამ რამდენიმე კვირის წინ გამოვიდა უკვე. ეს არის ჩაზრუნაძის პოემა — „თამარ მეფე და მისი მეუღლე დავითი“.

მეთორმეტე საუკუნის ეპიკურ თხზულებათა შორის „ვეფხისტყაოსნის“ შემდეგ „ბარამიანი“, „როსტომიანი“, სარგის თმოგველის „ვისრამიანი“ და მოსე ხონელის „დილარიანი“ ითვლებიან.

„თამარიანი“ თამარის ხოტბას წარმოადგენს, შინაარსის ღირსებით იმდენად არ გამოირჩევა, რამდენადაც გარეგნული ფორმებით. თამარ მეფის სახელი არა მარტო ქართველებში, არამედ კავკასიის ყველა ხალხს მესხიერებაში რაღაც სულის მიმტაცებელი მომხიზვლელობით არის მოცული. თამარის სახე მათ წარმოუდგენიათ ყოველგვარი სახიერებითა და განუმეორებელი ქალური მშვენიერებით. ის მოწიწება, რომელსაც ავლენენ მისი სახელის ხსენებისას, რელიგიურ ხასიათს იღებს თითქოს. როგორც ვიცით, ისტორიას არც ერთი ხალხი არ ახსოვს, რომელსაც თამარ მეფის მსგავსად გაელმერთებინოს ქალი. ასეთი კერპის შექმნა არც თქმულების ფანტასტიკურობის, არც წარსულის გაიდევალეობით, არც თვით თამარის პიროვნების ღირსებებთა გადაჭარბებით აიხსნება. თვით თამარის თანამედროვენი ვერ პოულობენ სიტყვებს მისი ხოტბისათვის. მის შესხმად დაწერილ ორი-სამი დიდი პოემის გარდა მრავალ მცირე ზომის ლექსში გაისმის იგივე ამადლებული გრძნობა და აზრები. ჩვენი ფიქრით, ეს მოხდა იმით, რომ თამარს პატავს სცემდნენ, როგორც ხალხის მოკეთესა და გამაბედნიერებელს, მისი მმართველობა კაცთმოყვარეობაზე და სახელმწიფოებრივი ღვაწლი კი სახიერ სიმართლეზე იყო დაფუძნებული.

იმდროინდელ საქართველოში პოეზიასთან ერთად პროზასაც მისდევდნენ, მაგრამ ამ უკანასკნელს ზერძნული

ლიტერატურის კვალი ამჩნევია... ქართული პროზის თვალსაჩინო წარმომადგენლები იყვნენ: ეფრემ მცირე, იყალთოელი და პეტრიწი.

ქართველ პროზაიკოსთა შორის განსაკუთრებულად გამოირჩეოდა ფილოსოფოსად წოდებული ივანე პეტრაწი. მან თავი ისახელა არა მარტო პლატონისა და არისტოტელეს თხზულებათა თარგმანებით, არამედ ორიგინალური თხზულებებითაც. მეთვრამეტე საუკუნის მეორე ნახევარში მცხოვრები ანტონ კათალიკოსი პეტრიწიზე უმბობდა, მან არა მარტო ნივთების არსი, არამედ მისი საწყისი მიზეზი და ურთიერთდამოკიდებულება იცის, როგორც ჭეშმარიტმა ფილოსოფოსმაო.

ასეთი გონებრივი განვითარების შემდეგ, საქართველოს დაცემას დრო დაუდგა. თამარის ასულის — რუსუდანის გამეფებამდე საქართველოს მონღოლები შემოესიენ. მამული-შვილები თავგამოდებით იცავდნენ სამშობლოს მტრის იოხრებისაგან, მაგრამ, სამწუხაროდ, ეს ველარ შესძლეს. ქართველთა გონებრივი აღორძინება ამ დროისათვის არა მარტო მტრის შემოსევამ, არამედ შინაურმა არეულობამაც შეაფერხა. შინაური არეულობა ხელს უწყობდა გარეშე მტერს, რამაც შეაჩერა საქართველოს შემდგომი განვითარება. შინაური უთანხმოება ჭეფის სასახლიდან დაიწყო, რის გამოც აქ რამდენიმე დასად დაიყვნენ. ამ გარემოებამ გათავა საზოგადოებრივ ცხოვრებაშიც შეიტანა. რაინდობასა და საზოგადოების სხვა ნაწილს შორის კავშირი მოიშალა. ასეთმა ვითარებამ სულ სხვა მიმართულება მისცა სახელმწიფო წყობილებას. ველარ მოიკიდა ფეხი ახალმა საზოგადოებრივმა ელემენტმა ცხოვრებაში, რამაც სახელმწიფო წყობილება ისე გახრწნა, რომ ველარაფერი აღადგენდა რაინდთა და მიწათმომქმედთა შორის საზოგადოებრივ ურთიერთობას. ასეთი ახალი ელემენტი, როგორც ცნობილია, ყველა ხალხების ისტორიაში, მერკანტილური კლასია. შუასაუკუნეების საქართველოში იგი საკმაოდ ძლიერი იყო. ახლა, ამ საუკუნეში მან კვლავ მოიკრიბა ძალა.

ქართველი ხალხის დაქვეითების რამდენიმე საუკუნის მანძილზე მეტად შესუსტდა ამ ხალხის ლიტერატურული



მოღვაწეობაც. დროგამოშვებით თუ გამოჩნდებოდნენ საღვთისმეტყველო თხზულებები, ისინიც სუსტი ანარეკლი იყვნენ ძველი სასულიერო მწერლობისა. 1712 წელს საქართველოში პირველი სტამბის გამართვამ კვლავ გამოაცოცხლა გონებრივი ცხოვრება. ვახტანგ მეექვსემ, რომელიც თვითონ იყო მწერალი, მრავალი სასულიერო წიგნის ბეჭდვას მაპყობული.

ვახტანგ მეფეზე ცოტაოდენი ხნით ადრე მცხოვრებმა სულხან ორბელიანმა მშობლიური ქვეყნის ლიტერატურა რამდენიმე ისეთი თხზულებით გაამდიდრა, რომელთა შორის ერთს უეჭველად დიდი ღირებულება აქვს. ეს არის „სიტყვის კონა“. იგი ოცდახუთი ათასი სიტყვისაგან შედგება. საბჭა მისი მასალა ოცდაათი წლის განმავლობაში ამოუკრებიდა ძველი მწერლობიდან. სულხან ორბელიანის ცხოვრება მდიდარია თავგადასავლით; მან ბევრი იმოგზაურა ევროპაში, სადაც კათოლიკურ სარწმუნოებას ეზიარა, თუმცა მოლოს უარყო იგი. ლექსიკონის გარდა მას ეკუთვნის „მოგზაურობა ევროპაში“ და „იგავთა კრებული“. მისი იგავები დიდი იუმორით გვიხატავს ავტორის თანამედროვე მემამულეთა ნაკლოვანებებს. მეთვრამეტე საუკუნის მოღვაწეს ანტონ კათალიკოსს ორბელიანი არ უყვარდა რჯულის გამოცვლის გამო, თუმცა ამბობდა, რომ საბჭა ყოველი თხზულება კარგიაო. ლიტერატურის აყვავება, რაც პირველი სტამბის დაარსებას მოჰყვა, სპარსელთა საქართველოში შემოსევამ დაარღუნა. მტერმა სტამბა ააოხრა და ცეცხლს მისცა გამზადებული წიგნები, ასეთივე ბედი ეწია მეორე სტამბასაც, რომელიც სპარსელთა უკანასკნელი შემოსევის წინახანებში დააარსა ერეკლე მეორემ.

ამგვარად, მეთექვსმეტე-მეთვრამეტე საუკუნემ ხვალინდელი დღისათვის ზრუნვასა და წუხილში გაიარა. მუსულმანთა გამუდმებულმა თავდასხმებმა და თავადთაგან გამუდმებული შინაური არეულობით გატანჯულმა ხალხმა თავი მიანება ყველაფერზე ზრუნვას. პიროვნების სიცოცხლეს ფასი დაეკარგა. გამუდმებულმა გაჭირვებამ ხალხი დააბეჩავა და საკუთარი ცხოვრების გაუმჯობესებისათვის მზნეობაც კი დაუკარგა, თუმცა, ვგონებ, დასავლეთთან გახშირებულ

ურთიერთობას ხელი უნდა შეეწყოს ამისათვის. კათოლიკე მისიონერებმა, რომლებაც უმეტეს წილად იტალიიდან ჩამოდიოდნენ საქართველოში ცოტაოდენი საგანმანათლებლო ღვაწლი გასწიეს. მაგრამ ჯიუტი პროზელიტიზმი უშლიდა ხელს მათ საგანმანათლებლო საქმიანობას. კათოლიკეთა მიერ გამართულმა სკოლებმა უფრო მეტი გულგრალობა გამოიწვია, ვიდრე სარგებლობა. სასულიერო საეკლესიო ცხოვრებაში მისიონერთა მიერ გამოწვეულმა სარწმუნოებრივმა ინციდენტებმა მეფე თეიმურაზი აიძულა ისინი ქვეყნიდან მოეშორებინა და ხალხში განათლების გასავრცელებლად თელავში სასულიერო სემინარია და სხვა საერო სასწავლებლები დაეარსებინა.

მეთვრამეტე საუკუნის ბოლოს ყველაზე უფრო გამოჩენილი მწერლები იყვნენ: ვახუშტი, ვახტანგ მეექვსის შვილი და კათალიკოსი ანტონი, იგივე მეფის ძმა. ვახუშტის ხანგრძლივი ლიტერატურული ნაღვაწი ავტორის დიდ განათლებულობას მოწმობს. მან, სხვათა შორის, საქართველოს ისტორიაც დაწერა, რაც საქართველოს გეოგრაფიას და გეოგრაფიულ ლექსიკონსაც შეიცავს.

ანტონ კათალიკოსის თხზულებანიც აგრეთვე დიდი რაოდენობისა და სხვადასხვა ხასიათისანი არიან. რამდენიმე საღვთისმეტყველო თხზულებების გარდა მას საქართველოს ისტორია, ქართველ მეფეთა, წმიდანთა და მწერალთა მხატვრულად დაწერილი თხზულება ეკუთვნის, მისივეა ქართული ენის გრამატიკა. ეს იყო პირველი ცდა ამ დარგში სხვა მსგავს თხზულებათა შორის და ამიტომ, რასაკვირველია, ხარვეზოვანიც არის. ანტონ კათალიკოსმა გერმანულიდან გადმოთარგმნა ბაუმეისტერის ზოგადი ფილოსოფია, ვოლფის ფიზიკა, მხითარის რიტორიკა და სხვ. მისი თხზულებები ამაღლებული ლიტერატურული ენით არიან დაწერილნი, რომელშიც აღვილადგილ ძველებური რიტორიკის გულუბრყვილობაც მოჩანს. ანტონს წერის ორგვარი წესი მიიჩნდა: ერთი მარტივი, მეორე კი სიტყვაკაზმული და კეთილხმოვანი. პირველი მისთვისაა სპაზმარი, ვინც ხალხს მიმართავს, მეორე კი — პოეტისათვის, რადგან მისი ენა ამაღლებული უნდა იყოს. რაკი ამაღლებულია მისი

აღწერის საგანიც. ანტონის სწავლებას ბევრი მიჰყვა. ეხლაც ბევრი ქართველი მწერალი მისდევს მისებრ ამაღლებული კილოთი წერას. თუმცა ისინი უფრო გაზვიადების უნით არიან გატაცებული, ვიდრე კათალიკოსის რჩევით.

მეთვრამეტე საუკუნის ბოლოს მთავრდება საქართველოს დამოუკიდებლობის ხანა. საქართველო შედის რუსეთის მფლობელობაში. ამან შესწყვიტა სპარსელების და ოსმალო-ების შემოსევა და ამ ქვეყანას მშვიდობა და ევროპასთან ურთიერთობა გაუადვილა.

## 11

საქართველოსათვის მეცხრამეტე საუკუნიდან იწყება ახალი ხანა. ცივილიზებული მოძრაობა ამ ჯერზე ფეხს ნელ-ნელა იკიდებს. ჯეროვანი მსვლელობა მას ამ საუკუნის მეორე ნახევრიდან ეძლევა. ევროპული ყაიღის ცხოვრება ქართველთათვის პირველად ახალი და უცნობი რამ იყო. მას გულგრილად უყურებდნენ... მალე გაცხოველდა ცხოვრება და ახალ-ახალი საჭიროებანიც დაიბადა. ევროპულმა ცივილიზაციამ მიიზიდა, გაიტაცა ყველას ფიქრი და გონება. ეს გამოცოცხლება ისეთი სისწრაფით მოქმედებდა, რომ დაფიქრებისათვის დრო არავის რჩებოდა. ახლად შემოღებულ წესჩვეულებათა კრიტიკული ათვისებისათვის ვიღას სცხელოდა. ეს თავის მხრივ ცივილიზაციურ კომედიას ჰგავდა. ამ კომედიით თავბრუდახვეული ერი, ვიდრე ცივილიზაციის ნამდვილ შინაარსს შეიგნებდეს, შეიძლება გაკოტრდეს ზნეობრივად და მატერიალურადაც. სამწუხაროდ, ახალი ცივილიზაციის გარეგნული მხარითა და მისი სარგებლიანობით გატაცება ხშირად პროგრესის შეფერხების მთავარი მიზეზი გამხდარა. თბილისსა და ქუთაისში ნადიმი ნადიმზე, მეჭლისი მეჭლისზე იმართებოდა, დარღვიანულული ცხოვრება მხოლოდ რამდენიმე ათეულ წელიწადს თუ გაგრძელდა. იქამდე, ვიდრე სახსრების შესუსტებამ მოქეიფეთა რიცხვი არ შეამცირა. მაგრამ, ღვთის წინაშე, ისიც უნდა ითქვას, რომ მაშინაც იყვნენ ისეთები, ვინც ფიქრობდა, რომ გონებრივი გამოფხიზლებისათვის უპირველესად ყოვლისა, საჭიროა განათლება. საუ-

ზედუროდ, მათმა ცდამ ამაოდ ჩაიარა. ასეთი ვითარებისას ძნელია ყოველი ახალი საქმის წამოწყება. ჯერ კიდევ ძნელი ვასარკვევი იყო, როგორ და საიდან დაწყებულიყო ის. მაგრამ ერთი კი უნდა ითქვას, რომ დროთა ვითარებაში საქმის დასაწყისი თავისთავად გამოიჩინს თავს. სკოლების გამართვაზე კიდევ აღრევე ზრუნავდნენ, როდესაც ჯერ კიდევ მასწავლებლები არა ჰყავდათ საკმაო რაოდენობით. ასეთი ვითარებისას შეფერხება სასარგებლოც არის ხოლმე. შეიძლება ითქვას, რომ ამ მხრივ საქართველო ბუნებრივ მსვლელობას მიჰყვა: რაკი ქეიფისაგან თავბრუდასხმული ქართველი საზოგადოება გამოფხიზლდა, ცხოვრების მიერ დაყენებულ უსაჭიროეს მოთხოვნებების განხილვას მოჰკიდა ხელი. მან მალე ამისათვის მთელი დასი შეიძინა ხელმძღვანელებისა, რომლებიც მას არ ჰყავდა რამდენიმე ათეული წლის წინ.

გონებრივი ცხოვრების აღორძინებისათვის უპირველესად ჟურნალი დააარსეს, რომლის შემწეობითაც შესაძლებელი გახდებოდა ფართო საზოგადოებრივ წრეში, ყველა უმთავრესი საგნის განხილვა... ეს საქმე პირველად 1832 წელს წამოიწყეს. მაგრამ ცდამ ფუჭად ჩაიარა. ამგვარივე ბედი ეწია 50-ანი და 60-ანი წლების ჟურნალებს, რადგან მკითხველთა რიცხვი ძლიერ მცირე იყო. პირველი ქართველი პუბლიცისტების ღვაწლი დიდი იყო. მათ უნდა ებრძოლათ არა მარტო თანამემამულეთა კულტურისათვის, უნდა ეზრუნათ ენის რეორგანიზაციისათვისაც, რადგან იგი სუსტი აღმოჩნდა ახალი კულტურული იდეების გამოსახატავად. ბოლოს ქართულ ლიტერატურას უფრო კარგი დრო დაუდგა. 1866 წელს დააარსეს გაზეთი „დროება“. იგი თუმცა პატარა ზომისაა, მაგრამ მას კარგი ხელმძღვანელობა ჰყავს. „დროება“ განსაკუთრებულ ყურადღებას აქცევს შინაურ საქმეებს და მათ შესახებ ძლიერ პრაქტიკულადაც სჯის. გაზეთის რედაქტორია მესხი. მეორე ასეთი ორგანო ქუთაისში იბეჭდება და არსებობს შეხედულება თითქოს იგი სხვა ბანაკს უნდა ეკუთვნოდეს, მაგრამ იმავე აზრს აღიარებს, რასაც პირველი. ამ ორი გაზეთის მიმართულებათა სხვადასხვაობა, რაც ხშირად შეინიშნება, საზოგადოებრივი აზრის განვითარებას მოწმობს. ამ ორი

პერიოდული გამოცემის გარდა ქართველებს სამი ყოველთვიური ჟურნალი აქვთ. მათ შორის საუკეთესოდ „ივერია“ ითვლება („ივერია“ ძველი სახელწოდებაა საქართველოსი). ამ ჟურნალს სცემს პოეტი და პროზაიკოსი ილია ჭავჭავაძე. „ივერია“ თავისი შინაარსით არ ჩამოუვარდება დასავლეთევროპულ ჟურნალებს. მასში მონაწილეობას იღებენ საუკეთესო მწერლები. საერთოდ, ამჟამად საქართველოში გაცხოველებული ლიტერატურული მოძრაობაა და დღითიდღე მატულობს მწერალთა რიცხვი.

ქართული ლიტერატურის გაცნობისას უპირველესად ის კითხვა ისმის: თანამედროვე ქართული ლიტერატურა უფრო ცხოვრებასთანაა მიკიდრო კავშირში, თუ იგი მარტოოდენ მწერალთა საკუთარი გრძნობებისა და კერძო, ინდივიდუალური შეხედულებების გამოხატველია? ამ კითხვაზე პასუხის გაცემა ძლიერ ძნელია. ქართული ლიტერატურა ერთი მხრივ საკუთარ ნამდვილ ცხოვრებას ასახავს, მეორე მხრივ კი—მასში იგრძნობა შეუსაბამობა: ალაგ-ალაგ ევროპული გონებრივი მოღვაწეობის ფრაგმენტები და ხან კი—ავტორთა კერძო სუბიექტური შეხედულებებით გატაცებაც შეინიშნება.

აქვე ისმის კითხვა: ქართველთა გონებრივ ცხოვრებაში არის თუ არა გონებრივი მოძრაობის რაიმე გარკვეული საკუთარი გეზი და მიმართულება? წარმოდგენილი აქვს თუ არა ხელმძღვანელ საზოგადოებას ყველასაგან ცხადად ნაგრძნობი და შეგნებული იდეალები და მისწრაფებანი? — უნდა ითქვას, რომ ერთიც და მეორეც შეინიშნება, მაგრამ ის ცხადად არ არის გარკვეული და საფუძვლიანად დამუშავებული; როგორც ერთი, ისე მეორე საზოგადოების ერთობლივ კუთვნილებას არ შეადგენს, არც ხელმძღვანელი საზოგადოება არ იზიარებს მას ერთობლივად, რის გამოც ეს იდეალები და მისწრაფებანი, საზოგადოებრივ საქმეებზე ერთნაირად არ მოქმედებს. როგორც სხვაგან, ისე საქართველოშიაც, პროგრესთან ერთად შეინიშნება ცივილიზაციის შემაფერხებელი სხვადასხვა გარემოებანი, რომელთვისაც აქ ნიადაგბევრად უფრო ხელისშემწყობია, ვიდრე სხვაგან. მიუხედავად ამისა, იგი მაინც ვერ ახდენს იმდენ გავლენას ცხოვრების განვითარებაზე, რადგან მის საწინააღმდეგოდ კარგად

არიან შეიარაღებული პროგრესის მომხრე ის ახალი ადამიანები, რომლებსაც ხელში განათლების დროშა უჭირავთ.

ქართულ ლიტერატურაში, რასაკვირველია, ამ საუკუნეთა დიდი საკითხების გადაწყვეტას ვერ ნახავთ, მაგრამ აქ ზშირად შეხედებით საღ მსჯელობას აწინდელ მდგომარეობასა და სამართლიან წუხილს საზოგადოების განუვითარებლობაზე. ქართულ ლიტერატურაში, ამასთან ერთად, წარსულის შესწავლისადმი ღტოლვა შეინიშნება, რაც განათლებული მომავლის შინაგანი ზნეობრივი საჭიროებაა ხოლმე... ასეთა რამ ერთგვარად მოჩანს ლიტერატურის ყოველ სფეროში: პოეზიასა, პროზასა და დრამატურგიაში. ეხლანდელი ქართული პოეზია უფრო ლირიკულია, ამიტომ იგი არ შეიძლება ჩაითვალოს აწმყოს უფრო ბეჭით გამომხატველად. მისი საგანი უფრო ზშირად ზიყვარული და საქართველოს მშვენიერი არემარეა. თუმცა, უნდა ისიც ითქვას, რომ მომაჯადოებელია ეს ლირიზმი. ქართველი ქალები განსაცვიფრებელი მშვენიებისანი არიან და ბუნებას თავად ყოველი ძალა უხმარია, რომ აქ უფრო მეტად აეყვავებინა პოეზიის სხივით გაბრწყინებული სიყვარული. აქ პოეტები არ საჭიროებენ, რომ მათმა ფანტაზიამ შექმნას და მოიგონოს რამე. მათ თვალწინ იშლება საუცხოო დეკორაციები, რომლებიც მათ ლექსებს ამშვენებენ. ბუნების ამგვარი პოეტური სიმდიდრე ჩვეულებრივად ძლიერ შველას ჭეშმარიტი ნიჭის პატრონებს, მაგრამ ის საშიშია საშუალო ნიჭის მქონეთათვის, რომლებსაც მისი ასახვისას ზომიერებას ამცდარი გადაჭარბებანი სჩვევიათ. ამას ადასტურებს თანამედროვე ლირიკის დიდი ნაწილი. აქ იგრძნობა ზედმეტი მგრძნობელობა, რომელსაც მრავალსიტყვაობის გადაჭარბებულობის კვალი ატყვია. მაგრამ ყველა როდია ამგვარი. გრ. ორბელიანს, ილ. ჭავჭავაძეს და აკაკი წერეთელს სრულიად არ ეტყობათ ეს ნაკლი. მათ უეჭველად მაღალი ადგილი უკავიათ ქართულ ლიტერატურაში და დიდი ოსტატებიც არიან ლირიკული პოეზიისა. ეს მწერლები ღირსნი არიან იწოდებოდნენ პირველხარისხოვნად უფრო იმიტომ, რომ ყოველი მათგანი თავისთავადი და თავისებურია.

გრიგოლ ორბელიანის როგორც ლირიკულ, ისე ეპიკურ

პოეზიას ალტაცებაში მოჰყავს ადამიანი თავისი მაღალი აზრით, კეთილშობილური ენითა და მშვენიერების ღრმა გრძნობით. მის უტყუარ ღირსებას შეადგენს ბუნების უმშვენიერესი აღწერა... გრ. ორბელიანს გატაცებით უყვარდა თავისი სამშობლოს წარსული. ღრმა პატივისცემითა და შეუღარებელი სიყვარულით გამსჭვალულმა პოეტმა მრავალი ლექსი უძღვნა სამშობლოს. ერთი ასეთია:

რომელთა დასდევს სიციცხლე მამულის ასამაღლებლად.

სხვათა შორის არა ერთი გრძნობით სავსე ლექსი უძღვნა მან ქართველების მიერ დაუფიქრებელ მეფე თამარს. იმ მეფეს, რომლის მოგონება ხშირად აუღერებს ქართველ პოეტთა ჩანგს. გრ. ორბელიანის ლიტერატურული მოღვაწეობა აგერამ უკანასკნელი ორმოცდაათი წლის განმავლობაში მიმდინარეობდა, მაგრამ ეს პოეზია არ არის აღმოცენებული ქართველთა ახალი ცხოვრების ნადავზე, რომელიც დაიბადა დასავლეთ ევროპის ახალი იდეების გაცნობით. ორბელიანი ქართველებისათვის ნამდვილი ვიკენტი პოლია. მას არა მარტო მდიდარი პოეტური აღმაფრენის უნარი, არამედ ალტაცებული თაყვანისცემისა და სიყვარულის უნარიც ახასიათებს. მის ლექსებიდან ცხადად გამოსჭვივის წარსულისადმი ისეთი ალტაცებული პატივისცემა, რაც მეტად ღრმად მორწმუნე კაცის ლოცვას უფრო ჰგავს. ორბელიანი გარდაიცვალა ამ მოკლე ხანში, 83 წლის მოხუცი. საქართველომ დაჰკარგა ჭეშმარიტი მამულიშვილი და წარსულის მგოსანი. მისი დასაფლავება იყო ღირსშესანიშნავი: ის მწუხარება, რაც გაიზიარა ყველა წოდებამ იმდენად ძლიერი იყო, რომ ვგონებ, კავკასიის არც ერთ პოეტს არ ხედომია წილად მსგავსი დასაფლავება. პოეტის სიკვდილმა უცებ გამსჭვალა მწუხარებით ყოველი წრის და წოდების ადამიანები. მწარე გოდებით, გულწრფელი და ჭეშმარიტი სიანულოთ გამსჭვალა ყველა საყვარელი პოეტის დაკარგვის გამო. საქართველოს წარსული, ძველებური აზრი, მამაბაბეული ღრე და ეამი საქართველოსა თითქოს ჩაეშვა საფლავში საპუდამოდ დაუფიქრებელ პოეტთან ერთად. ახლანდელ ქართველ ახალგაზრდობას სრულიად სხვაგვარი შეხედულებანი აქვს. იგი დიდი სიხარბით ეწაფება უცხო ხალხებისა

და უცხო ცივილიზაციის აზრს და იდეებს, რაც სამწუხაროდ, თარგუნავს ადგილობრივ ცხოვრების თავისებურებებს, განსაკუთრებულ ყოფას.

ახალ ცხოვრებას უფრო მეტად ილია ჭავჭავაძე და აკაკი წერეთელი შეეფერებიან. ეს ორი პოეტი თუმცა ურთიერთისაგან ძლიერ განსხვავდება, მაგრამ ორივე ერთგვარ მხნეობით და ძალით მოღვაწეობენ და ცდილობენ თავიანთ თანამემამულეთა შორის გაავრცელონ პროგრესული აზრები და იდეები.

ილია ჭავჭავაძის პირველი თხზულებები ქართულ ლიტერატურას ამ 20 წლის წინ მოეგლინენ და მაშინვე დაიჭირეს საპატიო და თვალსაჩინო ადგილი თანამედროვე ლიტერატურაში. მთავრობამ განიზრახა თუ არა გლეხების განთავისუფლება, ილია ჭავჭავაძემ თავისი ნაწერებით პირველმა დაიწყო საქართველოში ამ რეფორმის მისაღებად საზოგადოებრივი აზრის მომზადება. ორ პირველ თავის მოთხრობაში: „კაცია-ადამიანში?“ და „გლახის ნაამბობში“ გლეხთა უბედური და ტანჯული მდგომარეობა იმგვარი სურათებით გამოსახა, რომ მათი წაქითხვა შეაძრწუნებს და ააღელვებს ყოველი ადამიანის კეთილშობილურ გრძნობას.

მოთხრობებში გამოყვანილი პირები შუასაუკუნეობრივი ჟანგით არიან გარემოცულნი. თუმცა ყოველი მათგანი აღჭურვილია დიდი გამძლეობით, რასაც ძვირად თუ შეხვდებით ხოლმე ჩვენს დროში და ჩვენს საზოგადოებაში. მართალია, მათ მუსულმანთა მსგავსად ბედისწერისა არა სწამთ რა, — ისინი ქრისტიანები არიან, მაგრამ მათ სიცოცხლეს ჰაინც ჰამლეტას „to be, or not to be“\* პრინციპი უდევს საფუძვლად. სიცოცხლეს, მათი შეხედულებით, დიდი ფასი არ ადევს. მასზე გაცილებით მაღლა სიყვარულს, სიძულვილს, მადლიერების გრძნობას და სისხლის ზღვევას ანუ სისხლის ზღვას ადევს. ზემოდასახელებული ყველა მოთხრობა ხელოვნების შესანიშნავი ოსტატობით არის დამუშავებული. ჩვენ აქ ვხვდებით ვერაგ თავადს, რომელიც თუმცა თავის წრეში, თანასწორებს კაცურად ეპყრობა, ხან დიდად პატი-

\* „ყოფნა, არყოფნა“ (შექსპ.)



ოსნადაც, მაგრამ ყმების მიმართ იგი ყოველგვარ მსგავს ღირსებასა ჰყარგავს: მისი აზრით, გლეხი იმად არა ღირს, რომ მათ ჭირ-ვარამს მცირედი ყურადღება მაინც მიაქციოს კაცმა. ამ უბედურსაც დედის რძესთან ერთად ის აზრი შეუთვისებია, რომ განგებას ისინი ყმად გაუჩენია და რომ ვითარცა პირუტყვმა სიტყვის შეუბრუნებლად უნდა შეასრულოს ბატონის თუნდაც ის განკარგულება, რაც შეიძლება სულელური ჰკუთს ნაყოფიც იყოს. თუმცე ეს ასეა, მაგრამ, ჩვენ ისიც ვიცით, რომ მშვიერი კაცის მოთმინებას საზღვარი აქვს. და თუ ვერაფერ ბატონი შეეხება მას, რაც მისი რწმენით წმიდათა წმიდაა და ხელშეუხებელი, მაშინ ყმის გულში კაცური ღირსების გრძნობა იღვიძებს. ამ გაღვიძებას აღრეულობა, სისხლისღვრა და სხვა მოსდევს.

ჰავქავაძე თავისი თანამემამულეების ხასიათისა და გულის დიდი მესაიდუმლეა. მისი მოთხრობები, რომელთა საგანი აწმყო ცხოვრებაა, ხშირად ქართველთა ცხოვრების უფრო ბნელ მხარეებს გვიხატავენ, ვიდრე ნათელს, მაგრამ სავსეა მაინც უმშვენიერესი სურათებით. ჩვენი ფიქრით, ქართულ ლიტერატურაში სხვა იმგვარი მოთხრობა არ მოიძებნება, რომელიც ისეთი სიმართლითა და სრულყოფით გვიხატავდეს ძველი დროის თავადობის ცხოვრებას, როგორც „კაცია-ადამიანი?!“ ეს მოთხრობა ყველაფერს შეიცავს, რაც საჭიროა ამ ყაიდის ადამიანების გასაცნობად. „კაცია ადამიანიში?!“ ვხედავთ მდიდარ სოფელს თავადს, რომლის სიცოცხლე მღორედ, ტბორედ, უზრუნველად, უსაგნოდ და უაზროდ მიედინება. იგი ოჯახსაც კი არ უვლის, შრომას არ არის შეჩვეული და სძულს კიდევ იგი. მისი ტრფიალების საგნებია: გემრიელი სადილი, მშვენიერი კახური და განცხროპით ძილი ქართულ ტახტზე. პროგრესი არა სწამს: სწავლას და ცოდნას უქმ ბარგადა სთვლის და წიგნიც სიკვდილებს სძაგს. მის ნაცვლად იგი თავის წოდებრივ ღირსებებზე მტკიცედ დგას და დიდად აფასებს, რაც ღმერთს უბოძებია მისთვის. ეს, მისი აზრით, შეურყეველია სამარადისოდ: სხვა რომ არა, როგორ შეიძლება აეყაროს თავადიშვილს უფლებანი—ნაყოფნი იმ დამსახურებისა, რაც მამა-პაპას სამშობ-

ლოს წინაშე მოუპოვებია? საქართველოსა და საკუთარი გვარის წარსულზე ლაპარაკი ოდნავ გამოაცოცხლებს ხოლმე ჩვენს თავადს. ამაზე მანაც იცის ზოგი რამ. მისი ყოვლად პატიოსანი კნენა დარეჯანი თუმცა ქმრის ყაიდის ადამიანია, მაგრამ წიგნის ცოტაოდენი ნაკითხობით წუთისოფლის ავ-კარგისა თითო-ოროლა რამ გაუგონია... მან წიგნების ყადრიც იცის, მაგრამ თავი მაინც ვერ დაუღწევია ცრუმორწმუნეობის მაჭლაჭუნისაგან, რასაც მთლად დაუშონებია მისი ქმარი—ლუარსაბი...

ილია ჭავჭავაძე საყვარელი სამშობლოს მათაყვანებლად გვევლინება მოთხრობებში. მწერალს გატაცებით უყვარს თავისი მამული. შემაძრწუნებელი კვნესა და ოხვრა გვესმის იმ ლექსებიდან, რაც მას სამშობლოსათვის მიუძღვნია, თუმცა მათში ბედნიერი მომავლის სხივიც გამოსჭვივის. ასეთია, მაგ:

### გ ა ზ ა ფ ხ უ ღ ი

ტყემ მოსხა ფოთოლი,  
აგერ მერცხალიც სჭყივის,  
ბაღში ვაზი ობოლი  
მეტის ლხენითა სტირის.

აყვავებულა მდელი,  
აყვავებულა მთები;  
მამულს საყვარელს,  
შენ როსლა აყვავდები?

ასეთივეა მისი

### ე ღ ე ბ ი ა

მკრთალი ნათელი სავსე მთვარისა  
მშობელ ქვეყანას ზედ მოჰფენოდა,  
და თეთრი ზოლი შორის მთებისა  
ლაჟვარდ სივრცეში დაინთქებოდა.

არსაიდამ ხმა, არსით ძახილი...  
მშობელი შობილს არას მერყოდა,  
ზოგჯერ-კი ტანჯვით ამოძახილი  
ქართვის ძილშია კვნესა ისმოდა!

ვიდექ მარტოკა... და მთების ჩრდილო  
კელავ ჩემ ქვეყნის ძილს ეალერსება...  
თხ, ღმერთო ჩემო! სულ ძილი, ძილი,  
როსლა გვეღირსოს ჩვენ გაღვიძება?!  
• • •

ილია ჭავჭავაძეს აკაკი წერეთელი უმშვენებს მხარს. წერეთლის პოეზიას დიდად აფასებენ ქართველები. მის ლექსებს ფრიად საყურადღებო აზრების გარდა მეტად მოხდენილი, გამართული ქართული და თავისუფალი ლექსწყობა ამშვენებს. აკაკო წერეთლის პოეზიის მთავარი თემა — თანამედროვეობაა. პოეტს კარგად ესმის თავისი დროის მაჯისცემა და ავ-კარგი. აკაკი წერეთელს დრამატიული თხზულებებიც ეკუთვნის.

ზემოხსენებული საპი მგოსანი თანამედროვე ქართული პოეზიის ფუძემდებელია. მათ მეორე და მესამე ხარისხოვან პოეტები მოსდევენ... თანამედროვე პოეტებს ბარათაშვილი და რაფ. ერისთავი ეკუთვნიან. ერისთავი ქართული სოფლისა და საქართველოს განსაცვიფრებელი ბუნების მომღერალია. მასი პოეზიის უმთავრესი ღირსებაა წრფელი, თუმც მარტივი გრძნობა. ასეთია რაფ. ერისთავის პოეზიის ნიმუშიც.

### სამშობლო ხევსურისა

სადაც ვშობილვარ, გავზრდილვარ და მისროლია ისარი,  
სად მამა-პაპა მეგულვის, იმათი კუბოს ფიცარი.....  
• • •

პროზაული ლიტერატურა ახალი რამ არ არის საქართველოში. ამ ყაიდის ხელოვნება პირველად ძველ საქართველოში სპარსეთსა და არაბეთიდან გადმოუტანიათ. ასეთი მოთხრობების წერა ახლაც უსაყვარლესი საქმეა ქართველებისათვის. როგორც, საერთოდ, სხვა აღმოსავლეთის ხალხი, ქართველებაც დაუსრულებელი ფანტაზიის პატრონები არიან და ხარბად ეწაფებიან თავისი გემოვნების ხელოვნებას. სამწუხაროდ, ამ მოთხრობებს თუ ამბებს მალალი ლიტერატურული ღირსებები არ გააჩნიათ. ისინი

ერცელ იგავ-არაკებს უფრო წააგავენ და არ არიან ღირსი ყურადღებისა, რადგან უცხოეთიდან, აღმოსავლელ ხალხებთან გადმოუტანიათ. საკუთარი, ნამდვილი ქართული ხალხური თხზულებები ჯერ კიდევ არ არის შეკრებილი. დიდი ხანი არ არის, რაც აღექსანდრე ცაგარელმა საქეგრელოში შეკრებილი. ხალხური იგავებისა და ამბების კრებულის ორი ტომი გამოსცა.

თანამედროვე ქართულ პროზაულ თხზულებებს ცხადად ატყვიან ხალხური ზეპირსიტყვაობისათვის დამახასიათებელი მრავალსიტყვაობისა და გაჭიანურების ბეჭედი... ევროპული ყაიდის პროზაული თხზულებები მხოლოდ ამ საუკუნის მეორე ნახევარში შეიქმნა. ისინი ცხოვრებიდან ამოღებულ ნამდვილ სურათებს გვიხატავენ.

თანამედროვე ქართული პროზაული ლიტერატურის ნამდვილი ფუძემდებელი ილია ჭავჭავაძეა. ამ მწერლის შესახებ ზევით უკვე მოგახსენეთ. ილია ჭავჭავაძემ ქართული ლიტერატურა გაამშვენიერა და გაამდიდრა მისი ფორმები. მწერალმა ფუჭ ოცნებათა სამაგიეროდ მოთხრობებში ისეთ საგნებზე დაიწყო სჯა, რაც აღელვებს საზოგადოებას. მის მაგალითს ბევრმა მიჰბაძა. რამდენიმე ქართველმა განათლებულმა ახალგაზრდამ სცადა ემუშავა ამ დარგში: კალამი სცადეს პროზაში, მაგრამ ჯერჯერობით მათი მოსავალი დიდი არა სჩანს.

ილია ჭავჭავაძის შემდეგ ქართულ პროზაში თვალსაჩინო ადგილი მოიხუბარიძეს უკავია. ეს მწერალი ნამდვილ პოეტურობასთან ერთად დიდი არტისტულობით მოთხრობელის ნიჭით არის დაჯილდოებული. მისი მოთხრობების საყვარელ საგანს მთიელთა ცხოვრების აღწერა წარმოადგენს. როგორც ვიცით, ის მეტად მდიდარია ვნებათა ღელვითა და დრამატული ეპიზოდებით. აქ სისხლის ღვრისა და ხშირად მთელი საგვარეულოს დაწყვეტის მიზეზი სარწმუნოებრივი ფანატიზმი, კდემამოსილება და აქამდე მოღწეული სისხლის აღების წესი გაჰხდარა ზოლმე. მათ ყოფაში პატარა ადგილი როდი უჭირავს გატაცებულსა და მხურვალე სიყვარულს, რასაც ათასგვარი წეს-ჩვეულება გადალობები. ძალოვანი ვნებათა ღელვა და უღრეკი წესება

სისხლის ზოლივით მისდევს მოჩხუბარიძის მოთხრობებს. მწერალს მკითხველა განსაცვიფრებლად მშვენიერ ბუნებაში გადაჰყავს: მას ხან განმარტოებით მდგომარე მთიულის ქოხში შეახედებს, ხან აქ ბუნების სამოთხეში კალმით აუწერელ მთიულ ქალს აცნობს, რომლის მშვენება მყასვე ამონებს მას. მუხანათია წუთისოფელი: მთის ანგელოზი, მშვენიერების ქალღმერთი შავთვალა ციკო თუ ელასო, რომელთა სიყვარული არა ერთ ვაჟკაცს გიზგიზა ცეცხლში ჩააყენებდა და სიკვდილისათვის თვალს გაასწორებინებდა, ტანჯვისათვის ყოფილან თვით განწირულნი. აქ ამ მოთხრობებში ერთი მთიული ვაჟკაცის ქორწინებით მონიჭებული მცირე ხნის ბედნიერებას დაუსრულებელი ტანჯვა მოსდევს. იგი ამ ყმაწვილს მეშურნეობამ მიაყენა. დიდ ხანს გასტანა ამ ყოფამ, ვიდრე სისხლის ძიების უამი მოატანდა, ვიდრე მათ თავს არ დაადგება კვლავ შავი ავბედი—სიკვდილი.

ამ დრამატულ სცენებს და უბედურებას ავტორი ისეთი იშვიათი ძალითა და გატაცებით ჩატავს, რომ თითქოს იგი მტანჯველ სიტკბოებას აეტანოს. ბუნების სურათები აოცებს და აღიტაცებს მკითხველს. ძალუმაღ გრძნობ, რომ ამ მწერალს სამშვენიერის არტისტული გრძნობა ხვდომია წილად.

მოჩხუბარიძის გარდა უნდა მოვიხსენიოთ ა. ორბელიანი და ნ. ნიკოლაძე. თანამედროვე ცხოვრება აქვთ გამოსახული ამ მწერლებს თხზულებებში. საქართველოში ძლიერ უყვართ ისტორიული მოთხრობები და ამბები. ამ მხრივ დიდი ღვაწლი მიუძღვით იმავე ალექსანდრე ჰავჭავაძესა და გ. რჩეულიშვილს. ამ უკანასკნელის ისტორიული მოთხრობები: „თამარ ბატონიშვილი“, და „ანუკა ბატონიშვილი“ რამდენჯერმე დაიბეჭდა.

დრამატული პოეზია ქართული ლიტერატურის უმცროსი შველია. იგი 1850 წელს დაიბადა ქართულ თეატრთან ერთად. მის მამამთავრად საქართლიანად ითვლება თავ. გიორგი ერისთავი. ერისთავი ათი-თორმეტიწლის მანძილზე პოლონეთში იყო. დაბრუნდა თუ არა თავის სამშობლოში, ქართული თეატრის დაარსებისათვის დაიწყო ზრუნვა. მის კეთილ-

შობილურ მძისას, სამწუხაროდ, ბევრი დამაბრკოლებელი რამ გადაეღობა: ამ დროს ჯერ კიდევ არ იყვნენ რიგიანი არტისტები, სრულიადაც არ იყო რეპერტუარი. მაგრამ ამას თუ მოერეოდა ენერგიული კაცი, კიდევ რჩებოდა ერთი დიდი სიძნელე. ეს იყო მოძველებულ შეხედულებებთან ბრძოლა. კარჩაკეტილობას მიჩვეული ხალხი ექვის თვალთ უყურებდა თეატრს. რეპერტუარის შედგენა არ გაძნელებოდა, თუ გადმოითარგმნებოდა რიგიანი პიესები. გ. ერისთავი კარგად იცნობდა თავის თანამემამულეებს და გრძნობდა, რომ თარგმნილი პიესებით ვერ მიაღწევდა საწაღელს. უცხო თხზულებები, უცნობ ცხოვრებიდან იყვნენ ამოღებული, საჭირო იყო სამშობლოს ნიადაგზე დაყრდნობილი, მის მასალაზე დაწერილი რამდენიმე დრამა. ამ მიზნით დაწერა ქართული თეატრის მესვეურმა კომედია „გაყრა“ და მალე თბილისის სცენაზედაც დადგა. პირველმა ნაბიჯმა ქართული თეატრის ბედი გადაწყვიტა და რეპერტუარი გაივსო ქართული პიესებით. მათი უმრავლესობა თვით ერისთავის კალამს ეკუთვნის. ქართული თეატრის რეპერტუარიდან განსაკუთრებით გამოირჩევიან: „ტუნწი“, „მინდა კნეინა გავხდე“, „მზის დაბნელება“, „ქმარი ხუთის ცოლისა“, „ხევსურების ქორწილი“, „განა ბიძამ ცოლი შეირთო?“, „ლიტერატორთა მოგზაურობა“.

ყველა ამ ნაწარმოებში ნამდვილი ქართული ცხოვრება და ქართული ხასიათებია ასახული. აქ ძველებურ თავადებს, იოთამ და სოლომონ გოდაბრელიძეებს, თბილისელ სომეხ ვაჟარს კარაპეტას; ნაციონალური-ეროვნული ხასიათის ქართველ ქალებს შეხვდებით და, ერთი სიტყვით, შესანიშნავი ტიპების მთელ დასს გაეცნობით. ამ დრამატულ თხზულებებს როდი აკლიათ ის თუმორი, რაც ქართველების განსაკუთრებულ თვისებას შეადგენს. სწორედ ამის გამო აყვავდა აქ პარველად კომედია, როცა დრამას ჯერ კიდევ ვერ აუღვამს რიგიანად ფეხი.

ერისთავის მიმდევრებია: მეფარიანი, თუთაევი, გარსევანიშვილი, შარვაშიძე და სხვანი. ასე რომ, ახლა ქართული თეატრის რეპერტუარში კაი ძალი ორიგინალური კომედიებია... თანამედროვე კომედიოგრაფთა შორის ცნობილია

არს აკაკი წერეთელი, რომლის თხზულებები გამოირჩევიან არა მარტო ცხოველი თუმორათ, არამედ საინტერესო და სასიამოვნო შინაარსითაც, რაც ავტორს სინამდვილიდან, ცხოვრებიდან ამოუკრებიან.

ქართული დრამატული ხელოვნების სათავე „ვეფხისტყაოსნის“ გადრამატიზებით იწყება, რასაც მოჰყვება ანტონოვის ტრაგედია „ქოროლი“, ალექსანდრე ორბელიანის „მეფე ირაკლი“, ფურცელაძის „ავაზაკნი“ და სხვ. ყველა ამ თხზულებებს თავისი ისტორიულობის პრეტენზიის გამო უფრო სცენიური ღირებულება აქვთ, ვიდრე საკითხავი... ქართულ დრამატურგიულ ხელოვნებას უკანასკნელ დროს ორი ხელოვანი შეეძინა. ესენი არიან მოჩხუბარიძე და ავ. ცაგარელი, რომლებსაც ნიჭით ვერავინ შეეცილება. ორივე მასალას თანამედროვე ცხოვრებიდან იღებს. სწორედ ეს არის მიზეზი მათი თხზულების ღირსებისა. დრამებში ყურადღებას იქცევენ კ. მესხის „ბაგრატ IV“. აქ მკითხველის თვალწინ იშლება იმერეთის მეფის ბაგრატის ცხოვრების აშხები. უფრო მეტი ღირსებებისა არის დ. ერისთავის დრამა „სამშობლო“. თუმც იგი ავტორმა უცხოური ლიტერატურიდან გადმოაკეთა ქართულად.

თუ ახლა ჩვენ ქართული ლიტერატურის ორიგინალური თხზულებები განვიხილეთ, არ შეიძლება არ გავიხსენოთ თარგმნილი ლიტერატურაც. მათში პირველი ადგილი პროზას უჭირავს. რამდენიმე ახალგაზრდა ქართველმა ქალმა საზოგადოებაც შეადგინა და ქუთაისში ყურნალ „ქართულ ბიბლიოთეკას“ ბეჭდავენ. აქ განსაკუთრებით ნათარგმნი მოთხრობები იბეჭდება. მწერალ ქალებს ჯერ კიდევ არ უთარგმნიათ ევროპული ლიტერატურის საუკეთესო ნიმუშები. მომეტებული ნაწილი თარგმანებისა გადმოღებულა რუსულიდან, ეს ენა ყველა ნასწავლმა ქართველმა ზედმიწევნით იცის.

ქართული თეატრის დამაარსებელმა გ. ერისთავმა მიცქევიჩის რამდენიმე ლექსი თარგმნა, იგი ახლა ხელმეორედ იბეჭდება.

ქართული ბიბლიოთეკა ძლიერ ღარიბია სამეცნიერო

ლიტერატურით. ეს ორგვარი მიზეზით უნდა ავხსნათ: იგი უპირველესად დაუდგარ ქართულ ტემპერამენტს უნდა მიეწეროს და ქართული სკოლების უქონლობასაც. ყველა საშუალო სასწავლებელში სწავლა რუსულ ენაზე წარმოებს.

უკანასკნელ დროს ქართველებმა დიდი ყურადღება მიაქციეს სამშობლოს ისტორიას. ახლა ჩვენ გვხვდება ისეთი თხზულებები, რომლებიც შუქს ფენენ ოდესღაც ძლიერი ერის წარსულს. ამ მხრივ ინტერესს იწვევენ თავისი მნიშვნელობითა და ამ დარგში გაწეული ღვაწლით დიმიტრი ბაქრაძის, ჯანაშვილის და მამა გვარამაძის შრომები. ამათ გარდა ქართულად მოაპოვება ბევრი ისეთი მონოგრაფია, რომლებიც მომავალში უთუოდ გამოდგებიან ისტორიის შესასწავლად. კერძო სახლებსა და მონასტრებში დაცულია ბევრგვარი საისტორიო ხელნაწერი და სხვაგვარი დოკუმენტები, რომლებიც ჭერჭერობით გამოქვეყნებული არ არიან. რაც შეეხება ძველი, შუასაუკუნეების საისტორიო მწერლობას, ასეთია — „ქართლის ცხოვრება“. იგი შედგენილია მეფეთა ბრძანებით შემატყობის მიერ.

სხვა მხრივ ჭერჭერობით ქართული ეროვნული მეცნიერებანი არ არიან თვითმყოფადი და თუ ამ მხრივ მათ რაიმე პოპოვებათ, ისინი უთუოდ ან ნათარგმნი არიან, ან უცხო ორიგინალებიდან გადმოკეთებულები. ეს მდგომარეობა არ უნდა გვაკვირებდეს, თუ წარმოვიდგენთ იმ მცირე დროის მანძალს, რაც გავიდა მათი აღორძინების შემდეგ. მეტი თუ არა, სრულიად საკმარისია, რაც მათ შექმნეს თავიანთ ლიტერატურაში ამ მოკლე ხნის მანძილზე. ასე რომ, შეგვიძლია დაბეჯითებით ვთქვათ, — ქართველებას გონებრივი მოღვაწეობა არ ჩაივლის უკვალოდ. რამდენიმე ხნის წინ ქართველებმა დააარსეს „წერაკითხვის გამავრცელებელი საზოგადოება“. მას დიდი რაოდენობითა ჰყავს უკვე წევრები. ეს საზოგადოება სანაქებო მოღვაწეობას ეწევა. მის კეთილნაყოფს ცოტაოდენი ხნის შემდეგ უთუოდ ყველა დაინახავს.





## კულხიდაში

(პირველად საქართველოში)

ლუზა ახსნეს, ჩვენი გემი ნაპირს მოშორდა და ბათუმისაკენ გაემართა, სადაც ოთხ დღეში უნდა მივადეთ. სულ მალე შუა ზღვაში აღმოვჩნდით, იმ თვალუწვდენ წყლის სივრცეზე, თიბათვის მზის შუქზე რომ ასე მომზიბლავდა კიაფობს. ტალღები ოდნავ ირხევა, სიჩუმე დაბუდებულა ჰაერში, თვით ხომალდზეც, სადაც ორი დიდი კაიუტა რამდენიმე მგზავრს უჭირავს. პირველ კლასში რვა სული ვართ: ერთი ნამდვილი პრუსიელია, ერთი სპარსელი, ერთი ამერიკელი, იგი სულ წერილებსა სწერს და თავისი ლაპარაკის ღირსად არავის თვლის, ორი პეტერბურგელი რუსია და ერთიც ახალგაზრდა ქალ-ვაჟი, ანუ ნუგბართა წყვილი. უკანმოუხედავად მივცურავთ მშვიდ ტალღებზე, მშვენიერ ცისფერ სივრცეს გავცქერით და ერთმანეთს ვესაუბრებით. სპარსელი ბევრ რამეს გვიამბობს თეირანზე და ისეთი მშვენიერა ფრანგულით ლაპარაკობს, კაცს ნამდვილად ფრანგი ეგონება, შავი პირისაზე რომ არ ჰქონდეს...

მოსაღამოვდა. მთავარე ზღვიდან ამოცურდა და თავისი ვერცხლისფერი შუქი მოჰფინა არემარეს; ამ სანახაობამ

ოცნების გუნებაზე დაგვაყენა. ხომალდზე სიწყნარეა, ყველა თავისთვის რაღაცას ღიღინებს, ხმაბაღლა თითქმის არავინ ლაპარაკობს. ამ სიჩუმეს მხოლოდ ორთქლის მანქანისა და ხრაბნის ხმაური არღვევს.

ღიღით, როცა მზემ ცაზე კარგა მალა აიწია, სევასტოპოლის ნავსაყუდელში შევედით. აქ რამდენჯერმე ვყოფილვარ, ამიტომ ნაპირზე აღარ გადმოვედი, აქაური ქუჩების საშინელი მტვერი და სიცხე ვერაფერ სანახაობას წარმოადგენდა. სევასტოპოლში ზომალდი ექვს საათს დგას — სწორედ იმდენ ხანს, რაც უსაქმო მგზავრისთვის სრულიად საკმარისია, რომ სულ ერთიანად დაათვალიეროს ზომალდის ყოველი ლურსმანი და ჭუჭრუტანა... შუადღის პირველი საათი იქნებოდა, რომ მანქანამ კვლავ ქშენა დაიწყო და ისევ გზას გაფუდექით. როცა ხერსონის ნახევარკუნძულს მივუახლოვდით, ჩვენმა ზომალდმა ერთი ისეთი ლაზათიანი ქანობა დაიწყო, რომ ბევრ ჩვენგანს ზღვის ავადმყოფობა დაემართა... მალე ღამეც ჩამოწვა და ვეღარ დავინახეთ წარმტაცი ნაპირები, რომელიც ფეოდოსიამდე მშვენიერი სანახავია...

გუშინდელივით გაცეცხულნი ვართ მთვარის შუქით, რომელიც ზღვის სივრცეზე კიაფობს. კაცს ეგონება, ოქროს ნაკადული მიცურავსო, ისე იცვლის ფერს და ბრჭყვიალებს, ხან კი უეცრად გაქრება, რომ კვლავ უფრო ძლიერ აელვარდეს.

იალტაში ჩვენს საზოგადოებას ვილაც სქელი ფრანგი მოემატა, რომელიც კავკასიაში მოდიოდა თავის სიძესთან.

— თქვენ განა არ იცნობთ ჩემს სიძეს? — ეკითხებოდა ის ყველას.

— დიახაც რომ ვიცნობთ, — ყურში ჩამჩურჩულა ჩვენ შორის მყოფმა ერთმა პეტერბურგელმა, — განთქმული მტარვალაია, შეუბრალებლად ყვლეფს ხალხს.

მალე ფრანგსა და სპარსელს შორის დავა ატყდა.

— ჩვენ მალე წინ წაგიყვანთ თქვენცა და თქვენს ქვეყანასაც, — ეუბნებოდა ფრანგი, — მაგრამ ეს კია, თქვენმა შაჰმა მეტი თავისუფლება უნდა მოგვცეს.

— დიახ, დიახ, როგორ არა, — უპასუხებს სპარსელი, —

თქვენ მალე ტყავს გაგვაძრობთ და თქვენი დახმარებით მოწყალეობის სათხოვნელად წავალთ.

— ჰა, ჰა, ჰა — იცინოდა ფრანგი, — თქვენ კიდევ ბევრი სიმდიდრე გაქვთ. საკმარისია, თქვენში მიწა ლურსმნით მოჩიჩქნოთ, რომ ყველაფერმა გაიხაროს ამ მიწაზე. დიახ, ჯერ შესაწყალებელი არაფერი გჭირთ რა, გარდა განათლები-სა, რომელსაც მართო ევროპელები მოგცემენ.

— ეგ თქვენი განათლება მხოლოდ დაგვლუპავს, — უპასუხა სპარსელმა მწარე ღიმილით: — თქვენ განა ჩვენს განათლებაზე ფიქრობთ! ჩვენთან მოდიხართ მხოლოდ იმისთვის, რომ გამდიდრდეთ, როგორც კი ჯიბეს გაისქელებთ, დაბრუნდებით და გაიძახით: „ჩემს შემდეგ წყალსაც წაუღია ყველაფერიო“.

ფრანგი და სპარსელი კვლავ ბაასობენ, ჩვენ კი დასაძინებლად წავედით...

ქერჩში ჩვენი გემი რამდენიმე საათს იდგა. საღამოს ექვსზე ხელახლა გაფუდექით გზას ჩრდილო-დასავლეთისაკენ... შორიდან ტამანის ნახევარკუნძული მოჩანდა, მისი ნაპირები დაბალია და თვალისათვის არაფერ სასიამოვნოს არ წარმოადგენს. დილით ჩემს კაიუტაში პრუსიელი შემოვიარდა და მისაყვედურა:

— გრცხვენოდეთ, კავკასიის მთები მოჩანს და თქვენ კი გძინავთ, ეგ არ გეპატიებათ.

მაშინვე გემბანზე ავედი და, მართლაც, მშვენიერი სანახაობა წარმომიდგა: მთები, რომლებიც ნაპირზე ჯერ კიდევ მთლიანად არ მოჩანდა, ძლიერ მაღალი არ გეგონებოდათ, მაგრამ ჭოგრიტით შეამჩნევდით ამ თოვლით მოსილ ბუმბერაზებს.

...ეს მშვენიერი მხარე შავი ზღვის კავკასიონის ნაპირია, მაგრამ მის მწვანე, სამოთხისმაგვარ მიწებებში საჩუქე მეფობს...

ბოლოს, მეოთხე დღეს, დღის ოთხ საათზე ბათუმის ნავსაყუდელში შევედით. იგი ერთი საუკეთესო პორტთაგანია მთელ შავ ზღვაზე... ჩვენთან ერთად შემოვიდა მარსელიდან მოსული ფრანგული გემი „სამეგრელო“.

მეტად გაცხოველებული საქმიანობაა ბათუმის პორტში,

ვაჭრობა აქ კარგად მიდის. ნაპირზე გადმოვედით თუ არა, მაშინვე მოგვცა ვაჭრებმა ოსმალონი, რომლებიც ჩვენი სკივრების წაღების ნებასა გვთხოვდნენ. რაკი დროს დაკარგვა არ გვინდოდა, ჩვენი ბარგიბარხანა მაშინვე დავანებეთ მათ. ეს ბარგი თავის ღონიერ მხრებზე გაიდეს და ვაგზლისაკენ გავეშურეთ. ორთქლმავალი თბილისისაკენ მალე უნდა გასულიყო.

ბათუმი უფრო ოსმალური ქალაქია, თუმცა მას შემდეგ, რაც რუსეთის მფლობელობაში გადმოვიდა, შესამჩნევად იცვალა ფერი. აქ ევროპელები ბევრია, ისინი მომეტებულად ნავთით მოვაჭრენი არიან. ბათუმის მთელი ავღალიდება ნავთია, ამიტომ აქ სულ ნავთზე ლაპარაკობენ და რასაც მიეკარებით. ყველაფერს ნავთის სუნი ასლის. ვშიშობდი, ჩაის ნაგივრად ჩემთვის ნავთი არ მოეტანათ, მაგრამ ჩემდა საბედნიეროდ, ამ ხიფათს გადაუტარა. ნავთის გარდა ბათუმს სხვა განსაკუთრებული თვისებაც აქვს — აქ დიდძალი ჭაობებია, რომლებიც ქალაქს გარს არტყია. ისინი კარგა მოზრდილები არიან; მათი წყალობით მთელი წლის ფანმავლობაში ციებ-ცხელება არ ნელდება, იგი ერთგვარად მოქმედებს როგორც ადგილობრივ მცხოვრებლებზე, ისე მოსულებზე. ამის გამო მე ვამჯობინებდი პაცანოვკაში\* მთელი ორი კვირა დავრჩენილიყავი, ვიდრე ბათუმში ერთი დღე, თუმცა უნდა გამოვტყდე, პაცანოვკას არეშარე არასოდეს შეედრება ბათუმისას. მისი ნაპირები შემოსილია სამხრეთის ხეებითა და ბუჩქებით, რომლებიც გაუფალ ტყეს ქმნიან.

მაშ ეს არის კოლხიდა — გავიფიქრე, როცა მე და ერთი სომეხი ვაგონში ჩავსხედით. მაშ აქ მოვიდა იაზონი ოქროს ვერძისათვის და გზად მიმავალმა მედევაც მოიტაცა, რადგან ოქრო და ლამაზი ქალი ორივე ერთად კარგი რამ არის. ქალებს უყვართ ოქრო, სომხებს კი უფრო მეტად. არგონავტების ეს მოგზაურობა, როგორც ჩანს, ზღაპარია და მეტი არაფერი. იაზონი სინამდვილეში ვაჭარა იყო უთუოდ. აქ ის სავაჭროდ იყო მოსული, მხოლოდ როცა ოქრო და ლამაზი ქალი შეიძინა, ისე საჩქაროდ გაიპარა, რომ, ვინ იცის, იქნებ სასტუმროს ფულიც არ გადაუხდია. ქართველე-

\* პოლონეთის სამეფოს მიყრუებული ადგილია (ავტორი).

ბი ამბობენ, მაგისტანა იაზონები დღესაც ბევრი მოდის ევროპიდანო..

რვა საათზე თბილისისაკენ გავემგზავრეთ. გზა ჯერ ქალაქის ძველ ოსმალურ ნაწილს გაივლის; აქ ძველი უხეირო სახლებია და არც არაფერს საინტერესოს წარმოადგენენ. ჩვენთვის უფრო საინტერესო თვითონ ოსმალონი იყვნენ, რომლებიც გაკვირვებით შემოგვცქეროდნენ. მათ შორას დავინახეთ ოსმალთა ქალი, ის თავით ფეხამდე ჩადრში იყო გახვეული; ჩვენ მისი პირასახის ნახვა ძლიერ გვაინტერესებდა, მაგრამ, ვინ იცის, იქნებ მისი სილამაზე ერთ ფარადაც არ ღირდა.

ბათუმიდანვე აწყება მთები და ხშირი ტყეები... ამ უზარმაზარ ტყეში ადამიანის კვალიც კი არსად ჩანს. ალაგ-ალაგ მაღალ ბოძებზე შეყენებულ ქოხებს თუ შეხვდებით, რომლებიც ალბათ ნავისმკეთებელი მუშების ღამის თავშესაფარია, ბოძებს ასე მაღლა უთუოდ იმიტომ უკეთებენ, რომ გველები და სხვა მანვე ქვეწარმავალი აქ ბლომადაა.

პირველ საღვურზე ჩვენს ვაგონში ნაციონალურ ტანასამოსში გამოწყობილი ქართველი ქალი ჩაჯდა. მისი სახით პირველად შეგვხვდა კოლხეთის ასული... მასთან ერთად მეგრულად ჩაცმული ორი კაცი შემოვიდა. ჩვეულებისამებრ, ორივე შეიარაღებული იყო. მეგრელებს გრძელი ჩოხები აცვიათ, ტყავის ქუდები ზურავთ და ვერცხლის ქამრები და ქვირფას ქარქაშიანი ხმლები ამშვენებთ.

ორი საათის სიარულის შემდეგ ტყე დაილია... ლიანდაგის მარცხენა მხარეს რაონი მიედინება. ეს კავკასიის ერთ-ერთი ჩქარი მდინარეთაგანაა. ახლა ის დიდხანს იქნება ჩვენი თანამგზავრი, რკინიგზის ლიანდაგი მას მისდევს, სხვა მხრივ გასავალი არა აქვს მთებში.

რამდენ ვერსსაც გავივლით, გარშემო არემარე უფრო და უფრო მშვენიერია, სხვადასხვაობით სავსე, სურათივით დახატულა, თანამად შეიძლება ვთქვათ, რომ ეს გზა ერთი უმშვენიერესთაგანია მთელ ევროპაში. ძნელია, სადმე შეხვდეს კაცი ასეთი მომაჯადოებელი სიმწვანისა და სიმაღლის მთებს, ასეთ მშვენიერ ხეობებს, ასეთ უხვ მცენარეებს.

ჩვენს ვაგონში ახლა უკვე ოთხი ქართველი ქალია, მაგრამ ამაოდ ვეძებ იმ ლამაზებს, რომელთა ქება ქუხს მთელ

დედამიწის ზურგზე. სადგურებზე გლეხები აღუბაღს, მარ-  
წყვსა და ვარიებს გვთავაზობენ, ბუფეტებში ბევრი კობტად  
მორთული ადამიანია, ხმლისა და ხანჯლის ქარქაშება ბრწყინ-  
ნავენ, კუნაპეტივით შავ თვალებს ანათებენ ასულნი სამეგ-  
რელოსი, კახური ღვინო წყალივით თღვრება, თანდათან უფ-  
რო გრძნობ, რომ შედიხარ მშვენიერსა და რომანტიკულ სა-  
ქართველოში, იმ მზიან ქვეყანაში, რომელიც საესეა დაფნე-  
ბით, რაინდებითა და ძველებური ციხე-დარბაზებით.

ქუთაისს — იმერეთის სატახტო ქალაქს რომ უახლოვდე-  
ბით, დაცემულ მინდორს ხედავთ, რომლის აქეთ-იქით სულ  
მთები მოჩანს... რიონის სადგურზე კარგა ხანს ჩერ-  
დება მატარებელი, რადგან გზა აქედან ქუთაისისაკენ მიდის,  
იგი სულ შვიდი ვერსის მანძილზეა. ამგვარად ჩვენ ახლა იმე-  
რეთში ვიმყოფებით, საქართველოს გულში ჩასმულ მარგა-  
ლიტში. ამ ქუთხის მშვენიებაა ვარდი და გონების წარმტაცი  
ქალები... თბილისისაკენ გავქანდით. რიონი ახლა მარჯვნივ  
მოგვექცა. კვლავ ვხედავთ მის ყვავილებითა და წყლას  
მცენარეებით შემოსილ ტურფა კლდოვან ნაპირებს. სასიამოვნო  
ა ყურება ამ დიდებული მთების, ამ ხშირი ტყეების, ვე-  
ება კლდეებისა და მათ ძირში აქაფებული რიონის ზვირთე-  
ბისა; საერთოდ, ამ სანახაობას ერთი ღიმილის, ერთი დიდე-  
ბული მზის ბრწყინვალეობის ბეჭედი აზის და, ვგონებ, თვით  
ბულბულის სტვენაშიც, შორიდან რომ გვესმის თავისი ხმის  
სხვადასხვაგვარი მიმოხრით, მხოლოდ ერთი სიტყვა დადა-  
ლებს: „სამოთხე, სამოთხე“.

კვლავ ამ მთებში მივდავართ, რომლებიც უფრო და უფ-  
რო მალღებდნენ, მაგრამ მუდამ მშვენიერნი და ტურფანი  
არიან... ლიანდაგიც სულ მალლა და მალლა მიიწევეს, ახლა  
ორ გვირაბში გავიდა და მთის წვეროზე ეგრეთ წოდებულ  
სურამის აღმართზე მიიკლავნება.

ვისაც თვალი აქვს, უყუროს, ვისაც გული აქვს, იგრძნოს,  
მის წინ სიზმრადაც უნახავი, ყოველ ოცნებათა უმშვენიერე-  
სი წალკოტი იშლება, წალკოტი თვით შემოქმედისა, თა-  
ვისი ყოველი სისრულით. გარშემო მესმის ლაღადება: რა  
სასწაულია, რა მთები, კლდენი, მინდორ-ველი, ტყე ქალებ-  
ბი... რა მზეა, რა ბრწყინვალეობა, რა შუქი!..

ფონის სადგურიდან ლიანდაგი კვლავ ძირს ეშვება და ნახევარი საათის მგზავრობის შემდეგ მინდორზე ვართ, სადაც ახლა ჩვენთან ერთად მტკვარი, კავკასიის მდინარეთა მეფე, მოგზაურობს. მტკვრის წყალი მღვრიეა და თუ ქართველი პოეტები მას უმღერიან, უთუოდ მისი მშვენიერი ნაპირების გამო და არა მისი ანკარა გამჟვირვალე ტალღებისთვის..

ვაკებზე მივქრევართ, იგი კვლავ მშვენიერი მოჩანს, მაგრამ უკვე ბინდში ეხვევა: ჩამოღამება აქ ერთბაშად იცის, ისე ნელ-ნელა არა, როგორც ჩვენთან ჩრდილოეთში. მზე ჩავა თუ არა, ღამე მთელ არემარეს მოიცავს.

შორს, ცის დასავალზე ელვა გაფანტავს ღამის სიბნელეს და გაანათებს ჯადოსნური ბრწყინვალეებით, გაანათებს ამ მშვენიერ ჩაძინებულ მინდვრებს ძვირფასი საქართველოსას. ცაზე ვარსკვლავები ჰქრებიან და ცის ირგვლივ რაღაც ჯადოსნური სინათლე ჩნდება, ეს მოგაგონებთ იმ განთიადს, როდესაც რომეო და ჯულიეტა აივანზე ისხდნენ და თავიანთ უბედურ სიყვარულზე ლაპარაკობდნენ. ელვის კიაფზე ჩანან მწვანე ხეები და აყვავებული ვარდის ბუჩქები, მაგრამ ისინი თვალს ეფარებიან და მხოლოდ ცის მოკაშკაშე ვარსკვლავებსლა ვხედავთ.

შემდეგ მუქ-ლაქვარდ ცაზე დიდებულად ამოვა მთვარი, კაშკაშა სინათლეს მოჰფენს და გაანათებს მიღამოს.

უფრო სწრაფად მივქრევართ და თბილისს ვუახლოვდებით, ჩვენს ყურამდე აღწევს რაღაც გაუგებარი ყრუ ხმაური და გამოურკვეველი ჟივილ-ხივილი; ვხედავთ სინათლეებს და მივდივართ რაღაც სახლების გვერდით, ხმაურს უფრო ცხადად ვარჩევთ, სინათლე ემატება, ორთქლმავალი უსტვენს, ჩერდება... ჩვენ თბილისში ვართ.

თბილისს არასდროს არ სძინავს და თუ დაიძინებს, დაიძინებს შუაღლისას, როცა მზე აცხუნებს მის ქუჩებს და როცა დასიცხვის შიშით ყველას ძალაუნებურად სახლში ამწყვდევს. ამ დროს სიჩუმე სუფევს მის ქუჩებში, ფანჯრები დახურულია, დუქნებს ფარდები აქვს ჩამოფარებულა, ცხენები, ვირები და კამეჩები საღმე ჩეროში განისვენებენ, ბაზრებში სიარული და ვაჭრობა ისპობა, ვაჭრები თავიანთ

დუქნებში წვანან... საღამოს ექვსსათზე, როცა მზე გადიხრება, სიცოცხლე კვლავ გაიღვიძებს, ფანჯრები გაიღება, ქუჩებში მოსიარულენი და ეტლები გამოჩნდებიან, მათი მწკრივი მუშტაიდისაკენ ან მოსახლეობის სხვა საყვარელ განაპირა ბაღებისაკენ გაემართება. ამ დროიდან დაწყებული გათენებამდე არ წყდება ხმაური, ქუჩებში ყურთასმენა აღარ არის ეტლის ხრიგინისაგან, ბაღში განუწყვეტელი მუსიკისა და სიძღერას ხმა ისმის. ქართველებს უყვართ ქეიფი და თან ხანგრძლივადაც. ისეთი დიდი ამბით ქეიფობენ, რომ ზაფხულის მთვარიან ღამეებში სანთელი დაღამდე არ ქრება ბაღებსა და სახლებში. მესმის ამგვარ ღამეში კაცი ავიდეს მაღლობზე და ამ სინათლეებს ზღვას დახედოს, მიხვეულ-მოხვეულ ქალაქის ქუჩებში მბრწყინავ, მრავალსა და მშვენიერ ბაღების ჩრდილში რომ ინთქმება. სანახაობა სწორედ მშვენიერია. მეტადრე, როცა მოწმენდილი ცა მთვარის შუქს აფრქვევს და ამ სურათს თავისი სიტურფითაც ავსებს.

საზოგადოდ, თბილისი ძალიან კარგი შესახედავაა, მას მთავორიანი ადგილი უჭირავს და დიდ სხვადასხვაობას წარმოადგენს. მშვენიერია მისი სასახლენი და საცხოვრებელი სახლები, ეკლესიები და ბაღები. ყველაფერია ეს სხვადასხვა სახეობას აძლევს ნაცრისფერ ამფითეატრს ქუჩებისას. სასახლეები და სახლები ევროპულ ნაწილშიაც კი, მომეტებულად, ქართულ გემოვნებაზეა აშენებული, ერთ სართულად; წინ და უკან მათ აივნები აქვთ, რომლებსაც საკმაოდ ღამაზი ჩუქურთამიანი მოაჯირები ამშვენებთ. ამგვარი ხის ჩუქურთმის ნიჭში, ეგონებ, წარსულიდან უნდა იყოს აღებული, იგი ძალიან აგონებს კაცს სპარსულ გემოვნებასა და ყაიდას, ისევე სხვადასხვა სურათების, არაბესკების, ფერადებისა, და ფოთოლ-ხეთაგან შედგება: აივნები გადახურულია: ზოგან მათი ბრტყელი ჭერი საკმაოდ მაღალ სვეტებზეა დანდობილი, რომლის ლავგარდნები და კოზმიდები აკრეთვე ჩუქურთმით არის გამოყვანილი. ამ აივნებს სახლას ორთავე მხრით იმისთვის აკეთებენ, რომ მთელი დღის განმავლობაში ჩრდილი იყოს საღმე. საღამოობით აქ ბევრ ღამაზ ქალს ნახავთ. ამ დროს დაგოგმანებენ ის მოხდენილი ფეხები, რომლებსაც ოდესღაც ბოდენშტეტი ასხაჟდა ხოტბას. ამ



პოეტის სახელი ყველა განათლებულმა ქართველმა იცის, თუმცა ყველას არ წაუკითხავს მისი პოეტურა ქმნილებანი. ქალთა შორის ბევრი პატივს სცემს ბოდენშტეტს, პოეტს, რომელმაც პოეზიის საესე სიტყვებით აღწერა მათი მშვენიება და სიტურფე.

ქართველთა სახლებას შინაგან მოწყობილობას აღარ ეტყობა თავისებურება, რადგან ცოტაოდნად შეძლებული ევროპული ყაიდის ცხოვრებას მისდევს და სახლიც ევროპულად აქვს მოწყობილი. მხოლოდ დაბალი ტახტები, რომლებზეც ცილანდრის მსგავსი ბალიშები (მუთაქა) აწყვია, სპარსული ხალიჩები, ავეჯის გადასაკრავი თავისი აჭრელებული ფერით, მოაგონებს კაცს, რომ აღმოსავლეთშია. როიალი — ეს სალონების ორდანი, როგორც ჰაინე ეძახდა, რასაკვირველია, ცოტად თუ ბევრად შეძლებული ქართველისა და სომხის ბინის აუცილებელი სამკაულია, შეგვკრემანი ასულნი აღმოსავლეთისა საკმაოდ ოსტატურად უკრავენ როიალზე, მაგრამ მათ დაკერას მხოლოდ მაშინ მოჰყავს ევროპელი აღტაცებაში, როცა როიალიდან ისმის სანახევროდ მწუხარე ხმები მათი ხალხური სიმღერებისა.

ძველებური ქართული სახლები ჩვეულებრივ ერთსართულიანია, მათში ორი ოჯახის მეტი არ ცხოვრობს; ამასთანავე თითოეულ სადგომს თავისი საკუთარი კარაბანი\* აქვს ქუჩიდან, საკუთარი კიბე და აივანი.

მომეტებული ნაწილი ამ სახლებისა ძველ ქალაქშია, რომელსაც აზიურ ქალაქსაც ეძახიან. აქ ასი წლის განმავლობაში, ე. ი. საქართველოს რუსეთის მფლობელობაში გადასვლის შემდეგ, არაფერი შეცვლილა: სახლები ძველია, ქუჩები ვიწრო და მიხვეულ-მოხვეული, ამ ნაწილში მართლაც რომ ჯერ ისევ აზია სუფევს მთელი თავისი სხვადასხვაგვარი, ჭრელი და გაქვავებული თავისებურებით; ამიტომ ევროპელი ძნელად შეიხედავს აქ და თუ შეივლის, მხოლოდ იმისთვის, რომ ცნობისმოყვარეობა დაიკმაყოფილოს. ძველ ქალაქს ყოველი მხრიდან მთა არტყია, რის გამოც დიდი სიციხე იცის. ქუჩები, რაც უფრო ზევით აღის,

\* კარაბანი — საღარბაზო კარი (რედ.)

მით უფრო ვიწროვდება; სახლები ამფათეატრივით გაკვირვებულ კლდის გვერდებს და ერთმანეთზე ჭერებივით მიყრილან. აქ საშინელი ვიწროობაა, არ ვიცი, ეს სახლები მერცხლის ბუდე-ებივით კლდეებზე რად მიუკრავთ მაშინ, როცა ძირს, დაბლობზე, სადაც ახლა ევროპული ნაწილია, ავღენი თავისუფალი ადგილია. ჰაერი ამ ნაწილში ევროპელისთვის ძნელად ასატანია. აქ 1797 წელს ეამიანობამ დიდი ზიანი მიაყენა საქართველოს. ეს იყო მაშინ, როცა ქვეყანა შინა-ურმა არეულობამ შეაწუხა და სამეფო სახლშიც თანხმობა დაირღვა, როცა სპარსელნი განუწყვეტლივ თავდასხმით იმუქრებოდნენ და მშვიდობისა და პირადი უვნებლობის ადგილი შურმა და მოწინააღმდეგეთა შორის კინკლაობამ დაიჭირა. სწორედ ამ საშინელ დროს ღვთის რისხვასავით შოველინა საცოდავ საქართველოს ყოველ ომზე უფრო საშინელი ცეცხლი — ჭირი და გაწყვიტა მცხოვრებნი. რა საცოდაობა დატრიალდებოდა ამ მიხვეულ-მოხვეულ ვიწრო ქუჩებში მაშინ, ამ ხალხით მოფუსფუსე ხვრელებში, რომელსაც ცხარე მზე ცეცხლს უკიდებდა. ამას ვერავითარი კალამი ვერ აღწერს. იქვე მტკვრის ახლოს მდებარე ძველი ქალაქის ზოგიერთი ნაწილი უფრო საღიაა. მტკვარს მაღალი და ციცაბო ნაპირები აქვს, ისე რომ, ხშირად გეჩვენება, ზოთქოს სახლი ჰაერშია გადმოკიდებული. აქ ბაღებიც ბევრია და კარგი დეკორაციასავით შნოსა და ლაზათს აძლევს მტკვრის ნაპირს.

ქუჩის ცხოვრება თბილისის ძველ უბნებში, რასაკვირველია, ბევრად უფრო თავისებურია, ვიდრე ევროპულ ნაწილში, სადაც დასავლეთის ჩვეულება და ტანსაცმელი მეფობს. როგორც ყველგან აღმოსავლეთში, ისე თბილისშიც ხალხი ცხოვრობს და მუშაობს უფრო მეტად გარეთ, ცის ქვეშ, ისე რომ გამვლელ-გამომვლელს. ადვილად შეუძლია დაათვალიეროს მცხოვრებთა მთელი ავლადიდება. კერავენ, რეცხავენ და დროს ატარებენ აივნებზე; პურსა სჭამენ ღია ფანჯრებიან ოთახში; ხელოვნები მუშაობენ ეზოებში ან ქუჩის პირას; ვაჭრები ალაგებენ თავიანთ საქონელს ქუჩაში გადმოდგმულ მაგიდეებზე. ერთი სიტყვით, ყოველდღიური საქმეაო სრულდება ცის ქვეშ, გამვლელ-გამომვლელთა

თვალწინ. არავის რცხვენია აქ თავისი სიღარიბისა, რადგან ყველამ იცის, ვის რა აქვს; ისიც კი იციან, ვინ დადის მის მეზობელთან, ვინ რას ჭამს და სვამს, როგორა აქვს სახლი მოწყობილი და სხვ.

ხელოსანთა შორის ზოგჯერ შეხვედებით განსაკუთრებული სახის კაცს, რომელიც ზშირად, თავისი გამომეტყველებითა და წარმოსადგობით, პოლონურ ტიპს მოგაგონებთ. ახალუხი და ჩოხა, რომელიც ჩამარვასა და კანტუსს წააგავს, ძალიან ამსგავსებს ქართველს პოლონელს, მეტადრე, თუ წვერს იპარსავს და მხოლოდ უღვაშს იტოვებს. რომ ვაცქერდებოდე ზოგიერთი ხელოსნის სახეს და ვხედავდი მის ცოცხალ, შავ თვალებსა და მომღიმარ ტუჩებს, უნებლიეთ მაგონდებოდა პოეტური ქმნილებანი ბოდენშტეტისა, რომელმაც ყველა ახალ პოეტზე უკეთ შეიგნო ძალდაუტანებელი თუმორი და მახვილგონიერება აღმოსავლეთის მცხოვრებლებისა. მას ლექსებში სჩქედს ეს თუმორი...

ძველ ქალაქში ყველაზე მეტ ცნობისმოყვარეობას ბაზარი იწვევს. ბაზარში დილიდან საღამომდე განუწყვეტელი მოძრაობაა, იგი ნამდვილი სურათია თბილისის ცხოვრებისა. აქ შეიძლება ნახოთ კავკასიისა და დასავლეთ აზიის ყველა ტიპი, კაცს თავი მასკარადზე ეგონება: ყვირილს, ხმაურს, ჟივილ-ხივილს ყურთასმენა მიაქვს. მკვიდრ მცხოვრებთა გარდა ზევრია სხვადასხვა მხრიდან მოსული ხალხი, სოფლებიდან გნებავთ თუ კავკასიის შორეული კუთხეებიდან. ვირები და ურმები, რომლებშიც საქონელია შებმული, აძლიერებენ ვიწროობას და ხანდახან სრულიად შეკრავენ გზას.

აქ ნახავთ თათრების ჯგუფს, რომელთაც უზარმაზარი ტყავის ქუდები ხურავთ, თითქო პირამიდები დაუდგამთ თავზეო; იმათ მიჰყვება თავით ფეხამდე იარაღში ჩამჭდარი ჩერქეზი. იგი ამაყად შესცქერის მონღოლებს, რომლებიც გზას აძლევენ მას; ჩერქეზს აცვია თავასი მოხერხებული ჩოხა-ახალუხი, კოხტა და საკმაოდ დაბალი ტყავის ქუდი ახურავს, წელში დამბაჩა აქვს გარქობილი, ქამარზე კი ლამაზად ჰკიდია მშვენიერ ქარქაშში ჩაგებული ხანჯალი, შერე მოდის წვეროსანი ლეკი, რომელიც წარსულში პირ-

ველ მოწოდებაზევე მზად იყო თავს დასხმოდა კახეთის სოფლებს, წაესხა საქონელი და ლამაზი, გასათხოვარი ქალები. აგერ დინჯად მოაბიჯებს ქართლელი გლეხი, რომელსაც ხანჯლის გარდა სხვა იარაღი არა აქვს, იგი მუქარით უცქერის ლეკს, ამ თავის ძველისძველ შეურიგებელ მტერს. იქით ცხენებს მოერეკებიან ხმლებით შეიარაღებული ხევსურები სოსნისფერი ჩოხებითა და გაწეწილა ბეწვის ქუდებით; ეს ცხვრის ტყავის ქუდები განუშორებლივ აღევთ თავზე, თუნდაც ძალიან ცხელოდეს და სახეზე ოფლა წურწურით ჩამოდიოდეთ. თურქი ფაფახს ჩამოითხატავს ღამღამობით და უკეთესი ბალიში აღარც უნდა. დარბაისელი და ცბაერი სპარსელიც, — რომელმაც ყველაზე უკეთ იცის, როგორ შეიტყუოს კაცი თავის ღუქანში, შავ, მაღალ კრაველის ქუდს იხურავს; უნდა ითქვას კი, იმას უფრო მეტიის ბეწვის ქუდი მოუხდებოდა, რადგან ტკბილად მომდიმარა და კიდევ უფრო ტკბილად მოუბარი გაიძვერა დიდი ავაზაკა ზღბა, როცა საქმე ფულს შეეხება; ამიტომ სპარსელთან თუ შეგობრობა გაქვს, მასთან ფულიან საქმეს უნდა ერიდო, ამ ჭრელი ტიპების რიცხვი ამით არ თავდება, შემოჩამოთვლილთა გარდა სხვაც ბევრი დაეხეტება თბილისის ბაზრებში, კავკასიაში ხომ ბარემ ორმოცი სხვადასხვა ტომია დამკვიდრებული, ყველა ამათ წარმომადგენელს შეიძლება შეხვდეს კაცი თბილისას ქუჩებში. აქ არც ებრაელები აკლია, თუმცა საზოგადოდ ისინი ძალიან ცოტანი არიან კავკასიაში, მხოლოდ ქუთაისში აღწევს მათი რაიცხვი საგრძნობ რაოდენობას, იქ ცალკე უბანიც კი აქვთ გაშენებული. თბილისში, კავკასიის მუზეუმში, კაცმა შეიძლება ყოველნაირი ტანისამოსი ნახოს ხსენებული ტომებისა.

ბაზარში მოვაჭრეთა მომეტებული წილი სომხები და სპარსელებია, ქართველები მათში ცოტა ურევია... ისინი უფრო ხელოსნობას მისდევენ, სამაგიეროდ სომხები და სპარსელები განსაკუთრებული ხალისით ეწევიან ვაჭრობას.

კაცების გარდა ბაზარში ქალსაც ბევრს შეხვდებით, მომეტებულად, ქართველ და სომეხ ქალებს. ტანსაცმელი ამათ ერთნაირი აქვთ და ერთმანეთისაგან მხოლოდ სახით განსხვავდებიან. დაბალი წოდების ქალებს თითქმის მულამ

ფართო მუქი ან სულ თალხი კაბა აცვიათ, თავზე გვირგვინის მსგავსი სამკაული ადევთ უკანგადაგდებული რიდით, ხშირად რიდის ადგილს მუქი თავსაფარი იჭერს, რომელიც სრულიად არ შეენით. ზემოთ მე ვილაპარაკე ქართველი ქალების სილამაზეზე, ყველა ლამაზი ქალი აქ თითქო ერთმანეთს ჰგავს: თვალები ყველას შავი, დიდრონი და მიბნედილი აქვს, მთხრა-მთხრა მძიმე, სიცოცხლე აკლიათ თითქოს; მათი შავი თვალები ძალიან იშვიათად ბრწყინავენ იმ ცეცხლით, რომელიც ასეთ ეშნსა და სიტურფეს მატებს ყოველ ლამაზ სახეს! მაგრამ როცა ქართველი ქალი გამოცოცხლდება ცეკვა-თამაშის დროს, მაშინ იგი მშვენიერია.

ქართველი ქალის სილამაზე ძალიან ხანმოკლეა, იმათთვის მხოლოდ ცხოვრების გაზაფხული არსებობს, ზაფხული კი მაშინვე შემოდგომად გადაექცევათ — ოცდახუთ-ოცდაექვს წელს რომ მიადწევს, ქართველი ქალი ჭკნობას იწყებს, ჭკნება სწრაფად, როგორც ყველა ლამაზი ყვავილი საქართველოს ცხარე მზის ქვეშ...

ჩრდილოეთიდან მოსულისთვის ბაზარზე არა ნაკლებ საინტერესოა ბაყლების დუქნები, სადაც მწვანელი და ხილი იყიდება. მართალი უნდა ითქვას, ძალზე სასიამოვნო სანახავია ამ ხილისა და მწვანელის ზვანები. იმისთანა ქვეყანაში, როგორიც საქართველოა, სადაც ჰავა ხელს უწყობს მცენარეულობას, მწვანელი და ხილი, რასაკვირველია, ყოველდღიურ და იაფ სანოვაგეს წარმოადგენს. ყოველივე ეს, როგორც წესი, ჩამოაქვთ ორთვალა ურმებით, ანდა გოდრებით, რომლებიც ვირებს ჰკიდია; წეროებივით ჩამწკრივებულ ვირებს ხშირად ერთი გამყოლი მისდევს. ეს პატარა-პატარა ქარავნები დატვირთული პირუტყვებისა რაღაც უცნაურად გამოიყურება, მეტადრე სადმე მთებში, უდაბურ და უკაცრიელ ადგილას. მაგრამ თბილისის ქუჩებში ვირები ჩვეულებრივი სანახავია, გარდა ამისა, ვირებით მოაქვთ თბილისში თივა, ნახშირი, წყალი და შეშა, ისე რომ, შუადღემდე სავსეა ვირებით ქუჩები და მოედნები.

განსაკუთრებული სახისაა აქ მენახშირე, აქაური მენახშირე ნამდვილი მენახშირეა, რადგან არა თუ ტანისამოსი, თმა და პირისახის ფერიც კი შავი აქვს. მეორე განსაკუთრე-

ბული სახის არსება არის თულუხჩი, შავი, მზემოკიდებული, დამწვარი, გაბმით მყვირალი: წყალი, წყალიო! ისეთი ხმით ყვირის, თითქოს თავად იტანჯება წყურვილით. წყალი დააქვს დიდი ტყავის თულუხებით, რომლებიც გადაკიდებული აქვს ვირს ან ცხენს. თულუხჩის საქონელი, უნდა ითქვას, იაფი არ არის თბილისში, რადგან ვგონებ, შიგ ქალაქში არც ერთი ჭა არ მოიძებნება, ამიტომ არის რომ მეთულუხე უფროთხილდება თავის წყალს და ხშირად მოსდის ჩხუბი ქუჩის ბიჭებთან, რომელნიც ცდილობენ უფასოდ მოიკლან წყურვილი.

ამგვარივე თულუხებით ზიდავენ აქ ღვინოსაც. ეს ცხადია, უფუჭებს გემოს ღვინოს. თულუხებს ანუ ტიკებს და რუმბებს აკეთებენ ყოველთვის კამეჩის ან ცხვრის მთლიანი ტყავისაგან, იმე რომ თავისა და ფეხების ტყავიც ისევე ზედა აქვს; ამგვარად, ღვინით ან წყლით გავსებულ ტიკებსა და რუმბებს პირუტყვის სახე აქვს.

რაკი ქუჩის ტიპებზე ვლაპარაკობთ, მუშაზეც უნდა ვთქვათ რამე. მუშას თბილისში დიდი მნიშვნელობა აქვს, რადგან აღმოსავლეთში, გაცილებით უფრო მეტად ვიდრე სხვაგან სადმე, იყენებენ კაცის ძალას ტვირთის გადასაზიდად. ტვირთის რაოდენობა და სიმძიმე ხანდახან გასაკვირია და მუშის ძალაც ხშირად საარაკო განვითარებას აღწევს. მუშა განხორციელებაა ფიზიკური ძალისა და ჯანმრთელობის, თუმცა მისი საჭმელი ფრიად მარტივია და ჩვეულებრივ პურისა და ხილისაგან შედგება; ასეთი უბრალო საჭმლით იკვებება და ნამდვილ ჰერკულესს კი ჰგავს. დადის საკმაოდ სწრაფად თავისი ტვირთით და თან ღიღინებს რაიმე სიმღერას, რომელიც, რა თქმა უნდა, სრულიად არ გამოხატავს სიხარულს. მუშებს აქ ყველგან შეხვდები, საქმის მოლოდინში ისინი ხშირად ჯგუფ-ჯგუფად სხედან ჩეროში ან დუქნის წინ.

ერთად შეკრებილი უბრალო ხალხის ნახვა შეიძლება ჭიდაობაზე, რომელიც უფრო ხშირად განაპირა ბაღებში იმართება. ჭიდაობის დროს ორი ძლიერი ფალავანი ერთმანეთის წაქცევას ცდილობს. თბილისში ჩემი ყოფნისას ყოველ ორ დღეში ერთხელ საჭიდაოდ გადიოდა მთელ საქართველოში განთქმული ფალავანი გლდანელი, და ყოველთვის გამარჯვებული

რჩებოდა. ხალხი ისეთი აღტაცებით ეგებებოდა გლდანელს, როგორც ვინმე გამოჩენილ არტისტს. მას დიდ ღონესთან ერთად სასიამოვნო შეხედულებაცა ჰქონდა, მართებული თავდაჭერით იფერებდა ამ თავყანისცემას და მოხდენილი თავის დაკვრით მადლობას უცხადებდა ხალხს. ამგვარი ბრძოლა ანუ კიდაობა ძველი ღროიდან არსებობს საქართველოში.

როგორც ყველგან, ისე თბილისშიც, საზოგადოებრივ ცხოვრებას თავისი განსაკუთრებული თვისება აქვს, რაც ეწყარება მცხოვრებთა წოდებრივ სხვაობას; ამასთანავე აქ სხვა თვისებაც შეინიშნება, რომლის მიზეზი ორი სხვადასხვა, ერთმანეთისათვის უცხო ელემენტების არსებობა არის: ევროპული და აზიური ელემენტებისა. ეს უკანასკნელი ქალაქის ევროპულ ნაწილშიც კი განცალკევებულია, აქ არამც თუ ქუჩის ცხოვრებას, საცხოვრებელ სახლებსა და სასახლეების გარეგნობასაც კი ორგვარი ხასიათი აქვს. ბოდენშტეტი აქებს ძველ თბილისს, როგორც სასახლეების ქალაქს და აქ მართლაც უამრავი სასახლეა, რომლებშიც ყოველი მდიდარი მემამულე აუცილებლად ცხოვრობს წლის გარკვეულ დროს.

ეს სასახლეები, საზოგადოდ, საკმაოდ ლამაზად არის შორთული, თუმცა ნამდვილ აღმოსავლურ სიმდიდრეს იშვიათად შეხვდებით. ქართველ მდიდართა საცხოვრებელ ბინებში ევროპული და აზიური ერთმანეთთან მაღალი გემოვნებით არის შეხამებული და მნახველზე კარგ შთაბეჭდილებას სტოვებს. უნდა ითქვას, დაბალი ტახტების, ხალიჩებისა და სხვა წვრილმანი ნივთების გარდა აზიას აქ არაფერი მოგაგონებთ. შადრევნები, რომლებსაც მაჰმადიანთა სახლების წინ ყოველ ნაბიჯზე ნახავთ, საქართველოში ჯერ საერთოდ არ არსებობს.

განაპირა ადგილებში კიდევ შენახულა სახლების ადგილობრივი მოწყობილობა, იქ ბევრი ქართველი ჯერ ისევ ძველებურად ცხოვრობს.

ქალაქის ევროპულ ნაწილში ახლა ძველი ქართული სახლების გვერდით მრავალი ევროპულ ყაიდაზე აშენებული სახლია, რომლებიც თავისი სილამაზით ბევრად სჯობს ძველ სასახლეებს. იგივე ითქმის საზოგადოებრივ სახლებზე, რომელთა შორის საუკეთესო აშენებულია ევროპული გემოვნებით. აქ შეიძლება სრულიად დაგავიწყდეს, რომ აღმოსავლეთში

იმყოფები, მაგრამ ამგვარი შენობები მხოლოდ ოაზისებს წარმოადგენს თბილისის უდაბნოში, სადაც ქალაქის ბალებშიც კი აღმოსავლეთი ბრწყინავს თავისი ხატოვნებით.

მუშტაიდი და მის ახლომახლო მდებარე ბალები ნამდვილი კერაა აქაური საზოგადოებრივი ცხოვრებისა. აქ ყოველ საღამოს ბუთი საათიდან შუალამეშდე გაცხარებული დროს ტარებაა, ჭეშმარიტად მხიარული და ხმაურიანი, რადგან ქეიფის დროს ქართველებს უყვართ მუსიკა, სიმღერა და ხმამაღალი ბაასი. მუშტაიდი ჰქვია მტკვრის პირას მდებარე ვრცელ და მშვენიერ ბაღს, დასერილს ხეივნებით, სადაც სეირნობენ ეტლით და ფეხით. ამ ხეივნებს ორსავე მხარეს ჩარიგებული აქვს ველურ ვარდთა და სხვა მცენარეთა ბუჩქები, ხოლო ზედ ხეებზე ყურძნის მტევნებით დახუნძლული ვაზი აღის. ამ ამწვანებულ, დაჩრდილულ ბაღში ყოველ საღამოს იკრიბება თბილისის საუკეთესო საზოგადოება. ხეივნებში ჰქრიან ეტლები, ცხენებს დააჭენებენ ვაჟები და ამაზონკებში გამოწყობილი ქალები.

ამ დროს აქ შეიძლება ყოველნაირი კავკასიური ჩაცმულობის ნახვა; რაინდული შეხედულების ჩაუქი ახალგაზრდობა დასეირნობს გრძლად ჩამწკრივებულ სკამებს შორის, რომლებზედაც თითქმის გაუნძრევლად სხედან საქართველოს მშვენიერი და წყნარი ასულნი. ბევრ მათგანს ლეჩაქი ხურავს, სხვები სრულიად ევროპულად არიან ჩაცმულნი, მათი გასაოცარი შავი თვალები ბრწყინავენ ახალმოდური შლაპის ქვეშ. რომელიც არ ფარავს გველებს გადმოყრილ კუპრივით შავ დალალებს. სეირნობა მუშტაიდში, ჩვეულებრივ, საღამოს ათი საათისთვის მიწყნარდება ხოლმე, მაგრამ სხვა ბალებში გრძელდება—უკრავს ზურნა, გაისმის სიმღერა, ხარხარი, გაჩაღებულია ლეკური, ეს საყვარელი ცეკვა ქართველებისა. მთვარიანი ღამით ბალებში დროსტარება უფრო საინტერესო ხდება.

ამგვარ ღამეში კარგია კაცი დადგეს მტკვრის ნაპირას, ბალების გასწვრივ რომ მოდუღუნებს, და უცქიროს მთვარის შუქზე მის ჩქარ, ვერცხლისებრ ბრწყინავ ზვირთებს. გაღმა მთაზე ჩანს ნანგრევი ძველი ციხისა, რომელიც ოდესღაც ფარი იყო საქართველოს სამეუფო ქალაქისა, მოწამე მისი გან-



დიდების და თანდათან დამხობისა. რამდენი ტრიუმფალური მსვლელობა უნახავთ ამ ძველ კედლებს, რამდენ დარბაზობას დასწრებიან აზიის ხალხებზე გამარჯვების გამო, რამდენი საპრაკო სიმდიდრე დაუცავთ თამარის რაინდულ დროს და რამდენჯერ დასტეხიათ თავს ყოველგვარი უბედურება, შიმშილი და აოხრება! ვინ იცის, იქნებ ამ ჩრდილოვან ბალებში დასეირნობდა რუსთაველი, ეს ტორკვატო ტასო საქართველოსი, თვით უდიდესი მგოსანი კავკასიისა და მოტრფიალე მშვენიერი მეფის თამარისა?

რუსთაველი და თამარი — ეს ორი სახელი მესმოდა განუწყვეტლივ, თითქო ყურში ჩამჩურჩულებდა ვინმე, როცა ვიჯექი ამ ჩრდილოვან ხეივნებში და ზურნა უკრავდა მწუხარე, წარსულში გამტაცებელ ჰანგებს.

ქართველების საერო მუსიკა, რომელიც ძლიერ განირჩევა ევროპული მუსიკისაგან, შედგება ვიოლინოს მსგავსი ჩონგურისა და ზურნისაგან; ზურნას ზედ ერთვის დოლი და დუდუკი, ეს უკანასკნელი კლარნეტსა ჰგავს. პირველად ეს მუსიკა უბრალო ხმაურობად ეჩვენება კაცს, ხოლო თუ ჩაუკვირდება, ადვილად შენიშნავს, რომ ის ჰარმონიის თავისუბურ კანონებს ემორჩილება და მტკიცედ გარკვეულ მელოდიებს შეიცავს. ეს მელოდიები თითქმის ყველა მწუხარე, ხანდახან უნუგეშოც კი და ერთკილოვანი არიან; ამ მელოდიების ნაკლად უნდა ჩაითვალოს აგრეთვე ის, რომ ნელის ხმით არ თავდებიან, ხშირად სიმღერა წყდება მაღალ ხმაზე, რაც ევროპელზე უსიამოვნო შთაბეჭდილებას ახდენს. აკომპანიმენტად ჩონგურს ხმარობენ, რადგან ეს საკრავი სხვაზე უფრო ნაკლებ მაღალხმოვანია და უფრო კარგად ითვისებს გულისთქმით სავსე და მელანქოლიურ მუსიკას ქართული სიმღერებისას. ზურნაზე, სხვათა შორის, უკრავენ ქართულ სამხედრო მარშს, რომელსაც თავისი მაღალხმოვანი, მეტად აღტკინებული მელოდიით ყველა აღტაცებაში მოჰყავს და ევროპელშიც რაღაც გასაოცარ ენთუზიაზმს ადვიძებს. ამ ხმის გაგონებაზე ყოველი ქართველი უკუაგდება წლობით შეძენილ ევროპელობას და ერთი წუთით სულით აბორგებულ, გაბედულებით სავსე აზიის შვილად იქცევა; ამ დროს აელვარდება ხანჯლები, გაიზუზუნებს ჰაერში ტყვია, გრგვინავს ხმამაღალი, გრძნობით

სავსე, გულის წარმტაცი სიმღერა; თავდავიწყება მოიცავს მთელ საზოგადოებას. წარმოითქმება სადღეგრძელოები, იგონებენ წარსულს და ვინც წარსული იცის, მხოლოდ მას შეუძლია იგრძნოს ამ სიმღერების ძალა. ამ ქვეყნის წარსული სავსეა დიდებით, ამავე დროს ვაგლახითა და მწუხარებით: ათჯერ და ოცჯერ გადაუბუგავთ თბილისი და სხვა ქალაქები, სოფლები ნაცარმტვრად უქცევიათ, დედაკაცნი ტყვედ წაუყვანიათ სპარსეთსა და ოსმალეთში, მამაკაცი გაუწყვეტიათ, საცხოვრებელი წარუტაცნიათ, ყანები და ვენახები გაუნადგურებიათ. დამოუკიდებლობის უკანასკნელ ხანებში ამგვარი უბედურება საქართველოს ისე ხშირად ეწვეოდა, რომ ქვეყანა რამდენიმე ათეული წლის განმავლობაში ძაბით იყო მოსილი და არავითარი სხივი სინარულისა არ უნათებდა. აი, ამგვარ შავ დროს შეიქმნა ქართული სიმღერები ისეთი მწუხარე, რადგან სიმღერით მოსთქვამდნენ მაშინ დედანი შვილების დამკარგველნი, ქვრივნი და ობოლნი. უპატრონოდ დატოვებულნი, სახლობანი, რომელთაც დაკარგოდათ ძმანი და დანი; მოთქვამდნენ დედაკაცნი თავიანთ სახლების ნანგრევთა შორის, საცა ველარ გაიგონებდნენ ბრძოლის ველზე დაღუპულთა—თავიანთ გულის საყვარელთა ხმას; ასევე მწუხარედ მოთქვამდნენ სპარსეთსა და ოსმალეთში ტყვედ წაყვანილი ქართველნი.

მწუხარეა სუფრული სიმღერებიც, თუნდა მათი შინაარსი სამხიარულოც იყოს. არც ერთი ნადიმი ქართველებისა უსიმღეროდ არ ჩაივლის. ჩვეულებრივ, სადღეგრძელოები ლექსად წარმოითქმის და ყველანი სვამენ. ნადიმის დაწყებამდე ირჩევენ ტოლუმბაშს ანუ უფროსს, რომლის მოვალეობაა შესაფერი სადღეგრძელო წარმოთქვას თითოეული სტუმრისთვის. ქართველები, თითქმის მუდამ, სუფრაზე ყველა დამსწრეთა სადღეგრძელოს სვამენ და ამიტომ, როდესაც სტუმარი ბევრია, დიდძალი ღვინო დაილევა ხოლმე. ამასთანავე ტოლუმბაში გულმოდგინედ აღევენებს თვალს, რომ ფიალა უსათუოდ დასცალოს ყველამ. თუმცა შეიძლება ჰქონდეს ნაკლულიც იყოს. როცა ყველა სადღეგრძელო მოთავდება, ტოლუმბაში უფლებას ჰქარგავს და ვისაც რა სადღეგრძელო სურს, იმასა სვამს—სუფრაზე ოთხ ჰქონას დაღვამენ და

ოთხივეს ერთად დაღევენ. დიდი ნადიმის დროს მოავარ სადღეგრძელოს სვამენ ყანწით, რომელშიც ხანდახან საძიოთხი ბოთლი ჩადის, მაგრამ ამას მხოლოდ გამორჩენილი მსმელი შესძლებს. საქართველოში მეტწილად კახურ ღვინოს სვამენ. ის კაცმა შეიძლება ბლომად დალიოს და არ ავნოს, რადგან გემო წმინდა აქვს და არც მაგარია. აქაური ჰავაც ხელს უწყობს ბლომად ღვინის სმას, იმის გამო, რომ ციებაა გავრცელებული, წყალი აქ მაწყინარია. მას მამაკაცთათვის შეუფერებელ სასმელად თვლიან და კახეთის ზოგიერთ ოჯახში სუფრაზე, საერთოდ, არც მოაქვთ.

ნადიმის დამთავრების შემდეგ კიდევ დიდხანს გრძელდება მხიარულება, მეტადრე როცა თარისა და დუღუქის ხმა სტუმრებს ეშხზე მოიყვანს.

სიმღერის შემდეგ იწყება ცეკვა-თამაში, მათ შორის ყველაზე მშვენიერია ლეკური. როგორც კი ლეკურს დაუკრავენ, ყველა ფეხზე დგება—ზოგი თამაშობს, ზოგიც შეხედვით ტკბება. ეს ცეკვა ყველაზე მეტად შეეფერება ქართველების ბუნებას.

ლეკურს ცეკვავს ქალ-ვაჟი, ოღონდ ხელი ხელს კი არ უკიდიათ; ცეკვა იწყება წყნარად, მერე თანდათან გაცხოველდება, აჩქარდება ზღვის ღელეასავით და ბოლოს ლაზათითა და სიმღიდრით სავსე გიჟმაჟურ როკვად იქცევა. ვგონებ, არც ერთი ცეკვა არ გვიჩვენებს ისე მკვეთრად და ლამაზად ადამიანის სიმარდეს, სხეულის მოქნილობას და სრული ჰარმონიით შეზავებულ მოძრაობას, როგორც ლეკური.

ცეკვის დროს ხალხი დგება და ტაშს უკრავს, ან კიდევ შეძახილებით აქეზებს მოთამაშეთ, რომელნიც ღიმილით და ოდნავი თავის დაკვრით მადლობას უხდიან; ამ მადლობას ისეთი კეთილშობილური მორცხვობითა და კდემით ვამოხატავენ, ნამეტნავად ქალები, რომ ხშირად მხოლოდ ერთი ღიმილი ან თავის დაკვრა გამოიწვევს აღტაცებულ ტაშის-ცემას.

ლეკურს მთიელნი უფრო კარგად ცეკვავენ, ნამეტნავად ჩერქეზნი, რომელთა ქალებიც მთელ აღმოსავლეთში განთქმული არიან თავისი სილამაზით. ჩერქეზი ქალების ტანი-

სამოსი, მართალია, ულაზათოა, სამაგიეროდ, თვითონ ხიბლავენ თავისი სილამაზით კაცის გულს. მათი ბავშვური მორცხვობა სრულიად არ წარმოსდგება შიშისაგან: პირიქით, ჩერქეზის ქალი საოცრად გულადია და არც ერთი მათგანი არ შეშინდება, როცა ჩერქეზი მის წინხანჯლებით თამაშობს, ან ტყვია ზუზუნით გაუვლის გვერდით. ეს მთების შვილი მუდამ დღე ჩაბნელებულ უფსკრულებს უყურებს და ფიცხაცხენით ხეობებში დაქრის, აკვნიდანვე შეჩვეულია გრიგალთ ქროლვას, ჭექა-ქუხილსა და ნადირთ ღმუილს; ამ მთის ვარდმა შიში არ იცის.

სალონებში დღეს ლეკურს ევროპული ცეკვები სცვლის და შეიძლება ისეთი დროც მოვიდეს, მისი ერთადერთი თავშესაფარი თეატრი გახდეს.

თბილისში თეატრი სამია, სახელდობრ: ქართული, რუსული და სომხური. მათ შორის ყველაზე მდიდარი რუსულია, ქართული და სომხური კი დიდ გაჭირვებას განიცდიან და თუ აქამდის კიდევ არსებობენ, ეს მხოლოდ კერძო პირთა შეწირულობის წყალობით. თბილისის ქართული თეატრი მთელ საქართველოში ერთადერთია; იყო დრო, როცა შეიძლებოდა თქმა, ქართული თეატრი კარგ ბედს შეესწრებოთ, მაგრამ ეს იყო მხოლოდ წუთიერი იმედი უკეთესი მომავლისა. დღეს კი თეატრი ვერაფერ სახარბიელო მდგომარეობაშია. იგი პირველად 1852 წელს დააარსა თ. გ. ერისთავმა; ქართული კომედიების წერაც მან პირველმა დაიწყო და, საზოგადოდ, ბევრი. იშრომა თავისი ქვეყნის დრამატული ხელოვნებისთვის. მთელი ოცი წელიწადი არსებობს ეს სცენა და თუმცა საკმაოდ მდიდარი რეპერტუარი მოეპოვება და რამდენიმე კარგი აქტიორიც ჰყავს, სულს მაინც ძლივს იბრუნებს. როგორც ეტყობა, ქართულ საზოგადოებას აკლია არტისტული გემოვნება, ხოლო სცენის მეთაურთ—ცოდნა დრამატული ხელოვნებისა...

თბილისი საქართველოს ძველი სატახტო ქალაქია. ახლა იგი წარმოადგენს ნახევრად ევროპულ ქალაქს, რომლის სიძველე კაცს მოასურვებს დაათვალიეროს ნაშთი მისი წარსულისა. სამწუხაროდ, თბილისში საქართველოს სხვა ადგილებზე უფრო ნაკლებ არის დაცული ეს ნაშთები.

საქართველოს გულს მტერი ხშირად ესხმოდა თავს და აოხრებდა. თბილისს ყველაზე მეტად ოსმალონი და სპარსნი აწუხებდნენ, თუპცა მათ არც მეზობელი ხანები ჩამორჩებოდნენ. საქართველოს ყველა მტერი მაჰმადის სჯულისა იყო და ცდილობდა ქართველებიც ფემამაჰმადიანებინა, მაგრამ, რადგან ეს უკანასკნელი ყოველთვის მდგარ წინააღმდეგობას უწევდნენ მომხდურთ, გაბოროტებული მტერი უფრო მეტად აოხრებდა და მიწასთან ასწორებდა ქვეყანას.

თბილისს ძველად განიერა კვიტიკირის გალავანი და მალღობებზე აღმართული ციხეები იცავდა. ამ ციხეებს ხშირად მტერი იჭერდა და ან აქცევდა, ანდა თავის გასამარჯვებლად კიდეც უფრო ამაგრებდა. ამგვარად, ეს დანგრეული ციხე-გალავანი მოწამეა მტერთა ძალადობისა, ქართველთა და მაჰმადიანთა შორის დიდი ომებისა, რაც მთელი საუკუნეების მანძილზე გრძელდებოდა და მათი ბედი თითქმის ყოველთვის აქ გადაწყდებოდა ხოლმე. დროს ჯერ კიდეც მთლად არ შეუშუსრავს ეს უზარმაზარი გალავანი, იგი უწინდელი დროის შენობის ნიჟურსაც წარმოადგენს და იმას მოგვითხრობს, თუ რა დიდი ბრძოლა უხდებოდა ქართველებს მტრების მოსაგერიებლად. ეს გალავანივე ამტკიცებს, რომ თბილისი ძველად ძლიერი და დიდებული სატახტო ქალაქი ყოფილა. საქართველოს უკანასკნელი ჰეფის ირაკლის სასახლისა და რამდენიმე ნაგებობათა გარდა თბილისში აღარაფერი გვიამბობს ქვეყნის სამხედრო და სახელმწიფო ძლიერების შესახებ. ირაკლის სასახლეში ამჟამად რაღაც სამხედრო დაწესებულებაა და ძველ მფეფთა ციხე-დარბაზისა ხომ კვალიც აღარსად ჩანს. ამბობენ, ამ ციხე-დარბაზში სავასამდე ოთახი იყო, გალავანში კი — ოთხი საყდარი, მხეცების სამწყვდევი და ბაღიო. ამის გარდა, ბევრი სასახლე ბაგრატიონთა გვარეულობისა უკვე აღარ არის, ისე რომ დღეს თბილისს ძველი დიდებისა აღარაფერი ეტყობა. ამის მიზეზია: დამოუკიდებლობის უკანასკნელ ხანებში ხშირი იყო შინაური არეულობა, თანაც სპარსელები გამუდმებით ესხმოდნენ თავს თბილისს და მიწასთან ასწორებდნენ მის საუკეთესო ნაგებობებს.

გახული საუკუნის დასასრულს საქართველოში მშვიდობა დამყარდა, მაგრამ შენობათა მომეტებული ნაწილი უკვე დანგრეული იყო და კაცს აღარაფერი მოაგონებდა ერთ დროს განთქმულ „სასახლეების ქალაქს“. შემდეგ თბილისი ისევ განახლდა. ქუჩებში სიცოცხლემ გაიღვიძა, იქ, სადაც წინათ ვრცელი ბაღები იყო, ევროპული სახლები აშენდა და ქალაქმაც ევროპული სახე მიიღო.

თავადებისა და საერო დიდებულთა სასახლეებზე უფრო მკვიდრი აღმოჩნდა ქართველთა სარწმუნოებრივი ძეგლები. თბილისის ზოგიერთი ეკლესია, რომელიც დღესაც არსებობს, აშენებულია ქრისტიანობის პირველ საუკუნეებში. მათ შორის ყველაზე უმშვენიერესი საკათედრო ტაძარია, აშენებული V საუკუნეში მეფე ვახტანგის დროს. ეს ტაძარი აგებულია ქართულ-ბიზანტიური გემოვნებით ყვითელი ქვისაგან და როგორც სხვა ქართულ ეკლესიას, ამასაც რვაკუთხიანი გუმბათი აქვს. ახლანდელი მისი არქიტექტურა და შინაგანი აღკაზმულობა დიდი ხნისაა, XII საუკუნეში იგი სულთან ჯალალედინმა დაანგრია, XVI საუკუნეში შაჰ-აბასმა თბილისთან ერთად ააოხრა და ბრძანა მტკვარში გადაეგდოთ სასწაულთმოქმედი ღვთისმშობლის ხატი, რომელიც იმ დროს ტაძარში ესვენა. სიონში დღემდე ინახება ყველა ქართველისთვის ძვირფასი ჯვარი ვაზისა, რომელიც წმიდანინოსი ყოფილა და მისივე თმით არის შეკრული. ეს ჯვარი ემზღვეა ქართული ეკლესიისა, რომელიც აღმოსავლურ წესზე დაარსდა. იგი დიდი ხანია განთავისუფლდა ბერძენთა დამოკადებულებისაგან და მრავალი საუკუნის განმავლობაში თავისი პატრიარქიც ჰყავდა, კათალიკოსად წოდებული. თუმცა მისი რიტუალები ბერძნული წესებისაგან არ განსხვავდებოდა. ამ დამოუკიდებლობის წყალობით ქართულ საეკლესიო არქიტექტურაში შემუშავდა განსაკუთრებულია წესი შენებისა...

ამჟამად ქართველთა ეკლესია შეერთებულია რუსეთის მართლმადიდებელ ეკლესიასთან. მათ წესებს შორის შემორჩენილია ზოგიერთი ძველი განსხვავებულობანი. ამ საუკუნის ნახევარში თბილისის ტაძარი თითქმის მთლიანად გადაუკეთებიათ, რის წყალობითაც მას სრულიად დაუკარგავს

თავისი ძველი სახე. გარდა ამ ტაძრისა, თბილისში სხვაც ბევრია ძველი ქართული ეკლესია, მათ შორის წმიდა დავითისა აშენებული ამავე სახელწოდების მთაზე. ეს საყდარი თბილისის ყველა კუთხიდან ჩანს. იქვეა რუსი მწერლის გრიბოედოვის საფლავი და ძეგლი, რომელიც აგებულია მისი ცოლის, ქართველი ქალის სურვილით. გრიბოედოვსაც ლერმონტოვივით უყვარდა მშვენიერი საქართველო და ყველა მისი ოცნება სიცოცხლის უკანასკნელ ხანებში საქართველოსთან იყო დაკავშირებული.

დანარჩენი ქართული ეკლესიები ან დიდი ხნისანი არ არიან, ან მოკლებულნი არიან არქიტექტურულ მნიშვნელობას. თბილისში ბევრია სომხური ეკლესია. უნდა ითქვას, თავიანთი სამშობლოდან განდევნილი სომხები საქართველოში მოვიდნენ და, რაკი ნახეს სტუმართმოყვარე მხარე, იქვე დასახლდნენ, მეტწილად თბილისში, რომელმაც ხელი შეუწყო მათ მიდრეკილებას ვაჭრობისა და მრეწველობისადმი. ვაჭრობა ძველთაგანვე სომხების ხელშია და ეს არის შიზეზი, რომ ისინი უფრო და უფრო მდიდრდებიან, როდესაც საქართველო თავისუფალი სახელმწიფო იყო, სომხები მაშინ ქართველთაგან შევიწროებულნიც კი არ ყოფილან, ეს აშკარად ჩანს იქიდან, რომ სომხებს ეჭირათ თვალსაჩინო ადგილები სამსახურში, მათი და ქართველების ცხოვრება ერთნაირად მიმდინარეობდა და ბოლო დროს ქართველებს რამდენამე მხრივ კიდევ გაუსწრეს. ხასიათით ისინი ძალიან განირჩევიან ერთმანეთისაგან: ქართველები შემკულნი არიან მრავალი რაინდული თვისებებით, სომხებს კი შრომა და მშვიდობიანი ცხოვრება უყვართ.

ამ ორი ხალხის ხასიათებს შორის ასეთი განსხვავება, უეჭველია, ბუნების ზეგავლენით აიხსნება.

## საქართველოს ქება

### ქ ა რ თ ლ ი

საყვარელო ქართლო! შენ სასტიკი ხარ და ნაზი, ცივი და მხურვალე, ნათელი და მწუხარე, უხვი და ღარიბი.

მდიდარი ხარ ნაყოფიერი ველებითა და შთებით, ტყეებით, მდინარეებითა და ბაღებით. შენ მრავალფეროვანი, დიადი ბაღი ხარ. ამ ბაღის მომხიბლავი სურათებით საუკუნეებით ტკბება ადამიანი. ყოველ გორაკზე, ყოველ ადგილას შენთა მშვენიერებათა, უხილავი წიგნის ახალ-ახალი სურათებია დამალული. მაგრამ შენ არა მარტო მთებისა და ველების სილამაზე გამკობს, არამედ შორეულ მყინვართა ჯადოქრული სანახაობაც—მალალი კავკასიონის ქედის ფიგანტური პიკამიდები, რომლებიც თავისი სიდიადით ალპებსა და ევროპის ყველა სხვა მთას აღემატება. და აი აქ, ამ თითქოს მკვდარი სამყაროს გულში აღიმართება ამაყი ყაზბეგი, სადაც ელია ქაეჭავაძის პოეტურმა თვალმა უპოვნა ბინა თავის „განდე-გილს“.

საყვარელო ქართლო! შენს წიაღში იშვა საქართველო და მრავალ საუკუნეთა განმავლობაში შენ აძლევდი სიცოცხლეს მთელ ივერიას. შენ იყავი მისი სული და გული, მისი სიმაგრე აღმოსავლეთის გააფთრებულ მტერთა წინააღმდეგ ბრძოლაში. ლამაზო ქართლო! ნაზია შენი გაზაფხული, როდესაც იასამნის სურნელი დაიღვრება ბაღებში, როდესაც სიმშვენიით იმოსება ტყეები და რაკრაკით მორბის მთის წყაროთა ვერცხლისფერი ჩქერები.

მშვიდად და ნაზად მოდის შენი გაზაფხული, ნელ-ნელა იღვიძებს მისი სილამაზე, მაგრამ როდესაც აივსება სიცოცხლით მისი ახალგაზრდობა და ხმამალა გაისმის ბუღბუღლის



სტვენა და გუგულოს მწუხარე ძახილი, მაშინ მთები და ველები სამოთხეს დაემსგავსება აგერ მოშხუის ამღვრეული მტკვარი და ვერცხლისფერი არაგვი, რომელთა ნაპირებზე ბევრჯერ გადაწყვეტილა საქართველოს ბედი. მტკვარო და არაგვო, რა მწუხარე ჰანგებს გიმღეროდათ ილია და ბარათაშვილი, რომელნიც მთელი თავისი სიცოცხლე საქართველოს ტრფივლით იყვნენ დაავადებულნი! მტკვარი და არაგვი, ქართლო, შენი წარსულის უკვდავი მოწმენი არიან, ეს ორი მდინარე ქართლის ხსენებისთანავე მოაგონდება ადამიანს. ისინი შეერთებულნი მორბიან ძველი თბილისისაკენ, საქართველოს გულისაკენ. საყვარელო ქართლო! ხშირად გინახავს მწუხარება, მაგრამ ხანგრძლივად არასოდეს დადარდიანებულა შენი მზე. ხშირად, ძალიან ხშირად ისმოდა თბილისში საზეიმო ჰანგები, აქ ჩაუყარა მაღალგონიერმა დავითმა სახელმწიფოს საძირკველი, ზოლო თამარმა ნაზი სიტყვით და კეთილი გულით შეაერთა ქართველნი.

## კ ა ხ მ თ ი

ნათელო კახეთო! ტყიანი მთების გვირგვინი შემოვლებია შენს მწვანე ველ-მინდორს! მზე და მთვარე შენი მეგობრებია, მათი სინათლე და ბრწყინვალეობა მომხიბლავად ამკობს შენს სურათს. ვისაც უნდა სასწაული იხილოს, მან კახეთში მზის ამოსვლას უნდა უცქიროს, როდესაც ოჭროს სხივი ეხვევა მთელ ველს და ალაზანი ვერცხლისფერი ზონარით ბრწყინავს.

ვისაც უნდა სასწაული იხილოს, მან სავსე მთვარიან ღამეში თელავიდან აღმოსავლეთით ალაზნის ველს უნდა უყუროს. კეკლუცო კახეთო! ოჭროსფერი ღვინის, სიხარულისა და სიამის ქვეყანავ! შენს სამოთხეში იშვა ორი პოეტი, ერთი—ალექსანდრე ჰავჭავაძე, მეთვრამეტე საუკუნის დაგვიანებული პოეტი, რომელიც უმღერდა ქალებს, ღვინოსა და სიყვარულს, — ეს სიცოცხლით სავსე ნამდვილი კახელი;

ხოლო მეორე — ილია ჭავჭავაძე, ქართველი, რომელიც მთელ საქართველოსთვის ფიქრობდა. ილია აღტაცებული იყო კახეთის ბუნების სამოთხისებური სილამაზით...

ძვირფასო კახეთო! შენ უშრეტი სალარო ხარ პოეზიის, სინათლისა და სილამაზის. შენ ნაზ ქალთა სამშობლო ხარ, მოვა დრო და შენს საუნჯეთა სალაროდან გაიშლება მაღალი პოეზიისა და ხელოვნების ყვავილნი. კახეთო! სეტყვა აზიანებს შენს ვენახებს, გვალვისაგან შრება შენი მდინარენი, მაგრამ არასოდეს არ დაშრება შენი სილამაზის უკვდავი წყარო.

## ი მ ე რ ე თ ი

მომჯადოებელი იმერეთო! ნაზი სამხრეთის საყვარელო, სადაც ჯერ კიდევ ზამთარში იღვიძებს გაზაფხული, შენს სილამაზეთა მრავალფეროვნებაში იკარგება თვალი. იმერეთო! ვისაც არ უნახავს შენი გაზაფხული, მას არ უნახავს სამოთხე.

რა სიამე და ბედნიერებაა შენი აყვავებული მინდვრების, მწვანე ბაღებისა და ტყეების ხილვა!..

შენ მდიდარი ხარ ძვირფასი მარგალიტებით, მაგრამ ყველაზე უმშვენიერესი — ქუთაისია. ის გარშემორტყპულია სიზმარებრ მშვენიერი მწვანე ბაღებით, სადაც ხარობენ სამხრეთის ნაზი ყვავილები და ხეები. მის სიწვანეში ჩუმად დგანან ძველი ნანგრევები. რიონი მოშხუის ტყიანი ხეობით.

ვისაც ერთხელ მაინც უნახავს ქუთაისი, მის ხსოვნაში ზმანებად რჩება ამ ქალაქის ნაზი გაზაფხულისა და ლამაზი ქალების სურათი. მწვანე იმერეთო! საუკუნეებით ჟღირდა ჩონგური შენს სადიდებლად, მაგრამ მხოლოდ აკაკის ათქმევინა დიდი ქებათა-ქება. და იქამდის, ვიდრე შენი ლამაზი ასულნი ხიბლავენ შენს ვაჟებს, ვიდრე რიონი მოშხუის მწვანე ხეობით და მისი დაუღეგარი ტალღები მიისწრაფიან შავი ზღვისაკენ, ცოცხალი იქნება აკაკის სიმღერაც.

ფურცლები ქართული დავთრიდან

1888 წელს ჩემმა მეგობარმა ნიკო ლოლობერიძემ დამპა-  
ტრია თავის სოფელ რგანში. მაგრამ სანამ წავიდოდით, ორი  
კვირით ქუთაისში გავიარეთ.

ეხლა ეს ქალაქი ნამდვილი გულია საქართველოსი,  
როგორც თბილისი მე-18 საუკუნეში. მე დიდი ხანია სხვა-  
დასხვა გასართობები მიზიდავდა იმერეთის დედაქალაქისაკენ,  
უფრო კი ის შორიდან საქართველოს დასახასიათებლად  
შიყვარდა, ამათან ერთმა აღამიანმა, რომელიც დაბადებული  
იყო ქუთაისში და ცხოვრობდა თბილისში, გაშიღვიძა თავისი  
საყვარელი ქალაქის სიყვარული.

ცოცხალი იმერლისა და უფრო მძიმე ზასიათის აღმო-  
სავლეთ საქართველოს ამცხოვრებთა შორის არის დიდი  
განსხვავება. მათი ზნე-ჩვეულება ბევრად განსხვავდება  
ერთმანეთისაგან... ქუთაისში გაუფრთხილებლად წავედი და  
არ შევეცდარვარ. მაგრამ ამბობენ, პირველი შთაბეჭდილება  
ყოველთვის არ არის მართალიო.

ქუთაისის საერთო სურათმა აღმაფრთოვანა. ბუნებამ,  
შლიდარმა მცენარეულობამ, რიონის მხატვრულმა მიდამოებმა  
ჩემში მეტად სასიამოვნო შთაბეჭდილება დატოვა. აქ არის  
ნამდვილი სამხრეთი, რომელიც აღბეჭდილია არა მარტო  
მცენარეულობაზე, არამედ აღამიანებზეც.

იმერლების დამახასიათებელი თვისებაა სიმარღე. ისინი  
მოქნილნი, ჭკუამახვილნი, კარგი მოლაპარაკენი, მაგრამ ამას-  
თან ერთად ზარმაცებიც არიან, ეს სამხრეთის ხალხის დამა-  
ზასიათებელი თვისებაა. იმერლები უფრო მზიარული ხალხია,  
ვიდრე აღმოსავლეთის მზრის ქართველები. იმერლებმა  
თავისი განმასხვავებელი თვისებები უსათუოდ თანდათანობით  
გადმოიღეს წარსულში ბერძენთა ამცხოვრებლებისაგან. ვინც  
საბერძენეთში ყოფილა, განსაკუთრებით ათენში, და დაკვირვე-  
ბია ბერძენის ცხოვრებას სხვადასხვა გარემოებაში, ის  
დარწმუნდება, რომ მათი ცხოვრება ძალიან ჰგავს იმერლების  
ცხოვრებას, ამითვე შეიძლება დამტკიცდეს იმერლების ნიჭი

ვაჭრობაში. ცოცხალი ტემპერამენტისა და ლაპარაკის უნარის მხრივ ბერძნებს და იმერლებს ბევრი საერთო აქვს. იმერული კილო გამოითქმება ჩქარა და ხშირად არ გვაძლევს დროს დაუფიქრდე მის აზრს.

იმერლები ძალიან ნიჭიერი მსახიობები არიან, როგორც ცხოვრებაში, ისე სცენაზეც, ამით აიხსნება ის შემთხვევაც, რომ მსახიობთა უმეტესი ნაწილი ქართულ სცენაზე იმერლები არიან. ასეთი შემთხვევა არ რჩება უშედეგო, რადგან მათ მოქნილობას აჩვენებს და უნარს, შეეგუონ სხვადასხვა მღვთმარეობას. ახალგაზრდა კაცს, ერთი დღის უკან მინდორში რომ ხნავდა, ეხლა ლაქიად ნახავთ სასტუმროში და ფრაკში დადის. რამდენიმე წლის შემდეგ ის გახსნის სასტუმროს და იჯრით რკინიგზაზე ბუფეტსაც მიიღებს. ასევე მიდიან იმერლები სხვა დარგებშიაც წინ. ოცი ან ოცდაათი წლის შემდეგ ისინი დაიპყრობენ სხვა პროფესიებსაც, რომელშიაც ჯერ არ არიან გაწაფული.

იმერეთმა ჭაიღვიძა, ამას მე ვხედავ და ახლა ვამჩნევ ქუთაისში. მოძრავი იმერლები თანდათანობით ვრცელდებოდა საქართველოს სხვადასხვა მხარეებში.

ქუთაისში ყველაზე უფრო გამიტაცა ბუნების სიმშვენიერემ. აქ სხვადასხვაგვარი საშოთხეა და ყოველ ადგილს თავისი სიმშვენიერე აქვს. რიონის ტყიანი მიდამოები თავისთავად ზღაპრულ ქვეყანას წარმოადგენდა. ოჰ! რამდენი სილამაზეა ამ საუცხოო ტყეში, ხმაურიანი მდინარის ნაპირზე; მოწამეთში ველური კლდეების სურათები ამხიარულებენ თვალს; გელათში კი ქვემო იმერეთის ნაზი ბუნებაა. გელათის მონასტრის აივნებიდან თქვენ წინ იშლება მთელი დასავლეთი იმერეთი და ქვემო სამეგრელო შავ ზღვამდე, სადაც ეს მწვანე სამოთხე იფანტება შორეთში. გელათის მონასტერი არ არის უბრალო ქვის ძეგლი, როგორც სხვა მრავალი, რადგან აქ ისტორიამ დაასვა თავისი ბეჭედი და მის გონიერ მოღვაწეობით შექმნა თავისი თავი იმერეთის მანათობლად. სადაც მრავალი საუკუნის განმავლობაში წყვდიადი იყო გამეფებული. ერთმანეთს შორის სიძულვილი ანგრევდა ახლომახლო სოფლებს, მხოლოდ ცოტა ხნის განმავლობაში ანათებდა მკრთალი სინათლით გელათი

ქუთაისში ყვავილები შემოდგომაზეც ჰყვავიან, ჰყვავიან აგრეთვე ლამაზი ქალები, ყველაზე უფრო ლამაზნი საქართველოში და მთელ კავკასიაში. ეს სახელი არ შეიძლება წაერთვას ქუთაისს, თუმცა შურიანი ადამიანები ამბობენ, ამ ლამაზ ქალებს არ აქვთ გულიო. ამაზე შეიძლება ვიდაოთ. მე იმერეთის დედაქალაქის არა ერთი ლამაზი ქალიშვილი ვიცი და ვამჩნევ მათ სიკეთეს და თბილ გრძნობასაც. თუმცა სინამდვილეში იმათაც აქვთ ნაკლი, ურომლისოდაც ეს ლამაზი ქალები ანგელოზები იქნებოდნენ და ანგელოზები კი ადამიანის ცხოვრებაში არ გამოდგებოდა.

სამწუხაროა, რომ ქუთაისში არ ჰყვავის ხელოვნება, არც მუსიკა და არც მხატვრობა, მიუხედავად იმისა, რომ განსაკუთრებით მხატვრობისათვის არის აქ უთვალავი მასალა. საკმარისია მიუთითოთ მხატვრულ ბუნებაზე.

ჩემი წასვლის წინ დღეობა იყო და საუცხოო ივნისის დღე იდგა. ქუჩაზე ყოველგან სეირნობდნენ ლამაზი ქალები. ბცინობდნენ, მხიარულობდნენ და ოქროსფერი მზის სხივები აბრწყინებდნენ მათ კეთილშობილ სახეებს, უბრწყინავდნენ ცოცხალი თვალები. ამბობენ, ვინც დალია მტკვრის წყალი, უსათუოდ დაბინავდება თბილისშიო. ასეთივე ანდამატის მიმზიდველობა აქვს ქუთაისის ქალებსაც.

## საქართველოს სილაგაზე

საქართველოს სიმშვენიერე ისევე ძნელი აღსაწერია და მიუწვდომელი, ვით უთვალავი თვალ-მარგალიტი აღმოსავლეთის საარაკო მფლობელისა. დიახ, ძნელია, მაგრამ ვისაც უყვარს საქართველო, მისთვის საამუშრია მის სილამაზეზე ლაპარაკი.

მისი მთლიანი სურათის დახატვა ჩემი მიზანი არ არის, მე მხოლოდ მინდა აღვნიშნო ამ სილამაზის მრავალფერადობა საქართველოს ზოგიერთ კუთხისა.

საქართველოს შორეულ წარსულშივე მოჰყავდა ალტა ცეხაში უცხოელები, განსაკუთრებით იტალიელი ბერები.

მაგრამ მეტად უფერულია მათი აღტაცების სიტყვიერი გამოხატვა, რადგანაც მათ შორის არ მოიპოვებოდა მხატვრული გრძნობითა და გემოვნებით სავსე შუქრალი. მგონი ლამბერტი უწოდებს საქართველოს „თავის სატრფოს“.

ახლაც, ჩვენს დროში უცხოელები უხვად სწირავენ ქება-დიდებას საქართველოს უმშვენიერეს ბუნებას, და თბილისი, რომლის მდებარეობაზე თვით ქართველები არ არიან დიდო აზრის, ბევრს მიუჩნევია ლამაზად. ჩავარდნილი ალაგი, სადაც გაშენებულია ქალაქი, მცირეა სიმშვენიერით, მაგრამ მისი ზოლიანი სურათი სავსეა სილამაზით, განსაკუთრებით ნავთლულიდან, საიდანაც კრწანისი და მამადავითის მთა მოჩანს; ნაზი და მხატვრულია ეს სურათი, როცა გაშუქებულია დილის მზის სხივებით. მე მახსოვს, სხვათა შორის, როგორ აღტაცებას ეძლეოდნენ უცხოელები მატარებლის ფანჯრებიდან ამ სურათის მზერის დროს...

წაკითხული მაქვს აგრეთვე სომეხი მწერლის ხაჩატურ აბოვიანის წერილი (1843 წ.), იგი თავის იმეგობარ გერმანელს აუწერს თბილისის დილას და იმ განსაკუთრებულსიამესა და სიხარულს, რომელსაც მას მთაწმინდა ანიჭებს. და მართლაც, ეს თითქმის ხრიოკი მთა თბილისს რაღაც განსაკუთრებულ მშვენიებას სძენს მასზე დაცემული თავისებური მზის შუქის გამო. საღამოთი, როცა მტკვრის მარჯვენა ნაპირზე მდებარე ქალაქის ერთი ნაწილი უკვე გახვეულია ჩრდილში, მარცხენა ნაწილი კვლავ დიდხანს ელვარებს ჩამავალი მზის ოქროს სხივებში. მთაწმინდიდან თვალი სწვდება არა მარტო მთელ ქალაქს, არამედ მის მიდამოსაც, მარტყოფისა და საგურამოს მთებს.

ლამაზია აგრეთვე ვერის დაღმართის გადასახედი მტკვარზე და ყაზბეგისაკენ, რომლის სურათაც მზის სხვადასხვაგვარი გაშუქების გამო ცვალებადი ფერისაა ზამთარ-ზაფხულს. საზოგადოდ, თბილისი ღარიბია მწვანით, მაგრამ სამაგიეროდ მიასამხრეთ-დასავლეთ და დასავლეთ მხარეს გადაჭიმულია ტყეთა უსაზღვრო სამეფო, სადაც ყოველთვის მისწრაფოდნენ თბილისელები ზაფხულში. აქ ბევრგანაა მხატვრული ადგილები...

ალგეთის ნაპირები შედარებით ღარიბია სილამაზით.

თუმცა აქაც მოიხვევა თვალისათვის საამური და გასახარი ადგილები. თბილისის აღმოსავლეთის მხარეს ბუნება ძლიერ ლატაკია: კუმისის ტბა მოქცეულია ცარიელ, ხრიოკ ადგილას და დიდი ხნით არ იზიდავს მგზავრის თვალს; თუღეთის მახლობელი მთა, შეენაბადა, გადაჰყურებს დიდ შიშველ მიდამოს, რომელზედაც მიიზღაწნება ავღერეული მტკვარი ულამაზო რიყენაპირებს შუა აღმოსავლეთის მიმართულებით; სამგორის ტრიალ მინდვრებს შუა გზა გომბორისაკენ მიდის, ეს ზურმაუხტის სამოთხე თვით კახეთამდე გრძელდება. გომბორი საქართველოს მრავალ სამოთხეთა შორის პირველია. აქ მთელი დღე მოუღალავად შეიძლება ხეტიალი ბუმბერაზ ხეთა ჩრდილოვანი ფუმბათის ქვეშ. ეს კახეთში მიმავალი გზატკეცილით გაპობილი ტყე თავისი პატარა მინდვრებით, ლამაზი ჭალებითა და ჩხრიალა რუებით მშვენიერ ხელოვნურ პარკს უფრო წააგავს. იქ მზის სხივი მხოლოდ ოდნავ გასჭვრეტს ატყორცნილი ხეების დაბურულ ტევრს, მთელი გზა მოცულია არა მარტო ჩრდილით, არამედ წყვდიადითაც. დიდ მანძილზეა გაჭიმული ეს ჩრდილოვანი გზა, მხოლოდ შუამთის მონასტრის შემდეგ უცებ ირღვევა ეს შეფოთილი ფარდა და მთელი თავისი სიმშვენიერით, როგორც უზარმაზარ ფანჯრის ჩარჩოში, მოჩანს მზეში ჩანთქმული კახეთი. შუამთის მონასტრიდან თვალი ცივ-გომბორით სტკბება. ეს სურათი ისევ გომბორის ტყის სამეფოს გაგრძელებაა და იქ ჯერ არა ჩანს კახეთის ნარნარი და ნაზი ფერაღებები.

თუ გინდათ სავსებით დატკბეთ კახეთის სიმშვენიერით, თელავში ნადიკვრის გორაკზე ადით ან ალაზნის მარჯვნივ ზოგიერთ მაღლობზე. გინდათ ნახოთ სიღნაღი და გარე კახეთი? — ადით ყვარლის ახლო პატარა აღმართზე და დასტკბებით ამ მომხიბლავი, ნაზი სურათის მშვენიერებით.

კახეთი ანუ ალაზნის ველი ერთი მთლიანი საოცნებო ბაღია, კავკასიონის მთაგრეხილის საღ კლდეებსა და გომბორის მთებს შორის აყვავებული მხარე; ეს კედელი თანდათან დაბლდება და თელავ-სიღნაღის გზის მახლობლად თავდება პატარა გორაკების ხაზით.

სურათხატოვანი ჰიდებარეობისა და უხვი სიმწვანის გარდა

კახეთი შემკულია კიდევ მესამე სიმშენიერთ — განსაკუთრებული სინათლით, რომელიც აქ, გაორკეცებული კავკასიონის მთათა ბუნებრივი რეფლექტორის სიახლოვით, მეფური სიუხვით არის მოსილი მთელ ველზე. ეს სამი მშვენიება შეადგენს კახეთის ზღაპრულ სილამაზეს.

საქართველოს ამ მარგალიტს ჯერ კიდევ მცირე ადგილი უჭირავს პოეზიაში. ილია ჭავჭავაძე, ვახტანგ ორბელიანი და ალექსანდრე შანშიაშვილი მას მხოლოდ რამდენიმე ლექსს უძღვნიან. მხატვრობაში მხოლოდ ერთმა რუსმა მხატვარმა ზანკოვსკიმ დიდი ნიჭით გადაიტანა ეს სიმშენიერე ტილოზე იმ დროს, როცა ქართველი მხატვრები დღემდეც ძალიან მცირე ყურადღებას აქცევენ.

ალაზნის მარჯვენა მხარე, რა თქმა უნდა, გაცილებით უფრო ლამაზია, ვიდრე მისი მარცხენა ნაპირი. ცივ-გომბორის ტოტის უკანასკნელი პატარა სიმაღლეები და შეფოთლილი ფერდობები წარმოადგენენ აქ მრავალფერად, კალმით აუწერელ სურათებს. თელავსა და სიღნაღს შუა მდებარე სოფლები შორთულ-მოკაზმულია ნაირფერი მცენარეებით და ყველგან მომნიბლავი გადასახედი იტაცებს თვალს, ერთი მხრით — მთებისაკენ და მეორე მხრით — ალაზნის მოკრიბებული ველისაკენ. ალაზნის მარჯვენა ნაპირი კავკასიონის მწვეანე გალავნის გასწვრივ მოიკლავნება. ეს ერთფეროვანი და ვიწრო მხარე გადაჰყურებს მშვენიერ მარცხენა ნაპირს, სადაც მალლობზე ერთ ბოლოს მოჩანს მწვეანით მოსილი თელავი და მეორეს — სიღნაღი.

თუ გინდათ ნახოთ კახეთის ყველა სურათი, სიმაღლეთა შუა მოქცეულ პატარა ველებში უნდა შეხვიდეთ, რომელნიც ცივ-გომბორის მთაზეა შეფენილი. აქ მოუყრია თავი ყველაფერს: უხვ მცენარეებსა და ნაკადულებს, პატარა ჭალებსა და ალაგ-ალაგ ტყიან ადგილებსაც კი.

დასავლეთით კახეთსა და ქვემო ქართლს შუა მდებარე ტყიანი მთებით შევდივართ ტყის ფართო სამფლობელოში და შემდეგ ერწოს მწვეანე ველში. ეს ველი განივრად არის გაშლილი წინამძღვრიანთკარისაკენ, ზედაზნის ტყიან მთებისაკენ და ბრწყინვალე მზისაგან დაფერილ-შევერცხლილ არაგვისაკენ. აქ არაგვი მომდინარეობს ვაკე ადგილას, გაშლილ



კალთაზე, რომლის ნაპირი შეფერილია მწვანით, ზევით და ზევით მისი მიღამო უფრო მეტად იმოსება სხვადასხვა მცენარეებით და ეს ზილამაზე აღწევს უმაღლეს წერტილს არაგვის სათავეში, თუშეთში. გერმანელმა გეოლოგმა აბიხმა, რომელიც სახელოვანი მწერალიც იყო, ეს ხელშეუხები მთის სამეფო აღწერა, საცა არაგვი გაშმაგებული არღევს სალ კლდეება და ციცაბო მთებს და აქაფებული ქვა-ქვიშას შიქანებს. არაგვი მართლაც და საუცხოო მდინარეა. ბარათაშვილი ღირსეულად აღწერს მის სიმშვენიერეს, სადაც ცხენოსანი გამვლელი ქართველი სიამით ისვენებს მწვანე ხეებს შორის და სტკებება მისი წარმტაცი ბუნების მზერით. შვეიცრული არაგვისა და ამღვრეული მტკვრის შეუღლების ადგილის ახლო საქართველოს წარსულის მნიშვნელოვანი იმბები დატრიალებულა უწინ; რის გამოც ეს ორი მდინარე ზგაზე უფრო ხშირად მოიხსენიება საქართველოს მატთანეს ფურცლებზე. ზედანის მახლობლად მთების ერთ-ერთ მწვერვალზე, მაღალი ხეებით შემორტყმულ ადგილას, ძველთაძველი მონასტერია აღმართული. იქიდან იშლება ფართო გადასახედი სამხრეთისაკენ, ირგვლივ კოჯრის მთები, თბილისი და ძირს ძველი მცხეთა მოჩანს. ქვემო ქართლის თავისებურება, ე. ი. შიშველი მთების, სალი კლდეებისა და მწვანე ველთა მთლიანობა აქ, ამ ადგილას, უფრო მკაფიოდ წარმოუდგება თვალს, ვიდრე სხვაგან; სამაგიეროდ, ჩრდილოეთისაკენ არაგვის ველი და მთები, ლაყვარდ ცის კამარაში ატყორცნილ მყინვარამდე, დაბურული ტყით არის შემოსილი. ყველა ამაზე მბრძანებლობს ყაზბეგის გიგანტური პირამიდა, ეს ბუნებრივი სამიჯნო ბურჯი მზეცხოველ საქართველოსა და შოქუფრულ ჩრდილოეთს შუა. ვინც მოახერხა მზიან ამინდში მის მწვერვალზე ასვლა, ის მოწმეა დიდი სასწაულებისა ამ ქვეყანაზე. გერმანელმა მწერალმა, გოტფრიდ მერცბახერმა, ავტორმა წიგნისა „კავკასიონის მთების სიმალლეზე“, მაღალმხატვრული აღწერა მოგვცა იმ პანორამისა, რომელიც იხილა ამ დიდებულ მყინვარიდან. აქედან გადაავლო მან თვალი მთელ კავკასიას თვით არარატამდე.

ქართულ პოეზიაში ყაზბეგს ჯერ კიდევ მცირე ადგილი უჭირავს. მხოლოდ ილია ჭავჭავაძემ იპოვა ღირსეული

სიტყვები თავის პოემა „განდევილში“ მისი დიდებული სილამაზის დასურათხატებისათვის. საზოგადოდ, ქართველი პოეტები ნაკლები ყურადღებით ეკიდებიან ყაზბეგს და ქართულ მხატვრობაში საქართველოს მთების მეფე თითქმის არ ასახულა. მართო ეს მთა კი არა, მხატვრობისათვის უპირატესესი მასალის მქონეა მისი მიდამოებიც. აიღეთ, მაგალითად, სადგურ ყაზბეგიდან წმიდა სამების ეკლესიისაკენ გადმოსახედი. განა ეს დიდებული და მომხიბლავი სურათი არ არის?..

ბუნებისა და არქიტექტურის შეხამება, განსაკუთრებით მთიან ადგილებში, დიდ ესთეტიკურ შთაბეჭდილებას ჰქმნის. ეს არ ითქმის მცხეთის ტაძარზე, ვინაიდან მისი მდებარეობა მტკვრის დაბალ ნაპირზე არ შეფერის მის სიდიადეს. ღუშეთისა და ფშავ-ხევსურეთის მთების დიდებული და ჭერ სრულებით ხელშეუხებელი სილამაზე დიდი ოსტატობით აქვთ აღწერილი გერმანელ მეცნიერებს აბიხსა და მერცხაბერს...

მცხეთის შემდეგ ქვემო ქართლის შესავალში მგზავრმა უნდა გაიხედოს სამხრეთისაკენ, მთების გასწვრივ, რადგანაც ჩრდილოეთის მხარე საკმაოდ ღარიბია მცენარეებით. ზოგიერთი სოფლის ხეხილის ბაღები და ქალაქის ხედი თუშკა ვერ შეედრება სილამაზით ტყიან მთებს, მაგრამ ყანით დაფარულ სახნავებთან ერთად შუა ქართლის ბუნებრივი სიმდიდრის სავსე სურათს წარმოადგენენ. ბუნებაში სიმდიდრე და სილამაზე ყოველთვის ერთად არ არსებობს და საქართველო, ეჭვი არ არის, უფრო მდიდარი იქნებოდა, რომ ლამაზი მთები ნაკლებად ჰქონოდა, ხოლო სახნავეები კი უფრო მეტი.

შუა ქართლის უმთავრეს ადგილებს, მაგალითად, გორს, ახალქალაქს, კავთისხევსა და სხვა სოფლებს, არ შეიძლება ითქვას, რომ ლამაზი მდებარეობა აქვთ. ქართლის სილამაზე მხოლოდ შემდეგ დასავლეთისა და სამხრეთისაკენ იწყება. სამხრეთ ქართლის მთელი ნახევარი, მანგლისიდან დაწყებული ბორჯომის გასწვრივ, მთიანი ადგილია. ის მდიდარია ტყით, წყაროებითა და მდინარეებით. აქ თითქმის ყველგან

შეუძლია ადამიანს დასტკბეს მწვანით შეფენილი მთებისა და ველების მშვენიერი სურათებით.

სურამის ქედი ბუნებრივი მიჯნაა აღმოსავლეთ და დასავლეთ საქართველოსი, შეიძლება კიდევ ითქვას — ორ სხვადასხვა მხარეს შუა. დასავლეთი ანუ ზემო ქართლი, ცივი მხარეა და მისი ზამთარი წააგავს ჩრდილოეთის ზამთარს. ტყიანი მთები და ველები სავსეა მომხიბლავი სილამაზით, ასეთია ის თვით ზამთარშიც, როცა მთები დაბარდნილია თოვლით, ამ ცივი მხარის სილამაზე იმ დროსაც საამრად აზარებს ადამიანის თვალს.

აუწერელია ქართლის მშვენიერი გაზაფხული, როცა მთების დაბლა კალთები და ველი აბიზინებულია ზურმუხტისფერი ნორჩი მწვანით და აქვე მთის მწვერვალები კი გახვეულია ბრწყინვალე თოვლის თეთრ სუდარაში. ზემო ქართლი ნამდვილი მთის სამოთხეა, სადაც ყოველ მოსახვევეში ახალი საოცნებო სურათი იშლება. მაგრამ ეს უკვე აღარ არის ნაზი ბუნებისა და თბილი ჰაერის საზხრეთი და მისი ქალაქები: ხაშური, სურამი და ბორჯომი მთელი ზამთარი რამდენიმე თვით გახვეულია თოვლში.

სურამის ქედი მართლაც და ნამდვილი მიჯნაა ორ მხარეს შუა. მთებს გადაღმა ნაზ იმერეთში ზალხიც სხვაგვარია. ყველა უცხოელი, რომელიც პირველად მოგზაურობს საქართველოში ბათუმიდან თბილისისაკენ, აღტაცებამოდის ზემო ქართლის საუცხოო სურათებით. და მართლაც, აქ იმდენგვარ სილამაზეს მოუყრია თავი, რომ ამ ზომით ძნელად მოიპოვება საქართველოს სხვა კუთხეში. ქართლი, რომელიც უწინდელ დროს ხშირად იყო საქართველოს პოლიტიკური და კულტურული ცხოვრების ძარღვი და ცენტრი, თითქოს მართლაც რაღაც განცალკევებული ქვეყანა იყოს, იგი ბევრით განირჩევა საქართველოს სხვა მხარეებისაგან. ქართლი მრავალ საუკუნეთა განმავლობაში იყო მთავარი დედაბურჯი სპარსეთსა და ოსმალეთთან ბრძოლის დროს. მე-18 საუკუნეში ქართლმა შექმნა ახალი კულტურული ცხოვრება და ჩაუყარა საძირკველი საქართველოს ახალ ყოფას. მე-19 საუკუნეში ყოველივე ეს შექმნეს ცივი ქართლის

მცხოვრებლებმა, რომლებიც უკანასკნელ ათეულ წლებში წინ უძღვიან საქართველოს დანარჩენ მხარეებს.

დავუბრუნდები ზემო ქართლის ანუ საქართველოს პრუსიის ბუნებას, და დავძენ, რომეს ცივი მხარე გადასცქერის სხვა, უფრო ცივ მხარეს, კავკასიონის მთავარი ქედის შორეულ მყინვარებს. ადამიანის თვალს ყველაზე ფართო და დიდებული სურათი ეგრეთწოდებულ „ცხრაწყაროს“ მწვერვალიდან გადაეშლება, თუმცა ეს შეგვიძლია ვიხილოთ უფრო დაბალი ადგილებიდანაც: თუნდაც კავთისხევიდან; აქ ადამიანს შეუძლია დასტკბეს ამ მყინვარების დიდებული სურათით. მზიანი ადგილი დიდ მანძილზეა სოფლებითა და მწვეანე ბაღებით შეფენილი, რომლებიც თვით მთავარი ქედის ლურჯ მთებსა და მათ უკან აღმართულ თოვლით შემოსილ მწვერვალებს აღწევენ. ეს მწვერვლები ხშირად მკაფიოდ ბრწყინავენ ლაქვარდ სივრცეში, როგორც მარმარილოს კოშკები და გიგანტური პირამიდები. მათი მეფური მშვენება ცვალებადია დილით, შუაღღესა და საღამოს, მაგრამ ის ღიალი და მომხიბლავია ყოველთვის.

სურამის მთები საქმარისი სიგრძისა და სიგანისა არის და ნამდვილი მთის სამოთხეს წარმოადგენს. მისი დასავლეთი ფერდობი თანდათანობით გადადის ნაზი ბუნებისაკენ და რამდენადაც უახლოვდება იმერეთს, იმდენად მეტად იგრძნობა სამხრეთი. რაც შეეხება ზემო იმერეთს, ამ ლამაზ, ღვთაებრივ ადგილს, ის ჯერ კიდევ ბევრით წააგავს ქართლს. ეს კუთხე მზიანია, მდიდარი სახნავ-სათესი ადგილებით.

ზემო იმერეთის სილამაზე მრავალფეროვანია. ადგილ-ადგილ მომჭადობელია თვით შავი ქვის მალაროების მახლობლადაც კი. ზემო იმერეთი ლამაზია არა მარტო თავისი მთებით, ველებითა და მდინარეებით, არამედ მდიდარია მცენარეებითაც, მთებისა და ველების მშვენიერი სურათები დაუშრეტელი მასალაა პოეტისა და მხატვრისათვის. აქ, ამ ნახევრად სამხრეთის კუთხეში, ქართველ ლირიკოსთა მეფე—აკაკი წერეთელი დაიბადა...

გარდა მთებისა, ზემო იმერეთის საუნჯეს ეკუთვნის მდინარე რიონი, რომელიც თავის სათავეში იშვიათი სიტურფით გამოირჩევა. მაშინ როცა სხვა მდინარეები ნაკლებად

განიჩვევიან განსაკუთრებული სილამაზით, რიონის ნიღა-  
მოები, ქუთაისის ზევით, ერთი განუწყვეტელი ტყის  
სამოთხეა. ხაზოგადოდ, საქართველოს მდინარეები მხოლოდ-  
თავის სათავეში არიან შემკული დიდი სილამაზით.

ზემო იმერეთის მთების სილამაზეს არ დაუვარდება ქვემო  
იმერეთიც. მას ალტაცებაში მოჰყავს მნახველი. ეს ნამდვილდ-  
ტურფა სამხრეთია თავისი ორი მარგალიტით — ბათუშითა  
და ქუთაისით.\* იმერეთის დედაქალაქი შემკულია სამოთხისე-  
ბური ბუნებითა და მდებარეობით. ზემო იმერეთსათვის  
უცნობი ბევრი მცენარე აქ უხვად ჩაიზრდეს, მისი დაუჭკნობე-  
ლი მწვანით მოქარგულა საუცხოო ველები და გორაკები.  
ძალალი მთები გალავანივით აღმართულან ქვემო იმერეთის  
ერთ მხარეს, თუმცა შიგნითაც, აღმოსავლეთისა და ჩრდილო-  
ეთის მხარეს, იგი მორთულია დაბალი მთების ტურფა  
გვირგვინით. გონიერად მოიქცა ის ხალხი, ვინც ათასი წლის  
წინ გააშენა აქ ქუთაისი, იმერეთის მომავალი დედაქალაქი.  
ჩრდილოეთიდან ქუთაისი სიცივისაგან ძალალი მთებითაა  
დაფარული, მეორე მხრიდან კი ნაყოფიერი და მდიდარი  
მიდამო აკრავს. რა ლამაზი იქნებოდა ეს ქალაქი უწინ, როცა  
აქ მთაზე აღმართული იყო ძველი სასახლე და ტაძარი,  
რომელთა მშენებლისაგან მარტოოდენ ნანგრევები დარჩე-  
ნილა. აქ ყველაფერი ნაზი და კეკლუცია, თვალი და გულთ-  
ვერ ძღება მისი მშენებებით... მის ახლო მდებარე ადგილები  
ღირსშესანიშნავია საქართველოს წარსულისა და არქიტექტურ-  
ის ძვირფასი ნაშთებით: გელათი და მოწამეთა. გელათის  
მონასტერი აშენებულია ისეთ მარჯვე ადგილას, რომ მთელი  
იმ მხარის სამკაულია მართლაც. არქიტექტურა შეფარდე-  
ბული უნდა იყოს ბუნებასთან და აძლიერებდეს მის სილამა-  
ზეს. გელათის მონასტრის აივნიდან გადასახედი დიდებული  
და მომხიბლავია. მრავალი საუკუნის განმავლობაში რამდენი  
თაობა ბერებისა გადაჰყურებდა აქედან მშვენიერ სურათს,  
მთელ ქვემო იმერეთზე და სამეგრელოზე გადაჭიმულს თვით-  
შავი ზღვის ნაპირამდე!

\* ძველი ჩვეულების თანახმად, ლაისტი ხშირად მთელი დასავლეთ-  
საქართველოს აღსანიშნავად იმერეთს წერს.

დღევანდელ ქართველებს უფრო შესწევთ ბუნების სილამაზის განცდა, ვიდრე ბერებს იმ წარსულ საუკუნეებში, მაგრამ ისინი მაინც ჯერ კიდევ ნაკლები ინტერესით ეკიდებიან მას. ვერც პოეზიაში, ვერც მხატვრობაში ტურფა იმერეთმა ვერ მოიპოვა ღირსეული ყურადღება. კახეთისა და ქართლის მსგავსად იმერეთი ჩრდილოეთიდან კავკასიონის ქედის მაღალი ციხე-გალავნით არის შემოზღუდული. უმაღლესი მთების ზევით სვანეთი გაჭიმულა, ეს პატარა კუთხე, რომელიც თავისი ბუნებით და ხალხით სრულიად განსხვავდება იმერეთისაგან. სვანეთი ლამაზი და საინტერესოა. სამხრეთის ქართველნი ძლიერ იშვიათად ესტუმრებიან ხოლმე ამ ცივ მხარეს; მგონი, ჯერ არც ერთი პოეტი და მხატვარი არ სწვევია სვანეთს. იალბუზსა და უშბას შუა სხვა წყინვარებას გადასახედი შეუღარებელი და უმშვენიერესია მთელ კავკასიონის ქედზე და ეს კიდევ ბევრისათვის უცნობი სურათები ფოტოგრაფიულად გადაღებულია მერცხბახერის მიერ ორასჯერ სხვადასხვა მხრიდან... კავკასიონის ქედის ზემო მთები, საქართველოს ჩრდილოეთით, აფხაზეთიდან დაღესტნამდე წარმოადგენს სილამაზის და საზოგადოდ ბუნების საინტერესო მოვლენათა უმდიდრეს საუნჯეს. ამ მდიდარი მასალის დამუშავება და გამოქვეყნება ქართველებს ღიდ სახელს მოუხვეჭდა.

იმერეთის ქედი არ არის ისე დაქანებული, როგორც კახეთში: აქ მთები აღის ტერასებად და ეს ტყიანი საფეხურები მეტად მრავალფეროვანი და მხატვრულია. ამგვარად, სამართლიანი იქნება, რომ იმერეთი საქართველოს ყველაზე ლამაზ და მხატვრულ მხარედ ჩაითვალოს. მაგრამ ამ ფერადმა და ლამაზმა ბუნებამ ჯერ კიდევ ნაკლებ გააღვიძა ქართველი პოეტებისა და მხატვრების შემოქმედებითი ძალა. მართო აკაკი წერეთელი უმღერდა მეფური სიდიადის მშობელ ბუნებას. თუმცა, როგორც მე უკვე ვთქვი, ის არ აღწერს გარკვეულ ცალკე ადგილებს. ეჭვი არ არის, ამ სილამაზეს მომავალი თაობა დაეწაფება და დატკბება თავისი მხარის სილამაზით, რადგან სილამაზე ასაზრდოებს პოეტისა და მხატვრის ოცნებას. სად იპოვეს პუშკინმა და ლერმონტოვმა მასალა თავისი საუკეთესო პოემებისათვის, რუსეთში კი არა—

საქართველოში. საღ წერდნენ ბაირონი და შელი თავის უკვდავ თხზულებებს, ნისლიან ინგლისში კი არა — კაშკაშა, სპეტაკ იტალიაში.

არავითარი ბუნებრივი მიჯნა არ არსებობს იმერეთსა და სამეგრელოს შუა. ძველი კოლხიდა ნესტის, ჭაობებისა და ტყეების მხარეა. მისი ტყეები XIX საუკუნის განმავლობაში თითქმის ნახევრად შემცირადა. უწინ სამეგრელო რაღაც საიდუმლოებით იყო მოცული ბერძნების თვალში, რადგან უჩვეუნი იყვნენ ამ უზარმაზარი ხეებითა და უთვალავი ყვავილებით დაბურულ ტყეებს, რომლითაც შემოსილი იყო სამეგრელო. მაღალ, ყინულით დაფარულ მთებს განცვიფრებაში მოჰყავდა ბერძნები. ყველა ეს შეუღარებელი იყო იმასთან, რაც მათ უნახავთ საბერძნეთში, საცა პატარა ოლიმპი მიაჩნდათ თავიანთი ღმერთების უმაღლეს სამფლობელოდ. დღეს სამეგრელომ დაჰკარგა თავისი საიდუმლოება, მთელი მისი ქვემოთა ნახევარი გაჩეხილია და თითქმის გაშიშვლებული. სამაგიეროდ, ამ ლამაზი მხარის მთიანი ადგილი ჯერ კიდევ ხელუხლებელია და სავსე მდიდარი ტყით. ზემო სამეგრელო მთებისა და ტყეების მშვენიერებით წააგავს ზემო იმერეთს, რომელსაც მხოლოდ თავისი მრავალი მდინარით სჭარბობს. საქართველოს არც ერთ მხარეში არ მოიპოვება იმდენი წყალუხვი მდინარე, როგორც სამეგრელოში. სამეგრელო ცხოვრობს რაღაც განსაკუთრებული ცხოვრებით და თავისი მცენარეულით დიდად განირჩევა უფრო მშრალი იმერეთისაგან. ქვემო სამეგრელო ჭაობებით მდიდარი ქვეყანაა, ეს არის მისი უმთავრესი დამაზახიათებელი ნიშანი. შუა სამეგრელოში კი უფრო მეტი მადლობებია. გერმანელმა მწერალმა სუტნერმა რამდენიმე მოთხრობა დაწერა სამეგრელოს ცხოვრებიდან, სადაც ნიჭიერად არის გადმოცემული შუა სამეგრელოს სურათები. ეს სურათები დახატულია ისეთი სიცხოველით, რომ მკითხველს ებადება მოუთმენელი სურვილი ამ ზურმუხტის კუნძულის ნახვისა. მეგრელთა არქიტექტურა სადაა. აქ არსად მოიპოვება ისეთი შენობა, ჯარემო ბუნებას სილამაზეს რომ მატებდეს. არც ზუგდიდი, არც ახალი სენაკი და არც თვით ფოთი არ შეინიშნება რაიმე თავისებურებით, რომელიც ბუნებას ერთგვარ ელფერს

მისცემდა. მთელი სამეგრელოს ერთადერთ არქიტექტურის საუნჯეს შეადგენს მარტილის ტაძარი, რომელსაც მარჯვე მდებარეობა აქვს. ფოთი დაბალ, ულამაზო ადგილასაა, რიონის ულამაზო ნაპირზე და თვით ზღვის სიახლოვეც თითქმის არაფერს ჰმატებს მის შნოს. ეს ულამაზო ზღვის ნაპირი თითქმის ქობულეთამდე გაჭიმულა, საცა თავდება ჭაობიანი სამეგრელო და იწყება ბათუმის ედემი.

ამის შემდეგ სამხრეთ-აღმოსავლეთით პატარა გურიაა მოთავსებული — ნესტიანი დაბების, მშვენიერი მთების, ნაზი და ცოცხალი ქალებისა და მოქმედი, ცნობისმოყვარე მამაკაცების ქვეყანა. როგორც საზოგადოდ საქართველოს მხარეების მოპეტებული რიცხვი, გურიაც იყოფა ორ სხვადასხვა კუთხედ: თავისი განსაკუთრებული მცენარეებით ქვემო და ზემო გურიად. ქვემო თბილია, ზემო კი — ცივი. გურიის მთების, ველებსა და მდიდარი მცენარეების საერთო სურათი ფრიად ლამაზია. გურიის ბევრ მხარეს მხატვრული ვადასახედი აქვს ზღვისაკენ, რომელიც უხვად სთავაზობს მას წვიმას და ნესტს.

დასავლეთ საქართველოს დიდ ნაწილს მოსდევს და ამშვენებს შავი ზღვა. მაგრამ არსად მისი ნაპირი არ შვენის ისე, როგორც ბათუმის მხარეს: აქ ზღვა ამშვენებს დედამიწას და დედამიწა — ზღვას. ეს დიდებული სტიქია თითქოს უცხო იყოს ქართველთათვის. საზოგადოდ, მათ მეცნიერებაში, პოეზიასა და ხელოვნებაში ზღვას ნაკლები ადგილი აქვს დათმობილი.

ლამაზი ადგილები ბათუმის მიდამოში ქობულეთიდან იწყება. თუმცა ეს სოფელი არ გამოირჩევა არც განსაკუთრებული ლამაზი ადგილით, არც მდიდარი მცენარეებით, მაგრამ მაინც სასიამოვნო კუთხეა; აქ ზღვის ნაპირი გაშლილია. ბათუმთან ახლო იწყება სამხრეთის გაფურჩქნილი მცენარეები და პატარა მთები, ყველაფერი ეს შეადგენს ედემს, რომლის მზერითაც ვერ ძლება ადამიანის თვალი. ბალები მორთულია კვიპაროსითა და დაფნით, პალმებითა და მაგნოლიით და სხვა იშვიათი მცენარეულობით; გვიან შემოდგომაზე, თვით შუა იანვარშიც კი განუწყვეტლად ჰყვავის ბევრი მათგანი. მთები მდიდრადაა შემოსილი ხეებით, ბუჩქებითა და ყვავილებით და ყველგან მოჩანს ზღვის



ზურმუხტოვანი სარკე. ხშირად, როცა მთელი კვირაობით მოდის განუწყვეტელი წვიმა და შავი ღრუბლები ეფარება ცის ლაქვარს, ზღვაც იღუშება, მისი სარკე იოროთქლება: მუქი ნისლით, თუმცა ის მაშინაც არ ჰკარგავს თავის სილამაზეს. ამ დროს მისი სურათი სავსეა სევდიანი პოეზიით. ასეთ ამინდში შავი კვიპაროსები უფრო მეტად ამშვენებენ ზღვის ნაპირს და ძალაღლი, თოვლით დაფენილი აჭარის მთები ნაღვლით დასცქერიან ამ დაბურულ სურათს. მახსოვს, ჩემი ბათუმში ყოფნის დროს ასეთ ამინდში ზღვის ნაპირი ცარიელი იყო, მე მაინც ხშირად მივდიოდი იქ და ვტკბებოდი მისი დიდებული სურათით. დიდი ხნის განუწყვეტელი წვიმის შემდეგ ღრუბელი ხშირად უცებ იფანტებოდა და გამოდიოდა კაშკაშა მზიარული მზე. ეს სანეტარო დღეებია, ლაქვარდი ცა მოკრიალებულია და დაფერილი მზის ოქროს სხივებით, რომელნიც წყნარი ზღვის ლურჯ სარკეში კიაფობენ. ასეთ წყნარ დღეებში ამ ედემის სიმშვენიერე უფრო მკაფიოდ წარმოდგება მთელი თავისი სისავსით: საითაც არ უნდა მიბრუნდე, ყველგან თვალი ტკბება ლამაზ სურათთა სიუხვით. აჭარის მთები, ბათუმის უმშვენიერესი ჩარჩო, მზის შუქზე საუცხოო სურათს წარმოადგენს თავისი ტყით შეფენილი კალთებითა და შორსატყოროცნილი თოვლიანი მწვერვალებით. ბათუმიდან სამხრეთით ნაზი ბუნება იცვლება, ჰოროხის მიდამო უკვე უფრო ძლიერსა და ლამაზ სურათს გვაძლევს.

საქართველოს ბუნებას ბადალი არა აქვს მთელ ქვეყნიერებაზე. საზოგადოდ, საქართველო ეკუთვნის უმშვენიერეს ქვეყანათა რიცხვს და წარმოადგენს დაუშრეტელ მასალას, როგორც ხელოვნების, ისე მეცნიერებისთვისაც.

## ალაზნის ველი

თიბათვის თბილი ღამე მკრთალდებოდა... აღმოსავლეთით, აქ, სადაც კავკასიის მთებს შორის სიღნაღი მდებარეობს, ჰორიზონტი თავის მუქ პირსაბურავს იშორებდა და ალაზნისავე ედებოდა ელვარება.

როდესაც ისე განათდა, რომ შეიძლებოდა საგნების გარჩევა, მე ნელ-ნელა გავემართე წინანდლიდან მახლობელ მთისკენ.

ნეტარებაა ზაფხულში დილით მარტო სიარული, როცა ნათელი სამყარო წმიდათა წმიდად გეჩვენება!

ირგვლივ სიჩუმე სუფევდა, მხოლოდ ახლად გაღვიძებული ფრინველების გაუბედავი ჭიკჭიკი ისმოდა. იღვიძებდა სოფელიც, ნელ-ნელა ვიწრო ბილიკებით ზევით ავდიოდით.

აღმოსავლეთით ცა მთლად განათებული იყო, მხოლოდ ერთი შუაგულში მოხეტიალე პატარა შავი ღრუბელი აძლევდა მწუხარე იერს. ასეთივე მწუხარე და სევდიანი იყო კავკასიის მთების კედელი, დასავლეთი მხარე ალაზნის ველისა. აღმოსავლეთით ალაზანი უკვე ბრწყინავდა ვერცხლისფერ ზონარად და შორს, სადღაც აღმოსავლეთისაკენ მიეშურებოდა. ალაზნის მეორე ნაპირიდან სახლები და ვენახები შავ წერტილებად მოჩანდა.

ნელ-ნელა ავდიოდით სულ ზევით და ზევით. იქვე მახლობელი წყაროს ჩუხჩუხი ისმოდა. ახლო მივედი და ქვაზე ჩამოვჯექი. აღმოსავლეთით ცას ოქროსფერი ზეწარი გადაფარებოდა. ის-ის იყო, მზეც ამოსულიყო და ალაზნის მარცხენა ნაპირზე უფრო გარკვევით გამოჩნდა სახლები, საყდრები და ვენახები.

მოჩანდა ყვარლის სიმაგრე, ენისელის დაჩრდილული ბაღ-ბოსტნები და კავკასიის მთების მედიდური მწვანე კედელი. იქ, მაღლა, იღიმებოდა ნორჩი დილა, — უკვე სინათლეს გაემარჯვნა. ავდექი, დავლიე წყაროს ცივი წყალი და გზას შევეუდექი. ჩემს თავზე, მაღლა, სიცოცხლით სავსე ტოროლები დასრიალებდნენ და გალობდნენ.

აღმოსავლეთი აინთო. მზემ ოქრო და ვერცხლით დაჰფარა ალაზნის ველი, სოფლები, ბაღები, მთაზე გაშენებული თელავი, ცივ-გომბორის მთა, დასავლეთით ტყიანი მთები, თიანეთს რომ მაღავენ. მთელი ეს გრძნეული სურათი განათებული იყო ახალი ოქროს მზით.

სინათლეა და სიცოცხლე ყველგან, მაღლა თუ დაბლა. მიწაზე თუ ცაზე! ელავს ალაზანი თავის მწვანე ნაპირებს შორის და სადღაც, დასავლეთით იმალება ფერმკრთალი მთვარე.

კახეთის, ესე იგი, ალაზნის ველის ბუნება, შეიძლება საქართველოს ზოგიერთ სხვა კუთხეზე უფრო ლამაზი არ იყოს, მაგრამ მისი მდებარეობა, ერთი მხრით, კავკასიის დაადი მთაგრეხილის ძირთან და, მეორე მხრით, ცივ-გომბორის თვალწარმტაცა და ზოგან ტყით დაფარულ მთებთან — იშვიათ სურათს წარმოადგენს. კავკასიონის მთაგრეხილი მოსხლეტილ მწვანე კედლად არის აღმართული. მაღლა, ჰაერის ზღვაში, იგი კახეთს სრულიად ამორებს ჩრდილოეთისაგან. იმავე დროს აღმოსავლეთის სხივმოსილი კარიბჭე ფართოდაა გაღებული. არა მარტო კარგ დარში, მთვარიან ღამეშიც კი სინათლე და ბრწყინვალეობა აქ თვალისმომჭრელი ძალით ავსებს ცის სივრცესა და დედამიწას. საერთოდ, თავისებური სინათლე ერთი უმთავრესი მშვენიერებათაგანია კახეთისა და ხშირად იგი ისეთი ჯადოსნური სიძლიერით მოქმედებს, ასურათხატებს ცას, ღრუბლებსა და ველს, შთლად აქაურობას, რომ ყოველივე ამას საუცხოო ხალიჩას ამსგავსებს.

თბილისიდან მიმავალ კაცს კახეთი თითქმის ერთბაშად, მოულოდნელად გადაეშლება წინ, როგორც სინათლის, ბრწყინვალეობისა და ფერების მხარე. ვისაც სურს დასტკბეს კახეთის ყველა მშვენიერებით, გომბორზე უნდა ავიდეს აუცილებლად. ტრიალი ნაცრისფერი ველის შემდეგ, თბილისიდან იორისაკენ რომ მიიმართება, მთები იწყება, რომლებიც თანდათან მაღლდება. გზა შედის დიდ და ხშირ ტყეთა სამეფოში, სადაც იღუმალება და მარტოობაა გამეფებული. გომბორს რომ გადასცდებით, თითქოს ხელოვნური პარკი ტყემ შესცვალო, მაგრამ აქაც ხევის ორსავე მხარეზე მთის კალთებს ჯერ კიდევ ფარავს ხშირი ტყე და ჩრდილი განუწყვეტელია. მხოლოდ შუამთის მონასტერთან სინათლე ცდილობს ტყის ჩრდილს შეატანოს.

აქ, თეთრ საყდარში ალექსანდრე ჭავჭავაძე განისვენებს, რომელთან ერთად თავდება მე-18 საუკუნისი უფრო ქართული პოეზია... ალ. ჭავჭავაძე მართლაც უფრო ერეკლე II-სა და გიორგი XIII-ს დროს ეკუთვნის, ვიდრე XIX საუკუნეს.

შუამთის მონასტრის აივნიდან, როგორც ვიწრო ფანჯრიდან, ისე ჩანს ერთი მცირედი ნაწილი ნათელით მოსილი კახეთისა. ასე გგონიათ, ზევს იქით სულ სხვა, ახალი ქვეყანა არისო. მართლაც, ხეობიდან თელავისაკენ გზას რომ განაგრძობთ, თვალწინ წარმოგიდგებათ სულ სხვა სურათი, სანათლითა და ბრწყინვალეებით სავსე. თელავიდან მოჩანს მთელი ალაზნის ველი და მისი სიმშვენიერე. გომბორის ბნელ ტყეთა შორის დიდხანს სიარულის შემდეგ კაცს ეს ერთნაირად მატებს სიამოვნებას.

გადაჭარბებული არ აქნება რომ ვთქვა, კახეთში ერთი ადგილი მეორეზე უფრო ლამაზია. მაგრამ საერთო სურათი იშვიათი მშვენიებისაა, მას იშვიათი რბილი ტონები და სინათლე აქვს. შორიდან მთელი ეს ალაზნის ველი ერთ დიდ მთლიან პარკსა ჰგავს, რომლის მწვანე ფონიდან გამოიყურება სახლების მოწითალო სახურავები და ეკლესიათა რვა-კუთხა გუმბათები.

ისტორიული ადგილები კახეთში ბევრია. უმთავრესი მათგანია: თელავი, იყალთო და გრემი. მაგრამ შენობები, რომელნიც წარსულის მოწამენი იყვნენ, მხოლოდ თელავშია ჯერ კიდევ დაცული. თეიმურაზ პირველის სასახლე გრემში და აკადემია იყალთოში—გაქრა. დასანანია ეს ამბავი იმიტომ, რომ ამ შენობების საშუალებით შეგვეძლო წარმოდგენა გვექონოდა მაშინდელ ზურათმოძღვრებაზე საერთოდ. აქ წარსულის კვალი უფრო ცოტაა დარჩენილი. ეს არც გასაკვირია, რადგან კახეთს, როგორც საქართველოს აღმოსავლეთ განაპირა მხარეს, სულ მუდამ თავს ესხმოდნენ ლეკები, თურქები და სპარსელები.

საუკუნეთა განმავლობაში კახეთმა ალბათ მრავალჯერ გამოიცვალა თავისი სახე, მრავალჯერ იყო აოხრებული, მაგრამ მისი მდიდარი ბუნება ყოველთვის სწრაფად შეუკრავდა პირს მის ჭრილობებს და ეს მომჯადოებელი მადლით მოსილი მხარე ისევ იწყებდა აყვავებას.

დიახ, კახეთი მადლით მოსილი და მომჯადოებელი კუთხეა... წაბრძანდით თელავიდან ჩრდილო-დასავლეთით, გაიარეთ მწვანედ ახავერდებული ადგილები და შორიდან მალე იხილავთ ალავერდის თეთრ ტაძარს, იმის იქით მწვანე

მთებს, თიანეთს რომ ეფარებიან, ჩრდილოეთით გამოჩნდება მთები თუშეთისა, სამხრეთით აიმართება მწვანე ცივ-გომბორის მთა. ასე რომ, თვალნი რბიან ერთი მშვენიერი სურათი-ღან მეორეზე და ვერ ძლებიან.

თელავის აღმოსავლეთით, კალმით დახატულ ადგილას, მდებარეობს სამშობლო ალექსანდრე ჭავჭავაძისა — წინანდალი... პოეტმა თავისი ცხოვრების უმეტესი ნაწილი აქ გაატარა, უმშვენიერეს ბუნების წიაღში და ყოველგვარ საესება-კმაყოფილებაში.

ალექსანდრე ჭავჭავაძე პოეტი იყო, ნიჭიერი პოეტი, რომელსაც ძალუძდა აღმოეჩინა სიმშვენიერე და პოეზია გრძნობებისა და თან გამოეთქვა ეს გრძნობები სრული სიძლიერით. ახალგაზრდებისათვის მან შექმნა ლექსები, რომელთა ჰანგი და ხმა თვით ჩვენს დროშიაც ბევრს ხიბლავს და წარბეჭდვს...

ალექსანდრე ჭავჭავაძის სიკვდილამდე ათი წლით ადრე კახეთშივე, მხოლოდ დავერცხლილი ალაზნის მეორე მხარეს, ბუნებით ნაკლებ შემკულ სოფელში და ნაკლებად მდიდარ სახლში, დაიბადა მეორე პოეტი ილია ჭავჭავაძე. მის თვალებს ბავშვობაში არ უხილავს ის სიმიდირისა და ფუფუნების სურათები, რომლებიც გარს ერტყა ალექსანდრე ჭავჭავაძეს. ილია ჭავჭავაძის ყრმობის წლებმა განვლო ნახევრად ღარიბულ სახლ-კარში. ლეკიანობის შიშში ატარებდა ილია ჭავჭავაძე თავისი ცხოვრების პირველ ხანს. მისი საცხოვრებელი ადგილი სრულებით არა ჰგავდა გარსევან ჭავჭავაძის შვილის მდიდრულ სამყოფელს. იქ, წინანდლის ქედებზე, ცხრათვალა მზე სულ მუდამ დაქათქათებს მიდამოს, აქ კი, ყვარლის ვიწრო ხევში, ტყით დაფარული მთების ძირას, ერთი მეორეს ჰიჭუჭყული ეზო-ყურე ხშირად დაბნელებულია. მაგრამ რაკი სოფლიდან გახვალთ ალაზნისაკენ ან ერთ-ერთ მახლობელ მთაზე ახვალთ, თვალწინ გადაგეშლებათ სინათლით გაშუქებული ქვეყანა, რომლისკენ ძალაუნებურად მიუბრუნდებიან ადამიანს გული და თვალი. ამ სინათლისკენ, რომელიც შორს თითქოს უცნობ მხარეს რასმე გადაუშლის ადამიანს თვალწინ, ისწრაფოდა ყრმობის დროს ილ. ჭავჭავაძის თვალი, ხოლო შემდეგში მისი ფიქრები განუწყვეტლივ

ეძიებდნენ სინათლეს გონებრივს ქვეყანაში და თავის სამშობ-  
ლოს მომავალში.

ალ. ჭავჭავაძე განუწყვეტლივ დამღეროდა ღვინოს,  
ქალებსა და სიყვარულს, ილია ჭავჭავაძემ კი თავის სამოღ-  
ვაწყო ასპარეზზე გამოსვლისთანავე თქვა:

მისთვის არ ვმღერ,  
რომ ვიმღერო,  
ვით ფრინველმა გარეგანმა,  
არა მარტო ტკბილ ხმათათვის  
გამომგზავნა ქვეყნად ცაშა.

აგრეც იყო, ილია მოხუცებულობამდე ერთგული დარჩა  
ამ აღთქმისა და თავის ერს მისცა არა მარტო ლექსები  
შვება-ლხენისათვის, არამედ ახალი აზრებიც.

იქ, სადაც კახეთი განზე იწევს და ნათელი ადგილები  
იწყება, სადაც მთაზე ბუდეების მსგავსად შეხიზნულა სილ-  
ნალი,—ქიზიყში ცხოვრობს კიდევ ერთი პოეტი, ალექსანდრე  
შანშიაშვილი, თავმდაბალი მშრომელი, რომელიც ხვნა-თეს-  
ვას მისდევს და მტკიცედ უდგას ფეხი თავის მშობლიურ  
კუთხეში. შედარებით ახალგაზრდაა, მაგრამ მის პოეზიას  
ახლავე ეტყობა ბეჭედი თავისი სამშობლოსი და ალბათ შემ-  
დეგში უფრო დაეტყობა მიქსი ელფერი.

მხატვრისათვის აქ აუარებელი მასალაა და საკვირველია,  
რომ ქართველი პოეტები და მხატვრები აქამდე ასე ცოტა  
ყურადღებას აქცევენ კახეთის ბუნებრივ სიმშვენიერეს.

## საქართველოს ბუნება

ვინც ევროპიდან ბათუმს ჩამოვა, პირველად უეჭველად  
იფიქრებს, სამოთხეში მოვხვდიო. შავი ზღვის ნაპირი საოც-  
რებაა. იგი დამშვენიებულია მთებითა და ნაირ-ნაირი მცენა-  
რეებით, მზე თვალებს ჭრის, ფერადები—მუსიკალურ სიმფო-  
ნიას ჭმნიან. ბათუმის მიდამოები ტროპიკულია. საქართველო-  
ში ეს ერთადერთი კუთხეა ასეთი. გურია-სამეგრელოსა და

იმერეთში ტროპიკული ზონა აღარ გადადის, მაგრამ აქაც დიადი ბუნებაა და მისი მშვენიება საოცარია. შეიძლება ითქვას, ვიდრე სურამის მთები დაიწყებოდეს, მთელი მხარე, შავი ზღვიდან მოკიდებული, ერთიანი ბალია, ბუნებრივი, თავისთავად სასწაულებრივ გაშენებული. ქართლში ბუნება იცვლება, აქ იგი სხვაგვარად ლამაზია. საქართველოს გვირგვინი კი კახეთია, რომელიც არათუ მოგზაურებს, თვით მკვიდრ ქართველებსაც აჯადოებს. კახეთი უფრო მხატვრულ ცნებაა — ფერი, პერსპექტივა, სინათლე, სინაზე ისე ეხმატკბილება ერთმანეთს, რომ ამ სურათს მაყურებელი ძნელად მოაშორებს თვალს... მთა კიდევ სხვა სურათს გაუაგვიშლის: თუშეთს, ფშავს, ხევსურეთსა და სვანეთს. გერმანელმა გეოლოგმა აბიხმა ჩინებული აღწერა დაგვიტოვა თუშეთისა. მგონი, თუშეთის ბუნების განსაკუთრებული სილამაზე ამ მწერალმა აღმოაჩინა. ვაჟა-ფშაველამ ფშავეთის პოეზიის გვირგვინით შემოსა თავისი მაღალი შემოქმედება...

ერთი სიტყვით, საქართველოს ყველა კუთხე და, საერთოდ, მთელი ამ ქვეყნის ბუნება უმშვენიერესია დედამიწაზე. საინტერესოა აღინიშნოს, როგორი დამოკიდებულება აქვთ თვითონ ქართველებს სამშობლოს ბუნებასთან. ქართველს უთუოდ უყვარს საქართველო და აღტაცებულია მისი ბუნებით, მაგრამ თითოეული მათგანი მხოლოდ თავას კუთხეს იცნობს და იმ ადგილებს, სადაც რკინიგზა გადის, ან სადაც შემთხვევით — მოხვდება ხოლმე. ეს ამბავი გაკვირვებას იწვევს. საქართველოს ბუნება რომ ერთნაირი იყოს ყველგან და ჩვეულებრივი, ქართველებს ეპატიებოდათ აღნიშნული გარემოება. მაგრამ როგორ უნდა ეპატიოს გულგრილობა ასეთი სიუხვით დაჯილდოებული ბუნებისადმი მის მკვიდრ შვილს? წარმოიდგინეთ, თვით პოეტები და მწერლებიც არ შეადგენენ გამონაკლისს ამ შემთხვევაში; ისინი, მართალია, ხშირად ასხამენ ქებას ამ ბუნებას, მაგრამ ცნობით კი... არ იცნობენ. ეს უნდა ითქვას, მაგალითად, ილია ჭავჭავაძისა და იაკობ გოგებაშვილზე. ილიას ახალგაზრდობაში უყვარდა ნადირობა და ყვარლის მიდამოებში ხეტიალი, მაგრამ მას შემდეგ, რაც კახეთი დასტოვა და საცხოვრებლად სხვაგან გადავიდა, ნადირობაც მიატოვა და ექსკურსიებიც. საგურა-

მოში კი დადიოდა ხოლმე ახლომახლო, მაგრამ უფრო შორს წასვლაზე ერთხელაც ვერ დავითანხმე; მას სავსებით აკმაყოფილებდა მცირე ხნის სეირნობა და აივნიდან მზერა, თუმცა დიდი თაყვანისმცემელი იყო ბუნებისა და სილამაზის შეგრძნების დიდი უნარიც ჰქონდა...

თითქმის ყველა ქართველ მწერალზე იგივე ითქმის. საერთო სურათი, ყველას მიერ ცნობილი ადგილები როდი კმარა იმისთვის, რომ ამა თუ იმ ქვეყნის ბუნებას იცნობდე; ხშირად არის, რომ „უმნიშვნელო ადგილს“, სადმე ხევთა შორის ან მთებს გადაღმა, მეტი მასალა მოუცია პოეტური ან მხატვრული შემოქმედებისათვის. რკინიგზიდან ან შარავზიდან დათვალიერება რა შესწავლაა ბუნებისა?

პოეტებს შორის საქართველოს ბუნების ცოდნაში პირველი ადგილი უჭირავს: გრიგოლ ორბელიანს, ვახტანგ ორბელიანს, ვაჟა-ფშაველას, ილიასა და აკაკის. მათ შორის ვაჟა-ფშაველა უდიდესი პოეტია საქართველოს მთის ბუნებისა, როგორც ლექსში, ისე პროზაშიც. გრიგოლ ორბელიანი უმღერის სამშობლოს ბუნებას ისეთი აღფრთოვანებითა და ზეიმით, რომ ვის არ შეაყვარებს მას!.. ვახტანგი ჩამორჩება გრიგოლს ამ მხრივ, მაგრამ მისი „გელათი“ ლოცვაა მშვენიერების წინაშე. ილია ჭავჭავაძეს არა აქვს ეს უშუალობა, რადგანაც ილიაში ყოველთვის გულთან ერთად გონებაც მეტყველებდა. რაც შეეხება აკაკის, ბუნება მისთვის პოეტური აღფრთოვანების წყარო იყო, მაგრამ ნამდვილ ბუნებას იგი არ იცნობდა და არც ფიქრობდა შეესწავლა; თავად მასში იყო ეს ბუნება მოცემული, აქედან იღებდა იგი უმთავრესად შთაგონებას.

ქართველ მხატვართაგან მხოლოდ ერთმა გიგო გაბაშვილმა დაგვიხატა ქართული პეიზაჟები, რომლებიც დასახლებული ქართველი პოეტების საუკეთესო ლექსებს შეედრებიან ბუნების გადმოცემის მხრივ. ფერთა პოეზიაში პარველობა საქართველოში გიგო გაბაშვილისაა და იგი ყოველთვის დარჩება მის მამამთავრად.

საქართველოს ბუნება როგორც მხატვრობის, ისე პოეზიისთვის ამოუწურავია. საქაროა მასთან დაახლოება, რომ ქართულ ხელოვნებას დიდი მიღწევები ხვდეს წილად.



## ზღვის სიმღერა

რა საყვარელია და საამო ზღვის ტალღების სიმღერა მიყვარს ზღვის ნაპირას ყოფნა, საათობით შემოძლია ყური ეუგდო ტალღათა დუდუნს. ზშირად, ძალიან ზშირად მომისმენია ტალღათა სიმღერა ბათუმის ბულვარზე პალმებისა და კვიპაროსების ჩრდილში, კაპანდიღში, ქობულეთში, ჩაქვსა და ფოთში.

კარგია ბათუმის ბულვარი დილით ან გვიან საღამოთი, როცა ცოტაა მოსეირნე ხალხი და თავისუფლად შეიძლება დასტკბე ტალღების ღიღინით. მარცხენა მხარეს გაჭიმულია მთიანი აჭარა; მისი მედიდური მწვანე მთები გიგანტურ სვეტებადაა აზიდული მოლურჯო ჰაერში. როცა მზე ბრწყინავს, მთებიც მხიარულად გამოიყურებიან, მაგრამ როცა ღრუბლებით დაიჩრდილება ცა, მაშინ მწუხარება მათი კალთებიც. ასევე ცვალებადია ზღვის სარკე, თუმცა ყოველთვის ისმის ტალღების სიმღერა და ნაპირებზე ხათქახუთქი. მაგრამ ყოველთვის ერთ ჰანგზე არ მღერის ზღვა, ის ათასნაირ სიმღერას მღერის და როგორც ქარის ხმა, ისე იცვლება ტალღების ხმაც.

ზაფხულში, როცა ბათუმს მთელი კვირაობით ანათებს მზე და ზღვა, როგორც უძრავი სარკე ისეა გაჭიმული შორეულ პორიზონტამდე, მაშინ ტალღები მშვიდ და წყნარ ჰანგზე მღერიან სულიერი სიმშვიდის სიმფონიას, რომელიც აწყნარებს ადამიანის აღელვებულ სულს და შეჰყავს იგი უხილავ ოცნებათა ციხე-სიმაგრეში. მაგრამ ზშირად ზღვას არა სძინავს მზის სინათლეზე, ამოვარდება ქარი, ცოცხლდება, ზღვა და პატარ-პატარა აქაფებელი ტალღები ზევით სივრცეში იკარგებიან. ტალღები ხმას იმაღლებენ. — კარგია ასეთ დღეებში საღამოობით ზღვის ნაპირზე ყოფნა, როცა სუნთქავ სუფთა ჰაერით და ყურს უგდებ გაგიჟებულ ტალღებს.

შემოდგომით ბათუმი კარგავს თავის მომაჯადოებელ სიმწვანეს. მაგრამ მწვანედ რჩებიან ტანმალალი კვიპაროსები. ეს მწუხარების კეთილშობილი ხეები, პალმები, ლიბანის ნაძვი, შორეული სამხრეთისა და სხვანი.

შემოდგომის და ზამთრის დარდიან დღეებში, რომლებიც

აჭარაში მთელი კვირობით მისდევენ ერთმანეთს, ეს მუქი მწვანე ხეები წარმოადგენენ ნამდვილ შესაფერის დეკორაციას. ვისაც არ უნახავს ზათუმი და აჭარა ზამთრის სევდიან ღლებში, ვისაც არ უნახავს მუქი კვიპაროსები ასეთ ბნელ ამინდში, მას არ უნახავს და არ იცის, რა არის ბუნების მწუხარება!

მაგრამ განრისხებაც იცის ბუნებამ, ზღვამ, იგი ხანდახან რამდენიმე დღე შფოთავს და ხმაურობს, ქარიშხალად მალა სივრცეში ისვრის ტალღას. ლურჯი ტალღები ქრებიან, მათ ნაცვლად ახლა ზღვის თვალუწვდენ სივრცეზე უზარმაზარი აზღვრეული მთები ურთიერთს გააფთრებით ეჯახებიან. ეს აღარ არის ტალღების ნაზი სიმღერა, ეს ქუხილია, გაცოფებული ქუხილი ზღვისა, შემზარავი სურათი სტიქიის ძალთა შებმა-ჭიდლისა.

მაგრამ ეს იშვიათად ხდება. უფრო ხშირად შფოთიანი დამის შემდეგ ცა მოწმენდილია, ქარი ნელდება, ზღვაც თანდათან მშვიდდება, მაგრამ ტალღათა ბობოქარი ხმა მაინც ისმის.

გაზაფხულობით, როცა ბათუმის ახლომახლო მიდამოები მწვანე სამოთხედ გადაიქცეოდა, ხშირად დავეძებდი მყუდროებას მახინჯაურსა და ჩაქვში და ვპოულობდი კიდევ. მთების კალთები დაფარულია მწვანე ხეებით, ჰყვავის შქერი და იელი, ქვევით ბაღებში ათასნაირი ვარდების სურნელია, სადმე მიყრუებულ ადგილას ბულბული უსტვეს, მთელი ბუნება ხარობს მზის თბილ სინათლეზე, ლურჯი ზღვა კი მშვიდად ლულუნებს მარადიულობის სიმღერას.

ღიახ, ეს დამაამებელი ჰანგია, რომელიც ამშვიდებს ადამიანის სულსა და გულს! ვინც ბედნიერებას ეძებს, ის გაზაფხულზე უნდა მივიდეს ზღვის ნაპირას და უნდა დასტკბეს ბუნების სიმწვანით, ყვავილთა სურნელებით და ზღვის ზვირთების სიმღერით.

ეს არის ბედნიერება!..

## მართული ბალი

ამბობენ, ლამაზი ქვეყნის მცხოვრებთ ნაკლებად უყვართ ბალი, ვიდრე იმ ქვეყნისას, რომლის ბუნება შნოთი და სილა-

მაზით არ არის დაჯილდოვებულიო. ეს მართალი არ არის. მშვენიერ იტალიაში დიდად განვითარებულია „საბალო ხელოვნება“, ასევეა ესპანეთშიც. კონსტანტინეპოლის მიღამოები და ბოსფორი განთქმულია ბაღებითა და პარკებით. სამართლიანობა მოითხოვს აღვნიშნოთ, რომ თურქებსაც უყვართ ლამაზი ბაღებით დამშვენება ბინებისა და ეზოების. კონსტანტინეპოლში მრავალია საპაგალითოდ მოვლილ-გაშენებული ყვავილნარი და სკვერი.

საქართველოში კი რასა ვხედავთ?! შეიძლება თქვან: რა საჭიროა საქართველოში ხელოვნური ბაღები, როცა თვით ქვეყანა ბუნებრივ ბაღს წარმოადგენსო! მაგრამ არა, მებაღეობა ეროვნული კულტურის ერთ-ერთ სახეს წარმოადგენს. ბაღი არქიტექტურასთან ერთად მაჩვენებელია ერის გემოვნებისა, ხალხის მატერიალური კეთილდღეობისა... მაჩვენებელია იმ გარეგანი სახისა, რომელსაც უცხოელი პირველად ზიჟტყევს ყურადღებას. მოსახლეობა უბაღოდ—უშნო და ულამაზოა. მაგრამ ბაღიც სხვადასხვანაირია და სწორედ ამაზე მინდა მკითხველს ვესაუბრო.

თუ როგორი იყო ძველად ბაღი საქართველოში, ამის შესახებ ცნობა არა მაქვს. მართალია, „ვეფხისტყაოსანში“, მოიპოვება ადგილები ბაღის შესახებ, მაგრამ ყველგან ლაპარაკია ზოგადად, კონკრეტულად კი შოთა რუსთაველი არ აგვიწერს ბაღს. ნურავის გაუკვირდება, რომ კვლავ შოთა რუსთაველით ვიწყებთ საუბარს, ეს იმიტომ, რომ შოთა რუსთაველი საქართველოს დანტეა, მისი „ვეფხისტყაოსანი“ არა მხოლოდ პოემაა, იგი, ასე ვთქვათ, ხალხის სიბრძნის „დაბადებაა“, ისეთი ძეგლი, რომელიც ზედმიწევნით გვაცნობს წარსულ ცხოვრებას მთლიანად აღებულს. სამწუხაროდ, ჩემი წერილის თემისათვის რუსთაველი მცირე მასალას იძლევა.

თეიმურაზ I-საც არსად არა აქვს ბაღის აღწერა. მხოლოდ ერთ პატარა ლექსში გრემის სასახლეზე ამბობს, ბაღში „ჰყვავოდა ვარდი და გალობდა ბულბულიო“.

ვახუშტის თავის შესანიშნავ „საქართველოს აღწერაში“ ბევრგან აქვს ნახსენები ყვავილებით სავსე ბაღები, აგრეთვე „სავარდენი“, მაგრამ დაწვრილებით არც ეს მწერალი აგვი-

წერს ზალს და უნდა ვიფიქროთ, რომ მისი „სავარდენი“ სხვა არაფერია თუ არა ხეხილის ბაღები. ამ ბაღებში გზების გაყოლებაზე დარგული იქნებოდა ვარდის ბუჩქები, რასაც ხშირად შევხვდებით ახლაც საქართველოს დაბებსა და ქალაქებში. ეკვს გარეშეა, ვარდის გარდა ასეთ ბაღებში სხვა ყვავილიც იქნებოდა, მაგალითად, იასამანი და სხვ...

ერთი სიტყვით, მე-19 საუკუნემდე საქართველოში არ ყოფილა მებაღეობა, ამ სიტყვის არც ევროპული და არც სპარსული მნიშვნელობით.

მემამულეთა სახლები, უმეტეს შემთხვევაში, გაშლილ ადგილზე იყო გაშენებული. სახლის ახლოს იდგა ერთი ან რამდენიმე კაკლის ხე უფრო ჩრდილისათვის, ვიდრე დასამშვენებლად. გარეგანი დეკორაცია წინანდელ თავედთა სახლებს არ ახასიათებდა და ეს ნაკლად მივაჩნია. ეს ნაკლი არც ახლაც შევხვებული. გულახდილად ვიტყვი, რომ ყოველი ასეთი „შიშველი“ სახლი ცუდ შთაბეჭდილებას ტოვებს. მე-17 ს. ცნობილი მოგზაური შარდენი აღნიშნავს სამეგრელოს დედოფლის სასახლის ასეთნაირ სიშიშვლის შესახებ.

როგორც ზემოთ აღვნიშნე, ქართველები უპირატესობას ისეთ ხეებს აძლევენ, რომლებსაც დიდი ჩრდილი აქვს, ამიტომ მათ ეზოებში ძვირად შეხვდებით ისეთ ხეს, როგორიც არის კვიპაროსი, ჭადარი, ლიბანის ნაძვი და სხვ.

მე-19 საუკუნის განმავლობაში საქართველოში ბევრ ადგილას გააშენეს ბაღი, მაგრამ საერთო სურათი ამით არ შეცვლილა. ქუთაისში ოცდაათი წლის წინათ გარდაცვლილი აბაშიძის ერთადერთი ბაღი გამონაკლისს წარმოადგენს. ეს ბაღი მართლაც სამაგალითო იქნებოდა, რომ უფრო ბოტანიკური ხასიათი არ ჰქონოდა.

ძველად და ახლაც ქართული ბაღის მაგიერი მეტწილად ვენახი ან სახეხილე არის. ამ შემთხვევაში ქართველები დიდი პრაქტიკული მოსაზრებით ხელმძღვანელობენ, თუმცა ასეთ ბაღებს ხშირად სხვადასხვა ყვავილის ბუჩქები და დიდრონი კაკლის ხეები ამშვენებენ, რომელთა ქვეშ დასასვენებლად გრძელი სკამებია დადგმული. საამოა ამ ხეების ძირას ჯდომა საღამოობით, როცა ჩამავალი მზე მოაოქროებს კეკლუც მიდამოს და ქართული ბაღიც ათასნაირად აფე-

რადღება. იქვე, ღობის გასწვრივ, ჩაყოლებულია ახლად აყვავებული ღობიო, გვერდით მიწაზე ნებიერად გართხმული კიტრი, წითელ ვარდს დამსგავსებული მწიფე პამიდორი და ფოლადისფრად მოკიაფე ბაღრიჯანი მოჩანს, კუთხეში კი ჩაყვითლებული გოგრის თავები ჰყრია...

ასეთია ქართული ბაღი... წარმტაცია მისი სურათი, განსაკუთრებით ზაფხულში.

საქართველოს ღვთით და ბუნებით ყველაფერა აქვს მომადლებული, რომ საბაღო ხელოვნება განვითარდეს. ვისაც მიწა აქვს, არ უნდა დაიშუროს შრომა და ხარჯი ბაღის გასაშენებლად, — იგი სახეა ყოფა-ცხოვრებისა, თავისებური არქიტექტურა, რომელშიაც სახიერდება გემოვნებისა და შრომის კულტურა.

რა თქმა უნდა, ბუნებრივი სილამაზე დიდი საქმეა ქვეყნისთვის, მაგრამ კულტურული სილამაზეც, რომელსაც შეიქმს გონება და შრომა, არა ნაკლებ დიდია და დასაფასებელი...

## ქართული სახლი

ქართული სახლი ნელ-ნელა ქრება და არ ვიცი რადა. მე ძველებურ სახლებზე კი არ მოგახსენებთ, არამედ სახლების იმ ტიპზე, რომელიც წარმოიშვა XIX საუკუნის პირველ ნახევარში ან, შესაძლოა, XVIII საუკუნეში. ამ ტიპის სახლს აქვს ფართო ოთახები. დიდბუხრიანი დარბაზი და განიერი აივანი სახლის კედლების გასწვრივ.

არ ვიცი, რად უნდა გამქრალიყო ეს ნათელი, საცხოვრებლად მოხერხებული სახლი და რად უნდა დაეთმო თავისი ადგილი ბნელ, ყაზარმულ, უაივნო სახლისთვის... რაკი გვაქვს ჩვენი საკუთარი ტიპის სახლი, უნდა შევინარჩუნოთ კიდევ, უნდა ვეცადოთ მის დახვეწასა და განვითარებას. მაშინ გვექნება ახალი ქართული არქიტექტურა, ისევე როგორც გვაქვს ქართული პოეზია და ქართული სათეატრო ხელოვნება, ქართული მხატვრობა და მუსიკა.

სოფლებში ქართული სტილი კიდევ დარჩენილია, ისე რომ თითქმის ყველგან შეხვდებით ამ სტილის სახლებს. როცა რკინიგზით მიდიხართ, თქვენ ხედავთ, რამდენად დაუცავს ქართულ სოფელს საკუთარი სახე. თავისებური სტილისაა აგრეთვე ეკლესია რვაკუთხოვანი გუმბათით. ხამწუხაროდ, ბევრგან სოფელში ეკლესიას ეს გუმბათი აღარა აქვს, რის გამო ქართული ეკლესია თავისებურ სახეს ჰკარგავს.

იმაზე სასიამოვნო სანახავი რა არის, როცა უყურებ ლამაზ სახლს, თუკი მას ლამაზი აივანიც აქვს გარსშემოვლებული. მე ყოველი აივანი განსაკუთრებული სილამაზისა მეჩვენება. ოღის აივანი განიერია, ლამაზი სვეტები და ლამაზად ნახარატივი მოაჯირი აქვს; როგორღაც უფრო მეტი ხალისით შევდივარ ასეთ სახლში და მგონია, ოთახებშიც კარგი, საამო სამყოფელი უნდა იყოს-მეთქი.

ხალიჩა-მუთაქები ქართული სახლის აუცილებელ სამკაულს შეადგენს, მაგრამ ჩვენს დროში ბევრ სახლში იმდენ უცხოსა და ზედმეტ ხარახურას ხედავ, რომ ოთახებს სრულიად ეკარგებათ თავისი ქართული ხასიათი. ძველად დარბაზები თითქმის ცარიელი აყო, რადგან მთელ მათ ავეჯს კედლების გასწვრივ მიდგმული ტახტები შეადგენდა. ამ ტახტებზე სტუმარ-მასპინძელნი ისხდნენ და მუთაქებზე იდაყვდაყრდნობილნი ხელში კრიალოსანს ათამაშებდნენ ზოგ სოფელში დღესაც შეხვდებით ასეთ ოთახებს, მაგრამ საერთოდ კი გაქრა, რადგან ასეთი მორთულობა ჩვენს დროს აღარ შეშვენის.

ეს კიდევ როდის ნიშნავს, ძველთაგან დარჩენილი ყოველი ავეჯი დღეს ზედმეტი იყოს, ანდა ჩვენს ცხოვრებას და ზნეჩვეულებას აღარ შეეფერებოდეს. პირიქით, ტახტები, ხალიჩები და მუთაქები ამ ნირშეუცვლელ მორთულობას, რომელიც თანამედროვე ცივილიზაციამ შექმნა, საამო სახესა და სტილს აძლევს. ჩვენ სწორედ ეს სტილი უნდა დავიცვათ, ეს შეადგენს ქართული არქიტექტურისა და სახლის მორთულობას მომავალი განვითარების საფუძველს. რაც უფრო მეტად შეინარჩუნებენ თავისებურებას ქართველნი, იმდენად უფრო მძლავრი და საინტერესო იქნება მათი მხატვრული

შემოქმედებაც. თავისებურების დაკარგვა და მიმზადველობა ასუსტებს ყოველგვარ შემოქმედებას. მე რომ ქართველი პოეტი, მხატვარი ან არქიტექტორი ვყოფილიყავი, საქართველოს გარეთ კი არ დავუწყებდი ძებნას სხვადასხვა სახეებს ან მასალას, არამედ ჩემს სამშობლოში, რომელიც ესოდენ მშვენიერი, თავისებურა და საინტერესოა.

ქართულ სახლს სილამაზესა და მომხიბლაობას უმთვარესად აივანი აძლევს. მაშინაც კი, როცა სახლი ისეთ ადგილას დგას, საიდანაც ბევრი არაფერი ჩანს, სასიამოვნოა აივანზე ჯდომა ზაფხულობით. მაგრამ განსაკუთრებულ ნეტარებას მაინც მაშინ განიცდით, თუ ამ აივნიდან ფართოდ იშლება ლამაზი სანახაობა. ასეთი ადგილები საქართველოში აუარებელია. მე მინახავს აივნები, რომელთა წინ გადაშლილი სურათი ისე ატყვევებდა მაყურებელს, რომ თვალის მოშორება უჭირდა. რა შეედრება დიდებულ სურათს, როცა გელათის მონასტრის აივნიდან სვეტრეტ იმერეთსა და სამეგრელოს ვიღრე შავ ზღვამდე!.. ეს დაუსრულებელი მწვანე სამოთხის ნამდვილი სურათია!.. ბათუმის მიდამოთა სახლებისა და აგარაკების აივნებიდან თვალწარმტაცი სურათები მოჩანს. ერთი მხრივ, თვალს საუცხოო მცენარეები და მარადიული ზღვის სარკისებური ზედაპირი იტაცებს, ხოლო მეორე მხრივ — აჭარის დიადი მთები და მათი თოვლით დაფარული მწვერვალები. ქართლ-კახეთშიაც ბევრია სახლი, საიდანაც მშვენიერი სურათი იშლება; არის ისეთი მონასტრებიც, რომელთა აივნებიდან შეგიძლიათ დასტკბეთ ვრცელი, კალმით დახატული დიდებულ სურათით. მრავალ საუკუნეთა განმავლობაში მსხდარან ამ აივნებზე ბერების თაობები და დამტკბარან წლის სხვადასხვა დროს ბუნების სიმშვენიერით. ზაფხულობით ცა უმეტესად მოწმენდილი და უდრუბლოა, ხოლო ზამთრობით მოღუშული. ვინ იცის რას ფიქრობდნენ ეს განმარტოებით მცხოვრებნი... აივანი ოცნებას უღვიძებს ადამიანს, ზოგს ჭორობისა და ლაქლაქის საღერღელსაც აუშლის.

აივნის მცონარენი და მოლაყბენი ქართულ ლიტერატურაში ჯერ არავის აუწერია როგორც რიგია, თუმცა კარგი იუმორისტული სცენების დაწერა შეიძლებოდა მათი

ცხოვრებიდან. როგორც ყველგან, საქართველოს ქალაქებშიც, შეხვდებით ეგრეთ წოდებულ „ბულვარზე“ ცუდუბრალოდ მოხეტილ და აივნის უსაქმურ ხალხს. ისინი ღირსნი არიან, რომ ქართველმა მწერლებმა ყურადღება მიაქციონ და უკვდავყონ მათი „ფილოსოფიური“ ცხოვრება.

აივნის გარდა ქართულ სახლს ერთი რამაც აქვს ძველი დროიდან შემორჩენილი — ეს გახლავთ ბუხარი. მაგრამ სამწუხაროდ ისიც ქრება. ბუხარი შეიძლება ქართულ სტილზე შევამკოთ და თითოეული ოთახი საკუთარი ბუხრით დავამშვენოთ. ბუხარს ზოგიერთი უპირატესობა აქვს, მთავარი ის გახლავთ, რომ სასიამოვნოა მის ახლოს ჯდომა, როცა ცეცხლი მთელ ოთახს სითბოს ჰფენს, გარეთ კი ამ დროს ცივი ქარი ზუზუნებს ან თოვლი თუ წვიმა მოდის. სასიამოვნოა ამ დროს ბუხართან მიჯდომა, დაბალი ხმით მშვიდი ბასი და ტბილად, აუღელვებლივ წარსულის მოგონება. ბუხრის სითბო თითქო ამშვიდებს და ამხიარულებს სულს. რა საამოა, როცა მოპირდაპირე კედელთან ტახტი ღვას, თანამოსაუბრესთან ერთად ამ ტახტზე ზიხარ და ბუხრიდან სითბო გწვდება. განსაკუთრებით სასიამოვნოა ეს საღამოს, როცა სახლში სიცოცხლე მიყუჩდება და სიჩუმე დაისადგურებს.

არქიტექტორის გარდა მხატვარსაც შეუძლია მონაწილეობის მიღება ქართული ბინის დამშვენებაში, თუ მას კარგი გემოვნება აქვს და გამოცდილიცაა ქართული თავისებური ხასიათების გამოყენების საქმეში.

თბილისის უნივერსიტეტის წიგნსაცავში „ვეფხისტყაოსნის“ ერთი XVIII საუკუნის ხელნაწერია. ხელნაწერს ბევრი კარგი სურათი აქვს დართული. ამ სურათებზე ნაჩვენებია ოთახების განლაგება, სახლის ავეჯი, ცხენის უნაგირ-მოსართავი, იარაღი და სხვ. მათში ყოველ მხატვარს ან არქიტექტორს თავისი სურათისათვის შეუძლია იპოვოს პრაგმატიკი და ნიმუში. მათ მნიშვნელობა აქვთ აგრეთვე საქართველოს კულტურის ისტორიისთვისაც.

კარები და რიკულები შეიძლება ქართული სტილით გავაყეთოთ და მაშინ როგორც ერთი, ისე მეორე ნამდვილი მშვენიება იქნება სახლისა. აგრეთვე შეიძლება კედლებზე



ქართული ბუნების სურათები დაეხატოთ, ანდა ეროვნული. ხასიათის სხვა სურათები.

მაშინ საქართველო მოიპოვებს თავისი კულტურის ძვირფას ძეგლებს, რომელთაც უცხოელთა თვალშიც დიდი მნიშვნელობა ექნება და თავის დროზე ეროვნული სიამაყის საგნებად იქცევა. ჭერჭერობით კი ასეთი სახლი ერთადერთია, სახელდობრ. — ყოფილი სათავადაზნაურო ბანკის შენობა, რომელიც საუკეთესო ნიმუშს წარმოადგენს ახალგაზრდა არქიტექტორთათვის.

## ქართული სოფელი

სოფელი ქართველთათვის წარსულში, მრავალ საუკუნეთა განმავლობაში ნამდვილი ასპარეზი იყო ეროვნული ცხოვრებისა და, საერთოდ, მეტი მნიშვნელობა ჰქონდა, ვიდრე ქალაქს. თბილისი სატახტო ქალაქი იყო, მაგრამ აქ მრავალრიცხოვანი მოსახლეობა არასოდეს არ ყოფილა, რადგან ამ ქალაქს მხოლოდ ადმინისტრაციული პუნქტის მნიშვნელობა ჰქონდა აღმოსავლეთ საქართველოსათვის, ამასთან ერთად, იგი ნაკლებ მნიშვნელოვანი სავაჭრო ადგილი იყო. დასავლეთ საქართველოში უფრო ქუთაისი იყო განთქმული, ისიც თამარ მეფის შემდეგ ძალიან დაეცა და ყოველგვარი მნიშვნელობა დაკარგა. გერმანელი ბუნებისმეტყველი გიულდენშტედტი, რომელიც იმერეთში მოგზაურობდა 1772 წ., ამბობს — ქუთაისი მაშინ უმნიშვნელო ქალაქი იყო, შიგ სულ ორმოცდაათი ოჯახი ითვლებოდა და მხოლოდ მრავალი ეკლესიისა და ქვითკირის სახლის ნანგრევები თუ მოწმობდა მის წარსულ დიდებასაო.

ცხადია, ეროვნული ცხოვრება ძირითადად სოფელში იყო თავმოყრილი და ძველად მემამულეებისა ან თავადების კოშკებში მიმდინარეობდა. ძალიან გაგვიჭირდება წარმოვიდგინოთ მაშინდელი სოფლის ცხოვრება. ამისათვის მეტად გულდასმით უნდა წავიკითხოთ „ქართლის ცხოვრება“, კარგად ჩაუწყვირდეთ, გონების თვალთ განვკვირდეთ და

ასე წარმოვიდგინოთ ქართველთა დაუსრულებელი უბედურებანი, ლტოლვანი, ბრძოლები და დევნა, რომელნიც მათიანეთა მრავალ გვერდზეა მოთხრობილი. ჩვენს წინაშე ერთიმეორეს მოსდევს შიშინანობისა და ბრძოლის ამბები. ზოგი მათგანი შედარებით უმნიშვნელოა და იმდენად ვერ აგაღელვებთ, ზოგი კი მთლად აგაფორიაქებთ და შიშითა და ძრწოლით აგავსებთ. ყველა ეს ამბავი სოფლად ხდებოდა. „ქართლის ცხოვრება“ ასობით ადგილზეს ასახელებს და ათასობით ამ ბრძოლების მონაწილეთა და თავდადებულთა სახეებსა და გვარებს ჩამოგითვლით.

როგორც კი საქართველო გადახდილი ომებისაგან ოდნავ სულს მოითქვამდა და ჭრილობებს მოიშუშებდა, როგორც კი უხვი მოსავალი ადამიანის თვალს გაახარებდა, კვლავ მტრების ურდოები გამოჩნდებოდნენ და ყველა იმედაც მაშინვე ქრებოდა. მაგრამ საქართველო არა მარტო გარეშე მტერთაგან იჩაგრებოდა, არამედ განუწყვეტელი შინაური შუღლისაგანაც. „ქართლის ცხოვრების“ კაბაღონები სავესა ამ დაუსრულებელი ტრაგედიით, რომელშიც ყველაზე საშინელი ბედი მაინც სოფელსა ჰქონდა. სახლები ისე იყო აშენებული, რომ თავიანთ ბინადრებს სრულებით ვერ იფარავდა. ადვილი იყო მათი აღება, გადაწვა და დაქცევა. თავდასხმების დროს თავის შეელა მხოლოდ გაქცევით შეიძლებოდა; ისინიც მირბოდნენ: თავს მთებსა და ტყეებს აფარებდნენ, მაგრამ თუ ზამთარი შეესწრებოდათ, სულ ერთიანად იუყუებოდნენ. როცა ლტოლვილნი თავიანთ სოფლებს უბრუნდებოდნენ, აღარაფერი ხვდებოდათ იქ დანგრეული სახლებისა და ახალი ტანჯვა-უბედურების მეტე. ზოგიერთ სოფელს ციხე ჰქონდა და მცხოვრებნი თავიანთ საქონელთან ერთად იქ აფარებდნენ თავს. მაგრამ, სამშუხაროდ, ყველგან ვერა პოულობდნენ უშიშარ თავშესაფარს. ციხე მეტწილად ვრცელი არ იყო, შიგ ყოფნა უჭირდათ და ძალიანაც იტანჯებოდნენ, განსაკუთრებით მაშინ, როცა შეფარებულთა რიცხვი დიდი აყო, შენობა კი ყველას ვერ იტევდა.

ამ ციხე-კოშკებს ერთგვარი სილამაზე აქვთ, ისინი წამომდგარი არიან თვალსაჩინო ადგილას ან მაღლობზე, ისე როგორც, მაგალითად, „მოდინახეს“ ციხე საჩხერეში. ჩვენს

თვალში ეს მრავალმეტყველი ძეგლია წარსულისა, მაგრამ მაინც ვერ წარმოვიდგენია უბედურებისა და ტანჯვის ის სურათები, რომელთა მოწამეც იყო მისი კედლები.

განუწყვეტელ შიშინობას უფრო მეტი გავლენა ჰქონდა ქართული სოფლის წარმოშობაზე და მისი გარეგანი სახის შექმნაზე, ვიდრე ჰავას. პირველად ერთი გვარის წევრები ყველანი ერთად ცხოვრობდნენ, ერთი მეორის ახლომახლო, რომ მტრის შემოსევის დროს ურთიერთის მიშველება შესძლებოდათ. ასე ცხოვრობდნენ მემამულენი და გლეხები, ვაფანტული მოსახლეობა საქართველოში არასდროს ყოფილა. ამიტომ თითქმის ყველგან შეგხვდებით ერთმანეთს დიდი მანძილით დაშორებული საკმაოდ მოზრდილი სოფლები. ასეთი სოფლები დღესაც ხშირია და, მე მგონია, პატარო სოფლები მხოლოდ წარსულ საუკუნეში გაჩნდა, შიშინობის კლებასთან ერთად. ძველი ქართული გვარების ერთად დესახლება შოტლანდიურ კლანებს მოგვაგონებს, სადაც ყველა, ვინც ერთ გვარს ან ერთ ოჯახს და მის ჩამომავლობას ეკუთვნოდა, ერთად ცხოვრობდა; ამ სახით, ერთად თავმოყრილ გვარს ამა თუ იმ სივრცის მიწაზე საერთო მფლობელობის უფლებები ჰქონდა და რადგან საადგილმამულო დავაშიაც ყველანი ერთად ლებულობდნენ მონაწილეობას, ამიტომ ცხოვრების ამგვარ წესს ადვილად მოჰყვებოდა უთანხმოება და ბრძოლა. ძველ გუჯრებსა და ადგილ-მამულის მფლობელობის სხვა საბუთებში ხშირად გვხვდება წყევლა-შეჩვენება მისი, ვინც სხვის უფლებას დაარღვევსო. ეს კიდევ იმას ამტკიცებს, რომ ადგილ-მამულისათვის დავა ჩვეულებრივი მოვლენა ყოფილა. საქართველო სულ მუდამ იჩაგრებოდა ამგვარი სენისაგან, წვირლ აზნაურებს ერთი მტკაველა მიწის გამო დავიდარაბა ჰქონდათ. ფეოდალები კი სულ იმის ცდაში იყვნენ, ვრცელი მამულები ჩაეგდოთ ხელში...

ჩვენს დროში ქართულ სოფელს საერთო ტიპი არა აქვს და ალბათ არც წარსულში ექნებოდა. ცხოვრება და ცხოვრების გარემო პირობები საქართველოში თითქმის ერთგვარია, გარდა თუშ-ფშავ-ხევსურეთის, აჭარისა და ოღნავ სამეგრე-

ლოსი, სადაც სინესტე და მკაცრი ჰავა დიდ გავლენას ახდენდა მცხოვრებთა ყოფა-ცხოვრებაზე.

სამეგრელო საქართველოს ერთგვარი პოლანდიაა: აქ მცხოვრებნი განუწყვეტლივ ებრძვიან წყალს, ეს ბრძოლა განამტკიცებს მათ ნებისყოფას. სამეგრელოში წყალთან ბრძოლა ჯერ კიდევ არ დაწყებულა ისე, როგორც პოლანდიაშია, მაგრამ მისი მკვიდრნი მკვირცხლნი არიან და საქმეში ბეჯითნი.

ვინც უფრო ნიჭიერი და მარჯვია, სოფლიდან ქალაქს მიდის, იმერლებისა და გურულების მსგავსად. ეს გარემოება, მართალია, ერთი მხრივ, აფერხებს სოფლის მეურნეობის აღორძინებას, მაგრამ, მეორე მხრივ, ხელს უწყობს საზოგადოებრივი კულტურის განვითარებას.

ქართული სოფლების გარეგნული სახე გარშემო ბუნებასთან შეფარდებით შეტად მიმზიდველია. როგორც ყველგან, ქართულ სოფელსაც თავისი პატარა განკერძოებული სამყარო აქვს, თავისი საკუთარი სახე და თავისი ტიპებიცა ჰყავს. ამ ტიპებიდან ზოგი ძველია და ზოგი კი ახალი, თანამედროვე. ძველ ტიპებს ეკუთვნიან მოურავები და სხვადასხვაგვარი შემამულეები, ხოლო ახლებს ისინი, ვინც სოფლიდან გასულან და ქალაქისათვის შეუფარებიათ თავი, მაგრამ საბოლოოდ მაინც არ დაუნებებიათ თავი სოფლისათვის და ხშირად უბრუნდებიან კიდევ.

მოურავი ოდითგანვე თავისებური წარმომადგენელი იყო ყოველი სოფლისა, მაგრამ ეს რამდენიმე ათეული წელიწადია უბრალო, ძველებური მოურავის გვერდით ჩნდება განათლებული აგრონომიც. პირველმა თვითონ, თავისებურად ისწავლა თავისი ხელობა; ის ყოველთვის საკუთარი გამოცდილებით ხელმძღვანელობდა და არა წიგნებიდან ამოკითხული ცნობებით. წიგნი ძველებურ მოურავს მაინცდამაინც არ უყვარდა, მის ოთახში ორიოდ-სამიოდე წიგნს თუ ნახავდით: ყაზბეგის, ილია ჭავჭავაძის ან კლდიაშვილის მოთხრობებს. ამ წიგნებს გასართობად კითხულობდა, თუმცა ისიც უნდა ითქვას, მოურავს გართობა იშვიათად თუ დასჭირდებოდა, რადგან დილიდან საღამომდე გარეთ დადიოდა, არა იმისთვის, რომ მთელი დღის განმავლობაში ოჯახისა და კარ-მიდამოსთვის

ეგდო ყური, არამედ დრო სასიამოვნოდ რომ გაეტარებინა, გამვლელ-გამომვლელთან ან მუშებთან ებაასა და ენახა რა ხდებოდა გარშემო; სოფლის ახალი ამბები პირველად მას უნდა გაეგო, რომ მერე თავის ბატონისათვის ან მეზობლისათვის ეაზბნა. როცა სოფელზე გაივლის, უეჭველად უნდა მცაშუროს ან ერთს, ან მეორე მეგობარს და დარჩეს მასთან ერთს საათს მინც, ცოტა რამ წაიხეშოს და ორიოდე ჭიქა ღვინოც დააყოლოს... მოურავი უდარდელად ატარებს დროს, მხიარულია, უყვარს ხუმრობა, მოსწრებული სიტყვა-პასუხი და „მრავალყამიერის“ შემოძახება. გლეხებთან თავი კარგად უჭირავს და მათ შორის კარგი მეგობარიცა ჰყავს. თუკი შეუძლია რჩევა-დარიგებასაც აძლევს მათ მეურნეობისა და სხვა საქმის შესახებ, რადგან გამოცდილ კაცად ითვლება, ჰკუა ეკითხება, ცოტაოდენი ექიმობისა და ბეთლობისა გაეგება, დარ-ავდრის გამოცნობა საუკეთესოდ იცის და ხშირად მას ისეთებიც მიმართავენ, ვისაც სახლში ბარომეტრი აქვს. მეურნეობას თავისი გამოცდილებით, ძველებურად უძღვება. როცა ბატონი ეტყვის მამული ცოტა შემოსავალს იძლევაო, ის გულკეთილად უპასუხებს: „ღმერთმა ჰქნას, რომ ყველა ჩვენს მეზობელს ასეთი შემოსავალი ჰქონდეს. აი თუნდა ახალსოფელში როსტომს ნასწავლი აგრონომი ჰყავს, მაგრამ რა გამოვიდა!... ყველაფერი თავდაყირა დააყენა. აუარებელი ხარჯი მიაყენა შემამულესა და შემოსავალი კი არაფერი დაუნახებია...“

დიახ, ძველებურ მოურავს არ უყვარს აგრონომი.

აგრონომის გარდა სოფელში ბევრი ახალმოდის ხალხი ვაჩნდა. ესენი უმეტეს წილად გლეხთაგანნი არიან, ქალაქში მოქალაქეებად გამხდარან, მაგრამ სოფელთან კავშირი არ გაუწყვეტიათ. ამ ყაიდის ადამიანები ბევრით განსხვავდებიან თავის სოფლელ ნათესავეებისაგან და შეადგენენ იმ წრეს, რომელიც ქალაქის ინტელიგენციას გლეხკაცობასთან აერთებს. მათ შორის არიან აგრეთვე „არისტოკრატები“, განსაკუთრებით ქალთა შორის, რომლებსაც უყვართ კარგად ჩაცმა-დახურვა და თავიანთი სახლის მორთულობით თავის მოწონება. პატივმოყვარეობა, რომელიც კაცობრიობის კულტურის ერთგვარი იმპულსიც არის და ურომლისოდაც

შეჯიბრება თავს ისეთი სიძლიერით ვერ იჩენს, დიდ როლს თამაშობს სოფლის ცხოვრების სოციალურ ევოლუციაში მაშინ, როცა ქალაქი ძლიერად მოქმედებს სოფელზე.

აი, ეს ახალმოდის ხალხი, რომელიც ცალი ფეხით სოფელში დგას და ცალით ქალაქში, შეადგენს საკმაოდ საინტერესო, გარდამავალ ტიპს...

სოფლის ტიპების გაღერება ამით არ თავდება, მაგრამ მე მგონია, რომ ქართულ ლიტერატურაში ამ ტიპებს ჯერ კიდევ არა აქვთ სათანადო ადგილი. მოხუც გლეხთა შორის ადამიანი არა ერთ მეტად სიმბათიურ ტიპს შეხვდება, რომელსაც ღირსებით უჭირავს თავი, საკუთარი მტყიცე შეხედულება აქვს გამომუშავებული ცხოვრებასა და ადამიანებზე, ბევრი ანდაზა იცის და ლაპარაკის დროს ზოგიერთ ადგილებსაც ჩაურთავს ხოლმე „ვეფხისტყაოსნიდან“...

მე მგონია, ქართველ გლეხებს შორის პოეზიის მოყვარული ან პოეტური ნიჭის მქონე კაცი იშვიათი მოვლენა არაა, მაგრამ ისეთი იდეალური ტიპები, რაფიელ ერისთავს თავის ლექსებში რომ ჰყავს გამოყვანილი, არა მგონია საქართველოს სოფლებში არსებობდეს სადმე. ქართველ გლეხთა შორის ადამიანი ხშირად შეხვდება ძალუმი პოეტური ნიჭით შემკულს, ამას გვიმტკიცებენ ძმები რაზიკაშვილები — ვაჟა-ფშაველა და ბაჩანა, შემდეგ არა ნაკლებ ცნობილი ჭოლა ლომთათიძე და აგრეთვე თვით მდიდარი ქართული ხალხური პოეზია.

ვაჟა-ფშაველას პოეტური შემოქმედება, პირდაპირ გასაოცარი მოვლენაა. ვაჟას შეგვიძლია დავუპირისპიროთ მხოლოდ რობერტ ბერნსი.

ხალხურ პოეზიასთან ერთად საქართველოში ძალიან გავრცელებულია ხალხური სიმღერები, რაც აიხსნება უფრო სულიერი, ვიდრე პოეტური განწყობილებით. საკვირველია, სიმღერის ან რომელიმე მუსიკალური ინსტრუმენტის შესრულების დროს დუქანში თავს არ იყრიან საცეკვაოდ, როგორც ეს სხვა ქვეყნებში ხდება ხოლმე. ქართულ დუქანს საზოგადოებრივი მნიშვნელობა არა აქვს. წინათ მხოლოდ მეურმენი ან ქვეითი მგზავრი თუ გაჩერდებოდნენ შიგ ღამის გასათევად. დუქანში ან დუქნის წინ თავს განსაკუთრებით

კვირაობით იყრიან, აქ მასლაათში ატარებენ დროს, ერთმანეთს ახალ ამბებსა და სხვადასხვა ჭორებს უზიარებენ. თვითონ მელუქნე სასმელებისა და სხვა საქონლის გაყიდვის გარდა, თვითონ ყიდულობს პურს, საქონელს, ფრინველსა და ხილს. ფულს სესხადაც აძლევს. ის ხშირად უღმობელი მევახშეა და გლეხებს ცხრაპირ ტყავს აძრობს სოფლის სხვა წურბელებთან ერთად. დუქნის გარდა სოფლის ცხოვრებაში წისქვილსაცა აქვს ერთგვარი როლი. ის ხშირად სოფლის ბოლოს ან მის დაშორებითაა. გარშემო ხეები აქვს შემორჩევილი და სასიამოვნო სურათს წარმოადგენს. წისქვილის თვლების რახრახი შორიდან ისმის ხოლმე და თუ წისქვილი დიღია, შიგ ყოველთვის შეგხვდებათ რამდენიმე გლეხი, რომლებიც ჯერს ელიან და ამასობაში ერთმანეთს გაუზიარებენ ხოლმე სოფელში მომხდარ ამბებს. წისქვილიდან საფქვავეთან ერთად ყოველ მათგანს მიაქვს ხოლმე რაიმე ახალი ამბავი. არიან ისეთი ცუდმოყვიალენიცა, რომელნიც ასე, უსაფქვავეოდაც შედიან წისქვილში სალაცხოდ, რომ ყური მოჰკრან რასმე. როცა ზემო ქართლში ზამთრობით წყალი გაიყინება და წისქვილი გაჩერდება, ეს არა მარტო საფქვავეს პატრონს აწუხებს, არამედ ახალი ამბების და მასლაათის მოყვარულებსაც.

სოფლისანი არიან მღვდელი და მასწავლებელიც. თუმცა ისინი უმეტეს შემთხვევაში ქალაქიდან მოდიან და სოფლის ტიპიურ წარმომადგენლებად არ ჩაითვლებიან. მათ შორის, რა თქმა უნდა, სოფლიდან გამოსულები, თვით სოფლის შვილებიც გამოერევიან ხოლმე და ასეთები ხშირად ერთგულები და დაუღალავი მუშაკებაც არიან.

ჩვენს დროში სოფელს ქართველი ხალხის ცხოვრებაში ჯერ კიდევ უდიდესი მნიშვნელობა აქვს, რადგანაც საქართველოში კეთილად შეზავებული ჰავის წყალობით მცირე მიწაზე შეგიძლიათ მოაშენოთ ძვირფასი კულტურული მცენარენი, როგორც, მაგალითად, ვაზი, ბამბა, გააჩაღოთ მეაბრეშუმეობა, ჩაის ბუჩქები, მოვიყვანოთ აუარებელი ხილი, ზეთისხილი, სამკურნალო მცენარენი აფთიაქებისათვის და სხვ. ეს წლითწლობით გააძლიერებს სასოფლო მეურნეობის

მნიშვნელობას საქართველოში და მომავალში მტკიცედ უზრუნველყოფს მის კეთილდღეობას.

## ქართული იუმორი

ბუნებით ქართველი ხალხი მზიარული და ოხუნჯია, უყვარს ლაღობა, „ამხანაგთა თრევა“, ნაკვესების სროლა. თამამად შეიძლება ითქვას, იუმორს საქართველოში დიდი გასავეალი აქვს. ყოველდღიურ ცხოვრებაში იუმორი აქ უფრო ხშირია, ვიდრე სხვა ხალხში. ქართველთა რომელი წრეც არ უნდა აიღოთ, ხუმარა და დამცინავი ურევია! უცნობ-ნაცნობთა ნაკლი, ქცევა, ჩვეულება, აზრი და გრძობა — ყველა დაცივნის საგანი ხდება, რასაც სხვისი ხარჯით მზიარულებას ეძახიან. ქართველს დაუცინავი არ გადარჩება სხვადასხვა ამბავი, შემთხვევა, თვით ცხოველები და უსულო საგნებიც კი.

იუმორი და მოსწრებული სიტყვა-პასუხი ბუნებით აქვს ადამიანს, ყველას კი არ შეუძლია ლაზათიანი ოხუნჯობა!.. ვისაც ბუნებით არა აქვს ეს ნიჭი, ოხუნჯობა ნაძალადევი გამოდის, ტლანქი, უგერგილო. ქართველთა შორის ბუნებით ნიჭიერი ოხუნჯი საკმაოდ ბევრია და ოხუნჯობის მარილოც საკმაო აქვთ.

ბუნებრივი იუმორისა და ოხუნჯობის განხორციელებად ბევრს მიაჩნია თბილისელი კინტო. ეს სახელი კინტოს შეიძლება იმიტომაც ჰქონდეს დამსახურებული, რომ მისი ხელობა აიძულებს გამოეჭომავოს თავის საქონელს ძუნწი მყიდველების წინაშე. კინტოს ერთგვარი მჭევრმეტყველება და მოხერხება სჭირია — აქოს თავისი საქონელი და მიაჩიროს მყიდველს. მაგრამ თბილისელ კინტოს აქვს თავისი, ოდითვე შემუშავებული ენა, მემკვიდრეობით გადმოცემული ოხუნჯობა და მოსწრებული სიტყვები, რომელთაგან ყველას კი არ შეუძლია ძველი ახლისაგან გაარჩიოს. ყველა კინტოს კი არ შეუძლია თავისი ჭკუითა და მიხვედრილობით დასცინოს მუშტარს, რომელსაც იაფად უნდა საქონლის ყიდვა, ამიტომ



ასეთი კინტო ძველ გაცვეთილ ფრაზებსა და ოხუნჯობას მიმართავს ხოლმე.

საერთოდ თბილისელი კინტოების შორსმჭვრეტელობა მეტად შეზღუდულია, ახალი ოხუნჯობა მათ შორის იშვიათად ჩნდება და ნამდვილი იუმორის მაგიერ უმეტეს შემთხვევაში მუშტარს ლაზღანდარობით უმასპინძლდებიან. მეორე მხრივ, კინტო თავისთავად კარგ მასალას წარმოადგენს იუმორისთვის, რადგან მისი ხერხი ლაპარაკისა, ქცევა და ზნე-ჩვეულება ხშირად მეტად სასაცილოა. აღმოსავლეთ საქართველოში ამჟამად კინტოს გარდა ძალიან ცოტაა იუმორისათვის გამოსადეგი ტიპი.

გიორგი ერისთავი თავის კომედიებს რომ წერდა, კომიკურ მხარეებს ადვილად პოულობდა ქართლის მებატონეთა ცხოვრებაში, იმიტომ რომ იმ დროს ძველი მდგომარეობიდან ახალში გადადიოდნენ და სხვა რომ არ ყოფილიყო, მარტო ამ გარემოებას შეეძლო გამოემწეებინა მრავალი სასაცილო მხარე ცხოვრებისა. მაგრამ ნამდვილი იუმორი ერისთავის კომედიებში მაინც ცოტაა, კიდევ უფრო ცოტაა შიგ გამოყვანილი ნამდვილი კომიკური ტიპები, თუმცა ასეთები მის დროს, უეჭველია, იქნებოდნენ და ერისთავს რომ ასეთი ტიპები მოხერხებულად გამოეყვანა, მისი კომედიები დღესაც მიიზიდავდნენ მაყურებელს, როგორც იზიდავს ხალხს კომედიები მოლიერისა საფრანგეთში და გოლდონისა იტალიაში. მაგრამ ერისთავის გმირები მეტად თანამედროვე ტიპისანი, შემთხვევითნი და თან მოძველებულნიც არიან. იმდროინდელ მებატონეთა შორის ერისთავს, უეჭველია, შეეძლო უფრო მკაფიო და დამახასიათებელი ტიპები აღმოეჩინა. ეს ტიპები თავიანთი კომიზმით ულეველ მასალას მისცემდნენ იუმორისტიკას. მებატონეთა გვერდით მთელი გალერეა არსებობდა სხვა ტიპებისა, რომლებიც ღირსნი იყვნენ კომიკური დამუშავების, როგორც მაგალითად — მოურავები, სხვადასხვა ჯურის მუქთაზორები, ყოველ შეძლებულ მებატონეს გარს რომ ეხვივნენ, და ათასი სხვა მსახური. საკმარისია წუთით წარმოიდგინოთ შეძლებული მებატონის სახლი წარსული საუკუნის მეორე ნახევრის დამდეგს და თვალწინ გადაგეშლებათ ბევრი საინტერესო, თუმცა შეიძლება უმე-

ტესწილად საცოდავი პიროვნებები, რომელნიც მაშინ ყოველ ფეოდალს თან ახლდნენ. ვინ ჩამოთვლის რამდენი ლაქუცა, ხუმარა, მასხარა, მოლაყბე, მეჭორე, მომღერალი, ზარმაცი და სხვა ჯურის ხალხი ეხვია გარშემო მებატონეს!..

ჭეშმარიტად დასანანია, რომ ყველა ეს ფიგურა ისე გაქრა ქართულ მწერლობაში, მათი კვალიც კი არ დარჩენილა. იმათ ქართული კულტურის ისტორიისთვისაც დიდი მნიშვნელობა ექნებოდათ. ილია ჭავჭავაძემ თავის „კაცია ადამიანში?“ ლუარსაბი და დარეჯანი დაგვიხატა და ეს ორი ტიპი ნათელსა ჰფენს მთელ მაშინდელ ცხოვრებას. ორივე, ლუარსაბი და მისი ცოლი, უადრესი კომიზმით არიან აღვსილნი, თუმცა მოთხრობას დიდი სერიოზული ხასიათი აქვს. თვითონ ილია ჭავჭავაძე, როცა კარგ გუნებაზე იყო; ბევრს ოხუნჯობდა და იუმორით სავსე ლაპარაკით ართობდა მსმენელს. ლიტერატურაში იუმორის მნიშვნელობის შესახებ ილია ჭავჭავაძეს მეტად გარკვეული და მკაფიო წარმოდგენა ჰქონდა. სულ მუდამ იმას ნატრობდა, საქართველოში დაბადებულნიყო მწერალი, რომელიც შესძლებდა ამა თუ იმ თხზულებაში თავი მოეყარა საქართველოს ყველა კომიკური ტიპისათვის. როგორცა ვთქვით, ილიას ოხუნჯობა ძალიან უყვარდა და თანაც დასძენდა, ჭკვიან ადამიანს კარგი დაცივნა ან ნაკვესი თავის დღეში არ ეწყინებოა; სიამოვნებათ უსმენდა ხოლმე ნიკო ხიზანიშვილის (ურბნელის) სიტყვამოსწრებულ ლაპარაკს, რომელსაც თავის დღეში არ გამოელეოდნა საოხუნჯო სიტყვები და თავის დროზე საქართველოში ბადალი არა ჰყავდა, როგორც მოსწრებულნი სიტყვა-პასუხის პატრონს. ლაპარაკის დროს ხიზანიშვილი ხშირად ხმარობდა სიტყვას „ქართული ლობიო“, რაც ადამიანის ერთგვარ სიტლანქესა და სიზანტეს ნიშნავდა. ვინ გამოიგონა ეს სახელი, ვერ ვიტყვი, მაგრამ ის კი მახსოვს, რომ მას ხმარობდნენ ქართლელის ან კახელის დასახასიათებლად.

ხიზანიშვილი დიდი დაკვირვებისა და მიხვედრილობის კაცი იყო, სიზარმაცე უშლიდა, თორემ სწორედ მას შეეძლო დაეწერა რამე ქართველი ღონ კიხობების შესახებ, რომელთა

ასახვას ასე ნატრობდა ილია ჭავჭავაძე. თავისი ენამოსწრე-  
ბულობით ხიზანიშვილს ეშმაკი ანგელოზად გადაექცია,  
მაგრამ ამავე დროს თავისი გესლიანი ერთ დაასამარებდა,  
რაც უნდა ძლიერი მტერი ყოფილიყო...

...იმერეთმა მოგვცა მწვავე იუმორისტული ნიჟის პოეტი  
და მწერალი — ეს გახლდათ აკაკი წერეთელი. მაგრამ,  
სამწუხაროდ, აკაკი თავისი იუმორით თვითონ ერთობოდა,  
კერძო ცხოვრებაში ლევდა ამ ნიჟს „სალალობოდ, მეგო-  
ბართა სათრეველად“ და ვერ გამოიყენა მთლიანი ლიტე-  
რატურული ნაწარმოებისათვის. ყველამ იცის, რომ აკაკი  
მეტად ენაკვიმატი გახლდათ და მისი ნაკვესები ხშირად  
ძალიან მოსწრებული იყო. მაგრამ აკაკი ნაკვესებს შუშხუ-  
ნასებრ უშვებდა და მწერლობაში მის ოხუნჯობას რაიმე კვა-  
ლი არ დაუჩნევია. ეს მით უფრო საოცარია, რომ აკაკი ერთი  
მათგანი იყო, რომელნიც ამტკიცებდნენ, ძალუმ ჭკუას თან  
უნდა სდევდეს გონების სიმახვილეო. მაშასადამე, ამ დიდს  
მალაღნიჭიერ მწერალს დიდი დანაშაული მიუძღვის თავისი  
ერის წინაშე, რადგან სავსებით არ გამოიყენა ბუნებისაგან  
მომადლებელი ტალანტი. ისიც ყველამ ვიცით, რომ საქარ-  
თველოს სხვადასხვა კუთხეში არც ერთ ქართველ მწერალს არ  
უვლია იმდენი, რამდენიც აკაკის, იმასავით სხვას არავის  
ჰქონია შემთხვევა ახლო გაცნობოდა ქართულ ცხოვრებას.  
ეს ხომ ასე იყო, მაგრამ აკაკი მაინც თითქოს საჭიროდ არა  
სთვლიდა ყველა ეს ცნობა, დაკვირვება და შემთხვევა ერ-  
თიანი ლიტერატურული ნაწარმოების სახით აეკინძა.

დავით კლდიაშვილი, რომელსაც ბედმა გაცილებით  
მძიმე ცხოვრება არგუნა და, როგორც სამხედრო პირს  
ძალიან იშვიათად ეძლეოდა შემთხვევა თავის სამშობლოს  
ცხოვრებას დაკვირვებოდა, მაინც ახერხებდა თვალ-ყორი  
ედევნებინა ამ ცხოვრებისათვის და მხატვრული კალმით  
დაესურათებინა ქართველთა ყოფა თავის მოთხრობებში.

კლდიაშვილი მშვენიერი აღმწერია ყოფა-ცხოვრებისა,  
მაგრამ ნამდვილი იუმორისტის ღირსება მაინც აკლია და მის  
მოთხრობებში იმერული იუმორის გამომნატველნი ნაკლებად  
გვხვდებიან. ასე რომ, ეს მდიდარი განძი ჯერ ისევ დამარხუ-

ლია და ქართველი სერვანტესი, რომელმაც ეს განძი უნდა გამოამზეუროს, ჯერ კიდევ არ მოვლენილა.

თეატრიო?—შეიძლება იკითხოთ. დიახ, ქართული თეატრი თავისი გაჩენის დღიდანვე იუმორისა და ენამახვილობის მკველი ყოფილა და თავისებური ნიჭის მსახიობებს ყოველთვის გაუცხოველებიათ ქართულ სცენაზე დადგმული კომედიები კომიზმის, იუმორისა და მოსწრებული სიტყვების მჩქეფარე ნაკადულით. მაგრამ ის ტიპები, რომლის გამომხატველნიც ქართველი არტისტები ყოფილან, სხვა ერებს ეკუთვნოდნენ, ასე რომ ქართული კომედიების რიცხვი ჯერ კიდევ მეტად მცირეა. მარტო ავქსენტი ცაგარელმა შეისწავლა თავისი დროის ქართული ცხოვრება და შესძლო გამოერჩია რამდენიმე სახე, რომელთაც დღესაც არ დაუკარგავთ სიმშვენიერე და მომხიბვლელობა.

მე მგონია, რომ ხალხში, სადაც იბადებიან ასეთი საუცხოო კომიკოსები, დაიბადება საუცხოო კომედიების შემოქმედიც და, ბოლოს, — ქართველი სერვანტესიც. მით უფრო, რომ საქართველოში ჯერ კიდევ ცოცხლობენ დონ კიხოტები და მოუთმენლად მოელიან თავიანთი მხატვრის გამოჩენას.

## კ უ რ ა დ ო ბ ა

ორმოცდაათი-სამოცი წლის წინათ საქართველოში ჯერ კიდევ ჰყვოდნენ სტუმართმოყვარეობა. ეს ერთი უმთავრესი შემკავშირებელი საშუალება იყო შინაური და არასაზოგადოებრივი ცხოვრებისა, იმ აზრით, რა აზრითაც დღეს ესმით სიტყვა „საზოგადოებრივი“. სტუმართმოყვარეობა და პურადობა აკავშირებდა ერთიმეორესთან ოჯახებს. ამნაირი პურადობისათვის საჭიროა ერთგვარი სისადავე ჩვეულებებისა, ერთგვარი უზრუნველყოფა და თავმდაბლობა. ორმოცდაათი-სამოცი წლის წინათ ყოველივე ეს საქართველოში ჰქარბად იყო, დაახლოებით ეს მაშინ, როცა ილია ჭავჭავაძე თავის მოთხრობა „კაცია ადამიანს“ წერდა. ათი-ოცი წლით გვიანაც კი მხოლოდ თბილისსა და ქუთაისში იყო გამართული სასტუმროები, მანამ-

დე კი ვინც მოგზაურობდა, ღამე უეჭველად ნაცნობთან ან კიდევ უცნობთან უნდა გაეთია.

მაშინდელი ზნე-ჩვეულება სულ სხვა იყო, ვიდრე ახლანდელი, თუმცა ცივილიზაცია მაშინაც კი ბევრ რამეს აფუჭებდა. ევროპულ კოსტიუმსა და კაბას ჯერ თითო-ოროლა თუ ატარებდა, საერთოდ კი ქართულსა სჯერდებოდნენ. ქართული ტანისამოსი გამძლე იყო... და გაცილებით იაფი ჯდებოდა, ვიდრე ახლანდელი, ფაბრიკაში დამზადებული დამპალი ჩითეულობა, რომელიც მალე ცვდება და ერთი წლის შემდეგ სხვა ახალმოდის ტანისამოსი უნდა ჩაიცვას ადამიანმა.

მაშინდელი საჭმელი უფრო სადა და, შეიძლება, უფრო გემრიელიც იყო, ვიდრე ახლა. იმ დროის კაცი თავის ოჯახში მოწეულსა სჯერდებოდა, არ სვამდა უცხოეთიდან მოტანილ სასმელებს, არ ჭამდა საკონდიტროებში დამზადებულ ტკბილეულობას და პაპიროსსაც ნაკლებად ეწეოდა. ერთი სიტყვით, ცხოვრება მაშინ გაცილებით უფრო იაფი იყო—განსაკუთრებით სოფლად, და სტუმართმოყვარეობა, მასპინძელს საგრძნობ ხარჯში არ აგდებდა.

სტუმართმოყვარეობას მისდევდა არა მარტო თავად-აზნაურობა, არამედ გლეხობა და სამღვდლოებაც.

აი თვით ქართველი ხალხი რას ამბობს ლექსად სტუმართმოყვარეობაზე:

არ ვარგა უსტუმრო სახლი,—  
ცალ ფულად არ გამოდგება,  
ვისაც სტუმარი არ უყვარს,  
ღმერთი სულ არ ეყვარება.

სტუმართმოყვარეობა, რა თქმა უნდა, შეძლებისგვარად ყველასათვის არა მარტო სავალდებულო, არამედ ამავე დროს გართობისა და ცხოვრების დასამშვენებელი საშუალება იყო.

დიდ სახლებს განა მარტო თავიანთი საჭიროებისთვის აშენებდნენ, ამ სახლების შენების დროს სტუმარზეც ფიქრობდნენ. ზოგი ისეთი დარბაზი იყო, ას კაცზე მეტს დაიტევდა. ვინც ამდენ ხალხს უმასპინძლდებოდა, ამ ხალხის დაპატიჟებასაც განსაკუთრებულ მნიშვნელობას აძლევდა.

სტუმართმოყვარეობასა და გულუხვობას ოღითვე დიდად

აფასებდნენ საქართველოში. ეს ისტორია ლიტერატურიდანაც ჩანს. „ვეფხისტყაოსანში“ სტუმრებს არათუ კარგ პატივს სცემენ, არამედ ძვირფას საჩუქრებსაც უბოძებენ. სიუხვე-სიქველის თანაბრად საქებარია, განსაკუთრებით — სიუხვე მეფეთა. ამ მხრივ განთქმული იყო თამარ მეფე, რომელსაც „ქართლის ცხოვრება“ აღიღებს ამის გამო. ისეც მოხდებოდა, ნადირობისა ან თევზაობის შემდეგ მეფეები მთელ ნანადირევს გლეხებს ურიგებდნენ.

რა თქმა უნდა, პურადობა ზოგჯერ ქველმოქმედების ვრძნობით არის გამოწვეული, მაგრამ ძველთაგან გადმოცემულ ჩვეულებას თავისი გავლენა ჰქონდა და მდიდარი მემამულენი სავსებით იცავდნენ მას.

წინა საუკუნის ოთხმოციან წლებში სტუმართმოყვარეობამ უკვე იკლო. ეს საერთო გაღარიბებამ გამოიწვია. ყველანი, ვინც ცოტათ თუ ბევრად ფხიზლად უყურებდნენ ცხოვრებას, ცდილობდნენ ხშირი დაპატიუებისთვის თავი მოერიდებინათ. მაგრამ ისიც კია, ამ ჩვეულებაზე ხელის აღება საერთო მოვლენად არ ქცეულა. იმიტომ, რომ სტუმართმოყვარეობა მეტიმეტად ჰქონდა ქართველ კაცს ძვალსა და რბილში გამჭდარი და ისე ადვილად ხელს ვერ იღებდა მასზე.

სტუმართმოყვარეობის დაცვას ერთი გარემოებაც უწყობდა ხელს, სახელდობრ ის, რომ თეატრების, ორიოდ-სამიოდე კლუბებისა და რამდენიმე რესტორანის გარდა თბილისში გასართობი ადგილი არ არსებობდა და ეგრეთ წოდებული ქუჩის ცხოვრებაც თითქმის არ იყო. მხოლოდ წინა საუკუნის ოთხმოციანი წლების ბოლოს გამოიცვალა ქალაქი. ამ დრომდე ჯერ კიდევ ოჯახური ცხოვრება ჰქარბობდა. ახალგაზრდა გასათხოვარი ქალები, თუ მშობლები ან მახლობელი ნათესავეები არ ახლდნენ, არ დადიოდნენ არც თეატრებში, არც კლუბებში, არც მეჯლისებზე, არც რესტორანში. დღისით ქალები უმთავრესად ქუჩებში სეირნობდნენ, მაგრამ უეჭველად მშობლების ან ნათესავეების თანხლებით. დღეს რომ ახალგაზრდა ქალებს ვხედავთ მარტოდმარტო მოსიარულეთ, იმ დროებაში ეს არ შეიძლებოდა. ზნეობა მეტად იყო დაცული, განსაკუთრებით სოფლებში. ასეთ ვითარებაში საზოგადოებებს წევ-

რებს ერთიმეორესთან მეტად აკავშირებდა სტუმარმასპინძლობა.

სტუმართმოყვარეობა თავისთავად კარგი რამ იყო, მაგრამ ერთი ცუდი გარემოება სდევდა თან: სახელდობრ ისა, რომ წვეულებას ხშირად ქეიფი მოჰყვება და ხელს უწყობს ლოთობას. არ ვიცი, როგორ იყო წარსულ საუკუნეებში, მაგრამ მე მგონია, ხშირი და ხანგრძლივი ლაშქრობა, დიდი ხნობით დარჩენა მტრის მხარეში და აგრეთვე თვით მტრის შემოსევა საქართველოში ქეიფსა და დროს ტარებას ხელს უშლიდა, ან კიდევ სრულიად შეუძლებელს ხდიდა. მშვიდობიანობის დროს ქართველები თითქმის სულ ნადირობდნენ. „სამეგრელოს აღწერაში“, რომელიც 1654 წ. ნეაპოლში გამოვიდა, იტალიელი მცხოვრებელი არქანჯელო ლამბერტი ამბობს, სამეგრელოში ყველა მდგომარეობისა და ხნის აღამიანს უყვარს ნადირობა და მეგრულად ამის შესახებ ასეთი თქმაც კი არისო: „ბედნიერი კაცი ისაა, ვისაც ჰყავს კარგი ცხენი, კარგი ძაღლი და კარგი შევარდენიო“. ალბათ, საქართველოში სხვაგანაც ასე იყო. ცხადია, დიდი ხნით გარეთ, ჰაერზე ყოფნა ჯანმრთელობას ამაგრებდა და მაშინდელი ქართველები ახლანდლებს არ ეშვებოდნენ. ჭირის გაძლება ძველებს უფრო შეეძლოთ, ვიდრე ჩვენს თანამედროვეებს, რომლებიც უმეტეს ხანს სახლებში ატარებენ. „ვეფხისტყაოსნიდან“ ვიცით, რომ ქართველებს ნადირობის შემდეგ ლხინი და ნადიში უყვარდათ, ნადიმის დროს კი ხანგრძლივი ბაასი, ვინ რა ნადირი მოკლა და როგორ. მაგრამ ეს ლხინი გარეთ, ჰაერზე იმართებოდა და ომით, ცხენოსნობით, ნადირობითა და ბურთაობით გამოწრთობილ, მაგარ აგებულებაზე ღვინო ისე ვერ მოქმედებდა.

საზოგადოდ, „ქართლის ცხოვრებიდან“ და ზოგიერთი ქრონიკიდან ჩანს, რომ ქართველები ძალიან მოძრავ ცხოვრებას ეწეოდნენ და მათ ძალ-ღონეს სულ მუდამ ჰქონდა სავარჯიშო.

ვახტანგ მეექვსის შესახებ სეხნია ჩხეიძე თავის ქრონიკაში მოგვითხრობს, რომ ოთხშაბათობითა და პარასკეობით მეფე ყველას საჩივრებს მოუსმენდა და ასამართლებდა, ვინც კი მიმართავდა; კვირაობითა და სამშაბათობით ნადირობდა და სხვა გასართობებსა მართავდა; გასამართლებისა და გარ-

თობის შემდეგ სანადიროდ მიდიოდნენ, ბურთაობდნენ, ან ნიშანში ისროდნენო.

ყოველივე აქედან ჩანს, რომ წინანდელი ცხოვრება ქართველთა ბუნების მოთხოვნილებას შეეფერებოდა და ალბათ მათ სტუმართმოყვარეობასაც საზღვარი ჰქონდა, თუმცა გამონაკლისაც უეჭველად, ხშირად ექნებოდა ადგილი.

სტუმართმოყვარეობას ძველად ერთი მხარეც ახლდა, — ეს იყო ქვეითისა თუ ცხენოსანი მგზავრის პატივისცემა. ეს მხარე ძველებურ სტუმართმოყვარეობას დიდი ზანია ჩამოეცალა. ეს სიმპათიური ჩვეულება მთელ საქართველოში იყო გავრცელებული: მგზავრს ყველგან სცემდნენ პატივს და ღამით გაუჭირვებლად, ადვილად დააბინავებდნენ. იაკობ რჯინეგსი, რომელიც საქართველოში ერეკლე II-ის დროს ცხოვრობდა, ძალიან აქებს იმერთა სტუმართმოყვარეობას. ისინა ყველა ნაცნობ მგზავრს პურს, ხილს, ღვინოსა და სხვას შესთავაზებდნენო. სტუმართმოყვარეობით ყველაზე მეტად ნაჭები იყვნენ მეგრელები...

საერთოდ, სტუმართმოყვარეობა საქართველოში ყველგანაა დარჩენილი, მაგრამ იმ ზომით არა, როგორც წინათ. ეს ჩვეულება ქართველი ხალხის ერთი საუკეთესო და სიმპათიური მხარეთაგანია და სასურველი არ არის, რომ მოისპოს და მის მაგიერ შემოვიდეს საჯარო ადგილებში დაპატიჟება, რესტორნებსა და სასტუმროებში. ოჯახში დაპატიჟებას, თქმა არ უნდა, თავისი უპირატესობა აქვს: ასე თუ ისე შეინახავს და განავითარებს ოჯახებსა და ნაცნობებს შორის კავშირს, ამასთანავე გავლენა ექნება გასართობთა გაკეთილშობილებაზე.

## ქართული მუსიკა

1891 წ. რომში, რომელიდაც პატარა ბაღში, ერთ უბრალო მგმუსიკესა და სამხრეთ იტალიის ხალხური სიმღერების მომღერალს მოვუსმინე. ნაღველი აღმეძრა, რატომ საქართველოში არა ვარ-მეთქი. ასეთივე გრძნობა განვიცადე სტამბოლში 1892 წ. ზურნის ხმის გაგონებაზე. რა თქმა უნდა, ეს გრძნობა



ამ პირველყოფილმა მუსიკამ კი არ გამიღვიძა, არამედ ამ მუსიკის მოტივმა. დიახ, მოტივმა მომხიბლა, რადგან მომაგონდა მისი მსგავსი ჰანგები საქართველოში რომ მსმენია, და ჩემთვის უცხო, შორეულ ქვეყანაში საქართველოს მაგონებდა. ყოველ ერს აქვს ასეთი მოტივები, მისი გრძნობების, გულსთქმისა და ტემპერამენტის გამომხატველი; ყველა ისინი ერთად შეადგენენ მის ხალხურ მუსიკას. ამ მუსიკით, ანუ უკეთ რომ ვთქვათ, ამ ხალხური, უბრალო, სადა სიმღერებით ხალხი ცხოვრობდა საუკუნეთა განმავლობაში და თავისას სჯერდებოდა, სხვას არა ნდომულობდა.

ძველ ბერძნებს, ებრაელებსა და სხვებს თავისი ხალხური სიმღერები ჰქონდათ, ამ სიმღერებს მღეროდნენ ქორწილში, ლბინში, მუშაობის, მოგზაურობისა და მარტოობის დროს, ან საყვარელს მოშორებულნი, მღეროდნენ ათას სხვა შემთხვევაში. ხალხური მოტივებისაგან ნელ-ნელა გაჩნდა ეგრეთ წოდებული ლირიკული მუსიკა, ის, რაც საძირკველად დაედო მუსიკალურ ხელოვნებას. ეს კი ძალიან გვიან, ხელოვნების სხვა სახეთა გაჩენის შემდეგ მოხდა. მთელი პირველდაწყებითი იტალიური მუსიკა მარტოდენ გადამუშავება იყო ხალხური მოტივებისა, რომლებიც აგრეთვე დიდი განძია იტალიელთა საოპერო მუსიკისათვის. ლირიკული მუსიკა ზომ ამა თუ იმ ერის გრძნობათა მუსიკაა!

ეს საგანძური ზოგი ხალხისა მეტად მდიდარია, ზოგისა კი შედარებით ძალიან ღარიბი. იტალიელები, გერმანელები, პოლონელები, რუსები, ფრანგები მეტად მდიდარი არიან ამ მხრივ, ინგლისელები, ჰოლანდიელები და სხვანი კი გასაოცრად ღარიბნი. ბაირონმა ზიზღით მოიხსენია ის ადამიანები. რომლებზედაც მუსიკას ან ბგერათა პოეზიას არავითარი გავლენა არა აქვს, და მე მგონია, პოეტმა ეს თქვა უმთავრესად ინგლისელებზე, რომელთაც დღემდე ვერ წარმოუშვიათ თუნდაც ერთი ნიჭიერი კომპოზიტორი.

მხოლოდ XIX საუკუნეში დაიწყო მუსიკალური ხელოვნების საფუძვლიანი და საყოველთაო განვითარება. სხვადასხვა ქვეყანაში სწორედ ამ დროს გაჩნდნენ დიდი კომპოზიტორები, რომელთა ძლიერება უმთავრესად ხალხური მოტივების დამუშავებაში გამოიხატება. ფრანც ლისტმა თავის საუკეთესო ნა-

წარმოებები უნგრულ ხალხურ მოტივებზე ააგო, შუმანი და შუბერტი გერმანული ხალხური მოტივებით სარგებლობდნენ, შოპენი და მონიუშკო კი—პოლონურით და სხვ.

ეს მაგალითები გვიჩვენებს, რომ ამგვარ ხალხურ მოტივებში ხშირად დიდი სილამაზე იმალება და რომ იმ ხალხს, რომელსაც ხალხური სიმღერების მდიდარი საგანძური აქვს, შეუძლია შექმნას თავისებური, მგრძნობიარე ეროვნული მუსიკა.

ასეთ ხალხს, ჩემი ღრმა რწმენით, ქართველებიც ეკუთვნიან უცილობლად. ქართველები სულ მღეროდნენ, მათს სულსა და გულში მუდამ ყოფილა მუსიკის სიყვარული და იგი დარჩა. როგორც ჩანასახი პოეზიისა. ქართველები მღეროდნენ სხვადასხვა კილოებისა და სხვადასხვა შინაარსის სიმღერებს. დავით აღმაშენებელს, რომელიც მისტიკოსი იყო და ზნეობრივ საკითხებში სიმკაცრეს იჩენდა, აუკრძალავს უწმინწური შინაარსის ლექსები. აქედან ჩანს, რომ ჭერ კიდევ მაშინდელი ქართველები სხვადასხვა სახის სიმღერებს მღეროდნენ. თამარის დროს სიმღერა გაისმოდა ყველგან და ყოველთვის: ნადიმის დროს, ომიდან გამარჯვებით დაბრუნებისას. „ვეფხისტყაოსანში“ მღერიან ნადიმების დროს სიმებიან საკრავთა ხმაზე. ავთანდილი უკრავს და მღერის, ხოლო ოდეს მარტო-მარტო მიდის ტარიელის საძებრად. ნანობს, მოვცდი ნადიმებს, არ შემიძლია დავეუკრა სიმებზედაო. ავთანდილი და ტარიელი რომ გაიგებენ, სად იმყოფება ნესტან-დარეჯანი, ორივენი ხმამაღლა მღერიან. ტარიელისა და ნესტან-დარეჯანის ქორწილში გამოდიან დარბაზში მგოსნები და ისმის „ხმა სიმღერისა ტკბილისა“.

ყოველთვის, საუკუნეთა განმავლობაში, ქართველებს სიმღერა და მუსიკა ჰყვარებიათ. 1672 წ. ფრანგი მოგზაური შარდენი თბილისში იყო და ვახტანგ მეხუთემ დაპატიჟა თავისი ძმისწულის ქორწილში. შარდენი აგვიწერს სასახლეში გამართულ ამ ქორწილს და ამბობს: სადღეგრძელოების სმა რომ დაიწყეს, გაისმა სიმღერა და სიმებიან საკრავთა ხმაო. პოეტ ბესიკი (ბესარიონ გაბაშვილი) არა მარტო თხზავდა სიმღერებს, ამღერებდა კიდევ ამ სიმღერებს ჩონგურზე და ალტაცე-

ბაში მოჰყავდა თავისი თანამედროვენი, განსაკუთრებით ახალგაზრდობა.

ამავე დროს თბილისში ცხოვრობდა საიათნოვა, ერეკლე მეორის სასახლის აშული, პოეტი და დამკვრელი, რომელსაც ქორწილში ზშირად პატიუებდნენ.

ერთი სიტყვით, ქართველებისათვის განუყრელი იყო სიმღერა და მუსიკა. მაგრამ ისიცაა, მათი მოტივები რამდენიმე საუკუნის განმავლობაში ალბათ მხოლოდ ოდნავ შეიცვალა. თუმცა ეს მაინცდამაინც არაფერს ნიშნავს, რადგან სხვა ქვეყნებშიაც ასევე იყო და დიდი ხანი არ არის, რაც მათი მუსიკა განვითარების გზას დაადგა.

XIX საუკუნის დასაწყისიდან ორი-სამი მოდგმა გამოიკვალა, ვიდრე ქართველები შეითვისებდნენ ევროპულ მუსიკას და მის კანონებს, რამაც გააღვიძა მათი ნიჭი. უკანასკნელ წლებში გამოჩნდნენ კომპოზიტორები, რომლებიც ნიჭს იჩენენ და ხალხსაც დიდად მოსწონს. მათ ნაწარმოებებს შეაძლება ზოგი ნაკლი ჰქონდეს, მაგრამ ეს არაფერია. ქართველთა მუსიკალობა ახლა ყოველ ექვსს გარეშეა. ვინც შემოქმედებითს ნიჭს გრძნობს და შეუძლია განავითაროს ის, იგი ალბათ შესძლებს შექმნას ნაწარმოები, რომელიც ამ მხრივ პროგრესის მომასწავებელი იქნება. მაგრამ ასეთ ნაწარმოებთა შინაარსი უნდა მოქმედებდეს არა მარტო სმენაზე, არამედ მაყურებელთა გრძნობაზედაც, უნდა გაიტაცოს მსმენელი თავისი ორიგინალობით ისე, როგორც გვზიბლავს და გვიტაცებს შუმანის, შუბერტის, ლისტისა და შოპენის მუსიკა.

მთელი ეს ქართული მუსიკა იქნება და უნდა იყოს ლირიკული, ვინაიდან ქართველებმა, უწინარეს ყოვლისა, უნდა გამოიყენონ თავისი ხალხური მოტივები და, ჩემი აზრით, დიდ ხანსაც ეყოფათ ეს მდიდარი წყარო. ორიგინალობაში დიდი სიძლიერეა და მას შეუძლია ქართულ მუსიკას მიმადლოს ის სიმშვენიერე, რომელიც სახელსა და დიდებას მოახვეჭინებს.

ღიახ, მშობლიურ ხალხურ მუსიკაზე უნდა აშენდეს და განვითარდეს ქართული სამუსიკო ხელოვნება კარგა ხნის განმავლობაში. შორეული მომავალი კი რას მოითხოვს, ჯერ არ ვიცით,—ამას თვით მომავალი გვიჩვენებს.

ჩონგურს ბევრი ქართველი პოეტი უმღეროდა, განსაკუთრებით აკაკი წერეთელი და ნიკოლოზ ბარათაშვილი. ჩონგური ქართული ეროვნული საკრავია და ამიტომ ქართველთა თვალში თავისი სიმშვენიერე აქვს. მაგრამ, გარდა ამისა, ჩონგური ქალებისა და სიყვარულის საკრავია; ნაზი თეთრი თითები აუღერებენ მის სიმებს და ზედ სააშიკო ლექსებს დაამღერებენ. დიახ, ჩონგურს, მგონი, მხოლოდ სიყვარულზე დაამღერებენ და ამიტომ ჩონგურის ქლეჩა ყოველთვის სევდიანი და მწუხარია.

წელთა განმავლობაში, ვინ იცის, რამდენჯერ მომისმენია ჩონგურის ხმა! ეს ხმა და ის ქალებიც, ჩონგურზე რომ უკრავდნენ, უკვალოდ გაქრნენ ერთი-ორის გარდა, ხოლო ისინი, ვინც ცოცხალნი დარჩნენ, დიდი ხანია დარწმუნდნენ, რომ ცხოვრება ხუმრობა არ არის, არც სიზმარი და ნეტარება, როგორც ახალგაზრდობაში ეგონათ; წუთისოფელი უღმობელი დედინაცვალია და განსაკუთრებით ლამაზ ქალებს ემტერება.

სად არის ის საუცხოო თამარი, იმერეთის მშვენიერი ასული, რომელიც ბევრს წარიტყვევდა თავისი სიმღერითა და მომჭადობებელ თვალთა ელვარებით! მისი წკრიალა ხმა უმეტესად საღამოობით და ზოგჯერ ღამათაც გაისმოდა, ჩვენ კი თვალს ვერ ვაშორებდით მის ლამაზ სახეს და სულგანაბულნი ვუსმენდით მის სიმღერას. ნელა, სევდიანად ისმოდა ამ დროს ჩონგურის ხმა და რაც უფრო ვუსმენდით, მით უფრო გვაწვებოდა სევდა გულზე. როცა თამარი მღეროდა, ჩონგურს დასცქეროდა, მკრთალ სახეზე მოქანცულობა ეხატებოდა და თითქოს სულ ერთი იყო მისთვის, ვან უგდებდა ყურს. მაგრამ ის, ვინც მას უყვარდა, ჩვენ შორის იყო, მან უღალატა ქალს და რამდენიმე წლის შემდეგ ქალიც ჰლექმა გადაიტანა. ამისი თქმა ადვილია, მაგრამ საცოდავმა ქალმა, ვინ იცის, რამდენი ტანჯვა განვლო თავისი ავადმყოფობის დროს!.. თამარი ხორციელად იტანჯებოდა და უფრო კი სულიერად, რადგან ღალატზე უარესი ხორციელი ტანჯვა არ არის. ყინვისაგან დამზრალ გაზაფხულის ყვავილივით დაი-

ლუბა ნორჩი თამარი, რადგან თავისი სიყვარული შესწირა  
კაცს, რომელიც მისი ღირსი არ იყო.

ჩვენი აზრი, ისე როგორც გრძნობა, ხშირად ცდება და ეს  
შეცდომა ჩვენი გულისა მთელი ათასი წლის განმავლობაში  
გაისმის სიმღერებში, ჩონგურზე რომ დაამღერებენ ზოლმე.

საღლაა რუსუდანი, ეს მომხიბვლელი, ნაზი ასული გუ-  
რიისა? ოცდაათი წლის წინათ ხშირად დავუტკბივართ თავი-  
სი სიმღერებით ჩონგურზე.

ტკბილი და საამოა ჩონგურის ხმა, მომთხრობი სიყვარუ-  
ლისა... მაგრამ ვაი მას, ვისთვისაც ეს ხმა ყოველდღიურ  
სიტკბობად იქცევა, ვინც ამ ხმის გულისთვის ყოველდღიუ-  
რი ცხოვრების მოთხოვნილებას ივიწყებს.

## წ უ ა რ ო

საქართველოში ყველგანაა წყარო: მთებსა თუ ტყეში, ბა-  
რად თუ ზეობებში, გზის პირებზე, სოფლებსა და ბაღებშიც  
კი.

ვიშ, ამ საუცხოო მრავალფერობასა და მშვენიერებას!  
წყაროს მნიშვნელობა აქვს არა მარტო წყლის ღირსებითა და  
რაოდენობით, არამედ მის გარშემო მდებარე ბუნებითაც,  
რომელიც უმეტეს შემთხვევაში მეტად თვალწარმტაცი რამ  
არის. მხატვრებმა რომ შეეკრიბონ ნახატები ქართული წყა-  
როსი, მშვენიერ სურათთა მრავალფეროვანი კოლექცია გა-  
მოუვიდოდათ.

მშვენიერი წყაროები ზოგჯერ, კარგ ადამიანთა მსგავსად,  
უცნობ, დაფარულ ალაგასაა.

მაგონდება ერთი წყარო ზემო ქართლში, გაშლილ, კალ-  
მით დახატულ მინდორში, ტყით დაფარულ მთის კალთაზე.  
გარშემო სამოთხისებური იდუმალემა სუფევს, არც სოფელი  
ჩანს სადმე, არც ადამიანი. წყაროსთან ტყე-ტყე პატარა სა-  
ცალფეხო ბილიკი მიდის; რომ მიუახლოვდები, მოგესმის  
წყლის ჩხრიალი, დავერცხლილ ნაკადად რომ გადმოსჩქეფს  
პატარა კლდის ხვრელიდან. წყაროს გარშემო პატარა გაშლი-  
ლი მოლია. აქ ქვაზე ჩამომჯდარს შემეძლო დავმტკბარიყავ

ჩემ წინ ამართული მთებით, სადაც ცხვრების თეთრი ფარავ მოფენილი. ცხვრისა და მწყემსების მოძრაობა აქედან გარკვევით ჩანს, ისინიც შემხედავენ და უკვირთ, ეს უცხო სტუმარი ვინ მოსულა აქ ამ განმარტოებული მთების საყურებლადო. ისინი შეჩვეული არიან მათ გარშემო მდებარე ბუნების სურათებს და ალბათ აღარც კი ესმით, რომ ამ სურათების სანახავად შეიძლება აღამიანი შორი სოფლიდანაც მოვიდეს ამ წყაროსთან.

მთებსა და ტყეებში აუარებელი წყაროა განმარტოებით. ბევრმა არც კი იცის მათი არსებობა. მათი ჩხრიალის ხმაც არავის ესმის, მსგავსად განდევილის ხმისა ან ტყის ფრინველთა ჭიკჭიკისა. მაგრამ არის ისეთი წყაროები. რომელთა სანახავად უამრავად მოდიან თითო-ოროლანი, რომ დასტებენ წყაროს გარშემო მდებარე ბუნების სილამაზით.

ზედაზნის მონასტრის მახლობლად, ტყით დაფარულ მთის თხემზე, საგურამოდან მომავალი გზის პირას ერთი წყარო გამოდის ბუმბერაზ ხეთა ჩრდილში. წყაროს ცოტა იქით, თხემის ორსავე მხარეზე, ტყე თხელდება და თვალწინ იშლება შორი მიდამო. ჩრდილოეთით მოჩანს მყინვარი მთელი თავისი სიდიადით, მასთან ერთად მახლობელი ყინულიანი მთები, სამხრეთით კი — თბილისი და ძველი მცხეთა, რომელსაც თავს დაჰყურებს ტაძარი.

მეორე მხრით, ძირს, საგურამოს ბაღშიცაა წყარო. ამ წყაროს ლუკლუკზე ხშირად უოცნებია ილია ჭავჭავაძეს. უბრალო მჭადა ქვებისაგან აქ ამოშენებულია მხვიარა მცენარეებით დაფარული შადრევანი. მაღალი, განიერტოტებიანი კაკლის ხეები ქოლგასავით თავზე ეხურება ამ თავისებურ, ისტორიულ წყაროს.

ან რა საამოა, ზაფხულის პაპანაქებაში გზაზე წყაროს რომ დაინახავთ! ოსმალეთში ასეთ ადგილას ლამაზ შადრევნებს აკეთებენ, წარწერებიანს. საქართველოში მსგავსი შადრევანი მხოლოდ ერთგან მინახავს და ჭეშმარიტად დასანანი, რომ ასეთი კარგი ჩვეულება აქ ფეხს ვერ იკიდებს.

თუ საქართველოს სიგრძეზე გაივლით, შავი ზღვიდან მოკიდებული აღმოსავლეთ საზღვრამდე, სიღნაღს იქით, შეამჩნევთ სხვადასხვა სანახაობას, წყაროებს რომ არტყია გარშე-

მო. ბუნება იცვლება და მასთან ერთად ეს სურათებიც იცვლება: ხან შიშველი კლდეებია ამართული წყაროს გარშემო, ხანაც წყაროა მწვანე ზაფერდით მოსილი მთის ძირას, ხოლო ახლომახლო — მაღალი მაყვლის ბუჩქები. ბაღებშიაც ნახავთ წყაროებს, აქ იგი გარშემო შემორგულ მცენარეებს აცხოველებს. წყაროსთან ხალხი მიდის არა მარტო წყურვილის მოსაკლავად, არამედ ზაფხულის სიცხეში შუბლის გასაგრილებლადაც. ან რა სჯობს ასეთ წყაროსთან პირის დაბანას!

სოფლის წყარო სოფლის ცხოვრებაში გარკვეულ როლსაც ასრულებს, უმეტესწილად წყაროზე ქალები და ბავშვები დიდიან, დილაადრიანად და საღამოობით აქ იმართება ტკბალი საუბარი, აქ გაიგონებთ ახალ ამბებს, — საუბრობენ, ბჭობენ სოფლის სხვადასხვა საქიროების შესახებ და სხვ. მაგრამ ზშირად უსიამოვნო ამბებსაც აქვს ადგილი. როგორც მოგეხსენებათ, ქალებს შორის სრული მშვიდობა იშვიათად არის და, რა თქმა უნდა, ერთმანეთს გადაკიდებული მეზობელი ქალები აქ ძალაუნებურად შეიყრებიან, — წყალზე ყველამ უნდა იაროს. აბა წარმოიდგინეთ ორი დედაკაცი, სხვადასხვა მიზეზით წაჩხუბებული, რომელთაც თითქმის ყოველდღე უხდებთ წყაროსკენ მიმავალ გზაზე ერთმანეთის შეხვედრა.

მაგრამ წყარო შეყვარებულთა შესახვედრი ადგილიცაა! დიან, წყარო ფრიალ მნიშვნელოვანი ადგილია და ყოველი სოფლის ცხოვრებაში დიდი მნიშვნელობაცა აქვს. ვის შეუძლია გვიამბოს ამა თუ იმ წყაროს ისტორია ორმოცდაათი წლის განმავლობაში? არავის, რადგან არავის ძალუძს გაიგონოს და დაიხსომოს წყაროზე ნალაპარაკევი, ჩხუბი, სულთქმა. ფიცი, წყევლა, — ყოველ დღე და ყოველ ქაშს ბაგეთაგან რომ აღმოხდებთ წყაროზე მოსულთ; არავის ძალუძს შეამჩნიოს მათი თვალები, ღიმილი ან ცრემლები და, დასასრულ, შეყვარებულთა ზვევან-კოცნა ბინდისას, მთვარის სინათლეზე ან დილაადრიან რიყრაყისას... განთიადის ამ საუცხოო ქაშს, როცა ცაზე უკანასკნელი ვარსკვლავი ქრება, როცა გარშემო გამეფებულია სამოთხისებური დუმილი და მარტოოდენ წყაროს კეთილზმოვანი და დაუსრულებელი ლუკლუკი ისმის.

დიდი ხანია, რაც ურემი არსებობს საქართველოში: ის არსებობდა მირიანის, თამარის, რუსუდანისა და ერეკლე მეორის დროს — რაც იყო იმათ დროში, იგივეა დღესაც — ტვირთის გადასაზიდი და ხალხის გადასაყვანი, უმეტესად ქალებისა და ბავშვების.

საუკუნეთა განმავლობაში ურემი არ გამოცვლილა, არ გაუმჯობესებულა და დღესაც ის პირველყოფილი სახე აქვს შერჩენილი.

მთავორიანი ადგილებისათვის, სადაც გზა ვერ უდგება, ურემი, რასაკვირველია, მისწრება. მაგრამ წარსულშიაც კი, როცა ცხოვრება ზანტი და მღორე იყო, უჩიოდნენ ურემის პირველყოფილობას. ქართული ქრონიკებიდან ვიცით, რომ სპარსთა, ოსმალთა ან მონღოლთა წინააღმდეგ ბრძოლების დროს სალაშქრო სურსათს — ღვინოს, პურს, ქერს, ბზეს და სხვ., ურემებით ეზიდებოდნენ ხოლმე. რადგანაც საქართველოს ჯარი უმეტესად ცხენოსანთაგან შედგებოდა, ურემის ზანტი და ნელი სვლა, ცხადია, მებრძოლთ ძალზე აბრკოლებდა და ხშირად სულ უსურსათოდაც სტოვებდა. ჩვენთვის ახლა მნიშვნელოვანია ის, რომ იმ დაბრკოლებათა წარმოდგენა, რასაც ძველად ლაშქარი განიცდიდა მოძრაობის დროს.

მაგრამ ურემი უფრო მზიარულ მოგონებასაც აღვიძრავს. ცნობილია, რომ ქართველთა ლაშქარი საღამოთი, დაბანაკებისას, ძველ ჩვეულებათა თანახმად მზიარულობდა, მას თან ახლდა ურემები ღვინის რუმბებითა; გაისმოდა ზურნისა და სიმღერების ხმა, თითქო მტრის სიახლოვეზე არავინ ფიქრობდა.

ამგვარად, ურემი დიდი ხნის განმავლობაში საიშვიათო. უსაჭროესი საგანი იყო და ეს მნიშვნელობა ქართველთათვის დღესაც არ დაუკარგავს. შეუძლებელია წარმოვიდგინოთ ქართული სოფელი უურემოდ. სოფლის ცხოვრების რომელი ხანაც არ უნდა აიღოთ, ურემი ყველგანაა. ასევეა პოეზიაშიც.

„ურემული“ პირდაპირ მშვენიერაა ქართული მუსიკისა. მოიგონეთ ილია ჭავჭავაძის „კაკო ყაჩაღიდან“ ის ადგილი, სადაც ურემის კრიალი ალაზნის მძინარე ველს აღვიძებს:



ყველას ეძინა, დღით ჰფეთქავს რაცა,  
თითქო დალილა მიწაც და ცაცა!..  
მხოლოდ კი ერთგან ურემი შიშიმე  
მიჭრიალებდა, გზას აღვიძებდა  
და ნაღვლიანად მასზე მეურმე  
მწუხარ სიმღერას დადუღუნებდა.  
ღუღუნი იგი ჩამრჩენია გულს,  
მწუხარე არის, ვით გლოვის ზარი,  
მაგრამ თუ ნაღველს მოჰბერს დაჩაგრულს,  
უკუპყრის კიდევ, ვით ღრუბელს ქარი.

ეს ნწვენიერი სტრიქონები მკითხველს გულში აწვევებენ რაღაც წყნარ სევდას, ისევე როგორც გოეთეს პატარა ლექსი „მთათა მწვერვალნი.“ რა შეედრება, როცა ღამის მყუდროებას ნაღვლიანი და წყნარი „ურმული“ შორიდან არღვევს!..

ილია ჭავჭავაძესთან ყოფნისას ხშირად მომისმენია ღამით „ურმული“, როცა ერთად ვმსხდარვართ საგურამოს სახლის აივანზე. მხოლოდ არაგვის შორეული ღუღუნი ანელებდა ზმებს. ღამეს ყველასათვის იღუმალი ძალა აქვს, „ურმულის“ ზმები კი ამ იღუმალებას უფრო ზრდის.

მაგრამ როცა „ურმულს“ ყურს ვუგდებთ, მისი მომღერალი მეურმეც არ უნდა დავივიწყოთ. სიმღერის დროს იგი მარტოა, ამხანაგებს ან სძინავთ, ან საუბრობენ თავისთვის. მას კი, ვინც საათობით მღერის ამ ნაღვლიან სიმღერას, თავს ფიქრები დასტრიალებს, იგი ალბათ რაღაცაზე ოცნებობს და თუ ამასთან ჭაბუკიცაა და შეყვარებულიც, ცხადია, თავის მიჯნურს შეჰკენის.

ჩემი აზრით. კამეჩი უფრო შეჰფერის ურემს, ვიდრე ხარი, იგი უფრო მსჩვილი, უფრო ძლიერი და მაინც ნაზი ცხოველია. მას შავ ფერს და შავ თვალებს რაღაც კეთილშობილება მოსღვამთ, თანაც რაღაც ტიპიური.

მიყვარს ეს ზანტი ცხოველი. ილია ჭავჭავაძესაც უყვარდა კამეჩები, უაღერსებდა ხოლმე და ხშირად აღტაცებაში მოდიოდა მათი შავი თვალებისაგან.

მერე რა დაუღალავი რამ არიან! ხშირად მიუვალ, ციცაბო აღმართზედაც არ უმძიმთ ურემის ატანა!

მთაწმინდა არა მხოლოდ მშვენიერებაა: თბილისისა, არამედ მისი ისტორიული ძეგლიც. მამადავითის ეკლესია ქალაქს ზევდიდან დაპყურებს, ყოველი მხრიდან მოჩანს — დასავლეთიდან, ჩრდილოეთიდან და აღმოსავლეთიდან. რა ხაზმო და ტურფა სურათი იშლება მოპირდაპირე მხრიდან დილით, მზის ამოსვლისას ან კიდევ საღამოთი, როცა მთაზე და ქალაქში ჭერ ისევ დღის ნათელია.

რა თვალწარმტაცი სურათია! და მაინც რამდენად უფრო ლამაზია ქალაქის ჩრდილოეთისა და აღმოსავლეთის შემოგარენი. გზა მთის თავქვე მეტად დაქანებულია, მაგრამ საამოა, ყოველ მოსახვევზე სანახაობა თანდათან იშლება და ფართოვდება. ეს მთა ჩვეულებრივი როდია, მას „წმინდა“ განატყუილად უწოდეს მისი ტაძარი, მისი სასაფლაო, მისი სანახაობა სერიდან ან მისი ზედა მოედნიდან — ყოველივე ერთად შეადგენს რაღაც საერთო მშვენიერებას, რომელიც მნახველს ზიზღავს და გულს სასოებით უვსებს.

მთაწმინდის ბუნება ღარიბია, მის ქედებზე თითო-ორი ბუჩქი და ხე თუ ხარობს, მათ შორის მხოლოდ ერთ ადგილას, ეკლესიის აღმოსავლეთით რამდენიმე კვიპაროსი მოჩანს. ჭერ კიდევ არვის მოსვლია ფიქრად აქ ქოლგისებური ღიბანის ნაძვი დაერგო, რომელიც ასე ამშვენიებს მთებისა და გორაკების ქედებს ყველგან — იტალიასა, საბერძნეთსა თუ ანატოლიაში.

გაზაფხულზე მთაწმინდა მომჯადოებელია. მისი კალთებო მწვანით იმოსება და ყველგან ჰყვავის უბრალო ველის ყვავილები, ამწვანებულია ბუჩქები და მისი თითო-ორილა ხე, ლაქვარდი ცა ბრწყინვალეებას აფრქვევს მთას და წარუტყვევს მაყურებელს თვალსა. ამ საუცხოო ცის ხატებას ბარათაშვილი თავის გულში ატარებდა. ბარათაშვილისათვის მისი მიერ განდიდებულ მთაწმინდას იგივე მიმზიდველობა ჰქონდა, რაც უბრალო მოკვდავთათვის, მაგრამ ის, რასაც სხვები გრძნობენ და გამოხატვა კი არ შეუძლიათ. პოეტმა გამოთქვა აღფრთოვანებული სიტყვებით. მისმა ლექსმა „შემოღამება მთაწმინდაზედ“ კიდევ უფრო გააძლიერა გრძნეული ზემოქ-

მედება ამ ისტორიული მთისა, რომელთანაც მრავალ და ძველი მოგონებაა დაკავშირებული. ნ. ბარათაშვილი აკტიწერს მთაწმინდის ძნელად შესაცნობ მშენებას, მის ილუქალგზას, რომელიც აქ მაისის დამეს ისადგურებს, და, დასასრულ, მთვარის დავერცხლილ სინათლეს, ცასა და დედამიწაზე მიმობნეულს.

რა იცოდა ბარათაშვილმა, რომ მის შემდეგ მალე გამოჩნდებოდა ორი დიდი ქართველი პოეტი, რომლებიც მისა და ალ. ჭავჭავაძის მიერ დაწყებულ ახალი ქართული პოეზიის შენობას საუცხოო სასახლედ აქცევდნენ და თავიანთი ღირსეული საქმის აღსრულების შემდეგ აქ, ამ თეთრი ეკლესიის გვერდით განისვენებდნენ. ორივე — ილიაც და აკაკიც, ბიბლიური ხნისა მოიყარნენ, თითოეული მათგანი ორმოცდაათ წელზე მეტს ემსახურა თავის სამშობლოს, მაშინ როცა მათმა ავადმყოფმა და ცხოვრებაზე იმედგაცრუებულმა წინამორბედმა ოცდაათ წელსაც ვერ მიაღწია.

ბარათაშვილი უცნაური მოვლენაა ქართულ ლიტერატურაში. ეს პოეტი მაშინ გამოჩნდა, როცა, საზოგადოდ, ჭერ კიდევ არც კი იყო ჩამოყალიბებული ახალი ქართული ლიტერატურა, როცა XVIII საუკუნის უკანასკნელი ბუმბერაზის შემდეგ სიჩუმე ჩამოვარდა, შესუსტდა ყოველგვარი გონებრივი და ზნეობრივი ძალა და დადგა ხანა ძილისა. ასეთმა სიჩუმემ რამდენიმე ათეულ წელს გასტანა. ამ ხნის განმავლობაში მხოლოდ თითო-ოროლამ თუ გამოამკლავნა სიცოცხლის ნიშანწყალი და ისიც თითქმის მხოლოდ სამხედრო სამსახურში. ეს ადვილი ასახსნელიცაა, რადგან XVIII საუკუნის დასასრულამდე ქართველები მხოლოდ მეომრები იყვნენ, ამ გარდასულ რაინდთა შვილებიც ცდილობდნენ სამხედრო სამსახურში შესულიყვნენ. თვითონ ნ. ბარათაშვილსაც სურდა მხედრობა და ფეხი რომ არ მოეტეხა, ვინ იცის, იქნებ შამილთან ბრძოლაში კიდევ უფრო ადრე დაღუპულიყო და მხოლოდ რამდენიმე ლექსი დაეტოვებინა. ლენაუსა და ლეოპარდის მსგავსად, პოეტს ამძიმებდა თავისი უბილური სიცოცხლე და ფიზიკური ნაკლოვანება. უბედურებამ გაუღვიძა შემოქმედებითი ნიჭი და თავის თითო-ოროლა ლექსს იმ დროს წერდა, როცა მის გარშემო არარაობა მეფობდა და არც

არაეინ უიქრობდა ქართული მწერლობის განახლებას. სულიერად ბარათაშვილი თითქოს უცხოა თავისი დროისათვის და საერთო არაფერი აქვს მოქეიფე და მამულ-დედულის განნიავებელ ყმაწვილებთან. მამამისმაც გაანიავა თავისი ქონება და მამის სახლიდან პოეტი ცარიელ-ტარიელი გამოვიდა, ცხოვრების სახსარს მოკლებული.

ბარათაშვილი მგოსანი-განდეგილია; იგი განდეგილი იყო მაშინდელ ქართულ საზოგადოებასა და მწერლობაშიც, განმარტოვებით მდგარი დაცარიელებულ და დაშორებულ გზაზე, XVIII საუკუნეში შეწყვეტილ ძველსა და XIX საუკუნის მეორე ნახევარში ფეხადგმულ ახალ ლიტერატურას შორის.

ის სიმღერა, რომელიც ბარათაშვილმა მთაწმინდას უძღვნა, განდეგილის სიმღერაა, სიმღერა მარტვილისა, ავადმყოფი მოგზაურისა. მისი სიმღერის ხმა სუსტად გაისმის, მგლოვიარედ, ავადმყოფურად, ბოროტებას და მძულვარებას მოკლებული, თითქოს ცხოვრების გარეშე დგასო, ადამიანთ იშვიათად მიმართავს და თითქმის განუწყვეტლოვ ემღერის ბედს, ან ებრძვის მას.

დიხაჯ. ბარათაშვილი უცნაური მოვლენაა ქართულ ლიტერატურაში, მარტოდმარტო დგას უკაცურ გზაზე და ჩუმი, სევდიანი პანგების კენესა ისმის მისი ჩონგურიდან. მხოლოდ თითო-ოროლა მის თანამედროვეს თუ გაუგონია ეს პანგები, მხოლოდ თითო-ოროლა მიხვდა, რომ სწორედ ეს კენესა-გოდება აღმოხდებოდა გულიდან ქართველობას XVIII საუკუნეში, როდესაც მოზღვავებულმა მტერმა მას სამშობლო დაუღუპა. ბარათაშვილის მთელ პოეზიას შეიძლება ვუწოდოთ „ბედი ქართლისა“.

ბარათაშვილი 1845 წ. გარდაიცვალა. დაღუპდა მისი ჩონგურის ტკბილი ხმა. მას შემდეგ ოც წელიწადსაც არ გაუგლია და გაისმა ხმა ორი პოეტისა, რომელთაც ახლა საუკუნო ძილით სძინავთ თეთრი ეკლესიის გვერდით, მათ საყვარელ მთაწმინდაზე. ეს ხმა არ იყო გამომხატველი მწუხარების ან სასოწარკვეთილებისა, მათი ხმა ხალხს მოუწოდებდა ცხოვრების, ნუშაობისა და სამშობლოს აღორძინებისაკენ. განმარტოებული არც ილია ჭავჭავაძეა და არც აკაკი წერეთელი, ისინი ცხოვრების შიგ შუაგულში დგანან, ებრძვიან ცხოვრე-

ბას და ყველას, ვინც ხელს უშლის ამ ცხოვრებისა და სამ-  
შობლოს განახლება-აღორძინებას. ბარათაშვილის სულსკვე-  
თებას მათ სულსკვეთებასთან საერთო არა აქვს რა და,  
ვფიქრობ, ბარათაშვილს არავითარი გავლენა არ მოუხდენია  
მათს შემოქმედებაზე. ეს კია, ორივე აღტაცებაში მოაყავდა  
პოეტის ლექსთა სიმშვენიერეს. ეს მშვენიერება ჩვენზედაც  
მოქმედებს, ჩვენც გატაცებით ვკითხულობთ მის ლექსებს...

## არტურ ლაისტი.

მოყვარე მინდა მოყვრული  
და აღმპყრობელი ხელისა,  
ომში უდრეკი მღერალი,  
გადამწყვეტელი ძნელისა...

„საქართველო შემთხვევით, მარცხით კი არ გამოცვნია. ამ გრძნობას მცირე რამ ისტორია აქვს ჩემს აზრ-გრძნობასთან დაკავშირებულა“, — წერდა სიცოცხლის დასასრულს ქართველი ხალხის გულწრფელი მეგობარი არტურ ლაისტი, რომელსაც ილიამ „მორეული თვისიანი“, ხოლო სხვებმა „ჩვენი აზო“ და „ქარგი ევროპელი“ უწოდეს.

არტურ ლაისტს ყველა ქართველი და პოლონელი სცემს პატივს. ვისაც ცოტაოდენი რამ წაუკითხავს თუ გაუგონია მისი ან მის შესახებ უნდა აღინიშნოს, რომ თავისი დროის საკმაოდ ცნობილ მეგრძოლ პუბლიცისტზე და თვალსაჩინო მოქალაქეზე ბოლო დროს ბევრი რამ დაიწერა პოლონურად, გერმანულად და ცოტაოდენი ქართულადაც. თუმცა ეს უკანასკნელი უფრო საიუბილეო ხასიათისაა. აქვე უნდა აღვნიშნოთ ისიც, რომ 26 წლის შემდეგ ლიტერატურაში „საქართველოს გულის“ ავტორი, პირველად გერმანელმა მეცნიერებმა გაიხსენეს. ეს გახლდათ 1954 წელს, საბჭოთა კავშირ-გერმანიის მეგობრობის ერთთვიურის საზეიმო დღეებში. ამჟამად არტურ ლაისტის სიმპატიური სახელი სამუდამოდ დაუკავშირდა ხალხთა მეგობრობის გაგებას სამივე ხალხის მხატვრული და მეცნიერული ლიტერატურის ისტორიაში შეხარტთან, ლემან-ჰაუპტთან, მეკელაინთან. ზაბოლოცკისთან, ლაფჩინსკისა და სხვათა სახელთან ერთად.

არტურ ლაისტი დაიბადა 1852 წელს სამხრეთ სილეზიის ქალაქ ეროცლავში. აქ, ამ ძველ ციხე-ქალაქში, სადაც ბიურგერისტულმა ყოფამ საქსოვი დაზგების ხრიალად შეეცვლა აბჯართ ქლარუნი, არტური იზრდებოდა გარდასულ დროთა პოეზიის და რომანტიკის პატრიარქების ატმოსფეროში. მამამისს „კეთილგონიერების გამო“ არტურისათვის უნდოდა იურიდიული განათლება მიეცა, ამას ღარიბ მამას მერკანტილისტური მიზანი კარნახობდა. მაგრამ, როგორც ჩანს, შვილი საკმაოდ გულისხმიერი მოწაფე იყო გულმართალი მამისა და დროის სულიერი ცხოვრებისა. ის ერთ ხანს მართლაც სწავლობდა. ეროცლავის უნივერსიტეტის იურიდიულ ფაკულტეტზე. მაგრამ იმ დროს, როდესაც ახალი სოციალური ქარტეხილას

გრძნობა ძაბავდა გონებაფიზიკურად აღამიანებს, არტურმა მიწისგან აღვიღო სახელმწიფოთა მკვდარი სამართლის სწავლას ყოველად ცოცხალი პუბლიცისტური მოღვაწეობა ამჯობინა.

იქნებ არტურ ლაისტი იმიტომ დაუმეგობრდა ქართველ ხალხს, რომ მათებრი სისათით შეუმუშავა თავისმა მშობლიურმა სილუზიამ—კუთხემ, რომელიც გამუდმებული მოწილადეობის, ბრძოლის ასპარეზი იყო. მისი დედაქალაქი ბრესლაველი ბალკანეთის ომის დასაწყისამდე ორმხრივ შოკანისგან გავრცელების ბუდედ იქცა. ქალაქის მრავალეროვან მოსახლეობაში საბასუხო რეაქციად მებრძოლი ეროვნული სამართლიანობა მეფობდა. ბალკანეთის ომის დაწყებამდე აუტანელი პოლიტიკური და ეკონომიკური პირობების ხელოვნური შექმნის მიზეზით, 1871 წელს დიდი საფეიქრო ქალაქი ვროცლავი თითქმის გაუკაცრიელდა. ჩვენ არ ვიცით ნამდვილად, მაგრამ ვგარაუდობთ, რომ ერთ-ერთი მიზეზი სრულიად ახალგაზრდა ლაისტის წასვლისა სამშობლო ქალაქიდან შეიძლება ესეც იყო. ასე დაიწყო მან XIX საუკუნის რეაქციის ხანის მებრძოლი პუბლიცისტისათვის დამახასიათებელი ცხოვრება—ერთი ბეკდევითი ორგანოდან მეორეში გადადიოდა, ერთი ქალაქიდან სხვა ქალაქში მიეშურებოდა.

თავისუფლების საკურთხეველისადმი ანთებული ლაისტის „სანთელ-საქმეველი თავის გზას არ ჰკარგავს“. მრავალი ენის მცოდნეს და განათლებულ პუბლიცისტს მალე პირველხარისხოვანი პოლონური და გერმანული გამოცემები მიიწვევენ. ეს იყო დრო, როდესაც თვით ყველაზე უფრო ფრთხილი ლიბერალური გამოცემებიც კი მკითხველთა წინაშე თავს იწონებდნენ ორჭოფად ნათქვამი რადიკალური ფელეტონებით, თავისუფლების იდეებისადმი ყურადღების დათმობით. იმიტომ პატარა ჰონორარის დასად ტირაჟის და ხელმომწერთა გაზრდისათვის ახალგაზრდა და „ჰქუა-მახვილ ნიპილისტ“ მწერლებს იკრებდნენ რედაქციის კულუარებში. არტურ ლაისტი პეტერბურგულ გაზეთ „St-Peterburger Herolde“-ში, პოლონურ „Athenion“-სა და სახელგანთქმულ გერმანულ „Allgemeine Zeitung“-ში მიიწვიეს თანამშრომლად. ბოლოს იგი ამ დიდი გერმანული გამოცემის მუდმივი თანამშრომელი გახდა, მას უგზავნიდა პოლონელი ხალხის კულტურული ცხოვრების მიმოხილვებს.

1876 წელს ლაისტი ლოძში გადასახლდა—პოლონეთის დიდ სამრეწველო და რევოლუციური ტრადიციების ქალაქში, რომელიც სამწუხაროდ ამ დროისათვის საერთო ევროპული საზოგადოებრივი ცხოვრების გარეშე იდგა. პოლიტიკურ და სოციალურ შემწანობაში ჩაფლული ინტელიგენცია „რომანტიკულ ნაციონალიზმს“ გადაჰყვა. ეს განსაკუთრებით პრესისა და უნივერსიტეტის ცხოვრებაში იგრძნობოდა. ასეთი თავისებური სეპარატიზმი შორს იყო ახალგაზრდა პოლონეთის ცხოვრებიდან. პოლონელი ახალგაზრდობა ვრუბლევსკის, დომბროვსკის, სალტიკოვ-შჩედრინის, ნეკრასოვის და სხვათა ნაწილებით იყო გატაცებული. ლოძის „საზოგადოებრივი აზრის“ შემქმნელი საზოგადოება, მისი მესვეურები: სტანისლავ კოზმიანი, ისტორიკოსი იოზეფ შუისკი, პროფ. სტანისლავ ტარნოვსკი და სხვ. შლიახტიჩური რეტროგრადიზმის შხაპს ავრცელებდნენ. წარმოშობით გერმანელისათვის

და, მით უფრო, პროგრესულად განწყობილი ახალგაზრდისათვის. ძნელა იყო ასეთ გარემოში დიდხანს დარჩენა.

70-იან წლებში ვარშავას განსაკუთრებული მნიშვნელობა ენიჭება არა მარტო პოლონელებისათვის, არამედ რუსეთის იმპერიის განათლებულ ქალაქთა შორის. „ვარშავა“ ეს საოცნებო სიტყვა იყო ყველა საღად მოაზროვნე ახალგაზრდისათვის. აქ ახლებურად ფეთქდა ცხოვრების მაცოცხლებელი ჭავლი. მთელი სიცოცხლის განმავლობაში გატაცებით უყვარდა უცხოობაში მყოფ ლაისტს ეს ქალაქი. აქ შეუერთდა ის „დიდ პოლონურ პრესას“. იგი დაიბლოგა ბოლესლავ პრუსმა, ვიქტორ გომულაუკიმ და თვით ჰენრიკ სენკევიჩმაც.

ლაისტის ამდროინდელ კლამს ეკუთვნის პოლონური საზოგადოებრივი ცხოვრების ვრცელი კრიტიკული მიმოხილვები. ამ დროს ეკუთვნის მისი საყურადღებო წიგნი: „Das heutige Polen“ (ვარშავა, 1879 წ.).

მაგრამ ენთუზიაზმით ცნობილი ადამიანი მარტოდენ გარეშე მაყურებელი როდი ყოფილა. ის გახდა ცნობილი პოლიტიკური და საზოგადოებრივი წრის — „ვარშაველ პოზიტივისთა“ წევრი. ეს საზოგადოება მოღვაწეობის პირველ პერიოდში პროგრესულ როლს ასრულებდა. იგი აღუდგა წინ ნაციონალურ შეზღუდულობას, ე. წ. „წმინდა პოლონური ინტერესების“ სპეკულიაციით შლიახტიჩური რეტროგრადიზმის გავრცელებას. ამავე დროს ეკუთვნის არტურ ლაისტას დაახლოება ისეთ პოლონურ გამოცემასთან, როგორიც იყო „Athenetum“. მისი გამოცემელი სპასოვიჩი ერთ ხანს ერთა კულტურული დაახლოების პოზიციაზე იდგა. ასეთი გზა ფაქტიურად იმ პოლიტიკური კონსოლიდაციისაკენ მიდიოდა, რაც ერთი ძირითადი სიმპტომი იყო ინტერნაციონალიზმის იდეების გავრცელების წინ, მაგრამ, სამწუხაროდ, ამ სიმპატიურმა გამოცემამ ვერ გაუძლო ნაციონალური ბურჟუაზიის მიერ „პოლონური განსაკუთრებულობის“ რესტავრაციის ცოტუნებას.

ლაისტი ერთ ხანს „ათენაიუმში“ ათავსებს წერილებს მცირე ერთა კულტურული ღვაწლის შესახებ საკაცობრიო კულტურის საგანძურში. მოწინავე პოლონური საზოგადოებრივი აზრი კი ამ დროს უპყრიათ ისეთ ადამიანებს, რომლებსაც პირადად გაეცნო არტურ ლაისტა. ელიზეოქეშკო აღფრთოვანებულ წერილებს წერდა სალტიკოვ-შჩედრინს რუსული პრესის გამარჯვებათა გამო, ვრუბლევსკიმ დაჰგმო ნაციონალური სეპარატიზმი და პოლონელ ხალხს რუს ხალხთან პოლიტიკურ თანამშრომლობისაკენ მოუწოდა, ბოლესლავ პრუსი თავს ჩერნიშევსკის მოწაფედ სთვლიდა.

მართლაც და განსაკუთრებული იყო პრესის ისტორიაში 70-იანი წლები. ბეჰდვიითი სიტყვა უხილავი ძაფებით იყო დაკავშირებული ხალხთან. რუსეთი ირწეოდა ყრუ გუგუნით. რეაქციის შემოტევას საზოგადოებრივი აზრი რთული ტაქტით—შეტევით უპასუხებდა. ეპოქის ცნობილი პუბლიცისტი წარმოშობით პოლონელი — გრადოვსკი ასე ახასიათებს ამ ხელჩართულ ბრძოლას: „Мы постоянно были в наступательном положении относительно цензуры и под этим напором.



случалось, что она уступала сегодня то, что считали невозможным вчера“ (Градовский, „Итоги“, Киев, 1908 г. стр. 256),

მეტად საინტერესოა ცნობილი საზოგადოებრივი მოღვაწის გ. ზ. ელისევის დღიურები. სიკვდილის სარეცელს მიჯაჭვული პუბლიცისტი აღფრთოვანებული იყო ქვეშარიტი საზოგადოებრივი აზრის გამარჯვებით, რასაც გამოხატავდა ეზოპური ენის ლეგალური პრესა.

თუ მთავრობამ 1873-76 წლებში კონსტიტუციონალისტური კომედიის გათამაშებისას დაუშვა პრესის ერთგვარი შეღავათები, 1877-1878 წლებში იგი მთელი სიძულვილით უტევს მას, მაგრამ მონარქიზმი თავს ვერ ართმევდა ვერც საგარეო და ვერც საშინაო აწეწილობას. ამას კარგად გრძნობდა რუსეთის იმპერიის ყველა საღად მოაზროვნე მოქალაქე. საერთო სახალხო ოპოზიცია თავის უპირატესობებს არ სთმობდა. 1877 წლის 24 იანვარს სუსტი ვოგონას—ვერა ზასულიჩის მიერ გასროლილმა რევოლვერმა გამოაფხიზლა რუსეთის მღუმაღე წინააღმდეგობანი. ერთი წლის შემდეგ მთელ იმპერიას მოედო კვლავ ერთი სენსაცია. თბილისში მცხოვრებმა გამოჩენილმა პუბლიცისტმა ნიკო ნიკოლაძემ არც ერთი პირობა არ შეასრულა რეაქციის ეპოქის ცენზურისა: არ გამოაქვეყნა გარდაცვლილი დედოფლის აღსანიშნავი წერილი და არც შავი არშია შემოავლო თავის გაზეთს „ობზორს“. ეს გაზეთი მან მრავალი ხერხით აქცია თამამი პროგრესული აზრების ტრიბუნად. გაზეთის თანამშრომლებად შემოკრება საფრანგეთიდან —ანრი როშფორი, პოლონეთიდან დარი ბაგნიცი. დიდი ორგანიზატორული ნიჭის, პუბლიცისტური ავტორიტერის წყალობით ეს ორგანო აქცია ერთ ყველაზე უფრო თვალსაჩინოდ მთელ იმდროინდელ ლეგალურ პრესაში, რასაც აღიარებდნენ იატაკქვეშა გამოცემები ლონდონში და ციურისში. ეპოქის სახელმძღვანელო პუბლიცისტი ნ. ნიკოლაძე 1878 წელს მთავრობამ განსაკუთრებული დანაშაულისათვის სიველე სასამართლოს გადასცა. აქ ნიკოლაძემ სიტყვა წარმოთქვა, იგი არაღვალურმა მუშაქებმა ბროშურის სახით მთელ იმდროინდელი რუსეთის იმპერიის ბეჭდვითი სიტყვის ორგანოებს მოსდეს გადასაბეჭდად. ნიკოლაძის სიტყვა არსებითად თვითონ იყო უმქვევრმეტყველესი ბრალდება ძირმომპალი სახელმწიფო კანონმდებლობათა წინააღმდეგ. მთავრობა გრძნობდა, რომ ნიკოლაძის დასჯა ახალ აღვლებას გამოიწვევდა ხალხში. იგი დროებით იზოლირებულყვეს. გადასახლებაში მყოფ პუბლიცისტს აღფრთოვანებით სავსე წერილები მოსდიოდა ახალგაზრდობიდან; ნაცნობ და უცნობ მოღვაწეებიდან, შორეულ კუთხეებში მცხოვრები პუბლიცისტებიდან და სხვ. თანამგრძობთა შორის ერთ-ერთი შორეულ პოლონეთში მყოფი პუბლიცისტი არტურ ლაისტი იყო. იგი წერდა ნიკო ნიკოლაძეს:

„ბატონო!

რამდენიმე ხანია ჩემი ყურადღება დაპყრობილია ქართველებისა და სომხების ინტელექტუალური ცხოვრებით. ამ ერების ლიტერატურამ აღმაფრთოვანა. მე ვარ თანამშრომელი რამდენიმე პირველხარისხოვანი გერმანული გაზეთისა: „Allgemeine Zeitung“, „St.-Pet. Herald“ და სხვ. მეტად კმაყოფილად ჩავთვლიდი ჩემ თავს, რომ გერმანელებს,

ე. ი. ჩემს თანამემამულეებს, გაეცნო ქართული და სომხური ლიტერატურა...

მე თქვენ გთვლით ქართული პრესის ღირსეულ წარმომადგენლად და ქართველთა შორის ერთ-ერთ პირველ მწერლად. იმედი მაქვს, დახმარებას გამიწვეთ ჩემი სურვილების ხორცის შესასხმელად... ამის გარდა, ძლიერ გამაბედნიერებთ, თუ გამომიგზავნით თქვენს ჟურნალს „ობზორს“.

1880 წელს არტურ ლაისტი მეგობრების რჩევით ვარშავას გაეცლება. „საშოში მჩხრეკელობით დააფადებული“ პუბლიცისტი ვარშავის სასწავლო ოლქის „მზრუნველის“ და პოლიციის მეთვალყურეობის ორბიტში ექცევა. ის ვინც გაეცნობა წიგნს: *История es Wanderers* რომელიც ამ დროიდან იწერებოდა, აშკარად დაინახავს, თუ რაოდენ ისტორიული, პოლიტიკური ალღოიანობით აღსავსეა ლაისტის იმდროინდელი შეხედულებები. ნიჭიერი პუბლიცისტი იძულებული იყო ნებით გადასახლებულიყო ვოლინის გუბერნიის მიყრუებულ სოფელში. იგი აქ ერთ მემამულეს გაჰყავა შვილების აღმზრდელად. მდიდარ მემამულეს (რომელსაც ლაისტი თავის დღიურებში მხოლოდ და მხოლოდ „Z“-თი მოიხსენიებს) კამინკისეულ სასახლეში მეტად მდიდარი უცხოური ბიბლიოთეკა ჰქონდა. „ეს იყო ჩემი ცხოვრების საუკეთესო დრო“ — წერდა ერთგან ლაისტი. აქ შეეძლო მას შეევესო და გაეფართოებინა თავისი ცოდნის სამყარო. კამინკისეულ პერიოდში მას კიდევ უფრო გაუცხოველდა ინტერესი აღმოსავლური კულტურისადმი და კერძოდ ქართული კულტურისადმი. ეს ინტერესი, როგორც თვითონ ლაისტი წერდა, ფრიდრიხ ბოდენშტეტმა გამიძლიერაო. სახელმძოვნილი გერმანელი პოეტი ფრიდრიხ ბოდენშტეტი ახალგაზრდობისას საქართველოში ცხოვრობდა. იმ დროს ეს იყო პატივითა და დიდებით მოსილი, ერთ-ერთი უპოპულარეს მგოსანთაგანი არა მარტო გერმანიაში, არამედ სხვა ქვეყნებისათვისაც. საკმარისია გავიხსენოთ, რომ მისი „მირზა შაფის სომღერებმა“ და „ათას ერთმა დღემ აღმოსავლეთში“ პოეტის ცხოვრებაშივე გამოცემის საარაკო ციფრს მიადწია. იკითხებოდა ყველა ევროპულ ენაზე. სახელმძოვნილ გერმანელ მგოსანს ლაისტი პირადად გაეცნო 1881 წელს იტალიაში მოგზაურობისას. მოხუცმა პოეტმა გაიზიარა ახალგაზრდის აღფრთოვანება საქართველოთი და ქართველი ხალხით, ურჩია საკუთარი თვალით ეხილა „XIX საუკუნემდე მოღწეული რაინდი ხალხი“, გაეცნო მათი პოეზია.

ამავე წელს ლაისტი ქართული ენის სწავლას იწყებს ჩვეული ენთუზიაზმით. ერთი წლის შემდეგ იგი ქართულ ტექსტებს კითხულობს, თვალს ადევნებს ქართულ პრესას, რომელიც მას მეგობარ ქართველებიდან მოსდის. ერთი ახლად შექმნილი ქართველ მეგობართაგანი იყო დავით ერისთავი.

დავით ერისთავს არტურ ლაისტი ჯერ კიდევ ადრე იცნობდა თბილისურ და პეტერბურგულ გაზეთში მოთავსებული შესანიშნავი ფელეტონებით. ქართველმა დრამატურგმა აღუთქვა ლაისტს დახმარებოდა ქართული კულტურის გაცნობის საქმეში. დავით ერისთავი ცდილობდა ლა-

ისტორიკოსად გაცნობილი გამოჩენილ ქართველ მოღვაწეებს. ლაისტის იმავე ხანებში (1882 წლის 24 იანვარს) წერილს უგზავნის აკაკი წერეთელს:

„ჩემო ბატონო!

ბატონმა დავით ერისთავმა სიკეთე შიილთ და მომწერა თქვენი მისამართით. ვსარგებლობ, რათა გთხოვოთ დახმარება ზოგიერთ ლიტერატურულ საქმეში; რაც შეეხება თქვენს მშვენიერ სამშობლოს, უკვე რამდენიმე ხანია თვალყურს ვადევნებ თქვენი თანამემამულეების გონებრივ მოძრაობას; ვეცნობი თქვენს ისტორიას და მომავლისათვის თქვენს ღონისძიებასაც...

მე მხატვრული სიტყვის მსახური ვარ, ვწერ გერმანულად და პოლონურად. მინდა ვიტყვი ინტელექტუალური ურთიერთობის დამყარება ამ ორ ერსა და თქვენს თანამემამულეთა შორის... ამ შრომისათვის გასაღები—ქართული ენის ცოდნაა. თუმცა მე უკვე დავიწყე მისი სწავლა, მაგრამ, მგონია, ეს დაავგიანებს ჩემს მუშაობას...“

არტურ ლაისტი აკაკის შემდეგ მოუთხოვს, რომ ის მუშაობს ტრავგდიაზე, რომელიც მიუძღვნა თამარ მეფეს.

ქართველი მოღვაწეების დახმარებამ არტურ ლაისტს გააბედინა გერმანულ და პოლონურ ენებზე გადაეთარგმნა ქართული პოეზიის ნიმუშები და შეედგინა მათგან ალმანახი, რამაც შემდეგ საქმათ გამოხმარება გამოიწვია სხვადასხვა ევროპულ ენებზე. 1883 წელს გერმანელმა მწერალმა მშობლიურ ენაზე, ქურნალ „Magazin für Literatur“ გამოაქვეყნა ვრცელი წერილი ქართული ლიტერატურის შესახებ. სტატია და წერილი აკაკის გამოუგზავნა. ამის შესახებ ქართულმა პრესამ ვრცელი წერილები და თარგმანიც მოათავსა. ლაისტმა იმხანად ქართველი ხალხის საზოგადოებრივი ცხოვრების მანათობლის—ილია ჭავჭავაძის საქართველოში მიწვევის წერილი შიილთ. საქართველოში ჩამოსულამდე ხელმადლიანმა პუბლიცისტმა კიდევ რამდენიმე წერილი მოათავსა გერმანულ და პოლონურ პრესაში. მაგრამ ეს საქმარისი არ იყო... იგი ფიქრობდა თავისი ალმანახის დასრულებას, ამას გარდა, საქართველოზე დიდი წიგნის დაწერას. სააზისოდ კორესპონდენციებით სარგებლობა საქმარისი არ იყო...

1884 წლის 1/VI არტურ ლაისტი თბილისის სადგურის ბაქანზე პირველად მიუახლოვდა და ხელი ჩამოართვა მოწიწებით ქართველი ხალხის დიდ შვილს ილია ჭავჭავაძეს, რომელსაც გარს ეხვია სტუმრის დასახვედრად მოსული ქართველ მოღვაწეთა გუნდი. ამ პატივმა დიდად აღელვა გერმანელი ახალგაზრდა, რომელმაც თავისი სათქმელი ისევ ილიას ცნობილ სტრიქონებს მიანდო:

სამშობლო საყვარელო,  
შენ როსღა აყვავდებიო...

საქვა ზივისებური, არტურისეული ქართულით, რომელმაც ერთბაშად და სამუდამოდ გაფანტა უცხოობის უხერხულობა მოსულსა და დამხედურთა შორის...

ლაისტს ძლიერ აფიქრებდა თავისი როლი ქართველ მოღვაწეებთან და თვით ილიასთან შეხვედრა. ბუნებრივია, რომ ეს მისთვის უცხო ხალხი იყო. მას განსაკუთრებით ილია აინტერესებდა.

ლაისტი თავის დღიურებში იწერდა:

„პირველად ილია, თითქოსდა, ჩვეულებრივ მემამულედ მეჩვენა, ხოლო, როცა ახლოს გავიცანი, იგი ჩემს თვალში გაიზარდა: მე შეეკე-  
გენი, თუ რაოდენი სულისა და ჰკუის კაცი იყო. ხალხში ჩვეულებრივად  
სიმშვიდეს იცავდა: არასოდეს არ ცდილობდა ვინმე თავისი ცოდნითა და  
გონებით მოეხიზლა...“

თბილისში დიდხანს არ დაუყოვნებია სტუმარს, თუმცა შეხვედრის  
დღეების შთაბეჭდილებანი მეტად მკვეთრი იყო. ილიამ სტუმარი სა-  
გურამოში წაიყვანა. აქ ილიასთან საუბრებსა და მომავალი წიგნისათვის  
მასალების მომზადებას ასე იხსენებს არტურ ლაისტი:

„რა ნათელი დრო იყო: ხანგრძლივი საუბრები პოეზიისა და მშვენი-  
ერებათა შესახებ, საქართველოსა და მისი წარსულის შესახებ: საუბრები,  
რომლების დროს ბრწყინავდა მისი მდიდარი სული“.

პოლონეთში დაბრუნებულმა ლაისტმა გერმანელ გამომცემელს გა-  
უგზავნა თავისი პირველი დიდი წიგნი საქართველოზე: „Georgien, Na-  
tur, Sitten und Bewohner“ (ლაიფციგი, 1885). როგორც შეუნავიასადმი  
მოწერილი წერილებიდან ჩანს, ლაისტი ამავე ხანებში ამთავრებდა „ქარ-  
თველი პოეტების“ სასტამბოდ გამზადებას. ამავე წელს (1885) დაი-  
ბეჭდა ლაისტის მოგონებები საქართველოში ჩასვლის პირველი შთაბე-  
ჭდილებების შესახებ — „კოლხიდაში“.

1885 წელს 5 აგვისტოს არტურ ლაისტი საქართველოშია კვლავ. მას  
სიხარულით შეეგება ქართველი ხალხი. პრესამ ვრცელი წერილები მო-  
ათავსა ქართული კულტურის ელჩის შესახებ. ლაისტს ამ ჯერზე გან-  
ზრახული ჰქონდა განუსაზღვრელი დროით დარჩენილიყო საქართველო-  
ში, მას ხომ ბევრი ჰქონდა კიდევ გასაკეთებელი: რუსთაველის პო-  
ემა, ქართველი პროზაიკოსები, ქართული კულტურის სხვადასხვა დარ-  
გები. ყველა ამათი გაცნობისათვის სტუმრობა არ იყო საკმარისი.

ლაისტი ჩვეული ხელმარჯვეობით შეუდგა განზრახულის შესრულე-  
ბას: იგი უპირველესად „ქართველ პოეტებს“ მიუბრუნდა. ილიას, მაჩა-  
ბლის და შეუნარგიას დახმარებით დაიწყო რუსთაველის პოემის ტექს-  
ტის შესწავლა. ამასობაში იგი გულმოდგინედ ეცნობოდა ხალხის ცხოვ-  
რებას. აქაქისთან და დავით ერისთავთან ერთად თითქმის ყოველ შაბათს  
ესწრება ქართული დასის წარმოდგენებს. მალე იგი ქართული წარმო-  
დგენების მთავარი მონაწილეების—გ. აბაშიძის, საფაროვას, გუნიას და  
სხვათა განუყრელი მეგობარი და აღფრთოვანებული თაყვანისმცემელი  
გახდა.

1887 წელს დაიბეჭდა „ქართველი პოეტები“. ამ აღმანახს საკუთარ  
გაზეთში გამოეხმაურა ვრცელი წერილით გამოჩენილი გერმანელი პოეტი  
ფრიდრიხ ბოდენშტეტი. თითქოს ამ ეესტით მან თანაგრძნობის ხელი გა-

მოუწოდა ახალგაზრდობის დროის მის პოეტურ ნაესაყუდარ თბილისში მყოფ თანამემამულეს.

ლაისტი ბოლოს და ბოლოს თავისი მუყაითობით და ყურადღებ-  
ანობით აუცილებელი წევრი გახდა თვით ქართული საზოგადოების-  
თვისაც. ყველასათვის სასურველი სტუმარი, მეგობარი და თანამშრო-  
მელი. „ივერიის“ სხდომათა აუცილებელი მონაწილე, „ვეფხისტყაოს-  
ნის“ კომისიის წევრთაგანი, რაფიელ ერისთავის იუბილის, ლიტერატუ-  
რულ საღამოთა საპატიო დამსწრე—იგი ყველგან არის, სადაც არიან მისი  
დიადი მეგობრები: ილია, აკაკი და სხვები. აი როგორ იგონებს ლაისტს  
მანსვეტაშვილი: „ლაისტი გერმანელი იყო. კარგი განათლებული... რამ-  
დენი ცოდნა შეგვიძენია რედაქციის თანამშრომლებს იმისაგან. დაულა-  
ლავი მუშაკი, მედგარი მშრომელი. რა საქმესაც დაადგებოდა, მტკიცედ  
ადგა და მანამ მიზანს არ მიაღწევდა, გზას არ გადაუხვევდა. სულ ორ-  
სამ წელიწადში საფუძვლიანად შეისწავლა ქართული, თავისუფლად ლა-  
პარაკობდა, თავისუფლად წერდა...“

არტემ ახნაზაროვი „ივერიის“ საღამოებზე დამსწრე მუდმივ წრეში  
არტურ ლაისტსაც ასახელებს. ქართველი მწერლები უიმისოდ როდი  
მიდიან ქალაქგარეთ სანადიმოდა და სასეირნოდ. ტკბილმოუბარ ადამიანს  
ილიასთან ერთად საგურამოში მგზავრობისას დასტა-დასტად გერმანული  
და სხვა ევროპული წიგნები მიჰქონდა, რომელსაც ორნი მეორე კვირამ-  
დე საგზლად იზოგავდნენ. „ნეტარი იყო ის დღეები“ — იხსენიებდა ხში-  
რად ილიას შემდეგ ლაისტი.

1889 წელს არტურ ლაისტი თავისი წიგნების გამოცემის მოგვარების  
მიზნით ევროპაში მიემგზავრება. ერთ ხანს ის პოლონეთშია, შემდეგ  
გერმანიაში. „ქართველი პოეტები“ თავის გამოცემემელს—პიერსონს ჩაა-  
ბარა, საიმედოდ დაიგულა „ვეფხისტყაოსნის“ საქმეც, გერმანულ ქურნა-  
ლებში დაიწყო ქართული ლიტერატურის შესახებ წერილების წერა-  
მას არ ავიწყდება საქართველოში წერილების გამოგზავნაც. სწორედ ამ  
დროიდან დაიწყო „ივერიაში“ დასავლეთ ევროპის ცხოვრებისა და ხე-  
ლოვნების შესახებ ლაისტის სტატიების იმ ვრცელი სერიის ბეჭდვა,  
რომელიც გაგრძელდა 1906 წლამდე. ხელხვაიანი მწერალი უცხოეთში  
იწყებს თავის ავტობიოგრაფიული ხასიათის თხზულებს: „*Rudolf Bolts  
Wanderloben*“ -ის წერას. ევროპაშივე იბეჭდება მისი „სომეხი პო-  
ეტები“, „ლიტერატურული ესკიზები“. დაუღალავი ადამიანი მოგზაუ-  
რობს ავსტრიაში, იტალიაში, თურქეთში და სამი წლის შემდეგ (1892 წ.)  
ისევ საქართველოს უბრუნდება. საქართველოში ჩამოსული არტურ ლა-  
ისტი განაგრძობს მუშაობას ევროპაში დაწყებულ თავის შესანიშნავ  
წიგნზე—*„Tagebuch eines Wanderers“*, („მოგზაურის დღიურები“).

იტალიაში მყოფი გერმანელი მწერალი აღშფოთებულია პრუსიული  
რეჟიმის მძიმე ქუსლის შედეგებით.

„დიდებული და ხალისიანი, ხანდახან ამაზრზენი ამბებით საესე ქა-  
ლაქი ვენეცია ახლა დადუმებულა... როგორ იბოგინებს ხელოვნების  
მშვენიერების განცდა და სიცოცხლის ხალისი ამ რკინისებრი ჩაგვრისას?“—

კითხულობს წარმოშობით გერმანელი მწერალი გერმანულ ლანდსკნეხტენ-ბისაგან უზარმაზარ ყაზარმად ქცეულ ხელოვნების ქალაქის შესახებ.

„ნაღვლიანად გაეცქერო მომავალს, — წერს ის თავის დღიურებში ვენეციას ყოფნისას, — სულ სხვა ადამიანებს მოველი აქ მომავალში, ისინი დღევანდელზე უფრო საზრიანი საქმოსნები იქნებიან, მაგრამ მათში ჩამჭრალი იქნება ქვეშარიტი ხელოვნებით გატაცების უნარი. საით მივყუვართ ჩვენს ცივილიზაციას?“

— უდაბნოსაკენ, სადაც ერთფეროვნება, ერთგვარი აზრები დაისადგურებენ...“

ასეთია არც თუ ისე ცნობილი გერმანელი მწერლის ქვეშარიტად მეტად მახვილი ისტორიული აღლოიანობით ნაკარნახევი აზრი, იმპერი-ალიზმის კარიბჭეზე მდგარ ევროპის შესახებ.

„რომში, რომელიდაც ბაღში, ერთ უბრალო მემუსიკესა და სამხრეთ იტალიური სიმღერების შემსრულებელს მოუესმინე. ნაღველი აღმეძრა საქართველოზე“—წერდა ის და ახსენდებოდა ქვეყანა, რომელშიაც მან იგრძნო სიმწარე და სიტკბო სამკვიდროს სიყვარულისა.

„სამშობლოს ქონება ადამიანში იწვევს რიგ კეთილშობილურ თვისებებს. ადამიანები, რომლებიც წყდებიან სამშობლოს და წუთისოფელს ატარებენ, თანდათან ჰკარგავენ სიკეთის ილიალებს. მათი მისწრაფებანი მკვეთრად მერკანტილური ხდებიან“ წერდა ის ადამიანებზე, რომლებსაც ხედავდა შორეული ქვეყნების დიდ სავაჭრო ქალაქებში, რომლებსათვისაც ერთადერთი საკურთხეველი ეგოისტური ყოფა დარჩენილიყო ამქვეყნად.

ბრტურ ლაისტი, რაკი გული საგულეს დაიგულა, შეუდგა თავისებურ ხელხვაიან შრომას. ასეთი იყო 1892—1900-იანი წლები. ამ დროს დაიწყო თავისი დიდი შრომის „ქართველი ხალხის“ წერა („Das georgische Volk“ დრეზდენი, 1903 წ.) ამ ხანებში გამოსცა ხელმეორედ შეესებულ „ქართველი პოეტები“ (გამოვიდა 1900 წელს დრეზდენში) და „საქართველო“ („Georgia, Natur, Sitten...“) გამოდის „რუდოლფ ბოცის მოგზაურობანი“ (დრეზდენი-ლაიფციგი. 1897) „სომეხი პოეტები“ (დრეზდენი-ლაიფციგი, 1898), ამავე ხანებში დაამთავრა თავის მოქალაქეობრივი სითამამითა და სხვა მრავალმხრივ საინტერესო „მოგზაურის დღიურებიც“.

საქართველოში მყოფ ლაისტს განსაკუთრებით აინტერესებდა ქართული პროზის განვითარების საკითხები, ქართული ბიბლიოთეკის ევროპული კლასიკური ლიტერატურის ნიმუშებით შევსების ამბავი. ამ საქმის აფიტაციის მიზნით ის „ივერიაში“ ათავსებს ვრცელ წერილებს „ფრიდრიხ შილერი“, „იტალიის ხელოვნება და ლიტერატურა“, „სოფრება და მწერლობა სკანდინავიაში“, „ჰენრიკ სენკევიჩი და პოლონელები“ და სხვ.

1906 წელს ლაისტი თბილისელ განათლებულ გერმანელებთან ერთად აარსებს „გერმანულ-ქართველთა საკულტურო საზოგადოებას“, ამავე წელს მისი ხელმძღვანელობით გამოდის გაზეთი „Kavkasische Post“,

ჭარასავით ტრიალებდა წახალისებული გერმანელი მეგობარი: აქ

ქართველთა შორის ევროპული ტექნიკის გავრცელებისათვის იბრძვის, იქ სახელოსნო კურსებს აარსებს—გერმანელ ოსტატებს იწვევს თავის სამშობლოდან. აქედან გერმანიაში გასაგზავნად ქართველ სტუდენტებისათვის სახსრებს ეძებს. საამისოდ წინასწარ წერილებს სწერს თავის მეგობრებს გერმანელ ორიენტალისტებს. არ გადის ერთი კვირა, რომ თავისი დიდი მეგობარი ილია არ მოინახულოს. მათ ახლა უფრო მეტი შინაურული საერთო საქმეებიც აქვთ. მოხუც ილიას არტურთან ერთად თუნდაც მდუმარედ ყოფნა დიდ სიამეხა პვერიდა.

1907 წლის 21 აგვისტოს ლაისტი ჩვეულებისამებრ ესტუმრა ილიას. ეს იყო უკანასკნელი ხანგრძლივი ყოფნა ერთად. უხალისოდ გრძნობდა ილია თავს.

ერთი კვირის ერთად ყოფნის შემდეგ ილია, ოლა და ლაისტი თბილისში დაბრუნდნენ. ვერის დაღმართზე დაემშვიდობნენ ერთმანეთს მეგობრები.

„—ენახავთ ერთმანეთს!—მითხრა ილიამ,—წერდა ამ უკანასკნელი სიტყვების შესახებ ლაისტი, — მითხრა ილიამ, მაგრამ რაღაც დიღხანს ვუცქეროდი მიმავალს, სანამ მისი ეტლი მთლად არ მიიშალა ვერის დაღმართზე... განა წინასწარ გრძნობდა ჩემი გული, რომ ამის შემდეგ ვეღარ ვნახავდი, ეს იყო, უკანასკნელი ნახვა?“

მშვიდობით, მშვიდობით, ძვირფასო, დაუეიწყარო მეგობარო!..“

სამი დღის შემდეგ ილია საბედისწეროდ დაბრუნდა საგურამოსაკენ. მთაწმინდამდე მოაღწია საზარელმა ამბავმა „ილია მოკლეს“. ილიას განუყრელი მეგობარი პირველსავე ეტლით გაემართა მკვლელობის ადგილისაკენ..

• • •

ლამდებოდა... არაგვის ხეობიდან მწუხრი ისმოდა სვეტიცხოვლის ზარებისა, ილიას წმინდა შუბლიდან დანათხევ სისხლის ნაკვალევთან მუხლებზე დამხოვილ ნაცნობ „ლემენცს“ შორიახლო მდუმარედ დაპყურებდნენ გულმდუღარე, გულმართალი საგურამოელი გლეხები.

9 სექტემბერს სიონის ტაძრისაკენ გათენებიდანვე აუარება ხალხი დაიძრა. ეკლესიიდან ილიას წმინდა ცხედარი ცხვედაძემ, ანტონ ფურცელაძემ და არტურ ლაისტმა გამოასვენეს. უკან მისდევდა გულმდუღარე ხალხი. ერთი გრძნობითა და აზრით გაერთიანებულ ქართველთა ასეთი თავყრილობა ას წელზე მეტი ხანია სიონის ეკლესიის გალავნის კედლებს აღარ ენახა—წერდა პრესა.

• • •

ილიას სიკვდილის შემდეგ ლაისტმა იგრძნო, რომ სულ სხვაგვარად შეცვლილიყო ცხოვრება.. ათი წელი დუმდა ილიას მეგობარი. აღარა დაუწერია რა მის კალამს. მაგრამ მეგობრის სახელისათვის ზრუნვავზე ხელს რა ააღებინებდა..

1917 წელი.. ყველაფერი დაიძრა ადგილიდან. ქართული საზოგადოებრივი ცხოვრების ძველი ფორმუმის სავარძელზე წამოდგნენ ეპოქის ზარზემიანი მსვლელობის შესახვედრად ქართველი ხალხის შვილები. სამწუხაროდ, მათ ნაცვლად პირველ რიგებში საქართველოს უღირსნი— მენშევიკები გამოჩნდნენ, მაგრამ მათი პანტომიმა მალე ჩამოეცალა ერის მომავალ, ტრიუმფალურ მსვლელობას.

საქართველოს ერთგულ მეგობარს ბევრჯერ ასმინეს მენშევიკებმა ილიას აუგად ხსენება. მან პირველმა აღიმალა მათ წინააღმდეგ ხმა და დაიწყო ქურნალ „განათლებაში“ დიდ ეროვნულ მოამაგებზე მოგონებების წერა.

„საგურამოს სახლებში, დიდი ხანია, რაც სიწყნარეა და სიცარიელე, მაგრამ XIX საუკუნის მეორე ნახევრის ლიტერატურასა და საზოგადოებრივ ცხოვრებაში ეს კუნძული უდიდეს როლს თამაშობდა და მისი მოგონება სამუდამოდ შეერთებულა საქართველოს ახალს გონებრივ ცხოვრებასთან.“

ამ სიტყვებს წერდა ლაისტი ილიას დაბადების დღეებში; წერდა მაშინ, როდესაც მეგობრებმა გააფრთხილეს, ხელი აეღო ილიას სახელზე. „მეტრისმეტი ზრუნვისაგან“ საშიშ დროს.

1919 წელს „საქართველოს რესპუბლიკის წერა-კითხვის გამავრცელებელ საზოგადოებას“ ლაისტმა სთხოვა დაებეჭდათ მისი მოგონებები. ამ რეზზე ვერ შეუსრულეს თხოვნა მას. ქართული საზოგადოებრივი ცხოვრება კვლავ ძველს დიდსა და დარბაისლურ ჩვეულ გზას გაპყვა. ქართველი მწერლების ინიციატივით 1922 წლის 12 სექტემბერს ილიას გარდაცვალებიდან 15 წლისთავი გადაუხადეს. ქართველი მწერლების მადლიერ გუნდთან ერთად იყო ამ შემთხვევის გამო გახარებული ილიას მეგობარიც.

ამ ხანებში ქართული კულტურის პოპულარიზაციის მოამაგეს ხელი გაუწოდეს თედო სახოკიამ და ალექსანდრე აბაშელმა. გამოვიდა პირველი წიგნი ლაისტის „საქართველოს გულისა“.

მოხუცებულობისას კვლავ ხალისიანად დასტრიალებდა ქართულ საზოგადოებრივ საქმეებს. ის „სრულიად საქართველოს ხელოვანთა და მწერალთა კავშირის“ საპატიო წევრთა რიგს ეკუთვნოდა. ქართული გაზეთებში: „ქართული სიტყვა“, „ზახტრიონი“, „ილიონი“, „რუბიკონი“, „ლომისი“, „თემი“ გამუდმებით იბეჭდებოდა ქართველი ხალხის ერთგული მეგობრის წერილები.

1922 წელს პრესამ საზოგადოებას აუწყა XIX საუკუნის მეორე ნახევრის ქართული საზოგადოებრივი ცხოვრების მოწამისა და თანაზიარის იუბილეს გადახდის შესახებ. გაზეთების ფურცლებზე დაიბეჭდა ვალერიან გუნიას, თ. სახოკიას, კონსტ. გამსახურდიას, ხომლეღის და სხვების გულთბილი წერილები.

22 ოქტომბერს დიდძალი ხალხი შეიკრიბა კონსერვატორიის დარბაზში ილიას განუყრელი მეგობრის და ქართული მადლიანი სიტყვის კიდით



ვიდემდე გამავრცელებლის 40 წლის მოღვაწეობის აღსანიშნავ საღამოზე. ზეიმში მონაწილეობა მიიღეს უცხოელებმაც. სიტყვები, მოლოცვები აღევებდა მოხუცს. ამ საღამოზე უწოდეს მას სწორედ „ჩვენი დროის აბო“.

„ქართველმა იცის თავისიანის დაფასება“—გაახსენდა არტურს ილიას, ვიერ 40 წლის წინათ ნათქვამი სიტყვები მასთან პირველა შეხვედრისას.

• • •

მთაწმინდაზე, ძველისძველი სვეტებიანი სახლის ფანჯარასთან მოგონებების წერაში აღამდებოდა არტურ ლაისტს. მოკრძალებული არტურ ლაისტი მოხუცებულის სუსტი ხელებით მოწიწებით ტოვებდა მოგონებებს რედაქციების მაგიდაზე. „ქართველები და ზღვა“, „ქართველი ქალები“, „საქართველოს სილამაზე“, „ჩემი მოგონებები საქართველოში“, „ქუთაისი“, „ვაჟა-ფშაველა“, „ქართული ბალი“ და სხვ. კვლავ ახარებენ მკითხველის გულსა და გონებას თავისებური, არტურისეული კალმის მაღლით.

დღესაც ახსოვთ მთაწმინდელებს საღამოობით 7-8 საათზე დასასვენებლად „სასამართლოს“ ქუჩის „ტროტუარზე“ გამოსული გამხდარი, მუდამ გამართულად მოსიარულე მოხუცი. ახლომყოფებს ისიც ახსოვთ, რომ მასთან საღამოობით მოდიოდნენ ხშირად თედო სახოკია, გერონტი ქიქოძე, ალექსანდრე აბაშელი, ილიასა და მისი პირადი მეგობარი, კარის მეზობელი და ექიმი ტიტე ქიქოძე და სხვ. დიდი მეგობრის გარდაცვალებიდან 22 წლისთავი სრულდებოდა იმ წელს. მოხუცი ცოლ-ქმარი ლაისტები ჩვეულებისამებრ შაბათ დღეს ავიდნენ საგურამოში მისახედ-მოსახედად.

გაზაფხულის დამდეგს არტურ ლაისტს ფილტვების ანთება დაემართა, ლოგინად ჩავარდა და აღარც ამდგარა. გონს მოსულს თავთ მეგობრები ედგნენ. მათ პირველი ის სთხოვა „ნაწერები შემიწახეთო“. მთელ ევროპაში ნამყოფ ფურცლებს შორის, რომელიც იხსენიებდნენ მის შორეულ მოგზაურობას და მის კარგ ახალგაზრდობას, ტკბილად მოსაგონარს მოხუცისათვის, ერთი ახალი ფურცელი ერია. აქ ასეთი რამ იყო ქართულ ენაზე არტურის ნაცნობი ხელით წარწერილი:

„მაპატიე ჩემო პატარა, სამშობლოსნაცვალო — საქართველო, თუ ჩემი მცირი (მწირი) ღვაწლით ღირსი არა ვარ შენს წმინდა მიწაზე დასაფლავებისა“. ეს ხომ არ იყო ავტოეპიტაფია დიდი ქართველების სახელს შებერებულ უცხოშობილ მეგობრისა?

თეიმურაზ ფირალიშვილი

## შ ე ნ ი შ ვ ნ ე ბ ი

გვ. 3. ლ ა ი ს ტ ი ამ მოგონებებს წერს სიცოცხლის ბოლო ხანებში-  
გაზრთ „თემის“, „საქართველოს“, „ქართული სიტყვის“, „ბაბტრიონისა“  
და სხვებისათვის. მოგონებათა ერთი ნაწილი, როგორც ქართველი მოლ-  
ვაწეები (თ. სახოკია, გ. ლეონიძე და სხვ.) პირად საუბარში აღნიშნავ-  
დნენ, დაიწერა სახელდახელოდ, თვით რედაქციის მაგიდაზე. რამაც გა-  
მოიწვია როგორც გამეორებები, ისე ფაქტობრივი შეცდომები. პირველ  
მოგონებაში („პირველად ილიასთან“, გვ. 3) ილიასთან შეხვედრას ათა-  
რიდებს 1885 წლით, მეორეში კი („ილიას ახლობლები“, გვ. 6) 1886  
წლით. ლაისტი საქართველოში პირველად ჩამოვიდა 1884 წლის ივნისის  
დამდეგს. მაშინ ილია ორმოცდაშვიდი წლისა იყო და არა ორმოცდახუ-  
თისა. საქართველოში ლაისტი ხელმეორედ 1885 წელს ჩამოვიდა და სა-  
მუდამოდ დასახლდა აქ.

გვ. 3 „ღ რ ო ე ბ ა“ დაიხურა 1885 წლის 16 სექტემბერს (ძველი  
სტილით) შინაგან საქმეთა სამინისტროს განკარგულებით მთავრობის სა-  
წინააღმდეგო მიმართულების გამო. მართალია, ამ პერიოდში „ღროება“  
და „ივერია“ საკუთარი პროგრამით გამოდიოდნენ, მაგრამ პირველის  
დახურვის გამო „ივერია“-„ღროების“ თანამშრომლები ერთ ორგანოში—  
ახალ „ივერიაში“ გაერთიანდნენ.

გვ. 4. ლ ა ი ს ტ მ ა ქართული პოეზიის აღმანახის „*Centri che Dich-  
ter*“ შედგენისათვის მუშაობა დაიწყო ჩერ კიდევ ადრე 1880-81 წლებ-  
ში. საქართველოში მან ილიას უშუალო დახმარებითა და სხვა ქართველ  
მოღვაწეთა (ი. მეუნარგია, რ. ერისთავი და სხვა) შემწეობით შეამოწმა  
და შეავსო თავისი თარგმანები. გამოსცა 1887 წლის ლაიფციგში  
„ქართველი პოეტების“ სახელწოდებით.

გვ. 6. ნ ი კ ო ც ხ ვ ე დ ა ძ ე (1845—1911) — ცნობილი ქართველი სა-  
ზოგადო მოღვაწე, პედაგოგი. „ქართველთა შორის წერა-კითხვის გამა-  
კრებლებელი საზოგადოების“ ერთ-ერთი დამფუძნებელი.

გვ. 9. ვ ა ლ ე რ ი ა ნ გ უ ნ ი ა (1864—1938)—ქართველი თეატრა-  
ლური მოღვაწე და ლიტერატორი, მისი რედაქტორობით გამოდიოდა  
„საქართველოს კალენდარი“, რომელშიაც მან აღნიშნა არტურ ლაისტის  
საქართველოში მოღვაწეობის ოცი წლის თავი. ვ. გუნია 1884 წლიდან

მუშაობდა ილიას „ივერიაში“. ამ დროიდან გუნია უახლოესი მეგობარია-  
არტურ ლაისტისა.

გვ. 9. დ ა ვ ი თ ე რ ი ს თ ა ვ ი (1817—1890)—გამოჩენილი ქარ-  
თველი კომედიოგრაფის გიორგი ერისთავის ვაჟი, ცნობილი ქართველი  
მოღვაწე, ჟურნალისტი, დრამატურგი და მწერალი. 70-იანი წლებიდან  
მხურვალე მონაწილეობას ღებულობდა ნიკო ნიკოლაძის გარშემო შე-  
მოკრებილ იმ პუბლიცისტთა საქმიანობაში, რომლებიც რუსული პრე-  
სის ფურცლებზე გამოდიოდნენ ქართული კულტურის პრესტიჟის დაუ-  
ვის დროში. ლაისტი მას უახლოვდება ჭერ კიდევ 1881 წელს პეტერ-  
ბურგში. ერისთავი 1886 წლიდან ახლო დგება „ივერიასთან“.

გვ. 10. ვ ა ს ო თ უ მ ა ნ ი შ ვ ი ლ ი (1857—1912)—ცნობილი ქარ-  
თველი რეჟისორი და ლიტერატორი, ქართველი პოეტისა და საზოგა-  
დო მოღვაწის მიხეილ თუმანიშვილის ვაჟი, მძა ქართველი პუბლიცისტე-  
ბის—გიორგი და კონსტანტინე თუმანიშვილებისა. თეატრისადმი ინტერე-  
სი თუმანიშვილს ადრევე გამოუმჯღავენებია. ჭერ კიდევ გიმნაზიაში სწავ-  
ლის დროს მას მონაწილეობა მიუღია როგორც სცენის მოყვარეთა, ისე.  
პროფესიონალთა მიერ გამართულ წარმოდგენებში. გიმნაზისტ ვასოს  
მოსკოვის მცირე თეატრის ცნობილმა მსახიობმა პრავდინმა „რეპეტილო-  
ვის ბრწყინვალე შემსრულებელი“ უწოდა. 70-წლებში ვ. თუმანიშვილი  
მოსკოვის პოლიტექნიკურ სასწავლებელში სწავლობდა, შემდეგ კი —  
პეტროვ-რაზუმოვსკის აკადემიაში ამ პერიოდში იგი მეტი ყურადღებია:  
ეკიდებოდა თეატრალურ განათლებას, ვიდრე საინჟინრო საქმეს. საქართ-  
ველოში ჩამოვიდა როგორც უკვე განათლებული რეჟისორი. 1888—88  
წლებში თუმანიშვილი ხელმძღვანელობდა ქართულ დასს.

გვ. 10. წ ე რ ი ლ ი დ ა ი წ ე რ ა გ ა ზ ე თ „თ ე მ ი ს ა თ ე ი ს“  
1912 წ ე ლ ს. ამ დროს გამოჩენილი ქართველი მოღვაწე ილია წინა-  
მძღვრიშვილი ცოცხალი იყო და განაგრძობდა თავდადებულ მუშაობას.  
ლაისტი აქ წერს, თითქოს წინამძღვრიანთკარის გარდა მსგავსი ტიპის  
სკოლა იმ დროს საქართველოში არ არსებობდა. ეს არ არის სწორი. ამ-  
გვარი სკოლა იყო სოფელ ავლევეში (გორის რაიონი), იგი დააარსა განათ-  
ლებულმა აგრონომმა კონსტანტინე ამირეჯიბმა.

გვ. 12. კ ო ნ ს ტ ა ნ ტ ი ნ ე მ უ ხ რ ა ნ ბ ა ტ ო ნ ი — სამხედრო-  
პირი, ილიასთან დაახლოებულთაგანი. კ. მუხრანბატონმა რუსეთ-თურ-  
ქეთის ორივე ომის დროს დიდად გამოიჩინა თავი, მას არა ერთხელ  
უბოძეს მაღალი ხარისხის ჯილდო. 80-იან წლებში იგი პენსიაზე გადა-  
ვიდა და სამოქალაქო საქმიანობაში ჩაება, რამდენიმეჯერ იყო არჩეული  
თბილისის გუბერნიის თავადაზნაურობის წინამძღვრად.

გვ. 12. ბ უ რ ს ა კ ი — ბურსა თავისებური პანსიონი იყო უკრაინაში.  
მისი აღზრდილები, როგორც გოგოლი აღნიშნავს, თავნება და აღვირაბ-  
სნილი ხასიათის ყმაწვილები იყვნენ. ხიზანიშვილის ბურსაკობაში იგუ-  
ლისხმება მისი დაუდგრომელი ხასიათი და ცინიკური გულახდილობა.

გვ. 15. გ ა ბ ა შ ვ ი ლ ი გ ი გ ო (1862—1936)—ქართული ფერწერის.  
გამოჩენილი ოსტატი. 1888 წელს დაამთავრა პეტერბურგის აკადემია.

ამავე წელს დაბრუნდა საქართველოში. გაბაშვილის შემოქმედებაში ქართულ თემაზე დაწერილი ტილოებია: „მძინარე ხევსური“, „მოდარაჯე ხევსურები“, „ალავერდობა“, რომლებშიაც უკვე ნათლად გამოიკვეთა ავტორის განთავისუფლება აღრინდელ ბურჟუაზიულ-სალონური უიდეო ხელოვნების თემატიკიდან. ცხრაასიან წლებში გაბაშვილმა დახატა რამდენიმე ცნობილი მოღვაწის პორტრეტი, მათ შორის, ილია ჭავჭავაძისა. ეს პორტრეტი მან დაიწყო ილიას სიცოცხლის უკანასკნელ წელს და დაასრულა წიწამურის ტრაგედიის შემდეგ. 1922-31 წლებში გაბაშვილი თბილისის სამხატვრო აკადემიის პროფესორად მუშაობდა. გამოჩენილ ქართველ მხატვარს ორასამდე სურათი ეკუთვნის, რომელთა საგრძნობი ნაწილი ქართული ფერწერის საუკეთესო ნიმუშს წარმოადგენს.

გვ. 15. ილია ოქრომჭედლი შვილი (სერებრიაკოვი) — ცნობილი ქართველი საზოგადო მოღვაწე, ლიტერატორი და ფილოლოგი, მოსკოვის ლაზარევის ინსტიტუტის ქართული ენისა და ლიტერატურის პროფესორი. ოქრომჭედლიშვილი ილიასთან დაახლოებული პიროვნება იყო. სამშობლოში დაბრუნების შემდეგ დიდ მონაწილეობას ღებულობდა ქართულ საზოგადოებრივ საქმიანობაში. მის კალამს ეკუთვნის ბევრი პუბლიცისტური წერილი, რომლებიც გაბნეულია ქართულ პერიოდულ გამოცემებში.

გვ. 16. გოტფრიდ მერტახერი (1863—1926) — გერმანელი გეოლოგი და მწერალი, გულმოდგინედ შეისწავლა ტიან-შანის და კავკასიის მთიანეთი, რომლის მწვერვალებზე არა ერთხელ ასულა იგი. 1890-91 წლების ალპინისტური გადასვლების დროს მან ინახულა საქართველოს მთიანეთი, რომელსაც უძღვნა ლაისტის მიერ დასახელებული წიგნი „კავკასიონის მაღალ მთიანეთიდან“. მერტახერმა მეტად მდიდარი მასალა დატოვა კავკასიის გეომორფოლოგიიდან, კარტოგრაფიიდან და სხვა დარგებიდან.

გვ. 17. გიგო ყიფშიძე (1859—1923) ცნობილი ქართველი პუბლიცისტი. 1886 წლიდან ილიას მოწვევით „ივერიის“ რედაქციაში იწყებს მუშაობას რედაქტორის თანაშემწედ. ლაისტი თავის მოგონებებში არა ერთხელ აღნიშნავს, გ. ყიფშიძე ილიას მარჯვენა ხელი იყო „ივერიის“ გამოცემაში. 80-იანი წლების მანძილზე რამდენიმე წერილი დაბეჭდა ისტორიის და ხელოვნების საკითხებზე „ივერიაში“. მის კალამს ეკუთვნის თარგმანებიც.

გვ. 17. ილია ბახტაძე (ხონელი) (1858—1900) — ქართველი პუბლიცისტი, სწავლობდა პეტერბურგის უნივერსიტეტში. ამ დროს მონაწილეობდა ქართულ და რუსულ პერიოდულ გამოცემებში. 1886 წლიდან რეგულარულად თანამშრომლობდა გაზეთ „კავკაზში“, ამავე ხანებში „ივერიაში“ და თითქმის ყველა ადგილობრივ გამომცემლობაშიც იწყებს თანამშრომლობას.

გვ. 17. ალექსანდრე ნანეიშვილი — ქართველ ხალხობანთა მოძრაობის ერთ-ერთი თვალსაჩინო წარმომადგენელი, განათლებით

ეკიმი. 80-იან წლებში იწყებს პუბლიცისტურ მოღვაწეობას. თანამშრომლობდა „იმედში“, შემდეგ „ივერიაში“. 1883 წელს მთავრობამ სხვა ხალხოსნებთან ერთად გადაასახლა ციმბირში, საიდანაც დაბრუნდა 1887 წელს. ამის შემდეგ ნანეიშვილი უმაღლესი ჩაერთო ქართველ პუბლიცისტურ წრეში. მისი წერილები იბეჭდება „ივერიაში“, „ნოვოე ობოზრენიეში“ და სხვ. სიცოცხლის უკანასკნელ წლებში ნანეიშვილი მუშაობდა ქუთაისის ბანკსა და შავი ჭვის მრეწველთა საბჭოში.

გვ. 19. დ ა ვ ი თ შ ი ქ ე ლ ა ძ ე (მეველე) (1844—1918) — ცნობილი ქართველი პუბლიცისტი და საზოგადო მოღვაწე. უმაღლესი განათლება საფრანგეთში მიიღო, საიდანაც გაზეთ „დროებისათვის“ კორესპონდენტობას აგზავნიდა. 1873 წელს მან ნიკოლაძესთან და სხვებთან ერთად პეტროგრადიული ჟურნალი „დროში“ გამოსცა. საქართველოში ჩამოსვლის შემდეგ მიქელაძე თანამშრომლობდა „დროებაში“, რომლის დახურვის შემდეგ (1885 წ.) „ივერიაში“ გადავიდა. 90-იან წლებში მიქელაძე „ივერიის“ რედაქციის გამგე და ფაქტიური რედაქტორიც იყო.

გვ. 19. ა ლ ე ქ ს ა ნ დ რ ე ს ა რ ა ჭ ი შ ვ ი ლ ი (1851—1914) — ქართველი საზოგადო მოღვაწე. უმაღლესი განათლება ენეევამიშილო, საიდანაც „დროებას“ აწვდიდა წერილებს. საქართველოში დაბრუნებისას ჟურნალ „მოამბეში“ დაბეჭდა წერილები „ვეფხისტყაოსნის“ ყალბი ადგილების შესახებ, რამაც საკმაოდ სერიოზული ლიტერატურული რეპუტაცია შეუქმნა ქართველ საზოგადოებაში. 1884 წელს სარაჯიშვილმა ილია ჭავჭავაძესა და პ. უმიკაშვილთან ერთად გამოსცა „ვისრამიანი“.

გვ. 20. ე კ ა ტ ე რ ი ნ ე გ ა ბ ა შ ვ ი ლ ი — იყო პირველთაგანი, რომელიც გაიცნო არტურ ლისტმა მასთან (ლისტთან) შეხვედრის გამო მოწყობილ სადილზე ილია ჭავჭავაძესთან 1884 წლის პირველ ივნისს. ეს იყო პირველი სტუმრობა მწერალი ქალისა ილია ჭავჭავაძის სახლში, რასაც ის სიცოცხლის დასასრულს იგონებს.

გვ. 20. ს ტ ე ფ ა ნ ე ჭ რ ე ლ ა შ ვ ი ლ ი (1859—1917) — ქართველი ხალხოსანი, მიშა ყიფიანთან, ალ. ნანეიშვილთან, ალ. ჯაბადართან და ეასილ ცეცხლაძესთან ერთად იგი მონაწილეობასღებულობდა თბილისის არალეგალურ პოლიტიკურ წრეში. სხვა წევრებთან ერთად ისიც გააციმბირეს 1883 წელს. ჭრელაშვილი ილიას უახლოვდება 1888-89 წლებში. სტეფანე ჭრელაშვილი ქართულ პუბლიცისტულ ცნობილია როგორც ჟურნალ „იმედის“ თანამშრომელი. 1883 წელს ციმბირში გადასახლებული „ივერიას“ სამოსა და ატალას ფსევდონიმებით წერილებს უგზავნიდა.

გვ. 20. ლ ე ვ ა ნ ჭ ა ნ დ ი ე რ ი — ილიას სკოლისდროინდელი აზნავი და შემდეგ უახლოეს მეგობართაგანი. ჭანდიერი მსახურობდა თბილისის მაზრის და შემდეგ სოხუმის ოლქის უფროსად. ცხრაასიან წლებში სამრეწველო საქმიანობას ეწეოდა. ჭანდიერი ილიას ოჯახის ხშირი სტუმარი იყო. სახელგანთქმული კახური სიმღერების შემსრულებელი ბევრჯერ იყო ილიას დღეობის დამამშვენებელი.

გვ. 20. დ ა ვ ი თ ს ა რ ა ჭ ი შ ვ ი ლ ი (1848—1911) — ცნობილი ქართველი მრეწველი და საზოგადო მოღვაწე. 1871 წელს დაამთავრა

პაიდელბერგის უნივერსიტეტი, იქვე დაიცვა სადოქტორო დისერტაცია. სარაჯიშვილი სამშობლოში დაბრუნებამდე უცხოეთში მეღვინეობის საქმეს სწავლობდა, საქართველოში ჩამოსვლის შემდეგ აქაც მეღვინეობას ვიპყო ხელი. დავით სარაჯიშვილის სახლი 1880—90-იან წლებში ქართველ მოღვაწეთა საკრებულო იყო, აქ 1882 წელს ილიამ წაიკითხა თავისი „განდევილი“ და 1887 წელს „ოთარაანთ ქერივი“. დ. სარაჯიშვილმა პირველმა დააბინავა არტურ ლაისტის უფასოდ თავის სახლში, რასაც გერმანელი მწერალი მრავალგზის იხსენებს თავის მოგონებებში.

გვ. 22. პეტრე მირიანაშვილი (1860—1940) — მრავალმხრივი ქართველი საზოგადო მოღვაწე: ლიტერატორი და სწავლული ფილოლოგი, ჟურნალისტი და პედაგოგი. იგი წარსული საუკუნის 90-იანი წლებიდან 1930 წლამდე მხარდამხარ მისდევდა ქართულ საზოგადოებრივ ცხოვრებას. პ. მირიანაშვილი სწავლობდა პეტერბურგის უნივერსიტეტში. 1884 წელს სწავლა განაგრძო სორბონის უნივერსიტეტში, სადაც დაამთავრა ისტორია-ფილოლოგიის ფაკულტეტი. მისი ლიტერატურული მოღვაწეობა იწყება 1880 წლიდან გაზეთ „დროებაში“. შემდეგ გამუდმებით მონაწილეობს „ივერიასა“, „მწყემსსა“, „შრომასა“, „სახალხო გაზეთსა“, „მოამბესა“, „თემსა“ და სხვ. მრავალში. პ. მირიანაშვილმა ქართველ მკითხველს მიაწოდა, გარდა თავისი მეტად სერიოზული მეცნიერული შრომებისა, გოეთეს „ფაუსტი“, პომეროსის „ილიადა“ და „ოდისეა“, ევრიპიდეს „მედეა“, ესქილეს „მიჩაქვეული პრომეთე“ და სხვათა მთლიანი თუ ნაწილობრივი თარგმანი. ქართული საზოგადოების უფართოესი წრე მას იცნობს როგორც ოპერა „აბესალომ და ეთერის“ ლიბრეტოს ავტორს.

გვ. 23. ოთარაანთ ქერივის შემოქმედებითა ისტორიამ და ილიას საუბრებმა ახალი ქართული პროზის განვითარების გზების შესახებ, ძლიერი გავლენა მოახდინა არტურ ლაისტზე. ეს კარგად მოჩანს მთხრობებში „ვარო“, „ნინო ვარაპანიძე“, ეს ორივე დაწერილია „ოთარაანთ ქერივის“ პრობლემებთან დაკავშირებით. მოთხრობები გერმანულიდან ვანო მაჩაბელმა თარგმნა. ქართულად გამოქვეყნებულ „ნინო ვარაპანიძეს“ (იხ. ჟურნალი „მოამბე“, 1885, 1—2—3—4) გამოეხმაურა ცნობილი ქართველი კრიტიკოსი კიტა აბაშიძე („ივერია“, 1895, № 211—212). თხზულების ნაკლთან ერთად იგი აღნიშნავდა ამ ქართულ ოეაზე დაწერილ მოთხრობის „ახალი სულის“ შესახებაც. კიტა აბაშიძე გულისხმობდა სოციალური კრიტიკის გამახვილებას.

გვ. 31. სტაროსელსკები — სტაროსელსკებთან ილიას მოყვრობა ჰქონდა. დიმიტრი სიმონის ძე სტაროსელსკი — 70-იან წლებში საქართველოში მეფისნაცვლის მოადგილე — ილიას ქვისლი იყო და მამულებიც ახლოს ჰქონდა. ლაისტის მიერ ნახსენებ დროს კი დ. ს. სტაროსელსკი ბაქოში ცხოვრობდა. მამულის მართვა მთლიანად მოურავზე ჰქონდა მინდობილი.

გვ. 36. ვლადიმერ მიქელაძე — 1880 წლიდან თანამშრომლობდა რუსულ და ქართულ პრესაში — „დროება“, „ივერია“, „ტიფ-

ლისსკი ვესტნიკ“-ში და სხვ. ათავსებდა წერილებს, ფელეტონებს, ლიტერატურულ ნარკვევებს და ლექსებსაც. პროფესიით მასწავლებელი იყო, ასწავლიდა მსოფლიო ისტორიას. ქართულ საზოგადოებაში ცნობილი იყო თავისი ორატორული ნიჭით.

გვ. 36. ანდრია ლულაძე (1858—1920) — ჟურნალ „ნობათის“ რედაქტორი; ერთ ხანს თანამშრომლობდა „ივერიაში“ და „პიესებსაც“ თარგმნიდა ქართული სცენისათვის.

გვ. 40. თავისი წიგნების „საქართველოს“ და „ქართველი ხალხის“ მასალების შეკრების მიზნით არტურ ლაისტმა 1887 წელს ზაფხულში დასავლეთ საქართველოში იმოგზაურა. მას თან ახლდა ლავრენტი მგელაძე — ფოტოგრაფი. ერთ ხანს გერმანელ მეგობარს მოგზაურობაში ამხანაგობა გაუწია გიორგი წერეთელმაც.

გვ. 40. პროფესორი ბერტელონი — აქ უთუოდ იგულისხმება ფრანგი მეცნიერი ბერტელო. ბერტელო საქართველოში სწორედ ამ დროს იყო. მისი სამეცნიერო შრომებით დაინტერესებულა ქართველი პედაგოგი ლუარსაბ ბოცვაძე. ბერტელოს ეკუთვნის მეცნიერული გამოკვლევა „ბუნება და ზეობა“, რომელიც თარგმნილია ქართულადაც (იხ. „განათლება“, 1916, № 11).

გვ. 40. ვასილ ველიჩკო (1860—1903) — რუსი პოეტი, 90-იან წლებში საქართველოში ცხოვრობდა, აქ ცოტა ხანს გაზ. „კავკაზს“ რედაქტორობდა. ეს ადამიანი მთელი თავისი ენერჯიით ემსახურებოდა გარუსებინა და ასიმილაციის საქმეს, ამისათვის, უპირველესად, იღვწოდა ქართული სკოლებიდან მშობლიურ ენის განდევნისათვის. ვორონცოვ-დაშკოვის დანიშვნის შემდეგ ველიჩკო რუსეთში გადავიდა, სადაც გაზეთ „ნოვოე ვრემიას“ საშუალებით კვლავ განაგრძო კავკასიის ერებზე „ზრუნვა“.

გვ. 41. კარლ ლემან-ჰაუპტი — გამოჩენილი გერმანელი ორიენტალისტი, არმენოლოგი და ქართველოლოგი, იტორი წიგნისა: „Armenien einst und jetzt“, სადაც, როგორც ლაისტის აღნიშნავს, აღწერილია ილია ჭავჭავაძესთან სტუმრობა. ლემან-ჰაუპტი გრაციის უნივერსიტეტის პროფესორი შუხარტთან და სხვებთან ერთად სიცოცხლის ბოლომდე დიდი პატივისმცემელი იყო ილიასი, რომლის სიკვდილის გამო მან სხვა ქართველოლოგების კვალად უცხოურ პრესაში ვრცელი ნეკროლოგი მოათავსა.

გამოჩენილი ორიენტალისტი ლემან-ჰაუპტი 1936 წელს საქართველოში ჩამოვიდა და თბილისის უნივერსიტეტში წაიკითხა მთელი სერია ლექციებისა.

გვ. 56. „დროება“ ვ. მაჩაბელის რედაქტორობით გამოდიოდა 1883—1885 წლებში. „დროება“ დაარსდა 1866 წელს და პირველად გამოდის გ. წერეთლის რედაქტორობით. 1869—1873 წ. წ. მას რედაქტორობდა სერგეი მესხი, 1880—1881 წლებში — კირილე ლორთქიფანიძე, 1874—1883 წლებში კი — კვლავ სერგეი მესხი. სერგეი მესხის გარდაცვალების გამო 1883 წელს გაზეთს სათავეში ჩაუდგა ვანო მაჩა-

ბელი. გაზეთი დაიხურა 1885 წელს შინაგან საქმეთა სამინისტროს ბეჭდვითი სიტყვის დეპარტამენტის განკარგულებით. ამის შემდეგ გამოცემის შენარჩუნების მიზნით იგი ყოველკვირეული ორგანოს სახით გამოდის.

გვ. 57. „ოთარაანთ ქვრივის“ შემოქმედებით ისტორიას განსაკუთრებული ადგილი უკავია ლაისტის მემუარებში. ლაისტი თავის მოგონებებს ამ ნაწარმოებში შექმნის შესახებ აჭვეყნებს საგანგებოდ მიძღვნილ წერილში, რომელიც დაიბეჭდა გაზეთ „ბახტრიონში“ (1912, 11/1). „ოთარაანთ ქვრივი“ არტურ ლაისტს ახალი ქართული პროზაული ლიტერატურის ქვაკუთხედად მიაჩნდა და დიდი გულისხმიერებით განიხილავს მას როგორც უცხოეთში გამოქვეყნებულ ცალკეულ წერილებში, ისე გერმანულად გამოქვეყნებულ თავის დიდ შრომაში — „ქართული ხალხი“.

გვ. 76. მხატვარი ბერიძე (1858—1917) — ცნობილი ქართველი დერწერის ოსტატი. სწავლობდა პეტერბურგის სამხატვრო აკადემიაში 1877—1882 წლებში.

ხალხის დაბალი წრიდან გამოსული ბერიძე, იყო ქართველ მხატვართა შორის პირველი, რომელმაც თავისი რეალისტური ყალმით ასახა უბრალო ადამიანების ბრძოლა მკაცრ ცხოვრებასთან. ქართულ დერწერისა და გრაფიკულ ხელოვნებაში მან პირველად შეიტანა ღრმა შინაარსიანი სოციალურ-ფსიქოლოგიური სცენები, ასეთებია: „მწყემსი“, „მოხუცი“, „ჩვენი ცხოვრებიდან“, „ჩაღანდრები“ და სხვ. ბერიძე პირველი პროფესიონალი ქართველი თეატრალური მხატვარია. ამას გარდა მან შექმნა მთელ რიგ ქართველ მოღვაწეთა შესანიშნავი პორტრეტები: ილია ჭავჭავაძის, საფაროვა-აბაშიძის, გრიგოლ ორბელიანისა და სხვ.

გვ. 77. „ზოილი“ და „დავით სოსლანი“ — დავით კეზელის (1854—1906) ფსევდონიმებია. კეზელი ერთ დროს კავკასიის რუსულ და ქართულ პრესაში მოღვაწეობდა. ახალგაზრდობაში, როგორც თვითონ ამბობდა, ნიპილისტობდა. 1873 წელს ყოფილ ალექსანდრეს ბაღში მას, სტ. ჭრელაშვილს და ალ. მაჭარაშვილს კავკასიის მეფის ნაცვალის შემოპყრიათ, რომელსაც ყმაწვილებმა საკადრისი სალაში არ მისცეს. ამ ამბის გამო ზოილი ამხანაგებზე უფრო სასტიკად დაისაჯა: რვა თვის პატიმრობა და რუსეთში გადასახლება მიუსაჯეს, როგორც „პოლიტიკურად არაკეთილსამედოს“.

რუსეთში ყოფნის პერიოდში, 1881—1883 წლებში „არაგველის“ ფსევდონიმით გაზ. „შრომაში“ ათავსებდა წერილებს და მონაწილეობას იღებდა კავკასიაში გამოსულ თითქმის ყველა ცნობილ ორგანოში.

გვ. 77. ლაისტი თავის გერმანულად დაწერილ რომანში „Das georgische Volk“ დიდ შეფასებას აძლევს ქართული დრამატული თეატრის თავისებურ სკოლას, რომელიც ლაისტის აზრით, ჩასწვდა ახალი გერმანული დრამატურგიის სულსა და გულს (იხ. „არქიტექტურა, თეატრი და მუსიკა“, გვ. 307—320). ამის საფუძვლად ის ასახელებს „ახალი ქეშმარიტებიდან“ გამომდინარე „ეთიკის“ გაგებას. ამ სიტყვებში ლაისტი გულისხმობს ღრმა სოციალურ შინაარსს, გერმანელების და ქართვე-



ლების მიერ სოციალურ წინააღმდეგობათა ქეშმარიტების შეგნებას და მისგან გამომდინარე ეთიკას.

გვ. 78. ახალი ქართული თეატრის აგება — იგულისხმება „ახალი სახაზინო თეატრის“ აგება 1880—1896 წლებში. ამ შენობაში ამჟამად ზ. ფალიაშვილის სახ. ოპერისა და ბალეტის თეატრია.

გვ. 82. პროფესორი პოლდაკი — ლაიფციგის უნივერსიტეტის პროფესორი, თავისი შრომა „ორი ქვაკუთხედი საქართველოს სახელმწიფოებრიობისა („Zwei Grundsteine zu einer grusinischen Stats und Reichthgeschichte“ მიუძღვნა ქართული სახელმწიფოებრივი სამართლის ისტორიას. ამ შრომასთან დაკავშირებულ ცალკეულ პრობლემათა საილუსტრაციოდ პოლდაკი იყენებს „ვეფხისტყაოსანს“. პოლდაკს რუსთაველის შესახებ ამ შრომაში გამოთქმული აქვს საკმაოდ პროგრესული აზრი.

გვ. 87. ათცამეტნი ასურელნი მამანი — მეექვსე საუკუნის საეკლესიო მოღვაწენი: იოანე ზედაზნელი, დავით გარეჯელი, სტეფანე ხირსელი, ზენონ იყალთოელი, ანტონ მარტყოფელი, იბიზოს ნეკრესელი, იასე წილკნელი, შიო მღვიმელი და სხვ.

საეკლესიო მწერლობის ტრადიციის მიხედვით — ზემოხსენებული პირები საქართველოში ასურეთიდან (სირიიდან) მოვიდნენ ქრისტიანობის განმტკიცების მიზნით.

გვ. 90. პაპუნა ორბელიანი — მე-18 საუკუნის ქართველი ისტორიკოსი. პ. ორბელიანი თეიმურაზ II კართან დაახლოებული პეროვნება იყო. მის საისტორიო თხზულებებში აღწერილია თეიმურაზის ლაშქრობისა და მშვიდობისდროინდელი ამბები, მანვე აღწერა თეიმურაზ II გვირგვინის კურთხევის ცერემონიალი, რომელიც 1745 წელს მოხდა. პაპუნა ორბელიანი თავის ისტორიულ თხზულებებში ეხება არა მარტო თეიმურაზ II და მის სახელოვანი ვაჟის ამბებს, არამედ მთელი აღმოსავლეთ საქართველოს ხალხის ცხოვრებას.

გვ. 90. ანტონ კათალიკოსი (1719—1788) მე-18 საუკუნის გამოჩენილი სახელმწიფო და საეკლესიო მოღვაწე, შვილი ვახტანგ VI ძმის იესუსი. ანტონი პოლიტიკური და სახელმწიფო მოღვაწეობის პირველ პერიოდში ორიენტაციას იღებს დასავლეთ ევროპის განვითარებულ კულტურის ქვეყნებზე. ამ მიზნით მან კათოლიკობა აღიარა. ანტონ კათალიკოსი განსაკუთრებული ჯანათლების, ნიქისა და მდგომარეობის გამო ზოგიერთებში შურს იწვევდა. ანტონის საწინააღმდეგო ინტრიგას სათავეში ჩაუდგა ზაქარია გაბაშვილი (პოეტ ბესარიონ გაბაშვილის მამა).

გვ. 91. მხითარისტები — მხითარისტების სახელით ცნობილი არის სომეხ კათოლიკეთა კონგრეგაცია, რომელიც ჩამოყალიბდა 1701 წელს. მისი სახელწოდება დაკავშირებულია მხითარ სებასტიანოს სახელთან. 1717 წელს მხითარისტების ერთმა წგუფმა თავისი სამყოფელი ვენეციაში წმიდა ლაზარეს კუნძულზე გადაიტანეს. მისი ნაწილი

მოგვიანებით ვენაში დამკვიდრდა. მხითარისტებმა მნიშვნელოვანი როლი შეასრულეს სომხური ლიტერატურის განვითარების საქმეში, უმეტესად თარგმნისა და ლექსიკოგრაფიის საქმეში.

გვ. 91. ფონ-ენბახი ვოლფრამ — მეცამეტე საუკუნის გერმანელი პოეტი. 1210-11 წლებში გერმანულად გადააკეთა კურტუიზული ეპოსი „პარციფალი“. ეს პოემა მიეკუთვნება მეფე არტურისა და მისი რაინდების შესახებ შექმნილ თხზულებათა ციკლს.

გვ. 98. საათაბაგო — იგულისხმება XIII—XVI-ე საუკუნეების სამხრეთ საქართველოს (ტაო-კლარჯეთი, მესხეთ-ჯავახეთი და სხვ.) აღმინისტრაციული სახელწოდება. ათაბაგობის ინსტიტუტი ჩამოყალიბდა თამარის მეფობისას.

გვ. 98. პაშო ბერთაძე — დამახინჯებულია XVII საუკუნის მეორე ნახევრის პოეტის ფეშანგი ხითარიშვილის ნართალი სახელა „ფაშვიბერტყაძე“.

ფეშანგი საისტორიო პოემის „შახნავაზიანის“ ავტორია, მასვე ეკუთვნოდა არჩილ მეფის ბრძანებით შესრულებული „ფირმალიანი“, რომელსაც ჩვენს დრომდე არ მოუღწევია. ფეშანგი საკარო მოლექსეა. თავისი პოლიტიკური მრწამსით და განწყობილებით—ქართველი პატრიოტი და საქართველოს გაერთიანების მესიტყვე. ფეშანგი ხითარიშვილი წარმოშობით გორელი სომეხი იყო, ალექსანდრე III — არჩილისა და შახნავაზის კარის მდივან-მწიგნობარი. მონაწილეობას იღებდა დიპლომატიურ საქმიანობებშიც.

გვ. 101. „არბაბი“ — სახელმწიფო გადასახადის სახე გვიან ფეოდალურ საქართველოში.

გვ. 102. თან შარდენი (1643—1713) — XVII საუკუნის ფრანგი მოგზაური-მემუარისტი. იგი ხელობით ცნობილი იუველირი ვაჭარი იყო. ამ საქმის კარგი წარმოებით თავისი ეპოქის დიდ სახელმწიფოთა კარს დაუხლოვდა, მათ შორის შაჰ-აბასსაც. სპარსეთში მან საქართველოს გავლთ ორჯერ იმოგზაურა; უკანასკნელად 1672—1673 წლებში აღწერა საქართველო და სასახლის საქორწინო მეჯლისი თბილისში.

გვ. 109. ივანე ტოლსტოვი — 1723 წელს საქართველოში იყო მოვლენილი. ივანე ტოლსტოვი საქართველოში იყო მაშინ, როდესაც ვახტანგ VI ამაოდ ელოდა რუსეთის გალაშქრებას სპარსელების წინააღმდეგ.

გვ. 114. ლაისტო აქსედება: ქართლში 1735 წელს თურქები კი არა სპარსელები შემოიჭრენ.

გვ. 117. ზაქარია გაბაშვილი — მამა გამოჩენილი ქართველი ლირიკოსის ბესარიონ გაბაშვილის (ბესიკის). იგი თეიმურაზე II კარის მოძღვარი იყო. ზ. გაბაშვილი ანტონ კათალიკოსთან ბრძოლაში ბერძნულ-მართლმადიდებლური ეკლესიის ორთოდოქსალურ დამცველად გვევლინება. თავისი ზრახვანი მან 1755 წლის საეკლესიო კრებაზე გამოაქვინა, სადაც თავს დაესხა კათალიკობაზე გადასულ ანტონ კათალიკოსს. ამის გამო კათალიკოსი საქართველოდან განიდევნა. 1762 წელს

მატირული პოემის „კატის ომის“ ავტორი და რეპილიზებული კათალიკოსის (ანტონის) წინააღმდეგ ინტრიგების მწარმოებელი ზაქარია გაბაშვილი იმერეთში განდევნეს.

გვ. 130. დ ა ვ ი თ რ ე ქ ტ ო რ ი —ალექსი-მესხიშვილი დავით (1745—1824) თელავის სასულიერო სემინარიის დამაარსებელი. თავისი ეპოქის გამოჩენილი ლიტერატორი. მან შეადგინა ქართული ლიტერატურული ძეგლების კატალოგი და ქართველ მწერალთა ანთოლოგია.

გვ. 130. გ ა ი ო ზ რ ე ქ ტ ო რ ი, გ ა ი ო ზ მ ო ძ ლ ვ ა რ ი (1746—1821) ქართველი საზოგადო მოღვაწე-პედაგოგი. „ქართული ღრამატიკის“ ავტორი, ბასილი დიდის „ქადაგებანის“, მარკ ავრელიუსის „ზნეთასწავლულობის სჯათას“-სა და სხვათა მთარგმნელი, 1765 წელს გაიოზ მოძღვარი ანტონ კათალიკოსის ბერად გაუმწესებია. 1772 წ. ის მონაწილეობას იღებს პეტერბურგში წარგზავნილ დიპლომატიურ მისიაში. 1775 წელს შევიდა მოსკოვის სასულიერო სემინარიაში. 1788 წელს იწყება მისი პედაგოგიური მოღვაწეობა თბილისში. აქ ის აარსებს რუსული ენის შემსწავლელთა სკოლას. 1782 წელს იგი იყო თელავის სემინარიაში, 1783 წელს მან მონაწილეობა მიიღო „გეორგიევსკის ტრაქტატის“ შედგენაში. 1784 წელს პეტერბურგში დედოფლის დასწრებით ირქიმანდრიტად აკურთხეს. ამის შემდეგ ის რუსეთში მოღვაწეობს.

გვ. 135. დ ა ვ ი თ ბ ა ტ ო ნ ი შ ვ ი ლ ი (1767—1819) — საქართველოს უკანასკნელი გვირგვინოსანის გიორგი XIII-ის ძე. საქართველოს ტახტის მემკვიდრე და რუსეთთან შეერთების ხანს რეგენტად დატოვებული მცირე ხანს. დავით ბატონიშვილი თავისი დროისათვის თვალსაჩინო სამხედრო, სახელმწიფო და საზოგადო მოღვაწეა. მან საფუძვლიანი განათლება მიიღო პირად გამზრდელ — „ლალასაგან“ — დავით რექტორისაგან, შემდეგ — 1791 წელს დაასრულა თელავის სემინარია. აქ ეზიარა იგი დასავლეთ ევროპაში იმჟამად მეტად გავრცელებულ იდეებს ფრანგი ენციკლოპედისტებისას. განიცადა ვოლტერის მოძღვრების ზეგავლენა, რის გამოც მას გვირგვინოსანი და მართლმორწმუნე მამა ძლიერ საყვედურობდა.

რუსეთში განწესებულ დავითს გენერალ-ლეიტენანტის ჩინი და მამულების შექენის უფლება უბოძეს.

დავით ბატონიშვილს ეკუთვნის პოეტური და სამეცნიერო თხზულებები. სატირა — „ლომნი კატურად გარბიან“, „რა იქნება ჩვენც ვიყოთ სენატორი“ და „ეშვიკაღას მობრძანება ჩინითა“. მისი საისტორიო თხზულებებია: „ნადირ-შაჰის ისტორია“ (გადმოკეთებული), „ცნობა ისტორიული და ლეოლრაფიული“, „მსოფლიოს ისტორია“ (თარგმანი). დავითის კალამს ეკუთვნის განმანათლებელთა ზოგიერთი თხზულების გადმოთარგმნა ფრანგულიდან.

გვ. 141. ა ღ ნ ი ა შ ვ ი ლ ი ლ ა დ ო (1860—1904) — ქართული კულტურის ერთ-ერთი მოღვაწე. 1881 წელს დაასრულა გორის საოსტატო სემინარია. იმავე წელს დინიშნა თბილისის სათავადაზნაურო გიმნაზიის ქართული ენისა და ლიტერატურის მასწავლებლად. მას ეკუთვნის

შრომები პედაგოგიიდან (რუსული ენის სწავლების შესახებ), ლექსიკოგრაფიიდან („უბის ლექსიკონი“, 1887), ფოლკლორიდან („ქართული ზღაპრები“ 1890), მისივე „ახალი ანბანი“, რომელიც სერიებად გამოდიოდა. აღნიშნული ეწეოდა ფართო საზოგადოებრივ მოღვაწეობას: საგამომცემლო, პუბლიცისტიკისა და სხვა დარგებში. მისი შრომები ეთნოგრაფიაში, ფოლკლორში და სხვ. დღესაც იქცევენ ყურადღებას.

ლადო აღნიშნულის სახელთან არის დაკავშირებული ქართული ხალხური სიმღერების გუნდის დაარსება.

გვ. 141. როსტომაშვილი ივანე (1852—1924) — გამოჩენილი ქართველი ეურნალისტი, პედაგოგი, მკვლევარი. 1874 წელს დაამთავრა თბილისის მასწავლებელთა ინსტიტუტი. ამავე წლიდან იწყებს მოღვაწეობას ქართულ პრესაში. 1882 წელს მისი ინიციატივით თელავში გაიხსნა „ღებო“ — საზოგადოებრივი საეპქრო, სახალხო ბანკი, საკვირაო სკოლები. ასეთი საქმიანობისათვის მთავრობამ მას ღვეწა დაუწყო.

როსტომაშვილს დიდი ღვაწლი მიუძღვის მესხეთ-ქავახეთის შესწავლაში. ქართულ ენას მან მიუძღვნა „ნერგი, ანუ ანბანი“.

როსტომაშვილის საზოგადოებრივი მოღვაწეობა მრავალმხრივია, ასეთივეა მისი შრომებიც. ისინი მიეძღვნა სოფლის მეურნეობას, პედაგოგიკას, ფსიქოლოგიას და სხვ.

გვ. 141. ნიჟარაძე ბესარიონ (თავისუფალი სვანი) — ცნობილი ქართველი ეთნოგრაფოსი და საისტორიო წერილების ავტორი, პუბლიცისტი, პედაგოგი. სწავლობდა ქუთაისის სასულიერო სასწავლებელში 1868—74 წლებში. 1874 წელს შედის თბილისის სასულიერო სემინარიაში. 1878 წელს იგი დაუბრუნდა თავის სამშობლო კუთხეს — სვანეთს, სადაც საბოქაულო კანცელარიაში საქმის მწარმოებლად მუშაობდა ერთ ხანს, მაგრამ ამას მალე თავს ანებებინებენ და გადაჰყავთ ქუთაისის სათავადაზნაურო გიმნაზიაში აღმზრდელის თანამდებობაზე. 1886 წლიდან ქართულ პრესაში „თავისუფალი სვანის“ ფსევდონიმით იბეჭდება ვრცელი წერილები სვანეთის ისტორია-ეთნოგრაფიის და ფოლკლორის საკითხებზე. უკანასკნელად იგი უფრო მუყაითად ფოლკლორს ეკიდება და საპატიო ადგილს იკავებს ამ დარგში. მისი მოღვაწეობა ამ მხრივ ინტენსიური იყო 1902—1905 წლებში. სიცოცხლის ბოლო წლები მან სვანეთში გაატარა და აქვე გარდაიცვალა 1919 წელს.

ნიჟარაძის წერილების კრებული გამოვიდა 1962 წელს „ისტორიულ-ეთნოგრაფიული წერილების“ სახელწოდებით (ტ. I, თბილისი, სახუნტის გამომცემლობა).

გვ. 141. შუხარტი ჰუგო — ცნობილი ქართველოლოგი და არმენოლოგი, გრაციის უნივერსიტეტის პროფესორი. იგი პირადი მეგობარი იყო თვით არტურ ლაისტისა და დიდი პაცივისმცემელი ილია ჭავჭავაძისა, რომლის სიკვდილს ვრცელი ნეკროლოგიით გამოეხმაურა ევროპულ პრესაში.

გვ. 141. ჩუბინაშვილი დავით (1814—1891) — ცნობი-

ლი ქართველი ლინგვისტი-ლექსიკოგრაფი და ლიტერატურათმცოდნე. დაამთავრა პეტერბურგის უნივერსიტეტი. 1844 წლიდან მუშაობდა ამავე უნივერსიტეტის ქართული ენის კათედრის დოცენტად, შემდეგ — პროფესორად. 1863 წლიდან განაგებდა ქართული და სომხური ენების კათედრას. დავით ჩუბინაშვილის ეკუთვნის მრავალი შრომა ქართული და სომხური ენებსა და ლიტერატურის დარგში. 1870 წელს პეტერბურგში აღინიშნა მისი მეცნიერული მოღვაწეობის იუბილე, რომელზედაც მას მიენიჭა დამსახურებული პროფესორის წოდება.

გვ. 141. **ქარაიას პეტრე** (1861—1919)—პედაგოგი, ლინგვისტი, მწერალი და პუბლიცისტი. მასვე ეკუთვნის შრომები საქართველოს ისტორიაში, ეთნოგრაფიაში, ლიტერატურასა და სხვ. ქარაიას სახელი ცნობილია, როგორც გულმხურვალე პატრიოტი-სწავლულისა, იგი ბეჭითად იბრძოდა სამშურბაყანოსა და იფხაზეთში ქართული ენის დევნის წინააღმდეგ რეაქციის გაძლიერების ხანს. მისი შრომები სწორედ ამ პერიოდს ეკუთვნის. ასეთები იყო: „დედა-ენის ზოგიერთი განმარტება“ (1910), „ქართული ენისა და მართლწერის შესახებ“ (1895) და სხვ. ქარაიას შრომები გაბნეულია ქართულ პერიოდიკაში.

გვ. 143. **ალექსანდრე ჭავჭავაძის „სახენოლექსები“**. ლისტი ალ. ჭავჭავაძის ლექსებისადმი ასეთი კვალიფიკაციის მიცემისას კვლავ ამეღავენებს, ერთი მხრივ, ბიურგერისტულ-უტილიტარისტურ მიდგომას, მეორე მხრივ, „ვარშაველ პოზიტივისტთა“ ზეგავლენას. როგორც შესავალში აღვნიშნეთ, პოლონეთში ცხოვრების პირველ წლებში ლისტიმა გაიზიარა ამ უკანასკნელთა შეხედულებები. „ვარშაველმა პოზიტივისტებმა“ სოციალ-ისტორიული ცვლილებებისა და 63—64 წლის ნაციონალური აჯანყების შედეგების გამო დაჰკმეს შლიახტიჩურ-მაგნატური რეაქციული ნაციონალიზმის ყოველგვარ გამოვლენა, მისი რეტროგრადული რომანტიზმის ნაცვლად ლიტერატურაში აღიარეს პრაქტიკული — „ქეშმარიტებისაგან გამომდინარე“ ხელოვნების უტილიტარული იდეა. ლისტი მთელი ცხოვრების მანძილზე განიცდიდა ასეთ შეხედულებათა ზეგავლენას, რამაც მკვეთრი კვალი დააჩნია მის ნაწერებს ქართული ლიტერატურის შესახებ.

გვ. 143. **აქიგული სხმება შემდეგი**: ქართველ კეთილშობილთა მიერ წარსული საუკუნის პირველ ნახევარში ახალი რუსული ყაიდის წოდებრივი ტიტულაციის დამტკიცებამ დიდი შეხლა-შემოხლა გამოიწვია. ქართული აზნაური სავსებით როდი შეესაბამება რუსულ „დვორიანის“ და „კნიაზი“—ერისთავსა და თავდას.

გვ. 146. **ალექსანდრე ფრედრო (Fredro)** —(1793—1876) გამოჩენილი პოლონელი დრამატურგი. ფრედრო განმანათლებელთა ეპოქის ტიპური წარმომადგენელია პოლონეთში. მის შემოქმედებაში რეალისტურად არის ასახული პოლონური შლიახტის ცხოვრება. პროგრესული მწერალი დაუნდობელი სისასტიკით ამითარახებს ამ წრის ადამიანების ბნელ მხარეებს. მისი კომედიებია: „პან იოვი-

აღსკი“, „პუსარები და ქალბატონები“, „შურისძიება“ და სხვ. ფრედ-  
როს შემოქმედებას ლაისტმა მიუძღვნა არა ერთი წერილი, როგორც  
გერმანულ და პოლონურ, ისე ქართულ ენაზე.

გვ. 148. ლაისტო ხშირად, როცა ეხება იმ გარდატეხას ქართული  
საზოგადოებრივი და სოციალ-პოლიტიკურ ცხოვრებაში, რაც ხდებოდა  
ახალ „ბიურგერულ“ წესებზე გადასვლის გამო, სამიჯნო და გადაშფვეტ  
წელად ასახელებს 1875 წელს. ეს წელი ხშირად გვხვდება 70-იანი და  
80-იანი წლების პუბლიცისტთა მემუარულ ნაწერებშიც. საქმე შემდეგ-  
შია: ძველ პროგრესულ ბურჟუაზიულ პუბლიცისტთა და ისტორიკოსთა  
შეხედულებით, ეს წელი იყო დასაწყისი „დიდ რეფორმათა“ ეპოქისა.  
1875 წლის რამდენიმე რეფორმატორულმა ყაიდის „შეღავათმა“ ხალხში  
უნებურად გამოაღვიძა მოქალაქეობრივი თვითშეგნება და ცხოვრებას  
საშუალებათა ძიებისადმი ღტოლვა.

გვ. 148. მარი ბროსე (1892—1880)—გამოჩენილი ფილოლოგი,  
საქართველოს ისტორიის, ლიტერატურის და ქართული ენის მცოდნე  
და მკვლევარი, სენ-მარტენის საქმის გამგრძელბელი ფრანგ ორიენტა-  
ლისტთა შორის. დაუახლოვდა ქართველ სწავლულებს, მათ შორის თეო-  
მურაზ ბატონიშვილს, რომელსაც მასწავლებელს უწოდებდა. დას. ევრო-  
პულ სამეცნიერო წრეებში ყურადღება მიიპყრო მისმა „ქართულმა ქრო-  
ნოეებმა“. 1835 წელს უვაროვმა იგი მიიწვია რუსეთის აკადემიის ქარ-  
თულ-სომხური ფილოლოგიის კათედრის გამგედ, რაც მან მიიღო 1836  
წელს.

მარი ბროსეს ეკუთვნის 270 სამეცნიერო შრომა, მან თავი გამო-  
იჩინა, როგორც ჩინებულმა კომენტატორმა და გამომცემელმა. არტურ  
ლაისტო ხშირად ახსენებს გამოჩენილ ფრანგ სწავლულს.

გვ. 159. პლატონ იოსელიანი (1809—1875)—არტურ ლა-  
ისტის განცხადება პლატონ იოსელიანზე წინასწარგანსაზღვრულ ტენდენ-  
ციას არ არის მოკლებული. პლ. იოსელიანი ეკუთვნის წარსული საუკუ-  
ნის ქართველ სწავლულ მოღვაწეთა იმ პლეადას (დომ. ბაქრაძე, სოლ-  
დოდაშვილი, ჩუბინაშვილი და სხვ.), რომლებმაც ქართველმცოდნეო-  
ბა დიდ სიმაღლეზე აიყვანეს. პლ. იოსელიანს ეკუთვნის საკმაოდ სერი-  
ოზული მნიშვნელობის შრომები საქართველოს ისტორიასა და ქართუ-  
ლი ფილოლოგიის დარგებში. ასეთებია: „ცხოვრება გიორგი მეცამეტისა“  
(1836), „ქართული ეკლესიის მოკლე ისტორია“ (რუსულად, 1841), „ქარ-  
თველთა ძველი სახელები“ (რუსულად 1843), „ქართული ეკლესიის  
წმინდანთა ცხოვრება“ (რუსულად, 1850) და სხვ. მათი საერთო რიცხვი  
70-მდე აღწევს. ესენი შეიცავენ მეტად მდიდარსა და მნიშვნელოვან მასა-  
ლას საქართველოს ისტორიიდან, ლიტერატურიდან, ხელოვნების ის-  
ტორიიდან და სხვ.

გვ. 159. დომიტრი ბაქრაძე (1809—1875)—ცნობილი ქარ-  
თველი ისტორიკოსი და არქეოლოგი. დაამთავრა მოსკოვის სასულიერო  
სემინარია. მისი შრომებია „საქართველოს ისტორია“, „Кавказ в древних  
памятниках христианства“ და სხვა. მრავალი საქართველოსა და კავკა-

სიის ისტორიიდან. მისი ინიციატივით გამოვიდა კავკასიის არქეოლოგიურ კომისიის კრებულები „აქტები“. დიმიტრი ბაქრაძე თავისი დროის ისტორიკოსთა შორის სარგებლობდა დიდი რეპუტაციით. მისი შრომები იბეჭდებოდა როგორც ქართულად, ისე რუსულად და უცხოურ ენებზე:

გვ. 160. უ ო რ დ ა ნ ი ა თ ე ლ ო (1855—1934)—გამოჩენილი ქართველი მეცნიერი, პუბლიცისტი და პედაგოგი. დაამთავრა თბილისის სემინარია. რევოლუციამდე ეწეოდა პედაგოგიურ მოღვაწეობას.

გვ. 160. ჭ ა ნ ა შ ვ ი ლ ი მ ო ს ე (1855—1934)—გამოჩენილი ქართველი მეცნიერი, პუბლიცისტი და პედაგოგი, მან დაამთავრა თბილისის სემინარია. ეწეოდა პედაგოგიურ საქმიანობას. ჭანაშვილს ეკუთვნის დიდი რაოდენობით შრომები ქართულ ლიტერატურაში, ენაში, საქართველოს ისტორიასა და ნუმისმატიკაში. მათ იცნობენ, როგორც რუსეთში, ისე ევროპაშიც. ესენია: „საქართველოს ისტორია“ (1906), „თამარ მეფე“ (1917), „საინგილო“ (1910), „საქართველოს დედაქალაქი თბილისი“ (1899), „ქართული მწერლობა“ (1909).

გვ. 160. პ რ ო ფ. ა ლ. ც ა გ ა რ ე ლ ი (1844—1929)—სწავლობდა პეტერბურგის უნივერსიტეტში, 1871 წელს ქართულ-სომხურ ფილოლოგიაში ჩააბარა გამოცდები ხარისხის მისაღებად. 1872 წელს კი დაიცვა დისერტაცია კავკასიის იბერული ენების შესახებ. მიიღო პრივატდოცენტის ხარისხი. 1874 წელს დაიცვა მაგისტრის ხარისხი. ცაგარელს ეკუთვნის „О грамматическй литературе груз. языка“, „Мингрельские этюды“, „Опыт фонологии мингрельского языка“ და სხვა მრავალი ორიგინალური შრომა და მეცნიერული პუბლიკაცია. ცაგარელი ჩუბინიშვილის შემდეგ განაგებდა პეტერბურგის უნივერსიტეტის ქართული ენისა და ლიტერატურის კათედრას.

გვ. 160. პ რ ო ფ. ა ლ ე ქ ს ა ნ დ რ ე ხ ა ხ ა ნ ა შ ვ ი ლ ი (1866—1918 წ.) — ცნობილი ორიენტალისტი-ქართველოლოგი. დაამთავრა მოსკოვის უნივერსიტეტი. პირველი შრომა მიუძღვნა ბერძნულ-ბიზანტიური ეკლესიის ისტორიას, რისთვისაც ის დააჯილდოვეს.

1900 წელს იგი პრივატდოცენტი იყო. ამ ხანებში შექმნა მან თავისი ცნობილი „ნარკვევები ქართული ლიტერატურის ისტორიიდან“. ხახანაშვილი ამის შემდეგ მიწვეული იყო ლაზარევის ინსტიტუტში. მისი შრომები შემდეგ ეხებოდნენ ბატონყმობის ისტორიას და ქრისტიანობის გავრცელების ისტორიას საქართველოში და კავკასიათმცოდნეობის საკითხებს. მასვე ეკუთვნის ძველი ლიტერატურული ძეგლების პუბლიკაცია.

გვ. 162. ც ხ ვ ე დ ა ძ ე ნ ი კ ო ზ ე ბ ე დ ე ს ძ ე (1845—1911)—ცნობილი ქართველი საზოგადო მოღვაწე, პედაგოგი და პუბლიცისტი. 1870 წელს დაასრულა მოსკოვის სასულიერო აკადემია და დაიცვა მეცნიერების კანდიდატის ხარისხი. ამავე ხანებში დაბრუნდა სამშობლოში და შეუდგა პედაგოგიურ მოღვაწეობას. მის სახელთან არის დაკავშირებული ორი დიდი ქართველი ეროვნული დაწესებულების დაარსების ისტორია:

პირველი „ქართველთა შორის წერა-კითხვის გამავრცელებელი საზოგადოება“, მეორე—ქართული უნივერსიტეტი.

ცხვედაძის შესახებ იხ. ვ. ჯიქიას მონოგრაფია, ქურნ. „განათლება“, 1911, № 7, მანსვეტაშვილის „მოგონებანი“, 1936, გვ. 216—221.

გვ. 170. „ეთიკა“—ლაისტი ცენტრული მოსაზრებებით ამ ტერმინს ხმარობს არა ფილოსოფიური მნიშვნელობით, არამედ პოლიტიკური შინაარსის გამოხატვით. იგი ხმარობდა „ახალი ეთიკა“, „სოციალურ ჰემ-მარიტებათა ეთიკა“. და სხვ. სადაც იგულისხმება ადამიანთა ისეთი ურთიერთობა, სადაც განმსაზღვრელია სოციალური უთანაბრობა.

გვ. 198. მ ე ი ფ ა რ ი ა ნ ი — 50-იანი წლების ქართული თეატრის ერთ-ერთი მოღვაწეთაგანი, წარმოშობით გორელი სომეხი, გ. ერისთავის თეატრის მსახიობი. მასვე ეკუთვნის კარიაგინის ფრანგულად გადმოთარგმნილი კომედიის „ქმრები გავაბათ მახეში“-ს ქართულად გადმოკეთება, რომელიც შევიდა ქართული სცენის რეპერტუარში.

გვ. 198. თ უ თ ა ე ვ ი ა ლ ა ლ — თბილისელი მეწარმე, თეატრალური მეცენატი, პუბლიცისტი და დრამატურგი. მან. 80—90-იან წლებში დიდი შემწეობა გაუწია სახალხო თეატრებს ფინანსიურად და კალმით. მისია კომედიები: „ცოლი ვიტირო, თუ ფული“, „რძალი, მული და მშენიკები“, „უშანკო პატარძალი“, „უმარილის ბრალია“ და სხვ. ალალო თუთაევის წერილები გაბნეულია ქართულ პრესაში.



## საკუთარ ხახელთა საძიებელი

### ა

- აბაშელი ალექსანდრე 296, 297.  
აბაშიძე ვასო 9, 77, 170,  
აბაშიძე კიტა 302.  
აბიხი ჰერმან 233, 234, 247.  
აბოვიანი ხაჩატურ 230.  
აგრელიუსი მარკ 307.  
ალექსანდრე III 306.  
ალექსანდრე უფლისწული 121.  
ამბროსი 132.  
ამილახვარი გივი 116.  
ამირეჯიბი კონსტანტინე 299.  
ანტონ I კათალიკოსი 90, 93, 94, 100, 106, 111, 115, 116, 117, 118,  
119, 121, 124, 125, 140, 186, 187, 305, 306, 307.  
ანტონოვი ზურაბ 199.  
არაგვისპირელი შიო 155.  
არისტოტელე 184.  
არტურ მეფე 306.  
არუთინა (ეჭიმი) 128.  
არჩილი 96, 98, 306.  
ასათიანი 57.  
ალა-მაჰმად-ხანი 96, 132, 133, 134, 135, 136, 137.  
აღნიაშვილი ლადო 161, 308.  
ახნაზაროვი არტემ 293.

### ბ

- ბაგნიცკი დარი 289.  
ბაგრატ მეოთხე 86, 199.  
ბაგრატიონი ოტია 89.  
ბაირონი ჯორჯ 23, 43, 67, 238, 273.  
ბარათაშვილი დავით 20.  
ბარათაშვილი მამუკა 119.  
ბარათაშვილი ნიკოლოზ 73, 144, 145, 151, 155, 195, 225, 233, 276,  
282, 283, 284, 285.  
ბარიტანსკი 22.  
ბასილი დიდი 307.  
ბატონიშვილი გიორგი 128, 139.  
ბატონიშვილი დავით 135.  
ბატონიშვილი თეიმურაზი 310.  
ბატონიშვილი იოანე 130.

ბატონიშვილი იულონი 138.  
ბატონიშვილი ოტია 89.  
ბაუმეისტერი 186.  
ბაქრაძე დიმიტრი 57, 159, 200.  
ბაჩანა (რაზიკაშვილი) 17, 43, 50, 56, 262.  
ბახტაძე ილია (ხონელი) 17, 36, 56, 300.  
ბეზუთოვი 43.  
ბერთაძე პაშა 96, 98, 306.  
ბერიძე 76, 304.  
ბერნსი რობერტ 262.  
ბერო (ილიას მსახური) 31.  
ბერტელიონი 40, 303.  
ბესიკი (ბესარიონ გაბაშვილი) 93, 94, 120, 123, 125, 126, 127, 131, 138, 274, 305, 306.  
ბიზე 50.  
ბოდენშტეტი ფრიდრიხ 208, 209, 211, 215, 290, 292.  
ბოკაჩიო ჭიოჯანი 126.  
ბოსკო 40.  
ბოცვაძე ლუარსაბ 303.  
ბოცი რუდოლფ 294.  
ბრანდი 15.  
ბროსე მარი 158, 159, 177, 310.  
ბუტკოვი 140.

## ბ

გაბაშვილი გიგო 15, 53, 76, 248, 299, 300.  
გაბაშვილი ზაქარია 94, 117, 118, 120, 125, 305, 306, 307.  
გაბაშვილი ეკატერინე 20, 21, 301.  
გაბუნია ნატო 9, 23, 37, 77, 170.  
გაიოზ რექტორი 93, 94, 130, 307.  
გამსახურდია კონსტანტინე 296.  
განდეგილი (დომინიკა ერისთავი) 37.  
გარეჯელი დავით 305.  
გარსევანიშვილი 198.  
გვარამაძე 200.  
გიორგი (ილიას უფროსი მუშა) 31.  
გიორგი მეთერთმეტე 104.  
გიორგი მეცამეტე 140, 243, 310.  
გიულდენშტეტი 257.  
გლდანელი კულა (ფალავანი) 214, 215.  
გოგებაშვილი იაკობ 7, 8, 20, 21, 27, 28, 37, 56, 61, 153, 162, 247.  
გოგოლი 299.  
გოეთე 32, 33, 43, 47, 51, 281, 302.  
გოლდონი 265.

გომულიცი 288.  
გორგასალი ვახტანგ 87.  
გორგიჯანიძე 89.  
გრადოვსკი 288, 289.  
გრიბოედოვი 223.  
გუნია ვალერიანი 9, 36, 77, 292, 298, 299.  
გურამიშვილი დავით 94, 106, 120.

## დ

დადიანი ლევან 123.  
დავითაშვილი იოსებ 154.  
დავით რექტორი (ალექსი-მესხიშვილი) 130, 307, 308.  
დავით აღმაშენებელი 82, 87, 88, 225, 274.  
დანტე 251.  
დარეჯან დედოფალი 134, 138.  
დელაპორტი 122.  
დოდაშვილი 161.  
დომბროვსკი 287

## ე

ეკრაიძე 302.  
ელისეევი გ. ზ. 289.  
ერეკლე I 104.  
ერეკლე II 27, 71, 90, 114, 118, 124, 125, 127, 128, 129, 130, 131,  
132, 133, 135, 136, 137, 139, 140, 167, 185, 221, 243, 272, 275,  
280.  
ერისთავი გიორგი 144, 146, 167, 168, 169, 197, 198, 199, 220, 265, 299.  
ერისთავი დავით 9, 17, 23, 56, 57, 78, 169, 199, 290, 291, 292, 299.  
ერისთავი რაფიელ 18, 28, 36, 42, 50, 56, 57, 63, 64, 151, 155, 161,  
195, 262, 293, 298.  
ესქილე 302.  
ეფრემ მცირე 184.  
ეშენბახი ფოლფრამ ფონ 91, 306.

## ვ

ვაეა-ფშაველა 17, 28, 42, 43, 50, 56, 70, 71, 72, 73, 74, 75, 76, 151,  
155, 247, 248, 262, 297.  
ვახტანგ V 274.  
ვახტანგ VI 93, 99, 100, 103, 106, 108, 114, 119, 122, 185, 271, 305,  
306.  
ვახტანგ მეფე 222.  
ვახუშტი 80, 102, 111, 112, 113, 136, 251.  
ველიჩკო ვასილი 40, 303.  
ვიკენტი პოლ 191.

ვოლსკი გრიგოლ 13, 14, 18, 20.  
ვოლტერი 307.  
ვოლფი 186.  
ვორონცოვ-დაშკოვი 120, 167, 303.  
ვრუბლევსკი 287, 288.

ფ

ზაბოლოცკი 286.  
ზასულიჩი ვერა 289,  
ზანოვსკი 232.  
ზედაზნელი იოანე 305,  
ზუბალაშვილი 6.

თ

თამარ მეფე 81, 82, 179, 182, 183, 191, 217, 225, 257, 270, 274, 276,  
280, 291, 306, 311.  
თაქუშვილი შიკირტუმა 128.  
თაყაიშვილი ექვთიმე 159.  
თბილელი იოსები 96, 98.  
თეიმურაზ მეორე 90, 114, 116, 118, 119, 124, 186, 305, 306.  
თეიმურაზ პირველი 96, 98, 112, 251.  
თემურ-ლენგი 88, 98.  
თმოგველი სარგის 183.  
თუთაევი ალალო 198, 312.  
თუშანიშვილი ანასტასია წერეთლისა 20, 22, 162.  
თუშანიშვილი გიორგი 299.  
თუშანიშვილი ვასო 9, 78, 299,  
თუშანიშვილი კონსტანტინე 299.  
თუშანიშვილი შიხეილ 299.

ი

იაზონი 204.  
იასე მეფე 116, 305.  
იბრაჰიმი 117.  
იოსელიანი პლატონი 159, 310.  
იყალთოელი არსენ 184.  
იყალთოელი ზენონ 305.

კ

კარიაგინი 312.  
კახა 98.  
კეზელი დავით 304.  
კერესელიძე ივანე 150.  
კლდიაშვილი დავით 155, 260, 267.  
კოზმიანი სტანისლავ 287.

კონდაკოვი 164.  
კონსტანტინე კახეთის მმართველი 106.

## ლ

ლაშვერტი არქანჯელო 119, 230, 271.  
ლაფჩინსკი 286.  
ლეიძენი 41.  
ლემან-პაუპტი კარლ 41, 45, 286, 303.  
ლეონიძე გიორგი 298.  
ლერმონტოვი 223, 238.  
ლესინგი 127.  
ლისტი ფრანც 273.  
ლომთათიძე ჭოლა 262.  
ლორთქიფანიძე კირილე 303.

## მ

მაკედონელი ილექსანდრე 177.  
მანსვეტაშვილი 293, 312.  
მარტყოფელი ანტონი 305.  
მაჩაბელი ვანო 8, 9, 10, 11, 15, 20, 22, 23, 28, 29, 36, 56, 57, 76, 77,  
79, 170, 292, 302, 303.  
მაჭარაშვილი ალ. 304.  
მგელაძე ლაერენტი 22, 303.  
მეღია 204.  
მეიფარიანი 198, 312.  
მეკელაინი 286.  
მერცხაბერი გოტფრიდ 16, 233, 234, 300.  
მესხი კოტე 9, 37, 77, 199.  
მესხი სერგეი 150, 162, 163, 188, 303.  
მესხიშვილი ლადო 77, 170.  
მეუნარგია იონა 36, 292, 298.  
მიდასი მეფე 75.  
მირზა-მაჰმად-შაჰი 117.  
მირიან მეფე 87, 140, 280.  
მირიანაშვილი პეტრე 22, 302.  
მიქელაძე დავით (მეველე) 19, 301.  
მიქელაძე ვლადიმერ 36, 302.  
მიცკევიჩი 199.  
მოლოერი 265.  
მონიუშკო 274.  
მუხრანბატონი კონსტანტინე 12, 15, 299.  
მღვიმელი შიო 305.

6

ნადირ-შაჰი 96, 116, 120, 140, 307.  
 ნანეიშვილი ალექსანდრე 17, 300, 301.  
 ნაპოლეონ პირველი 108.  
 ნეკრასოვი 287.  
 ნეკრესელი აბიბოს 305.  
 ნიკოლაძე ნიკო 148, 197, 289, 299, 301.  
 ნინოშვილი ეგნატე 154.  
 ნიჟარაძე ბესარიონ 161, 308.

ო

ოქეშკო ელიზე 288.  
 ორბელიანი ალექსანდრე 197, 199.  
 ორბელიანი გრიგოლ 73, 74, 145, 155, 190, 191, 248, 304.  
 ორბელიანი ვახტანგ 145, 232, 248.  
 ორბელიანი პაპუნა 90, 109, 305.  
 ორბელიანი სულხან-საბა 93, 110, 111, 185.  
 ოსეშვილი იესე 118, 122, 129, 130.  
 ოქროშვილი ილია (სერგებრიაკოვი) 15, 53, 300.

პ

პეტრე დიდი 103.  
 პეტრიწი იოანე 184.  
 პიერსონი 293.  
 პლატონი 184.  
 პრუსი ბოლესლავ 288.  
 პუშკინი 238.

ჟ

ჟორდანიია თედო 160, 161, 311.

რ

რაზიკაშვილი თედო 50, 161.  
 რეინგესი 119, 127, 128, 130, 272.  
 როსტომაშვილი ივანე 308.  
 როტშილდი 13.  
 როშფორი ანრი 289.  
 რუსთაველი შოთა 11, 41, 81, 82, 83, 84, 91, 92, 97, 98, 114, 182, 217, 251, 292, 305.  
 რუსუდან მეფე 184, 280.  
 რჩეულიშვილი გიორგი 197.

ს

საგინაშვილი ელისაბედი 19, 53.  
 საიათნოვა 131, 138, 275.

სალტიკოვ-შჩედრინი 287, 288.  
სანდრო (ილიას მელორე) 31.  
სარაჯიშვილი ალექსანდრე 19, 301.  
სარაჯიშვილი დავით 16, 20, 25, 26, 41, 61, 77, 301, 302.  
სარაჯიშვილი ეკატერინე 25, 41.  
საფაროვა-აბაშიძისა შაკო 9, 77, 170, 292, 304.  
სახოკია თედო 161, 298.  
სებასტიანცი მხითარ 186, 305.  
სენკევიჩი ჰენრიკ 288, 294.  
სენ-მარტენი 310.  
სერვანტესი 268.  
სოლომონ მეფე 118, 125, \*127, 128, 133.  
სპასოვიჩი 288.  
სტაროსელსკი 31, 302.  
სუტნერი 239.

ტ

ტარნოვსკი სტანისლავ 287.  
ტორკვატო ტასო 217.  
ტოლსტოვი ივანე 109, 306.

უ

უმიკაშვილი პეტრე 11, 20, 29, 36, 50, 51, 57, 161, 301.

ფ

ფალიაშვილი ზაქარია 305.  
ფარნაოზ მეფე 177.  
ფირდოუსი 43, 44.  
ფიხტე 108.  
ფრედრო ალექსანდრე 146, 168, 310.  
ფრიდრიხ დიდი II 127.  
ფურცელაძე ანტონ 20, 23, 24, 29, 199, 295.

ქ

ქეთევან დედოფალი 96.  
ქიქოძე გერონტი 297.  
ქიქოძე ტიტე 297.  
ქუთათელაძე 161.

ღ

ღოღობერიძე ნიკო 20, 21, 22, 57, 69, 227.  
ღულაძე ანდრია 36, 303.

ყ

ყაზბეგი ალექსანდრე (მოჩხუბარიძე) 9, 71, 78, 155, 196, 197, 199, 233, 260.

ყაფიანი დიმიტრი 161, 177.  
ყაფიანი კოტე 9.  
ყაფიანი მიშა 301.  
ყაფშიძე გრიგოლ (გიგო) 17, 19, 28, 36, 56, 57, 300.  
ყაფშიძე ალექსანდრე 36.

## შ

შანშიაშვილი ალექსანდრე 232, 246.  
შარაძე მაქსიმე 19.  
შარდენი 104, 113, 252, 274, 306.  
შარვაშიძე 198.  
შახნავაზი 306.  
შაჰ-აბასი 96, 102, 114, 222, 306.  
შელი 238.  
შექსპირი უილიამ 9, 44, 52, 169.  
შილერი 43, 52, 169, 294.  
შოპენი 274, 275.  
შუბერტი 274, 275.  
შუსკი იოზეფ 287.  
შუმანი 274, 275.  
შუხარტი ჰუგო 161, 286, 303, 309.

## ჩ

ჩახრუხაძე 183.  
ჩერნიშევსკი 288.  
ჩინგის-ხანი 98.  
ჩუბინაშვილი დავით 161, 309, 311.  
ჩხეიძე სეხნია 100, 109, 271.

## ც

ცაგარელი აექსენტი 36, 169, 199.  
ცაგარელი ალექსანდრე 160, 151, 196, 311.  
ცეცხლაძე ვასილ 301.  
ციცერონი 32.  
ციციშვილი 140.  
ცხვედაძე ნიკო 6, 7, 20, 27, 28, 37, 57, 61, 153, 162, 295, 298, 312.

## ჭ

ჭერეთელი აკაკი 20, 21, 29, 36, 39, 63, 64, 65, 66, 67, 68, 69, 70, 73,  
141, 147, 148, 151, 153, 155, 190, 192, 195, 199, 226, 236, 238,  
248, 267, 276, 283, 284, 291, 292, 293.  
ჭერეთელი გიორგი 11, 12, 20, 22, 69, 149, 303.  
ჭერეთელი ელისაბედი 23.



წერეთელი სანდრო 23.

წილენელი იასე 305.

წინამძღვრიშვილი ილია 10, 36, 161, 299.

ბ

ბავქავაძე ალექსანდრე 142, 143, 144, 197, 225, 243, 245, 246, 283, 309.

ბავქავაძე გარსევან 245.

ბავქავაძე ილია 3, 4, 5, 6, 7, 8, 11, 12, 13, 14, 15, 16, 17, 18, 19, 20, 21, 22, 25, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 63, 64, 65, 69, 70, 76, 85, 119, 141, 142, 144, 146, 147, 148, 151, 153, 155, 157, 189, 190, 192, 193, 194, 195, 196, 224, 226, 232, 233, 245, 246, 247, 248, 260, 266, 268, 280, 281, 283, 286, 291, 292, 293, 294, 295, 296, 297, 298, 300, 301, 302, 303, 304, 309.

ბავქავაძე ოლა 6, 13, 22, 35, 55, 60, 295.

ბარბაი პეტრე 161, 309.

ბიჭინაძე ზაქარია 183.

ბრელაშვილი სტეფანე 20, 301, 304.

ბუონდიდელი ანტონი 132.

ხ

ხაიაში ომარ 92.

ხახანაშვილი ალექსანდრე 61, 160, 167, 311.

ხიზანიშვილი ნიკო (ურბნელი) 11, 12, 13, 17, 20, 24, 36, 50, 51, 159, 161, 266, 267, 299.

ხირსელი სტეფანე 305.

ხომლედი 296.

ხონელი მოსე 183.

ჯ

ჯაბადარი ალ. 301.

ჯალალედინი 222.

ჯანაშვილი მოსე 160, 171, 200, 311.

ჯანდიერი ლევან 20, 301.

ჯიქია ვ. 311.

კ

კაინე 209.

კოლდაკი 82, 305.

კომეროსი 302.

## ს ა რ ჩ ე ვ ი

### მოგონებები ილია ჭავჭავაძეზე

|   |    |
|---|----|
| პირველად ილიასთან . . . . .                                     | 3  |
| ილიას მახლობლები . . . . .                                      | 6  |
| ილია წინამძღვრიშვილი . . . . .                                  | 10 |
| პეტრე უმიკაშვილი, ნიკო ხიზანიშვილი და გიორგი წერეთელი . . . . . | 11 |
| გრიგოლ ვოლსკი . . . . .   | 13 |
| ერთი დღე სოფელში . . . . .                                      | 14 |
| „ივერიის“ რედაქციაში . . . . .                                  | 16 |
| კვლავ ერთი დღე სოფელში . . . . .                                | 26 |
| ილია და გლეხობა . . . . .                                       | 30 |
| ილია საგურამოში . . . . .                                       | 32 |
| ილიას პირადი ცხოვრება . . . . .                                 | 42 |
| ილიას გარეგნობა და ხასიათი . . . . .                            | 47 |
| ილიასთან საუბარი . . . . .                                      | 48 |
| „ივერიის“ გაზეთად გამოშვება . . . . .                           | 56 |
| „ოთარაანთ ქვრივი“ . . . . .                                     | 57 |
| უკანასკნელი დღეები ილია ჭავჭავაძისა . . . . .                   | 59 |
| ილიას დაბადების დღე უილიაოდ . . . . .                           | 61 |

### დიდი ქართველი პოეტები

|  |    |
|--|----|
| აკაკი წერეთელი . . . . .               | 63 |
| აკაკის სოფელი . . . . .                | 69 |
| ვაჟა-ფშაველა . . . . .                 | 70 |
| მთების პოეტი . . . . .                 | 75 |
| ჩემი მოგონებები საქართველოში . . . . . | 76 |

### ისტორიული და მხატვრული ნარკვევები

|   |     |
|---|-----|
| კულტურული მნიშვნელობა „ვეფხისტყაოსნისა“ . . . . . | 81  |
| მცხეთა . . . . .                                  | 85  |
| XVIII საუკუნის საქართველო . . . . .               | 91  |
| ქართველთა ცხოვრება XVII საუკუნეში . . . . .       | 94  |
| XIX საუკუნის ქართველები . . . . .                 | 141 |
| შეცნირებანი . . . . .                             | 157 |

|   |     |
|---|-----|
| საბავშვო ლიტერატურა . . . . .           | 162 |
| ქართული ჟურნალისტიკა . . . . .          | 162 |
| არქიტექტურა, თეატრი და მუსიკა . . . . . | 163 |
| დრამატურგია . . . . .                   | 166 |
| ხალხური პოეზია . . . . .                | 172 |
| ქართული ლიტერატურა . . . . .            | 176 |

**საქართველოში**

|   |     |
|---|-----|
| კოლხიდაში . . . . .                                     | 201 |
| საქართველოს ქება . . . . .                              | 224 |
| ქართლი . . . . .  | 224 |
| კახეთი . . . . .  | 225 |
| იმერეთი . . . . .                                       | 226 |
| ქუთაისი . . . . .                                       | 227 |
| საქართველოს სილამაზე . . . . .                          | 229 |
| ალაზნის ველი . . . . .                                  | 241 |
| კახეთი . . . . .  | 243 |
| საქართველოს ბუნება . . . . .                            | 246 |
| ზღვის სიმღერა . . . . .                                 | 249 |
| ქართული ბაღი . . . . .                                  | 250 |
| ქართული სახლი . . . . .                                 | 253 |
| ქართული სოფელი . . . . .                                | 257 |
| ქართული იუმორი . . . . .                                | 264 |
| ბურადობა . . . . .                                      | 268 |
| ქართული მუსიკა . . . . .                                | 272 |
| ჩონგური . . . . .                                       | 276 |
| წყარო . . . . .   | 277 |
| ურემი . . . . .   | 280 |
| მთაწმინდა . . . . .                                     | 282 |
| არტურ ლაისტი—(ბოლოსიტყვაობა თ. ფირალიშვილისა) . . . . . | 286 |
| შენიშვნები (თ. ფირალიშვილისა) . . . . .                 | 298 |
| ბაკუთარ სახელთა საძიებელი . . . . .                     | 313 |

Артур Лейст  
Сердце Грузии

(На грузинском языке)  
Издательство „Литература და Хელოვნება“  
Плехановский, 181  
19 Тбилиси 63

\* \*

რედაქტორი თ. კობლატაძე  
მხატვარი ირ. ჯანაშვილი  
ტექნიკური რ. იმნაიშვილი  
კორექტორი გ. თათიშვილი

\*

ხელმოწერილია დასაბეჭდად 21/IX-1963 წ.  
ანაწყოების ზომა 5,5X9  
ქაღალდის ზომა 84X108  
სააღ. საგამომც. თაბახი 14,72  
სასტამბო თაბახი 20,25  
ტირაჟი 30.000  
შეკვ. № 158

ფასი 1 მან. 3 კაპ.

\*

გამომცემლობა „ლიტერატურა და ხელოვნების“ სტაბ.  
თბილისი, პლენანოვის, 181

Типография издательства „Литература და Хელოვნება“  
Тбилиси, Плехановский, 181